



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Over dit boek

Dit is een digitale kopie van een boek dat al generaties lang op bibliotheekplanken heeft gestaan, maar nu zorgvuldig is gescand door Google. Dat doen we omdat we alle boeken ter wereld online beschikbaar willen maken.

Dit boek is zo oud dat het auteursrecht erop is verlopen, zodat het boek nu deel uitmaakt van het publieke domein. Een boek dat tot het publieke domein behoort, is een boek dat nooit onder het auteursrecht is gevallen, of waarvan de wettelijke auteursrechttermijn is verlopen. Het kan per land verschillen of een boek tot het publieke domein behoort. Boeken in het publieke domein zijn een stem uit het verleden. Ze vormen een bron van geschiedenis, cultuur en kennis die anders moeilijk te verkrijgen zou zijn.

Aantekeningen, opmerkingen en andere kanttekeningen die in het origineel stonden, worden weergegeven in dit bestand, als herinnering aan de lange reis die het boek heeft gemaakt van uitgever naar bibliotheek, en uiteindelijk naar u.

Richtlijnen voor gebruik

Google werkt samen met bibliotheken om materiaal uit het publieke domein te digitaliseren, zodat het voor iedereen beschikbaar wordt. Boeken uit het publieke domein behoren toe aan het publiek; wij bewaren ze alleen. Dit is echter een kostbaar proces. Om deze dienst te kunnen blijven leveren, hebben we maatregelen genomen om misbruik door commerciële partijen te voorkomen, zoals het plaatsen van technische beperkingen op automatisch zoeken.

Verder vragen we u het volgende:

- + *Gebruik de bestanden alleen voor niet-commerciële doeleinden* We hebben Zoeken naar boeken met Google ontworpen voor gebruik door individuen. We vragen u deze bestanden alleen te gebruiken voor persoonlijke en niet-commerciële doeleinden.
- + *Voer geen geautomatiseerde zoekopdrachten uit* Stuur geen geautomatiseerde zoekopdrachten naar het systeem van Google. Als u onderzoek doet naar computervertalingen, optische tekenherkenning of andere wetenschapsgebieden waarbij u toegang nodig heeft tot grote hoeveelheden tekst, kunt u contact met ons opnemen. We raden u aan hiervoor materiaal uit het publieke domein te gebruiken, en kunnen u misschien hiermee van dienst zijn.
- + *Laat de eigendomsverklaring staan* Het “watermerk” van Google dat u onder aan elk bestand ziet, dient om mensen informatie over het project te geven, en ze te helpen extra materiaal te vinden met Zoeken naar boeken met Google. Verwijder dit watermerk niet.
- + *Houd u aan de wet* Wat u ook doet, houd er rekening mee dat u er zelf verantwoordelijk voor bent dat alles wat u doet legaal is. U kunt er niet van uitgaan dat wanneer een werk beschikbaar lijkt te zijn voor het publieke domein in de Verenigde Staten, het ook publiek domein is voor gebruikers in andere landen. Of er nog auteursrecht op een boek rust, verschilt per land. We kunnen u niet vertellen wat u in uw geval met een bepaald boek mag doen. Neem niet zomaar aan dat u een boek overal ter wereld op allerlei manieren kunt gebruiken, wanneer het eenmaal in Zoeken naar boeken met Google staat. De wettelijke aansprakelijkheid voor auteursrechten is behoorlijk streng.

Informatie over Zoeken naar boeken met Google

Het doel van Google is om alle informatie wereldwijd toegankelijk en bruikbaar te maken. Zoeken naar boeken met Google helpt lezers boeken uit allerlei landen te ontdekken, en helpt auteurs en uitgevers om een nieuw leespubliek te bereiken. U kunt de volledige tekst van dit boek doorzoeken op het web via <http://books.google.com>




L Soc 3071.7



Amel

A N N A L E S
ACADEMIAE GRONINGANAE.



A N N A L E S
ACADEMIAE GRONINGANAE

CICIDCCCXVII—CICIDCCCXVIII.

P E T R O D R I E S S E N

RECTORE MAGNIFICO,

THEOD. VAN SWINDEREN

A C T U A R I O.



GRONINGAE, APUD
I. O O M K E N S,
Academiae Typographum

1819.



L Soc 3071.7

✓

HARVARD COLLEGE LIBRARY
FROM THE
CHARLES WILLIAM ELIOT
FUND
Dec 19, 1930

I N D E X

EORUM, QUAE HOC ANNALIUM VOLUMINE
CONTINENTUR.



Series Lectionum in Academia Groningana habitarum:

_____ Athenaeo Friſiaco.

_____ Daventrienſi.

Iudicia Ordinum Univerſitatis Groninganae de commentationibus ad quaes-
tiones Anno c1910cccxvii propoſitas et Programma novi certaminis literarii
a Rectore et Senatu eiusem Univerſitatis indicti d. viii Octobris
c1910cccxviii.

Series Diſertationum inauguralium:

P. DRIESSEN, Rect. Magnif. Gron. Oratio.

Commentatio D. A. DE GROOT, S. S. Theol. Stud. Gron.

_____ L. G. PAREAU, Lit. Cand. Ult.


_____ I. MUNTENDAM, S. S. Theol. Stud. Gron.

_____ H. COCK, Iuris Cand. Ult.

G. DE WAL, Rect. Magnif. Franeq. Oratio.

I. AMERSFOORT, Prof. Franeq. Oratio inauguralis.





S E R I E S L E C T I O N U M
I N A N N U M D U C E N T E S I M U M Q U A R T U M

1817—1818.

I N I L L U S T R I A C A D E M I A , Q U A E G R O N I N G A E
E S T , P R O P O S I T A .

I N F A C U L T A T E I U R I D I C A .

SEERPIUS GRATAMA, ter in hebdomade, die Lunae hora IX, die Martis hora X et die Mercurii hora XI, *historiam iuris* tradet. — Quater in hebdomade, diebus Martis, Mercurii, Iovis et Veneris hora IX, *Pandectas* exponet. — Quater in hebdomade, diebus Lunae, Mercurii, Iovis et Veneris hora X, *Institutiones Iustineanas* explicabit. — Quater in hebdomade, diebus Lunae, Martis, Iovis et Veneris, hora XI, *ius naturae* docebit. Disputationum exercitiis examinibusque scriptionum a discipulis ad aliquam legem alium-ve de iure locum compositarum horis deinde indicandis vacabit.

ALBERTUS IACOBUS DUUMAER VAN TWIST, diebus Lunae, Martis, Iovis et Veneris, hora XII, *Codicem civilem* interpretabitur. Die Mercurii, hora XII ea tradet, quae *codicis*, de *ratione procedendi in causis civilibus*, intellectum iuvant. *Leges*, ad *mercaturam pertinentes*, horis commodis libens exponet. Disputationibus publicis de *iure hodierno* vacabit die Mercurii hora post meridiem II.

CORNELIUS ADRIANUS VAN ENSCHUT, diebus Martis, Mercurii et Iovis, hora VIII, *encyclopaediam iuris* tradet; eadem hora, diebus Veneris et Saturni, *ius gentium*, imprimis *practicum Europaeum*, expositurus. Diebus Martis, Mercurii, Iovis et Veneris, hora X, *ius criminale cum*

universum, tam Belgicum; tractabit. Diebus denique Martis, Mercurii et Iovis, hora XII, *iuris publici* lectionibus vacabit. Si qui praeterea de gravissimis iuris quaestionibus disputando exercitium cupiant instituere, illis operam suam pollicetur; reliquis commilitonum desideriis non defuturus.

IN FACULTATE MEDICA:

PETRUS DRIESSEN, diebus Mercurii, hora III, Iovis et Veneris, hora II, *Pharmaciam* tradet secundum *Pharmacopoeam Batavam*. Diebus Lunae et Martis, hora XI, *Historiam remediorum simplicium* ex eodem Codice explicabit. Diebus Iovis et Veneris, hora IX, *de viribus remediorum, et formulas concinnandi* methodo aget.

EVERARDUS IOANNES THOMASSEN & THUESSINK, diebus Lunae, Martis, Iovis et Veneris, hora XI, *Medicinam Practicam* proprio sibi ordine explicabit. Diebus Martis et Iovis, hora X, *diasteticam* tradet. Diebus Mercurii et Saturni, hora XII, de *Medicina Forensi et Politica* aget. Denique in Nosocomio Academico, hora XII, singulis diebus ad aegrotantium lectulos ad ipsam *praxin clinicam* exercendam aptos reddere tirores medicos conabitur.

GERBRANDUS BAKKER, diebus Lunae hora VIII et IX, Martis et Mercurii hora VIII, *Physiologiam* docebit; *Artem vero obstetriciam* diebus Iovis et Veneris hora VIII, Saturni, hora VIII et IX; iisque, qui hunc cursum sequuntur, ad eiusdem artis *Praxin* in Nosocomio Academico exercendam aditum aperiet; *Sceleti* praeterea et *ossium structura* explicabitur die Mercurii hora IX, et Saturni hora X, hasque lectiones tempore hierno excipiet *Demonstratio anatomica Corporis humani universi* sexies hebdomade, hora post meridiem V.

SIBRANDUS ELZO STRATINGH, diebus Lunae et Veneris hora X, *Pathologiam*, et diebus Mercurii et Saturni hora X, *Therapiam generalem* tradere constituit. Singulis etiam diebus in Nosocomio Academico aegrotis curandis vacabit, morbosque tractatos Medicinae studiose subinde de industria paulo uberius exponet. Qui disputando vires suas periclitari velint, illorum desideriis libens obtemperabit.

IN FACULTATE DISCIPLINARUM MATHEMATICARUM ET PHYSICARUM.

IACOBUS BAART DE LA FAILLE, die *Lunae* ab hora XII ad I, singulisque diebus *Iovis*, *Veneris* et *Saturni* ab hora XI ad XII, *Mathematicum* lectionibus tradendis vacabit. Praeterea, diebus *Lunae*, *Martis* et *Mercurii*, ab hora X ad XI, ad calamum, iis, qui velint, *Physicam* est explicaturus, *Hydraulicis Hydrostaticisque* legibus demonstratam. Diebus *Martis* et *Mercurii* ab hora XII ad I, *Astronomiam*, non tantum *Mathematicam*, sed etiam *Physicam* et *Practicam* demonstrabit. Praeterea *artem Nauticam* est docturus. Denique diebus *Iovis*, *Veneris* et *Saturni*, exponet *Physicam*, *experimentis corroboratam*, ab hora XII ad I. Iuvenes horis commodis docebit *Mathesin Sublimiorem*.

PETRUS DRIESSEN, diebus *Lunae* et *Martis*, hora II, *Chemiam generalem et applicatam* tradet; diebus *Mercurii* et *Saturni*, hora II, *Botanicam*, a mense *Aprili* ad *Novembrem*, exponet.

THEODORUS VAN SWINDEREN, diebus *Lunae* et *Martis*, hora VIII, *Histeriam Naturalem animalium et fossilium*, et, quoad animalia, cum *Anatome comparata* coniunctam docebit; iisdem diebus hora III, *Historiam Naturalem Avium* fusius exponet; hiberno tempore die *Saturni*, hora V, *Philosophiae naturae* partem alteram explicabit; die *Mercurii*, hora III, *Encyclopaediam Philosophiae naturalis* tradet, cui praemittet praecepta de huius studii ratione recte instituenda, denique altera quavis hebdomade die *Mercurii*, hora VIII, *disputationum exercitiis* vacare perget.

IACOBUS ALBERTUS UILKENS, die *Veneris*, hora X et III, et die *Saturni*, hora IX, *Oeconomiam Ruralem*, diebus *Mercurii* et *Saturni*, hora II, a mense *Novembri* ad *Aprilem*, *Physiologiam plantarum* exponet; ac bis quavis hebdomade hora Auditoribus commoda *Technologiam* docebit.

IN FACULTATE PHILOSOPHIAE THEORETICAE ET LITERARUM HUMANIORUM.

CORNELIUS DE WAAL, diebus *Lunae*, *Martis* et *Mercurii*, hora sive IX;

sive XII, *Metaphysicam* tradet, hora X, *Philosophiae moralis partem alteram*, id est, *Ethicam*, hora XI, *Logicam* exponet. Caeterum, si sint, qui *Historiam Philosophiae*, vel *Theologiam naturalem* tradi sibi cupiant, de his cum discipulis consilium inibit.

IOANNES RUDOLPHUS VAN EERDE, diebus Lunae, Martis et Mercurii, hora ante meridiem IX, et die Lunae, post meridiem, hora II, *Historiam Universalem*; iisdem diebus, hora ante meridiem X, *Antiquitates Romanas*, et hora XI, *Historiam Belgii Foederati* exponet. Disputationum etiam exercitiis lubens vacabit.

GERARDUS WOLTERS, diebus Iovis, Veneris et Saturni, hora matutina VIII, *Antiquitates Hebraeas* exponet; hora ante meridiem IX, *librum Genesios* et *Exodi* analytice explicabit; hora X, *Litteraturam Orientalem* tradet; hora XII, *Grammaticam Hebraeam* interpretabitur.

IANUS TEN BRINK, diebus Iovis, Veneris et Saturni lectiones suas habebit; nempe *Graecas*, hora VII matutina (praeter menses Novembrem, Decembrem, Ianuarium et Februarium, per quos hora III. pomeridiana his lectionibus dabitur); *Latinas* hora X. *Antiquitates* vero *Graecas* ducē CL. BOSIO, exponet eorundem dierum hora XII. Horis denique postea indicandis, bis per hebdomadem, cum peritioribus Graecum scriptorem tractabit. Nec reliquis studioforum desideriis deërit.

BARTHOLDUS HENRICUS LULOFS, diebus Lunae, Martis et Mercurii, hora XII, lectiones suas, *ad Litteraturam et Eloquentiam Belgicam* facientes, habebit. — Exercitiis, quae actioni, sive vocis et gestuum, in pronuntiandis Belgicis, moderationi (*Oratorium* hic vulgo dicitur) inserviant, die Saturni, hora XII, vacabit. Reliquis Studioforum desideriis lubens optemperabit.

IN FACULTATE THEOLOGICA.

HERMANNUS MUNTINGHE, die Lunae, Martis et Iovis, hora XI, die autem Veneris hora XII, *Theologiam Christianam* tradet, porro die Martis hora II, diebus vero Mercurii et Veneris hora XI, lectione et interpretatione pericoparum selectarum iuvenes, Theologiae operam navantes, in *exegeſi* et *crisi librorum Veteris Foederis* exercere conabitur; diebus

tandem Lunae, Martis, Mercurii et Iovis hora XII, *Religionis et Ecclesiae Christianae Historiam* enarrabit. Si qui praeterea sint, qui disputando vires suas exercere cupiant, iis officium suum non defuturum pollicetur.

EELCO TINGA, diebus Lunae, Martis et Mercurii, hora IX, *Doctrinam Christianam Moralem*; diebus Lunae et Mercurii, hora X, *Sacrorum curandarum*; Martis autem et Iovis eadem hora *Orationum sacrarum componendarum et pronunciandarum rationem* tradet; denique die Iovis hora IX *repetitorium dogmaticum* instituet. De ceteris cum Commilitonibus consilium inibit. — Si qui praeterea in *Disputationibus* habendis eius uti velint opera, illorum desideriis non deërit.

ANNAEUS YPEIJ, diebus Martis, Mercurii, Iovis et Veneris, hora VIII, *Theologiam Naturalem* tradet; die Lunae, hora VIII et Veneris, hora IX, *Loca Clasica*, e Novi Testamenti libris deprompta, interpretabitur; die vero Veneris, hora X, et Saturni, hora VIII, *Historiam dogmatum* enarrabit. Ceterum commilitonum in sanctiori disciplina provectionum commodis adiuvandis faciet satis die horaque posthac significanda.

* * * *

PETRUS HENDRIKSZ, Med. Doctor, Chirurgiae et Artis Obstetriciae Lector, hoc-ae anno academico Chirurgiam generalem tractabit die Lunae hora X, Martis IX, diebus Mercurii et Saturni hora XI, singulisque diebus hora XII, in Nosocomio Chirurgico Praxin Chirurgicam ad lectos aegrotantium docebit.

— * —

Disputationes publicae per omnes Facultates instituentur, diebus Mercurii et Saturni, ab hora matutina undecima ad primam, aut a secunda ad quartam.

Bibliotheca Academiae, diebus Lunae, Mercurii et Saturni, ab hora II ad IV, studiosis aliisque literarum amantibus patebit, iis legibus, quae in aditu ipsius Bibliothecae publice affixae sunt.

VI

Peregrinarum linguarum, nominatim Italas; Anglicas; Germanicas et Gallicas, cupidi suos hic reperient Praeceptores, publica auctoritate ad id constitutos, ut civibus nostris inserviant; quemadmodum et ii, qui artibus gymnasticis cuiuscunque generis corpora sua formare ac se erudire gestiunt, et qui Equitandi, Pingendi ac Musices arte instrui desiderant, suis non destituuntur Magistris.

L E C T I O N E S

HABITAE

IN

A T H E N A E O F R I S I A O O;

(ANNO 1817—1818)

R E C T O R E M A G N I F I C O

G A B I N O D E W A L.

EVERWINUS WASSENBERGH, in academia quondam Frisiosa, Haguae graecae, antiquitatum graecarum linguaeque belgicae profesor ordinarius, nunc emeritus, utramque PAULLI *ad Thesalonicenses* auditoribus exposuit *epistolam*; examinibus inserviente *epistola ad Colossenses*. E graecis antiquis *Bucolicorum carmina* tractavit *selecta*. *Antiquitates* etiam *Graecas* quater per hebdomadem enarravit. Denique *Grammaticas Linguas Belgicas* persequutus est *praecepta*, duce BOLHUSIO.

GABINUS DE WAL, iuris profesor, *Institutiones* et *Pandectas* exposuit; Disputationibus de iure Naturali et Romano praefuit.

SICCO ENS, anatom. et physiol. profesor, bis per hebdomadem *sceleti humani et ossium structuram* explicavit. Quinquies C. H. *physiologiam* exposuit. Quotidie *Chirurgiam universalem* docuit. Cadaverum sectionibus demonstrationibusque anatomicis quotidianis, tempore hiberno *corporis humani fabricam* enucleavit.

IACOBUS GYSBERTUS SAMUEL VAN BREDA, medecinae profesor, diebus Mercurii, Iovis, Veneris et Saturni hora undecima *Chemiā* et *Pharmaciam* docuit, eisdem diebus hora duodecima *Botanices fundamenta* tradidit et verne tempore *Plantarum historiam* exposuit.

VIII

IOANNES GUILIELMUS DE CRANE, I. U. D. Litt. prof. ord. diebus Lunae, Martis, Mercurii et Iovis *Historiam populorum regnorumque veteris et medii aevi*; diebus itidem Lunae, Martis et Iovis *Antiquitatis Romanae* disciplinam explicuit. Diebus autem Mercurii HORATII FLACCI odas aliquot interpretatus est.

IACOBUS PIERSON THOLEN, Phil. et Math. profesor, quater per septimanam *elementa Geometriae* docuit et quater *Physicam generalem* exposuit.

IACOBUS CORNELIUS SWYGHUISEN GROENEWOUD, Litt. Orient. profesor, *Grammaticam linguae Hebraeae*, secundum SCHROEDERI *Institutiones* diebus Mercurii et Saturni hora IX exposuit. Diebus Martis et Veneris hora X quaedam V. T. capita historica, cursoria lectione, tractavit. *Literas Chaldaicas et Syriacas* diebus Lunae et Veneris hora XI docuit.

WESSELIUS ALBERTUS VAN HENGEL, Theol. prof. *Ifagogen* exposuit *ad studium elementorum disciplinae Theologicae*. *Exegeses* etiam *praecepta* tradidit. Denique *disciplinam Logicam* cum auditoribus tractavit.

ORDOLECTIONUM,
ALIARUMQUE EXERCITATIONUM ACADEMICARUM

QUAS IN ILLUSTRIS

DAVENTRIAE

ATHENAEIS,

A. D. XVI SEPTEMBRIS; A. MDCCCXVII. USQUE AD FERIAS
AESTIVAS, A. MDCCCXVIII.

FAVENTE SUMMO NUMINE, HABEBUNT

CLARISSIMI PROFESSORES.



IACOBUS VERBURG, Theol. Doctor, Literaturae Orientalis Professor h. t.
Rector Magnificus, si qui sint auditores, qui initia linguae Arabicae et
Hebraeae vel alterutrius sibi tradi cupiant, horum desiderio satisfaciet,
diebus horisque commodis. Provectoribus autem discipulis, ad penitio-
rem Hebraeorum monumentorum cognitionem, ex variis auctoribus de-
sumendo specimina quaedam critice et hermeneutice illustranda, viam
aperibit, diebus Mercurii Iovis et Veneris, horâ XI. Iisdem diebus, ho-
râ X, Antiquitates Hebraeas exponet. Praeterea lubenter quoque dux
erit iis, qui Arameam dialectum vel alia ad literaturam Orientalem perti-
nentia addiscere velint.

CORNELIUS FRANSEN VAN ECK, Theol. Doctor, eiusdemque et literarum
Belgicarum Professor, diebus Lunae et Martis, horâ post meridiem ter-
tiâ, *Historiam Religionis et Ecclesiae Christianae*, duce I. M. SCHROE-
CKHIO, enarrabit. Eâdem horâ, diebus Iovis et Veneris, postremam Eu-

angelii Ioannis partem; inde a capite decimo tertio usque ad finem interpretabitur. Diebus Lunae, Martis et Iovis, horâ meridianâ, illustrabit specimina eloquentiae et poëseos Belgicae, ex optimis scriptoribus defumta.

PETRUS BOSSCHA, Philos. Theor. Mag. Liter. Hum. et Iur. Doct. Hist. Antiq. Eloq. et Ling. Graec. Profesor. Diebus Lunae, Martis et Iovis hora XI. Antiquitates Romanas explicabit. Diebus Lunae et Iovis hora IX. Veneris hora meridiana Homericae Iliados libros tertium et quartum interpretabitur. Diebus Lunae et Martis hora X. Ciceronis de Officiis librum primum, diebus vero Iovis et Veneris item hora X aliquot Ovidianae Heroidum Epistolas exponet. De Historiae literariae elementis tradendis cum auditoribus consilium inibit.

IACOBUS NIEUWENHUIS, A. L. M. Philos. Doctor, Philosophiae et Mathematicae Profesor, Diebus Martis et Mercurii horâ VIII tradet *praecepta Logices*; diebus Mercurii et Veneris horâ IX. *Stereometriam* et *Trigonometriam*; die Martis horâ IX et die Mercurii horâ X. *Matheseos sublimioris partes*. Diebus autem Iovis et Veneris horâ VIII et die Mercurii horâ meridiana *disciplinas physicae* initia exponet eiusdemque locos praecipuos experimentis confirmabit.

ADRIANUS CATHARINUS HOLTIUS, D. I. et Profesor, ius naturae tradet diebus Mercurii et Veneris hora XI, item Mercurii hora meridiana. Institutiones Iustiniani secundum *Elementa BÖCKELMANNI* huius anni curriculo bis enarrabit, ita ut totum opus ante ferias vernas conficiatur, tum vero idem denno iteretur: diebus Lunae, Martis, Iovis, et Veneris hora pomeridiana III, item die Iovis hora matutina IX de iure Pandectarum praelectiones, si auditores sint iusto numero, horis commodis habendas pollicetur.

I. ANRAAD, Lector Anatom. Chirurg. et Art. Obst. Lectiones suas Obstetricit. habebit die Lunae et Veneris post Meridiem ab horâ II ad III.



I U D I C I A
ORDINUM UNIVERSITATIS GRONINGANAE
DE COMMENTATIONIBUS AD QUAESTIONES

ANNO MDCCCXVII PROPOSITAS

ET

P R O G R A M M A
NOVI CERTAMINIS LITERARII
A RECTORE ET SENATU EIUDEM UNIVERSITATIS

INDICTI

D. VIII OCTOBRI

MDCCCXVIII.

IUDICIUM FACULTATIS MEDICAE.

Ad quaestionem, a Facultate Medica ad certamen literarium, hoc anno Academico, propositam: *quae sunt praecipua momenta a Medico, imprimis iuniori, observanda, in praescribendis remediorum formulis, pro varia aegri conditione?* una Facultati oblata est commentatio, hoc lemmate inscripta:

Est quodam prodire tenus, si non datur ultra. Horatius.

Quam tamen, unanimi consensu, illis dotibus carere iudicavit Facultas, quae omnino in commentatione quadam requirantur, ut huic splendidum hoc honoris praemium tribuatur. Multa quippe ab auctore, fuse satis, pertractantur, quae neutiquam aliquid ad genuinam quaestionis propositae sententiam enucleandam faciunt, dum pauca, magis caeteroquin apposita, festinanter nimis sunt conscripta.

GRONINGAE die XXIV
Septembris 1818.

Facultatis Medicae nomine
S. E. STRATINGH,
Facult. Med. ab Actis.

IODICIUM FACULTATIS DISCIPLINARUM MATHEMATI-
CARUM ET PHYSICARUM, HOC EST:

Ut; accepta responsione ad utramque quaestionem propositam, ipsi sit visum;
neque unam, cuius symbolum est *ardua, quae pulcra*;
neque alteram, versiculo indicatam:

At mihi iam puero, coelestia fata placebant;

Inque suum furtim Musa trahebat opus.

quamvis auctorum studia laudet, praemio posse decorari; et quidem has ob rationes. Ut enim in priori disertatione magis inveniebatur quaestionis extensio, quam in variis partibus solutio, in posteriori commentatione priores paragraphi non ad rem astronomicam, minus adhuc ad quaestionem propositam pertinebant, sed ad physicam generalem, et quidem sic dictam metaphysicam. Porro id in se non continebat ista commentatio, quod facultas indicatum voluit, cum magis contemplatio dici posset physica planetarum systematis, quam explicatio, omisiss caloulis matheseos sublimioris, motus, orbitaliumque.

I. A. U I L K E N S,

Fac. Disc. Math. et Phys. ab Actis.

Ad quaestionem, a FACULTATE PHILOSOPHIAE THEORETICAE
ET LITERARUM HUMANIORUM PROPOSITAM,

qua quaerebatur: *Historia migrationum Hebraeorum extra patriam usque ad tempora, deleta a Romanis Hierosolyma proxime antecedentia, et expositio causarum, quae eas effecerunt, addita recensione regionum et locorum, in quae migraverunt Hebraei*, duae perlatae sunt ad Facultatem Commentationes, altera inscripta:

„*Dispergimini per omnes totius terrarum orbis Nationes.*”

M O S E S,

altera:

„*Iehova Hebraeos disperget per gentes diversas.*”

DEUT. IV: VS. 27.

utraq; suis dotibus insignis.

Uti vero Scriptores harum commentationum plura habent communia, multa tamen etiam utrique commentationi insunt propria et laudanda. Argumenti vero amplitudinem complexus Auctor prioris, historiam harum migrationum maiori cura et copia pertractasse visus est, quamobrem, si quidem legis praescripto in reliquis satisfacisset, praemio regio dignus est iudicatus.

Apertis autem literis, huic commentationi adiunctis, Scriptor apparuit

DIDERICUS ALBERTUS DE GROOT, *Omlandus, in Academia*

Groninganae Theologiae studiosus.

Qui, cum coram Facultate omne suum scribendi consilium accurate exposuisset et declarasset, atque argumenta, ipsi obiecta, satis bene refellisset, uno et pari omnium consensu verus scriptionis auctor est habitus et victor renunciatus est.

Posterior autem commentatio adeo non displicuit Facultati, ut etiam hanc, si licuisset, praemio aliquo dignam indicasset. — Concinna enim et apta eius dispositio, coniuncta cum argumenti tractatione, pro iuvenili aetate satis eleganti, merito ipsi laudanda visa est.

Fecit igitur Facultas quod potuit, dignamque censuit commentationem, quae loco proximo in Annalibus Academicis typis exprimeretur, si quidem eius auctor et nomen suum prodi voluerit, et legis praescripto satisfecerit.

Quam in rem Facultas, simulatque veniam huius commentationis publicis sumptibus edendae impetraverit, scriptorem eius Decreti per Ephemerides publicas certiore faciet, ut nomen suum prodi permittat et coram Facultate Auctorem suae se scriptionis ostendat.

*Facultatis Philosophiae theoreticae et Literarum
humaniorum nomine,*

B. H. L U L O F S,

(ab actis.)

IUDICIUM FACULTATIS THEOLOGICAE.

Ab Ordine Theologico, interpretationem desiderante sermonis, quem cum Iudaeorum proceribus habuit optimus humani generis Servator, optimusque

ipſius alumnus Iohannes memoriae prodidit in Euangelio ſuo C. V: 17 ad finem, quinque acceptae ſunt diſertationes, ita inſcriptae:

1. Ταῦτα γράπεται, ἵνα πιστεύητε, ὅτι ὁ Ἰησοῦς ἐστὶν ὁ Χριστὸς ὁ υἱὸς τοῦ Θεοῦ, καὶ ἵνα πιστεύοντες ζωὴν ἔχητε ἐν τῷ ὀνόματι αὐτοῦ. Ioh. 20: 31.
2. Simplex veri ſigillum.
3. Ἡ ἐμὴ διδαχὴ ἅτε ἐστὶν ἐμὴ, ἀλλὰ τῷ πέμψαντός με. *Ieſus Chriſtus*. Ioh. 7: 16.
4. Sic placuit ſuperis, plura quaerere nefas.
5. Quid deſit operi ſupplet aetas, quae dicta iuveniliter exſtant pro indole accipiuntur. *Quintil.*

Singulae teſtantur ſcriptorum induſtriam ac diligentiam laudabilem. Ex iis autem denuo digna eſt indicata praemia *tertia*, quae lemmate hoc eſt inſignita: Ἡ ἐμὴ διδαχὴ etc. Aperta ſchedula, auctor apparuit IOHANNES MUNTEN-
DAM Academiae Groninganae civis, qui, interpretatione ſua contra obiectiones deſenſa, certaminis victor eſt renunciatus. — Inter reliquas vero ita praecelle-
re viſa eſt *prima*, inſcripta: Ταῦτα γράπεται etc., ut diu dubius haererit Or-
do Theologicus, cui attribuenda eſſet victoria. Haecce enim diſſertatio tot ha-
bet diligentiae non tantum, ſed et eruditionis documenta, ut, ſi alterum prae-
mium offerri potuiſſet, huius auctor alter victor fuiſſet renunciatus. — Neque
ſua laude fraudandus eſt auctor diſſertationis *quintae*, inſcriptae: *Quid deſit
operi* etc. — Quare Ordo Theologicus duos hos egregios Iuvenes dignos cen-
ſuit honorifico ac publico laudis teſtimonio, neque conceſſit facultatem, ſi ve-
lint, nomina ſua palam profitendi, quae in *Annalibus Academicis* huic noſ-
tro iudicio in margine adſcribantur. (*)

E. T I N G A,
Facult. Theol. ab actis.

(*) Auctor diſſertationis primae apparuit ABRAHAM DES AMORIE VANDER HOEVEN, Theol.
Stud. in Seminario Remonſtrantium Amſtelodami; quintae autem IOHANNES GEORGIUS SLUY-
TER, Theol. Stud. in hac noſtra Academia.

FACULTATIS IURIDICAE GRONINGANAE IUDICIUM DE COMMEN-
TATIONE, ipsi oblata, ad quaestionem, *quis sit finis, poenis propositus,*
cum ex rei veritate, tum ex doctrina Iurisconsultorum Romanorum.

Una modo Commentatio ad quaestionem Ordini iuridico fuit oblata, hoc in-
scripto lemmate. „Quidquid praeter spem eveniat, omne id deputabo esse in
„lucro.”

Quamvis itaque plures commentationes inter se conferri non potuerint, mi-
nime tamen dubitavit Ordo, praemium assignare oblatae commentationis aucto-
ri, quippe qui ad quaestionem adeo quidem egregie respondisse ordini visus
est, ut, cum et a stilo bene latino et ab argumentorum perspicua expositione
se commendaret disertatio, non comparate modo sed simpliciter et absolute
praemio dignus una omnium voce et consensu iudicaretur.

Neque dubitat ordo, 'quin hac disertatione omnibus, quibus literae pla-
cent, se iterum cum ab ingenio tum vero etiam ab eruditione commendaverit
auctor, cui iam superiori anno ab Ordine iuridico in Academia, quae est ve-
teri. Traiecti ad Rhenum, palma fuit assignata. Aperta enim schedula auc-
toris nomen exiit *HEINRICUS COCK*, Iuris Candidatus Rheno-traiectinus, qui
instituto cum ipso examine talem se ordini probavit ut dubium huic videretur,
utrum auctori maior a disertatione egregie conscripta, an vero ab examine
laus esset tribuenda,

GRONINGAE die 1 Mens.
Octobris a. 1818.

Facult. Iurid. nomine
C. A. VAN ENSCHUT,
Ord. Iurid. h. t. Dec.

Ex decreto Regis Augustissimi, Academiarum civibus atque Athenaeorum
alumnis in nostra patria a singulis Ordinibus Academicis quaestiones propo-
nuntur sequentes:

**AB ORDINE DISCIPLINARUM MATHEMATICARUM
ET PHYSICARUM.**

1.

*Quaeritur identidem accedere (approximationem dicunt) ad radicem aequa-
tionis quotquot dimensionum.*

2.

*Cum arborum trunci et rami e cortice, libro, alburno, ligno et medulla
constent, quaeritur harum partium structura, earum relatio reciproca,
quod ad vitam et vitae functiones, et succi motus in una alterave attinet,
describenda, ita ut phaenomena vegetationis, accretionis, fructus ferendi,
et subsidia nobilitandi per insertionem, copulationem et emplastrationem
seu oculationem et vero etiam aceto amputationis et ex Buffonii experimen-
to corticis incisionis ad fructus ferendos, et quae plura in pomicultura se
offerunt, ex iis explicentur*

AB ORDINE PHILOSOPHIAE THEORETICAE ET
LITERARUM HUMANIORUM.

Quaenam fuit Senatus Areopagitici auctoritas variis Reipublicae Atticae temporibus?

AB ORDINE THEOLOGICO.

Quaeritur: Num notio pietatis salutaris, quae a primis ecclesiae seculo XVI emendatae Doctoribus, iisque, qui eos sequuntur, fuit recepta, conveniat cum mente et effatis IESU et Apostolorum?

AB ORDINE IURIDICO.

Explicata certitudinis moralis indole, indagetur, utrum naturae Iure valeat simplex et absoluta praesumptio, qua quid omnino habetur pro vero — an vero conditionalis sit praesumptio, qua quid habetur pro vero donec probetur contrarium; atque inde doceatur, utrum usucapio et praescriptio a Iure naturae, an vero a legibus Civilibus totae profisciscantur?

ORDO MEDICUS.

Quaestionem proponit de sanguinis vase effluentis coagulatione:

Qui respondebit 1. ipsum phaenomenon succincte describet, statumque Atmosphaerae ei necessarium, aut faventem.

2. Exponet conditiones internas, quibus in coalescendo sanguinem a sanguine admodum differre constat.

3. Dubia solvere tentabit atque contraria, quae HEWSONI, HEYI ac I. DAVYI experimenta adhucdum premunt.

4. Denique ex hisce omnibus explicabit coaguli causam viresque, quae, quo minus in ipsis vasis constipetur sanguis, impediunt.

Responſa oratione Latina, manu aliena, ſatis nitide ſcribenda, et ante diem 1 Auguſti 1819, Auctorum ſumtibus, mittenda ad Virum Clar. IOANNEM RUDOLPHUM VAN BERDE, qui Senatui Academico eſt ab actis, obſervatis iis, quae leguntur Art. 210. Decreti Regii, facti 2 Aug. 1815, N°. 14.

Victoribus in honeſtiſſimo hoc certamine praeſidia diſtribuentur die ſecundo Iovis menſis Octobris anni 1819, quo novus Rector munus ſuum eſt auſpicaturus.

S E R I E S
DISSERTATIONUM INAUGURALIUM
I N
A C A D E M I A G R O N I N G A N A
D E F E N S A R U M.

1817.

27 Decemb. **EDONIS IOANNIS OFFERHAUS**, Groningani, Disertatio
Iuridica exhibens quasdam observationes ad locum codicis civilis
de successione, pro Doctoratu Iuris Rom. et Hodierni, pu-
blice defensa.

1818.

6 Aprilis **WILHELMI HUBARTI VERSTEEG**, Rectoris Gymnasii Dru-
siburgensis, Specimen Literarium inaugurale, quo oratio Phi-
lippica quarta Demostheni abiudicatur; pro gradu Doctoratus
in Philosophia Theoretica et Literis Humanioribus.

25 ———

SYFZE WILLEM SCHIPPERS, Frisii, Specimen Literarium
inaugurale exhibens observationes criticas in Propertii librum
quartum, pro gradu Doctoratus in Philosophia Theoretica et
Literis Humanioribus, publice defensum.

9 Maii

CAROLI GUYOT, Groningani, Disertatio Medica inauguralis
de Cadaverum sectionibus pathologicis et recto ex illis ferendo
iudicio pro Doctoratu Medicinae.

XX

1818.
5 Iunii HENRICI TONCKENS, Drenthini, Disputatio Iuridica Inauguralis continens observationes aliquot ex materia de testamentis ex ratione codicis civilis, pro gradu Doctoratus in Iure Romano et Hodierno.
- 17 — S. I. VAN ROJEN, Drenthini, Specimen Iuridicum *de crimine periurii*, pro gradu Doctoratus in Iure Romano et Hodierno.
- 17 — BEREND BERENDS, Ootmarsfuma-Transfalani, Disputatio Iuridica Inauguralis continens *Meditationem ad art. 2089 codicis civilis*, pro gradu doctoratus in Iure Romano et Hodierno.
- 19 — HENRICI HOMAN, Drenthini, Disputatio Iuridica Inauguralis, *qua in sententiam art. 750 codicis civilis inquiritur*, pro gradu Doctoratus in Iure Romano et Hodierno.
- 20 — WILHELMI HENRICI LAMBERTS, Almelo - Transfalani, Disfertatio Medica Inauguralis, *de varicella*, pro gradu Doctoratus in Medicina.
- 20 — IOHANNIS PETRI RESLER, Kralinga-Hollandi, Disfertatio Therapeutico-Medica Inauguralis *de indicantibus et contraindicantibus Emeticorum* pro gradu Doctoratus in Medicina.
- 20 — CORNELII STEENSMA, Berguma Frisii, Disfertatio Medico-Practica Inauguralis *de Typho, inprimis qui Groningae grassari incepit anno 1816*, pro gradu Doctoratus in Medicina.
- 22 — AREND IOHAN WYNNE, Elburgo-Gelri Specimen Medicum inaugurale, *exhibens nonnullos casus Dysphagiae in Nosocomio Academico observatos*, pro gradu Doctoratus in Medicina.

P E T R I D R I E S S E N
O R A T I O

DE AMPLIFICATO, IN HAC ACADEMIA; RERUM NATU-
RALIUM STUDIO AD COMMUNEM CIVIUM UTILI-
TATEM CONVERTENDO;

PUBLICE HABITA; GRONINGAE

a. d. VIII Octobris cio 10 ccc XVIII,

CUM MAGISTRATU ACADEMICO ABIRET.

*Quorsum igitur nos, corporibus undique septi;
Materiae decus ac formam, externumque nitorem
Miramur tantum, summoque in cortice rerum
Ludimus? Internam cur non penetramus in aedem
Naturae atque adytis immitti poscimus ipsi?*

.....

*Quam pulchrum est in principiis, in origine rerum
Defixisse oculos et nobile mentis acumen!
Pervolat huc sapiens,.....*

ANTI-LUCRET.

P E T R I D R I E S S E N

O R A T I O

PERILLUSTRES, AMPLISSIMI ET GENEROSISSIMI GRONINGANAE ACADEMIAE CURATORES! QUI CURATORUM COLLEGIO AB ACTIS ES, VIR GRAVISSIME!

DIVINARUM ATQUE HUMANARUM DOCTRINARUM PROFESSORES, VIRI CLARISSIMI! COLLEGAE CONIUNCTISSIMI!

CHIRURGIAE ET ARTIS OBSTETRICIAE LECTOR ERUDITISSIME!

REGIONIS CIVITATISQUE HUIUS PROCERES AMPLISSIMI, GRAVISSIMI!

SACRARUM LITERARUM INTERPRETES FIDELISSIMI, FACUNDISSIMI!

QUARUMVIS ARTIUM ET DISCIPLINARUM DOCTORES CONSULTISSIMI, PERITISSIMI!

et sincero animi sensu summa haec agnoscam beneficia, quum, spectatissimam hanc me audientium coronam intuens, tam multos conspicio, qui me praecceptorem quondam suum grato animo colunt et amicitia prosequuntur. Et quantum exsurgit animus, quum plures ex discipulorum numero hic me salutare liceat, quibuscum necessitudinis publicae vinculo arcte adeo sum coniunctus!

Exsultat Groninga mater, alma artium nutrix, ingeniorum ferax Groninga nostra, quum luculentis adeo exemplis, se non aliis tantum, sed et suos sibi eruditos parere probet et experiatur.

Vestra, dilectissimi quondam Commilitones! qui scholae Groninganae gloriam tantis animis sustinetis et propagatis! Vestra gaudeo gloria, cuius ad me pars certe aliqua redundabit. Etenim, si non ingenio, aut meritorum fama, quod dicere superbum esset, labore saltem et studio, quod in erudienda iuventute collocavi, aliqua mei nominis cura posteris remanebit et nobilitate discipulorum mea florebit memoria. Plura possem hic sine vanitate aut iactantia dicere, sed illud nec meus, nec vester, pudor permiserit. Iam etiam me longius provexit dulcedo quaedam vobiscum loquendi, oblitum fere personae, quam hic sustineo. Condonate A. A. aetati meae hanc loquacitatem, quae senescentibus fere propria, qua lubenter de satis suis et suorum disferere amant et longinquitate temporis fere deleta in animum revocare cupiunt. Accedit, et in hac re maxime commoveor, accedit, inquam, cogitatio, iam ultima vice ex hac cathedra ad Vos me verba facere.

Sed ne quid aut Vobis, aut mihi iniucundi habeat festo hoc die oratio, transeamus ad alia! Transeamus ad Academiae nostrae fortunas, quae aetatis praeteritae fortunas immensum superant et quibus studia nostra quam laetissime reffloruerint!

Licet eo tempore, quo totus terrarum orbis vacillabat, inconcussa steterit haec Musarum sedes et sacris nostris operati fuerimus, quum alii, nec doctrinae, nec meritorum fama inferiores, ab iis abstinere iuberentur, multae tamen, tam publicae, quam privatae, premebant necessitates. Viximus, sed in ipsa patria in exilio viximus. Melior iam nos respexit fortuna! Candidiores nunc fulgent soles! Patriam receperunt studia! Quantis accessionibus aucta et quasi renovata est Academia! Quam proluxa Regis Augustissimi in Academicos doctores voluntas! Nostrum iam erit omnes nervos intendere, ut per-

tinacissima in disciplinis excolendis et iuvandis assiduitate nostrum de Universitate bene merendi studium probare, exemploque nostro in illarum cultum studiosos adolescentes accendere pergamus; ut ita omnium ardore et industria permotus Magnus ille Musarum Patronus novis in dies emolumentis Academiae splendorem et commoda adaugeat.

Nec solum ad Doctores Academicos civesque nostros haec mea spectat exhortatio, sed pertinet ad Vos omnes, Cives Groningani! ad omnes, quibus verus patriae amor, quibus rectus sapientiae et veritatis sensus, quibus vera honoris et felicitatis publicae est intelligentia. Omnibus ita, quibus literarum amor et cura, in commune bonum conspirantibus, illud demum efficietur, ut maxima ex tantis beneficiis in communem civium utilitatem redundant emolumenta.

Haec est, quae mentem agitat, cura. Multorum adhuc animos occupat nescio quis languor et inertia, qua bona haec, quibus fruimur, grato animo vix agnoscant, aut ad se non adeo pertinere existiment.

Haec si considero et personam, quam hic sustineo, contemplor et Ordinem illum Academicum, cum quo, muneris ratione, iam arcto adeo vinculo sum coniunctus, quid aut Vobis, aut mihi, aut huic denique loco aptius egerim, quid convenientius, quam si horulam hanc carissimae patriae dicaverim, rudi velut penicillo adumbraturus, quantum ad communem civium felicitatem et fortunas promovendas faciant, et qua ratione et cura eo dirigi possint et debeant, tantis accessionibus aucta, rerum naturalium studia? Talia meditantis sponte sese offerunt studiorum horum nativum decus et elegantia, Patrii soli exploratio, Agriculturae, Artium et Fabricarum nostrarum incrementum.

Quis est, qui tam agresti duroque vivit animo, quem non moveat magnificus Naturae splendor et opulentia, quoties per soli nostri superficiem, per agros nostros, quos Ceres et Flora exornant, oculos circumferat, et innumera, quae nos ambiunt, corpora contempletur? Quanta varietas, ornatus, ordo, pulchritudo! Magis mirabimur, quum oculos, arte Chemica velut armatos, in intima Naturae sacraria immittamus, omniumque rerum, quibus cingimur, quarum imperio inevitabili necessitate sumus subiecti, ad utilitatem nostram conspirationem attente intueamur.

Quo magis, hoc auxilio muniti, ad pulcherrimum naturae ambientis appara-

tum mentem cogitationemque advertimus, intimasque rerum virtutes perspiciere conamur atque indissolubilem illum nexum, quo omnes cohaerent et in commune bonum et nostra imprimis commoda operantur, quo magis, inquam, in hac contemplatione versabimur, eo magis commovebitur animus, summaque veneratione Creatoris Optimi Maximi erga humanum genus benevolentiam agnoscemus, qui tantos et tam alte absconditos verae doctrinae thesauros avidis continuo mentibus recludit, quibus nos, si verus sapientiae et pietatis sensus, perfectiores in dies et maiores evadamus; quibus excitatus animus et in creationis quasi consortium admisus, propius continuo ad Omnis Intelligentiae Fontem accedit, *humana despiciens, cogitans supera atque coelestia*. Quam multa, quam varia, quanta spectacula! O dulcem, O rectam sinceramque vitam! O vitam, vere vitalem, omnibus gaudiis perfluentem! O divinum Naturae studium, quanto ardore in amplexus tuos ruerent mortales, si saperent et sua cognoscerent bona! Felices, qui quocunque aetatis spatio, feliciores, qui quam maturime, in ipso vernantis aetatis flore, operi huic sese accingunt: *Premat (inquit SENECA) premat a tergo senectus et obiciat annos, inter vana studia consumptos, tanto magis urgeamus et damna aetatis, male exactae, labor farciat. Quidquid amisum est, id diligenti usu praesentis vitae recolligamus! Faciamus, quod in itinere fieri solet; qui tardius exierunt, velocitate pensant moram.*

Mature igitur hisce studiis asfuescant liberalia iuvenum ingenia. Haec si in iuventute germinare incipiunt semina, per omnem vitam sese explicabunt, fructusque ferent suavissimos, per omnem aeternitatem degustandos.

Mens sane, hac cognitione adimpleta et venerationis sensu erga Summum orbis Moderatorem imbuta, quidquid tranquillum, rectum, sacrum et eximium cogitabit. Non aliter, atque arborum vitia nullis artibus facilius deleantur, agrique fertilitas promoveatur, quam ubi talia humo commisceantur, quae optimum frumentis praebeant alimentum, ita pariter ad animi vitia radicitus extirpanda enervandumque foedae libidinis venenum occupationes honestae, utiles, iucundae validissimum exhibent praesidium, aptissimumque simul pabulum praebent ad nutrienda et explicanda virtutis germina.

Vos itaque, Iuvenes praestantissimi! moneo atque exhortor sedulo, ut fidei haec animo imbibatis, retineatis, vestramque etiam in his studiis excolendis diligentiam collocetis. Vos moveat divina Naturae vis, quae, inexhausta si-

mul felicitatis et fortunarum scaturigo, generosas hominum mentes incredibili dulcedine perfundit!

Quanta autem est hodiernae Academiae prae veteri praestantia, quam omnium fere, quae ad Naturae studium spectant, nos premebat indigentia! Impensae haud mediocres, quas labores nostri poscebant continuo, de nostro tollerabantur et rei familiari haud parum graves erant. Angustioribus hinc cancellis circumscriptae hae disciplinae, non vires suas, uti decebat, exferere et extendere poterant et paucis ad haec sacra patebat aditus.

Iam in ampliora in dies deducimur spatia, et tantis muniti praefidiis, quid Natura et ars valeat, in humani generis commodum, in pleniorum et splendidiorem lucem sensim protrahimus. Et, quid non videbit aetas, quae post nos subibit, quum tam generoso et liberali animo studia nostra foveantur!

Veniet tempus, quo depulsis omnino vecordiae et ignorantiae tenebris, angustia nimium de rebus angustissimis filebunt iudicia. Veniet tempus, quod auguror, quo magnificum et amplum Theatrum exstruetur, maiestati Naturae consentaneum, ubi quisque nostrum, qui Naturae interpretes sumus, sacris suis operabitur, et abdita Naturae et Artis arcana avidis hominum mentibus recludet. Hinc ad communem veluti mercatum, aut dixerim potius, ad commune felicitatis publicae Sacrarium confluent omnes absque ordinis, aetatis aut sexus discrimine, omnes, quorum animos recti et honesti amor et verus religionis sensus agitat.

Huius ego Palatii amplissimis valvarum fastigiis inscriberem haec CICERO-
NIS: *Non pietas adversus Deum, nec quanta huic gratia debeatur, sine explicatione naturae intelligi potest. Homo enim ortus est ad contemplandum Deum, et naturae contemplatio est ad Dei admirationem proxima et aper-
tissima via.*

Sed an religioso cultui sacrata templa talibus exercitiis dignitatis suae quoddam detrimentum paterentur? Non crediderim. Tali enim instituto Divinorum Oraculorum et Divinorum Operum interpretatio nexu indissolubili iungerentur, et, qui sunt Verbi Divini, etiam Operum Divinorum magis magisque evaderent ministri et interpretes. Doctrinarum omnium Regina Theologia hoc certe dignitatis ornamento ne unquam careat! Est hic apparatus, vere regalis, quo nudata, splendorem non adeo diffundit. Veniet tempus, quo ad hoc

sacerdotium non admittentur, nisi tales, qui in rerum naturalium causis investigandis aliquid saltem studii aut operae posuerint.

Et si ardorem et aviditatem spectemus insatiabilem in tenera aetate, omnia, quae nos ambiunt, contemplandi et perlustrandi; si pueri, relictis nucibus et arundine longa, ad te concurrant, et tuis narrationibus et demonstrationibus ita deliniantur, ut audiendi et videndi voluptate satiari vix possint, hunc iuvenilem fervorem prudenter dirige, quisquis ingeniis iuvenum formandis operam applicas. Haec sunt vera et genuina felicitatis germina, quae omni studio fovenda et nutrienda.

Quam fortunata igitur iu hac parte futurae felicitatis auguria! Nec inter vanas speculationes, in auras evanituras, haec nostra quis habeat vota! Etenim si tempus illud repeto, quo prima vice hanc Cathedram adscendi, quam multa tunc, quae vovebam, per nebulam veluti conspiciebantur! Quam multa, quae altissima nocte involuta videbantur, et quae iam, in plena luce posita, vigent in magnum civium emolumentum! Quanta hic rerum ubertas, quam ditissimum argumentum, in quo oratio efflorescere posset! Sed sentio, me a proposito aberrasse.

Licet ita Naturae studium hominum ingenia ornet, nobilitet, et uberrima sit et inexhausta tranquillae placidaeque voluptatis scaturigo, semper tamen huic contemplationi applicanda velim illa CICERONIS verba: — *necesse est, quod a communitate ducatur officium, id esse maximum. Etenim cognitio contemplatioque naturae manca quodammodo atque inchoata sit, si nulla actio rerum consequatur; ea autem actio in hominum commodis tuendis maxime cernitur.*

Non igitur in Natura contemplanda sola hac delectatione grataque recreatione animum pie et placide pascamus; sed et illud inter primaria reputemus officia, omnique opera eo adnitamur, ut ingens ille et pulcherrimus almae Naturae apparatus simul in civium commoda convertatur. Admirandae inprimis, quas Beneficum Numen multis patriae rebus ingeneravit, virtutes, accurato examini sunt submittendae. Non solum, quae animale regnum innumera nobis suppeditat et quas herbarum utilium divite gremio tellus excludit, sed ab-

ditos Naturae gresus per ima telluris viscera, per vastissimum Oceani finum, per aerem, quem attrahendo vivimus, studiose observare oportet, ut intimae rerum virtutes evolvantur et patefiant. Eaque ratione communi eorum opera, qui vero erga patriam amore tenentur, id tandem efficietur, ut luculentissimus ille thesaurus, magna adhuc parte delitescens, omnibus manifestari possit et in dies magis magisque in publicum bonum converti. Et licet multa, eaque omnino egregia, nostris diebus in lucem fuerint protracta, minime tamen rem peractam credamus. Plurima adhuc latent, involucro quasi implicata, in semine, ut ita dicam, recondita, quod humana demum industria sensim evolvendum, explicandum et perducendum ad maturitatem. *Multa seculis futuris, cum memoria nostra exoleverit, reservantur. Rerum natura* (inquit SENECA) *sacra sua non simul tradit. Initiatos nos credimus, in vestibulo eius haeremus. Illa arcana non promiscue nec omnibus patent, reducta et in interiori sacrario clausa sunt, ex quibus aliud haec aetas, aliud, quae post nos subibit, adspiciet. Veniet tempus, quo ista, quae nunc latent, dies extrahet et longioris aevi diligentia.*

Nunquam sine admiratione Veterum libros evolvo: et quo attentius evolvo, rerumque simul naturam contemplor, non solum *ab ea parte, quae publica est, sed* (ut denuo SENECAE verbis utar) *in secretiora illius intrem*, eo magis vestigia illa agnosco inchoati velut itineris, quae certe ad maiora et sublimiora duxissent, si illi tanto et tam uberrimo, quo nos, apparatu instructi, eo penetrare potuissent, quo fervidum et acutum ingenium et indefessa industria eorum animos impellebat.

Nunquam sane harum doctrinarum cultores satietate quadam torpidi sumus et inertes, sed ad extremum usque vitae terminum, quum aliarum saepe rerum fastidium capit, contemplandi et inveniendi ardore incitamus. *Non aliter ac terra variis, mutatisque seminibus, ita pariter ingenia nostra nunc hac, nunc illa meditatione recoluntur.* Magnum sane, si rite illud perpendamus, est hoc studiorum nostrorum emolumentum, aeterna gratiarum actione prosequendum.

Agite igitur, Populares! et ad illas, quas natale solum offerat divitias, labores et studia dirigite! Divites auri venae licet saxa nostra non perreptent, nec alia nobilia metalla terrarum nostrarum tractibus sint intertexta, nec rutilantibus gemmis solum nostrum superbiat; licet ignivoma quondam montium

ocumina, ut in vicinis regionibus, stupendos aestuantis Vulcani effectus hic nullos reliquerint; licet pretiosa herbae nostrae non fundant aromata, miram tamen hic Naturae opulentiam admiremur. Plurima solum nostrum, plurima vicinus Oceanus suppeditat, quae non solum ad cognoscendum pulcherrima, sed et provehendis fortunis nostris aptissima arbitror. Et quo minus externo adspectu haec emolumenti spondeant, hoc magis industriae nostrae est relictum, ut rerum virtutes potestatesque eruantur et cognoscantur. Quam multa pedibus conculcamus, summa attentione dignissima! Quam multas plantas tanquam arborum vitia extirpare annitimur, quarum virtus si nobis esset perspecta, summis eas laudibus efferremus et in ipsis illis ad delendum irritis conatibus Summum Mundi Conservatorem agnosceremus.

Multa licet de rebus patriis, tenebris antea involuta, in lucem sensim protracta gaudeamus, minime tamen deleta est apud nostrates praepostera illa patrum opinio, ea, quae ex remotis terrae plagis conquiruntur, primas in Naturae studio partes sibi vindicare. Extraneis nimium sectamur; domestica negligimus, et ex pretii magnitudine rerum praestantiam aestimare solemus. Talem iam vecordiam in popularibus suis notavit olim PLINIUS. *Ad quae (inquit) noscenda iter ingredi, transmittere mare solemus, ea, sub oculis posita, negligimus; seu, quia ita natura comparatum, ut, proximorum incuriosi, longinqua sectemur; seu, quod omnium rerum cupido languescit, cum facilis occasio est; seu, quod differimus, tanquam saepe visuri, quod datur videre, quoties velis cernere. Quaecunque de causa permulta in urbe nostra iuxtaque urbem non oculis modo, sed ne auribus novimus, quae, si tulisset Achaia, Aegyptus, Asia aliave quaelibet miraculorum ferax commendatrixque terra, audita, perlecta, lustrata haberemus. Idem illud; quod de se et popularibus suis iudicium olim tulit PLINIUS, et ego nostratibus applicaverim. Nimium sane extraneis inhiamus, nostrarum rerum, quae in ipsa urbe nostra et iuxta illam sunt, saepe incuriosi. Sed quid primum, quid secundum, in tanta materiae copia, in tanta rerum abundantia proferam?*

Vix suburbia nostra ingredienti (ut hoc unum e plurimis adferam) sese obii-
cit attonito Naturae indagatori ingens lapidum, saxorum et *petrefactorum* numerus, quae ad dorsum illud exaggeratius, quod a Cane nomen tulit et cuius terminum urbs nostra occupat, erantur. Saxorum lapidumque horum ple-
rorumque origo a primis inde globi nostri natalibus, quin ab ipsis creationis

primordiis videtur répetenda. Haec revocant primaevum huius regionis statum, quum omnia Oceani aquis tecta rupibusque aspera animalibus marinis habitaculum praebebant. Nunquam enim gravissimorum virorum mihi arrisit sententia, qui inde ex Norwegia, Gothia, Scania, aliisque septentrionalibus Europae regionibus aquarum impetu haec quondam in oras nostras delata fuisse opinantur. Hic, ipsi globo nostro coevas, quondam exstitisse rupes scopulosque crediderim, quae diu immota furentis Oceani impetum provocaverint, labentium tamen seculorum iniuria, continuis aquarum fluctibus detrita et comminuta, non nisi divulsa fragmenta nobis reliquerint, quae diutissime huc illuc per maris undas iactata et arenaceo illius fundo attrita globosam tandem figuram induerint, quali iam cum aliis Oceani exuviis in profundis terrae deposita eruuntur. Lapides isti, cuiusmodi ad vias sternendas cohibendosque Oceani fluctus inserviunt, rudes quantumvis et informes externo adspectu appareant, sagacem nihilominus naturae indagatorem, qui illos cominus intuetur, summa afficiunt voluptate. Regulares modo formas spectemus internamque structuram et diversa, quae hic coiere, principia, solitosque huc considerationi applicemus ignis, aquae aerisque effectus; iusta sic saepe ex analogia ratiocinatione deducere licebit probabilem quorundam lapidum horum originem, variasque mutationes, quas lapsu temporis illi passi fuerunt. Attenta talium contemplatione per Chemicorum industriam ad magnum fastigium doctrina fossilium fuit evecta et multa etiam de primaevo telluris statu sunt prolata, scitu dignissima. Plurimum tamen abest, fateor, ut compositionis rationem, qua firmus globi terraquei nucleus, et primigeniae rupes coaluerint, intellectu assequamur.

Multa iam in medium proferre possem agri nostri fossilia, Spatha, Cornes, Granatos, Iaspides elegantissimaeque texturae Granitem, cui Orientalis nomen, egregia colorum varietate et nitida, quam suscipit, politura spectabilem; Micam, frequentissimum in his oris lapidem, quae auri argentique specie credulis ignarisque imponit; Quartsum nostrum pellucidum, ex quo vitrum haberi potest purissimum, et cuius insignis est usus ad vasa murrhina conficienda, nec puritate nec pelluciditate exquisitissimis vasis Saxonice cedentia, et innumera alia, quae indefesso BRUGMANSII mei (a) labore et studio innotuerunt.

(a) S. I. BRUGMANS *Lithologia Groningana. Groningae* 1781.

Quem praeterea non capit admiratio, ubi in solo suburbano, praeter ingentes lapidum saxorumque strues, plurima corpora marina offendat, in lapides interdum duros magnaeque molis conversa! Iactet Indus corallia, quibus marium suorum littora superbiunt! Nos, mirum dictu, ex terrae gremio effodimus, quae structurae elegantia et concinnitate cum coralliis Indicis de palma certare possunt. Haec animalculorum ex Polyporum genere quondam habitacula, quae cum plurimis conchyliorum incolis aliisque animalibus marinis tutum sibi ab undarum iniuriis elatiorem hunc locum elegerunt.

Magis in admirationem rapimur, quum Entrochos, Asterias, Belemnitas, Echinus, Corallia et alia nostra fossilia comparantes cum iis, quae vicinus offert Oceanus, toto coelo haec ab illis differre animadvertimus et paucissima duntaxat illorum, ut vocant, originalia huc usque in rerum natura fuisse detecta. Horum autem nulla ex vicinis maribus petuntur, sed ista, si qua dentur, incolae sibi vindicant mare praesertim Indicum et Mediterraneum. Pari modo septentrionales regiones, littora imprimis maris Baltici, varii Germaniae, Belgiique nostri meridionalis tractus, tum etiam Anglia eiusdem generis abundant fossilibus, quae nativa in alluente mari frustra quaeruntur. An igitur haec animalcula, in nostris oris dudum extincta, in remotissima quadam telluris abyssu recondita, etiamnum supersunt et propagantur, sed quaecunque naturae ventilatorum industriam eludunt? Estne potius illorum sententiae subscribendum, qui lapidescentium horum corporum originem inde ab anteriori globi nostri conditione repetendam autumant, aliam quippe opinantium animalium seriem quondam existisse, ordinem naturae fuisse alium, destructa esse et extincta haec animalium genera, ordinem naturae turbatum et eversum huic, qui iam viget, locum cessisse. Notatu interea dignissimos cenfeo arborum ramos, qui in eodem cum marinis productis strato ad sex et octo pedum profunditatem interdum observantur, tum et humum atram illic repertam, quae quondam stabilem stirpibus basin videtur praebuisse. Magis mirabimur, quum solum nostrum ulterius explorantes, et ad viginti et ultra pedum profunditatem effodientes, alia illic conchyliorum genera, a prioribus diversa, deposita animadvertimus; quae antiquissima monumenta ante omnem hominum memoriam saepe mutatam huius regionis faciem evincunt.

Vultisne plura, et quae magis scopo congrua? Animum advertite ad varias terrarum species, in soli nostri superficie obvias, quae non solum ad fertilitatem

agrorum promovendam summopere valent, sed et ita per Naturae beneficium sunt adaptatae et temperatae, ut diversis artibus utilissimis eximiam praebeant materiem. Animum advertite ad cespites nostros, quibus focum instruimus et quid Chemia valeat ad recte determinandum cinerum et fuliginis usum multiplicem. Animum advertite ad stirpes innumeras, ne infecta commemorem, quibus pascua, agri, et imprimis nemora nostra luxuriant, et quae in locis etiam sterilibus, incultis, sabulosis aridisque senticetis sponte sua et laete crescunt et facili cultura propagari possent, quarum gratissima varietas oculos non solum animumque exultat et luculentissimam Botanices studiosis materiem subministrat, sed quae infigne etiam Artibus et Medicinae spondent emolumentum. Animum advertite ad Oceani, hanc regionem alluentis, divitias. Quam vellem hic exspatiari! Quam vellem Naturae, nos ambientis, in commoda nostra conspersionem plenius delineare! sed uberiori sermone tempora vestra morari vereor. Satis etiam opinor causae datum fuit, quo quisque persuasissimum habeat in naturalium rerum studio, licet extranea minime negligenda, illa tamen, quae domi crescunt aut inveniuntur, maxime nostram curam et explorationem sibi vindicare, eoque omnino dirigendos esse conatus nostros, si salutis publicae vere consulere cupiamus.

Tempus veniet, quod auguror, quo in quavis Regni huius Academia, tanquam in centro, omnia naturae producta, etiam quae in vicinis regionibus, circulo Academico inclusis, reperiuntur, publica cura et auctoritate sedulo colliguntur, ut tandem, collata omnium opera, Naturalis totius Belgii prodeat Historia. Hoc communis incolarum utilitas, hoc Artes vellent et Fabricae, hoc vellet Agricultura, ut etiam in hac parte Regni prosperitas amplificetur.

Atque ita sponte quasi me duxit materia ad illud studium, quod artes et fabricas spectat et Physicorum Chemicorumque labores. Arctis sane nimium limitibus sunt circumscriptastrarum disciplinarum exercitia, quae indissolubili prorsus vinculo cum salute publica cohaerent, et quae eo magis praeslantiam suam probabunt, quo maiori cura in hunc scopum dirigantur.

Veniet tempus, quo per omnes civium ordines, quo per omnes officinas; ubi mechanicis, hydraulicis, chemicis legibus fundatae artes et operae tam publicae, quam privatae, exercentur, quaevis Academia solis instar radios suos

quaquavorsum disperget et languentem vitam et vigorem artibus non solum restituet, sed et magna illa et augusta vitae industriae monumenta, quibus ortum suum et prosperitatem debet Respublica, conservabit et amplificabit.

Veniet tempus, quo scholae instituentur, in quibus patria iuventus vernaculo sermone et facili ratione, ad popularem intelligentiam accommodata, ea addiscat harum disciplinarum praecepta, quae ad artium et fabricarum intellectum augendamque in iis promovendis industriam publicamque utilitatem valeant.

Nimium sane praestantissimam hanc Oeconomiae Civilis partem, ceteris nationibus, immo ipsis proavis nostris, tanto honore habitam et tanto studio cultam, negligimus. Videbunt successeurs et cum admiratione videbunt revocatum Viri Amplissimi, qui ante viginti annos rebus oeconomicis praeerat, consilium, quo tales in duabus patriae Academiis scholae constituerentur pro iuvandis et amplificandis fabricis et artibus oeconomicis. Talis meo praesidio hic Groningae instituenda erat schola Chemico-Oeconomica. Iam locus huic operi commodus erat designatus; ordinata omnia; felicibus auspiciis res inchoata; a summis et perspicacissimis in republica viris probata, sed non consummata fuit propter mutatam eo tempore regiminis formam, quae minus talibus consiliis favere videbatur, et, ut fit, sensim in oblivionem tracta. Tentarunt quidem post aliquot annos, re cum ipsis communicata, Academiae nostrae Curatores hoc Ampliss. GOLDBERGII renovare propositum, quod iure ipsis summi momenti videbatur. Nolui eorum votis deesse; sed etiam tunc res successu caruit. Non quidem hoc me ideo in medium adduxisse quis credat, quod provinciam meam hoc cumulo augeri cupiam: Illud sane provecta aetas non permetteret. Ultimum quippe iam agitur lustrum, quo absoluto, si Deus vitam propaget, in portu quiescendum, aut contractis velis lente navigandum: sed adsunt discipuli, qui iuvenili ardore incitati et flagrantissimo in literas amore omne studium omnemque curam meo ductu ad hanc operam convertere velint et possint.

Hic honos Vobis est reservatus, Viri Amplissimi! Novi equidem, quantum bonis artibus faveatis et quanta ipsi doctrinae copia excellatis. Permittite, ut haec attentioni Vestrae et benevolis curis commendem, dum interea aliorum etiam, qui patriae bene velint, de re tanti momenti maturescunt consilia.

In Artium consortio sese mihi iam offert Agricultura, Ars nobilissima, quae cum arcto etiam vinculo societatis publicae salus connectitur; quae, ut cum COLUMELLA loquar, *sine dubitatione proxima et quasi consanguinea sapientiae est*, sed quae in *scholis* etiam nostris, ut olim Romae, *tam discipulis egebat, quam magistris*.

Si varium spectes, qui in re agraria et oeconomia rurali inservit, apparatus; si spectes genuina, per Chemiam detegenda, herbarum principia; si varias fundorum praeparationes, vegetationisque adminicula; terrarum arvalium et substantiarum secundantium indolem et principia; si locorum opportunitates, diversam aquarum coelique temperiem; qualis aeris, aquae, luminis et caloris in evolvendis herbarum virtutibus sit efficacia; si illa spectes, quae de 'genitrice seminum virtute augenda eorumque morbis sanandis sint prolata; si tandem varia spectes artificia, quibus arborum vitia deleantur et insecta frugibus infesta profligantur, et alia quam plurima, quae hic adferre possem, non dubitaveris, quin maiora iam commoda et emolumenta rei rusticae labores adferant, quum in Doctrinae formam evecta Agricultura, Historiae Naturalis, Botanices, Physices, Chemiae praesidio suffulta, splendido hoc apparatu ornata, disciplinis Academicis sit inserta.

Ne igitur hac in re tardiores simus; sed omnem negligentiae et socordiae culpam effugiamus et quam longissime a nobis amoveamus!

Illis autem haec praesertim dicta velim, qui prosperiore fortuna usi, tempus a publicis muneribus aliisque occupationibus vacuum ruri transigunt rei que rusticae laboribus animum relaxant. Eorum enim est curare, ut rerum naturalium intelligentia et peritia alios excellent; ut Catonis Ciceroniani exemplo non quidem fructibus solum, sed et ipsius terrae vi et natura delectentur; ut hisce praeceptis, vero et naturali velut ingeniorum pabulo, liberorum animos mature instruant; ut tardiora nostratium ingenia exemplo excitent; eorum conatus auctoritate fulciant; inveteratas opiniones erroresque, temporis longinquitate confirmatos, animis evellant, et ita maximo civium bono optimae artis fines proferre studeant et ad salutem publicam dirigant.

Facile mihi dabitur, artificiosa industria, experimentis inpigro labore institutis, multos, qui adhuc inculti iacent, terrarum tractus, tam feliciter coli posse et refoveri, ut redditus non vituperandos cultoribus largiantur. Quod

si ad rem tanti momenti, qua et posteris consuleretur, locarentur nummi, qui in dies ad luxum augendum consumuntur, non dubitaverim, quin ausis eiusmodi felicissimus responderet eventus. Hinc optimo consilio ad Agriculturae commoda promovenda Societates institutae, quae Regis auctoritate et benignissima cura nuper auctae et amplificatae per omne iam Belgii regnum vigent magnumque spondent emolumentum. Nullum profecto est studium, quo recte adhibito, improba luxuries, totas urbes universasque gentes perdere consueta, melius depellatur, reductaque veteri morum simplicitate, verus patriae amor civibus infillatur.

Floret Groninga nostra Viris nobilissimis, quos non magis natalium splendor, quam morum decus et venustas, illustrant. Sed quantum gratiae his titulis accederet, si ad artes illas, quae Oeconomiam Civilem spectant, addiscendas et promovendas animum illi strenue applicarent! An ullus est in hoc loco tanta in dignitate positus, qui a se alienum iudicaret Profesorum lectionibus interesse, ut alibi fieri solet, ubi illi, quibus rerum summa est demandata, alii summi ordinis viri ad munera adspirantes, immo Principes Regiae familiae certatim ad haec Musarum Delubra concurrunt?

Quantus adhuc multorum ingenia languor occupat! Quam multi, Academicos honores adepti, iam exhausti laboris terminum sese attigisse nec nitendum ultra putant! Et quo titulo ad munera publica, quibus civium commoda tueri et amplificare officium iubet, illi unquam adspirabunt, qui in talibus rebus addiscendis, in quibus civium fortuna consistit, vix aliquid operae posuerunt? Sed manum de tabula!

Hoc unum addam, quod de TRAIANO suo dixit PLINIUS, et illud WILHELMO REGI applicem: *Vita Principis censura est, eaque perpetua; ad hanc dirigimur, ad hanc convertimur, nec tam imperio nobis opus est, quam exemplo.* Hoc tibi, si forte adsis, qui dubites, splendidissimum et luculentissimum accipe exemplum. De REGE quippe nostro testatur celebre illud Academiae Berolinensis decus et ornamentum HERMESTADTIUS, in chemicis et oeconomicis studiis summus, non alium discipulum maiori diligentia et assiduitate excelluisse. Et nisi harum doctrinarum suavitatem degustasset Rex, et earum in publica re servanda utilitatem exploratam habuisset, non tam liberali manu eas foveret tamque effuso studio prosequeretur.

Ex hoc igitur, Populares! evigilemus somno! Non solum nos moveat divina Naturae vis et opulentia, sed et in eius contemplatione inexhaustam simul admiremur et agnoscamus felicitatis et fortunarum scaturiginem!

Tantis auspiciis, tantis praefidiis muniti omnem operam omnes eo convertamus, ut ex Régia liberalitate et novis accessionibus, quibus amplificata est Academia, maxima in dies emolumenta in publicam societatem redundant!

Accedo iam ad ea commemoranda, quae per hunc annum Academicum Civitas nostra Literaria fuit experta.

Primam publicae laetitiae causam suggessit Principis Regii FREDERICI in hanc urbem adventus. Vidimus et salutavimus amabilem illum et magna indole Iuventutis Belgicae Principem. Hic, Avitae virtutis heres, magnis iam operibus viam sibi parat ad immortalitatem. Hic decus erit quondam et gloria Gentis Nassavicae!

Inter Academiae fata super omnia memorandus laetissimus REGIS IPSIUS AUGUSTISSIMI adventus cum eodem filio FREDERICO. Animis adhuc, dicamne oculis inhaeret Generosissimus Ille Musarum nostrarum Patronus, qui singulari, qua est, comitate et civilitate et magna simul benignitate ac indulgentia, omnes cives suos, ita nos imprimis, sibi devinxit. Vidit studia sub Illius imperio spiritum velut et sanguinem recepisse, et non alius tam sincere nostra gaudebat gaudia. Vidit instituta nostra, quae praeteriti temporis iniuria fere deleverat, non solum pristino vigori restituta, sed multis et praeclaris auctibus amplificata. Et quis nostrum est, cui Regem comitari contigit, qui non intimo venerationis sensu Illius perspicaciam et ingenii elegantiam fuit admiratus? Nunquam animo excidet gratissima illius temporis memoria, quo Rex cum Principe Regio et Splendido Comitatu Hortum nostrum Botanicum intrabat. Non alio unquam tempore blanda illa voluptatum mater, Flora, favente Zephyro, tanta virtute et gratia dona sua pandebat et explicabat. Omnis veluti Natura in communis laetitiae consortium arridebat. Omnia ad hilaritatem gratamque animi remissionem erant composita. Quanta fuit Regis in salutationibus facilitas! Quanta in blando Illius alloquio sinceritas, simplicitas, candor! Dicere non possum, quantum mihi gaudium attulerit singularis illa Regis indulgentia, qua in Museo meo, inter

alia patril soli producta, antiquissima illa veteris aevi monumenta, quae Groninganus fert ager, conspiciere, sed et in aedes meas intrare, ibique commorari non fuerit dedignatus, hoc ipso exemplo commonstrans, quam dignationem artium doctores habeat. Non enim mihi soli hunc honorem vindico, sed ad totum ille pertinet ordinem nostrum. Noverat rex, nullo magis quam honoris et gloriae stimulo incitari literatorum animos. Est haec disciplinarum nutrix, utilissimarum artium inventrix, sine qua nihil magnum agitur aut pulchrum et ignavo quodam sopore torpent hominum ingenia.

Nec silenda alia, quae annus hic attulit, Academiae grata et prospera. In Bibliotheca publica suppellex literaria multis non solum et pretiosis accessionebus in omni eruditionis genere est aucta, sed et ipsae aedes librariae insigniter amplificatae, et ad studiosorum usum melius accommodatae. Nosocomium Academicum magnis incrementis auctum et velut renovatum est. Inceptum anno praeterito opus iam plane consummatum gaudemus. Hic non solum morbis internis, sed et illis, qui manu curantur, arti obstetriciae, gravidarum et puerperarum morbis, oculorum affectionibus, remediis etiam in aegrorum usum parandis propria assignata conclavia, sed et ad Operationes Chirurgicas commodum Theatrum est erectum. Ad instrumenta praeterea chirurgica et obstetricia et ad praeparata pathologica conservanda in aedibus amplissimis locus datur idoneus; caldaria insuper et balnea, debito apparatu probe instructa; area ampla, ut aere libero fruantur, qui ex morbo convalescunt; uno verbo; tanta cura et industria ad hodiernam Artis Salutaris conditionem omnia ordinata et adaptata, ut vix aliquid desiderandum superfit.

Instrumentorum Physicorum, Chemicorum et illorum, quae Oeconomiam ruralem spectant, apparatus, Museum insuper Historiae Naturalis, multis iisque praeclaris auctibus increverunt. Theatrum Chemicum, quod arcto nimis spatio continebatur, est amplificatum. Hortus Botanicus plurimis, iisque pretiosissimis ex omni telluris parte stirpibus est locupletatus. Hibernaculum, quod plantis exoticis continendis non sufficebat, multo spatiosius redditum, novisque constructionibus ad hodiernae Botanices statum omnino compositum.

Defunt fateor alia, quae etiam Academiae huic emolumento et ornamento esse possent. Sed multos licet, minime tamen omnes liberalitatis sinus effudit Regum Generosissimus. Perget Ille eodem animo fovere studia nostra; et in illis, quibus iam fruimur, bonis maioris etiam fortunae habemus auguria.

Vos, Viri Amplissimi! Qui Regis auspiciis res Academicas tanto studio curatis, et quos sospites et salvos festo hoc die me videre gaudeo, pergite loca et laudabili opera hanc bonarum artium Officinam ornare! Dignitatem illius et decus sustinete, amplificate, et laboris in Academiam impensi fructus ad Vos redeant uberrimi! Ita Vestra cura et tutela vigeat et floreat Academia Groningana!

Vos etiam festo hoc die mihi salutandi, exoptatissimi Collegae! nec silentio praeterire possum, quantopere Vobis me sentiam obstrictum, qui me in rebus gerendis ita consiliis Vestris et favore adiuvistis atque sublevastis, ut in gravi hoc munere administrando vix infirmitatem senserim. Vivite felices, Collegae suavissimi! et bonarum artium studia et Academiae huius commodum tueri pergite! Nostris omnium conatibus propitium adsit Numen!

Denique, si quaeritis, status Academiae, quantum ad cives nostros attinet; qualis me praefide fuit, non est, ut nos poeniteat; si spectemus lectissimorum iuvenum insignem numerum, qui, ut praeclaris doctrinis attenderent, ex variis regni partibus et vicinis regionibus ad nos concurrerunt; si illorum, qui, emeritis Academiae stipendiis, post disputationes, magna cum laude habitas, doctrinae praemiis a nobis ornari petierunt. Vix nostra aetate alius effluxit annus, ad vitae et studiorum quietem tranquillior, ad civium utilitatem et emolumentum laetior. Vigent studia; vigent mores; proferunt se ingenia iuvenum et ostentant!

Pergite, egregii Iuvenes! pergite, indefessi in excolendis bonis artibus et disciplinis, regiam illam calcare viam. Omne, quod humile est et plebeium cane peius et angue fugite. Pergite non solum praeclara addiscere, sed et praeclara facere et luculentis ita exemplis probare prudentiam et modestiam vestram. Pergite ita nostrum in commodis vestris iuvandis laborem sublevare et excitare.

Quid nobis, quid publice laetius est, quam claros summae indolis iuvenes producere, qui nomen et famam ex studiis petunt et mutuis exhortationibus sese ad amorem immortalitatis inflammant! Quid vobis optatius et magis honorificum, in certamine literario Victores Ornatisimi! quam talibus, ad recta tendentibus, tanquam exemplar proponi!

Non igitur ex hac cathedra discedam, nisi prius hoc animo meo gratissimum persolvam officium. Te rogo, Vir Clarissime! qui Senatui es ab actis,

ut praelegas acta singularium Facultatum, ut ita, praemio condècorandorum, Iuvenum nomina edicantur, et simul in sequentem annum propositae quaestiones promulgentur.

Acta Facultatum leguntur.

Palam igitur in certamine literario Victores proclamo,
DIDERICUM ALBERTUM DE GROOT
IOHANNEM MUNTENDAM, et
HENRICUM COCK.

Accedite igitur, Iuvenes nobilissimi! et decreta Vobis industriae et laboris praemia accipite! Accipite haec liberalitatis Regiae splendidissima documenta! Accipite illa gratisimo animi sensu! Gaudeo Vestro honore et gloria et hanc ex animo gratulor. Nobilis ille impetus, qui ad magna et ardua generosas mentes excitat et impellit, Vobis permaneat et Vos exacuat! Pergite flagrantissimo literarum amore, ingenio, doctrina, moribus Academiis nostris et patriae esse ornamento!

Illos etiam, qui proxime ad victores acceserunt, hic inhonoratos relinquere religio foret. Tales nobis innotuerunt Iuvenes praestantissimi, ABRAHAMUS DES AMORIE VAN DER HORVEN et IOHANNES GEORGIUS SLUITER, quem hic praesentem intueor, et cui acceptum hunc honorem gratulor. Publicum illud et praeclarum Ordinis Theologici de illorum meritis iudicium ad summa quaevis enitendi studium augeat, acuat!

Et Vos alii, si adestis, quorum conatus sperato successu caruerunt! Ne hoc animos deprimat, nec industriam frangat. Etenim nova iam vobis omnibusque aperta est palaestra! In arenam descendite! Agite erectae indolis adolescentes! Agite! Palma in medio posita! Nihil volentibus arduum! Ad certamen Vos accingite! Ad victoriae gloriam adspirate! Nihil sane ad ordinis vestri dignitatem est praeclarius; nihil ad famam praestantius, splendidius; nihil ad utilitatem fructuosius, uberius.

Vestris omnium conatibus faveat, studiis vestris adspiret, suisque Vos donis perfundat bonorum Ille omnium Largitor Deus Optimus Maximus!

Faxit Ille, cui pro tantis beneficiis, quibus hoc anno frui licuit, gratum tes-

tamur animum, ut Annus, quem iam auspicamur, feliciter decurrat et haec bonarum artium sedes amplior continuo et illustrior evadat in magnum Patriae emolumentum!

Ad illud tandem perveni, quod ultimum est in festo hoc Academico.

Quod igitur felix faustumque sit Academiae huic, Vobisque omnibus! A. A! novi anni Rectorem, REGIS auctoritate electum. publice proclamo, Virum Clarissimum IACOBUM DAART DE LA FAILLE, ex Ordine Matheseos et Physicarum doctrinarum Profesforem, Virum, per multos annos de Academia nostra praeclare meritum.

Salve igitur, Rector Magnifice! Tibi de nova hac dignitate ex animo gratulor. Floreat, Te Rectore, haec Academia! Floreat Te duce, eius dignitas et amplitudo, et propensa omnium Ordinum voluntate laetissima capiat incrementa! ut ita laetus in summa tranquillitate annum tuum ad finem perducas! Ita votis nostris annuat Supremum Numen!

D I X I

DIDERICI ALBERTI DE GROOT,

O M L A N D I,

THEOLOGIAE STUDIOSI

C O M M E N T A T I O

AD QUAESTIONEM A NOBILISSIMA FACULTATE
PHILOSOPHIAE THEORETICAE ET LITERARUM
HUMANIORUM QUAE GRONINGAE EST
IN CERTAMINE LITERARIO
ANNO CIOIOCCCXVII

PROPOSITAM:

*HISTORIA MIGRATIONUM HEBRAEORUM EXTRA
PATRIAM, USQUE AD TEMPORA, DELETA A
ROMANIS HIEROSOLYMA PROXIME ANTECE-
DENTIA: ET EXPOSITIO CAUSARUM, QUAE
EAS EFFECERUNT; ADDITA RECENSIONE RE-
GIONUM ET LOCORUM, IN QUAE MIGRAVER-
UNT HEBRAEI.*

QUAE PRAEMIO ORNATA EST.

Dispergimini per omnes totius terrarum orbis nationes.

MOSES.

OPERIS DISTRIBUTIO.

INTRODUCTIO.

PERIODUS I.

HISTORIA MIGRATIONUM HEBRAEORUM EXTRA PATRIAM INDE A SALOMONE USQUE AD ALEXANDRUM M. H. E. AB A. A. C. 1000 AD A. 330 ET EXPOSITIO CAUSARUM, QUAE EAS EFFECERUNT.

CAPUT I.

De migrationibus Hebraeorum ab initio huius Periodi usque ad totam reipublicae destructionem h. e. ab a. a. C. 1000 ad a. 588.

- § 1. Status Hebraeorum sub Salomone.
2. Status Hebraeorum usque ad tempora deletam Hebraeorum rempublicam proxime antecedentia.
3. Migrationes quaedam tempore Salomonis.
4. Abductiones Hebraeorum et migrationes quaedam ante invasionem Tiglath Pilezaris regis Asfyriorum.
5. Abductio Israëuitarum in Asfyriam regnante Pekah.

- § 6. Abductio Israëlitarum in Asfyriam regnante Hofea.
- 7. Disperſio Israëlitarum per imperium Asfyriacum.
- 8. De ulteriore quadam Israëlitarum migratione.
- 9. Migrationes quaedam et abductiones Hebraeorum ante inſaſionem Nebucadnezaris regis Babyloniorum.
- 10. Regni Iudae finem verſus huius temporis intervalli res afflictae.
- 11. Abductiones Iudaeorum in Babyloniam regnantibus Ioiakimo et Iechonia.
- 12. Abductio Zedekiae et regni Iudae finis.
- 13. Disperſio Iudaeorum per imperium Babylonicum.
- 14. Migrationes quaedam propter res patriae afflictae in vicinas regiones.

C A P U T II.

De migrationibus Hebraeorum à tota reipublicae destructione ad Alexandrum M. h. e. ab a. a. C. 588 ad a. 330.

S E C T I O I.

De migrationibus Hebraeorum in Africam.

- § 15. Migratio in Aegyptum regnante ibi Pharaone Hophra.
- 16. Disperſio Hebraeorum per Aegyptum.
- 17. Fata illorum, qui in Aegyptum aufugerant.
- 18. Migratio Hebraeorum in Aegyptum regnante Artaxerxe Ocho.

S E C T I O II.

De Hebraeorum ulteriore per Afiam diſperſione.

- § 19. Status Hebraeorum ad mortem Nebucadnezaris.
- 20. Status Hebraeorum ad diſſolutionem captivitatis per Cyrum.
- 21. Reverſio plurimorum Hebraeorum in ſedes avitas regnante Cyro.
- 22. Status Iudaeorum regnantibus Xerxe et Artaxerxe Longimano.
- 23. Reverſio Iudaeorum altera regnante Artaxerxe Longimano.

- § 24. Status Iudaeorum sub sequentibus Persarum regibus.
- 25. Dispersio Iudaeorum per totum Persarum regnum.
- 26. Causae huius dispersionis.

P E R I O D U S II.

HISTORIA MIGRATIONUM HEBRAEORUM EXTRA PATRIAM INDE AB ALEXANDRO M. USQUE AD TEMPORA APOSTOLORUM H. E. AB. A. A. C. 350. USQUE AD TEMPORA DELETA A ROMANIS HIERSOLYMA PROXIME ANTECEDENTIA ET EXPOSITIO CAUSARUM, QUAE EAS EFFECERUNT.

C A P U T I.

De migrationibus Iudaeorum in Africam.

- § 27. Migratio Iudaeorum in Aegyptum regnante Alexandro.
- 28. Prior Iudaeorum migratio in Aegyptum regnante Ptolemaeo Lagi filio.
- 29. Migratio Iudaeorum in Libyam et Cyrenen regnante Ptolemaeo Lagi filio.
- 30. Posterior Iudaeorum migratio in Aegyptum regnante Ptolemaeo Lagi filio.
- 31. Migrationes Iudaeorum in Aegyptum regnante Ptolemaeo Philometore.
- 32. Ulteriores Iudaeorum migrationes per totam Aegyptum.
- 33. De Iudaeis Cyrenaicis Libycisque.
- 34. Migrationes Iudaeorum in Aethiopiam.

C A P U T II.

De migrationibus Iudaeorum per Asiam.

- § 35. Migrationes Iudaeorum in Syriam regnante Seleuco Nicator.
- 36. Ulteriores Iudaeorum migrationes imprimis in Asiam minorem regnante Seleuco Nicator.
- 37. Migrationes Iudaeorum in Asiam minorem regnante Antiocho M.
- 38. Status Iudaeorum afflicti regnante Antiocho Epiphane.
- 39. Abductiones Iudaeorum extra patriam regnante Antiocho Epiphane.

6 DIDERICI ALBERTI DE GROOT COMMENTATIO.

- § 40. Migrationes Iudaeorum extra patriam propter conditionem sub Antiocho miserrimam.
41. Migrationes Iudaeorum per Asiam orientem versus.
42. Migrationes Iudaeorum per Asiam occidentem versus.
43. Migrationum Iudaeorum per Asiam occidentem versus continuata historia.
44. Ulterior Iudaeorum dispersio per Asiam minorem.

C A P U T I I I:

De migrationibus Iudaeorum in Cyprum, Cretam et quasdam maris Aegaei insulas.

- § 45. Migrationes Iudaeorum in Cyprum insulam.
46. Migratio Iudaeorum in Cretam insulam.
47. Migrationes Iudaeorum in quasdam maris Aegaei insulas.

C A P U T I V.

De migrationibus Iudaeorum in Europam.

- § 48. Migrationes Iudaeorum in Macedoniam.
49. Migrationes Iudaeorum in Graeciam.
50. Migrationum Iudaeorum in Graeciam, inprimis in Peloponnesum, continuata historia.
51. Migrationes Iudaeorum in Italiam.
52. Ulteriores Iudaeorum migrationes inprimisque in Sardiniam.

RECENSIO GEOGRAPHICA REGIONUM ET LOCORUM, IN QUAE MIGRAVERUNT HEBRAEI.

INTRODUCTIO.

Cum generis humani historiam inspiciamus, videmus, quomodo ab antiquissimis inde temporibus per totum, qua late patet, orbem terrarum, paulatim propagatum sit humanum genus; qui quidem orbis non alio modo, nisi per innumeras migrationes, habitari potuit. Videmus populos oriri, aliis intereuntibus, hunc vacuefacere locum, quem alius occupat: quae omnia non casu quodam et fortuito, sed ita moderante supremo Numine esse facta, et fieri adhuc, videmus, ut scilicet non una, sed omnes orbis terrarum partes, sensim sensimque incolis frequentarentur.

Ut igitur migrationum illarum historia universe dignissima omnino est, quae accuratius cognoscatur, in nullo tamen populo tot tantarumque migrationum praebet exempla magis illustria, quam in populo *Hebraeorum*. Hic enim maxime inde a fine regnorum Israël et Iudae ita per omnes orbis terrarum partes est dispersus, et dispergitur etiamnum, ut in perpetuis illis gentis Hebraeae migrationibus aliquid divinum inesse, omnes, qui res humanas non incerto casu fluere existimant, uno ore consentiant.

Ex universa autem migrationum huius populi historia amplissime patente, cum juvenibus in Academiis et Athenaeis Belgicis, literarum studia excolentibus, Viri Clarissimi, ordinis Philosophiae Theoreticae et Literarum Humaniorum Professores in Academia Groningana, proposuerint eam partem, quae historiam harum migrationum, ante deleta a Romanis Hierosolyma, contineat, ipse ego, argumenti gravitate ductus, experiri volui, quid vires meae valerent. Ad quod dum me

accingo opus, praemittenda mihi quaedam videntur de ipso populo, eius origine et patria terra: ad quorum expositionem iam transeamus.

Hebraei, vel potius huius populi conditores erant **ABRAHAMUS**, **ISAACUS** et **IACOBUS**, qui vulgo *Patriarchae* nuncupantur. **ABRAHAMUS** autem, cum in Mesopotamia habitaret, Deo iubente, in Cananaeam abiit. Huius vero regionis incolae cognominabant eum העברי *Hebraeum* (1) nomine petito אֶבְרָא, i. e. *is qui ab altera parte fluvii*, id est, *Euphratis, advenit*; (2) hinc illi ex **ABRAHAMAE** posteris, qui dein *Israëlitae* vocati sunt, nuncupabantur עֲבְרִי *Hebraei* (3). Nomen autem *Israëuitarum* a **IACOBO** descendit: hic enim cum occasione quaedam a Deo nomen acciperet *Israëlis* יִשְׂרָאֵל five *eius, qui cum Deo felix certamen iniisse* videretur, (4) inde omnes **IACOBI** posteris *Israëlitae* dicti sunt. (5)

Patriarchae autem hi, quemadmodum plerique tunc temporis populi, vitam nomadicam egerunt, ita ut habita pascuorum ratione huc illuc vagarentur. Deinde autem **ISRAËL** cum familia post varios casus in Aegyptum migravit, (6) unde eius posteris, post longam annorum seriem mirum in modum aucti, (7) iterum egressi, redierunt in terram Cananaeam, quam, devictis incolis, tanquam avitam sedem regionemque sibi, vel potius suis maioribus, promissam (8) sibi vindicarunt ac deinceps inter se diviserunt: (9)

Ante omnia descriptio illius terrae, quae patriae Hebraeorum nomine insigniri solet et debet, praemitti videtur, nullo enim modo de migrationibus extra patriam, nisi, quatenus haec fuerit regio, prius calleamus, loqui possumus.

Duae autem quaestiones sponte oboriantur, necesse est: nimirum quando Hebraei patriam habuerint, patriaque illa quatenus fuerit regio? Quod ad *primam* attinet: Hebraei certo patriam habuerunt, postquam Cananaeam, regionem à Deo maioribus sibi et ipsis promissam vindicassent et inter se divisissent. Deinde autem, Iudicum iam temporibus, maxime vero regnante **DAVIDE**, huius imperii fines valde propagati sunt, et haec regio eo tempore patria quoque fuit Hebraeorum. Videamus *secundo*, quatenus regio patriae Hebraeorum nomine in Codice sacro veniat, et hac in re ad *duo* attendere oportet, nempe quatenus

(1) Gen. 14: 13. (2) Cognomen hoc ab Hebero, e cuius gente Abrahamus erat (Gen. 11: 14. seqq.) haud petum videretur, nam hoc pacto omnes Heberi posteris nominandi fuissent Hebraei. (3) Gen. 39: 14. 41: 12. Exod. 2: 11 etc. (4) Gen. 32: 24—30. et 35: 10. (5) Exod. 1: 9. 2: 7. (6) Gen. 46: 1 seqq. (7) Exod. 12: 37. (8) Gen. 15: 18—21 etc. (9) Jos. 2—21.

regio Hebraeorum patria fuerit primis post occupatam Cananaeam temporibus, et quaenam tempore DAVIDIS atque SALOMONIS.

Regio, olim ABRAHAMO et posteris eius promissa et data, in ea Asiae parte, quae ad Mare Mediterraneum pertinet et Africae proxima est, sita erat, antiquissimoque tempore nominabatur *Canaan* (כנען) a CANAANE CHAMI filio: (10) de variis enim, quae dein haec terra acceperit nominibus, v. c. *Terrae Israëliticae*, *Terrae Hebraeorum*, *Iudaeae*, *Palaeestinae* etc. non est quod loquar, qua de re conferri potest Cl. PAREAU *Antiquitatis Hebraicae* p. 44–48.

Terra *Canaan* s. *Cananaea* proprie terminos habuit fluvium Iordanem, Mare Mortuum, Arabiam Petraeam, Mare Mediterraneum et Syriam: attamen huc quoque referri debent illae regiones, quae, belli iure ab Hebraeis ditioni suae adiectae, ab ipso Deo iis iam promissae erant et indicatae. (11) Huius autem regionis ad austrum fines patebant a Mari Mortuo iuxta Idumaeam et Arabiam usque ad fluvium Aegypti, quo nomine Nilus, certe brachium eius, intelligi videtur. Ad occasum fines procurrebant a fluvio illo Aegypti ad urbem Ptolemaidem, vel potius ad Achzibam seu Ecdippam: ad septemtrionem habebat regionem Sidoniorum, aliasque civitates proximas, et montana Antilibani. Ab oriente autem terminabatur desertis Arabiae, ita tamen, ut ad Euphratis usque partem septemtrionalem se extendere posset. (12) Termini autem hi postea regnante SALOMONE, cum DAVIDES imperii fines adeo propagasset, se extendebant ab Euphrate fluvio ad Marum Mediterraneum, et a Phoenice Syriaeque ad Sinum Arabicum. (13)

Ex his autem sequitur, migrationes e Cananaea, quae inde a condita Hebraeorum republica ad SALOMONEM in regiones, intra terminos modo laudatas, pedetentim acciderunt, migrationibus *extra patriam* vix annumerari posse, sed potius dicendam esse occupationem terrae, quae iam maioribus a Deo ipso promissa erat. Deus enim ABRAHAMO disertis verbis promiserat, fore ut posteris eius totam regionem inde a fluvio Aegypti usque ad fluvium,

(10) Gen. 10: 6. (11) Exod. 23: 31. Num. 34: 1–12. (12) VAN HAMELSVELD, *Aardrijkskunde des Bijbels* I p. 148–159 et Cl. PAREAU, l. c. p. 48–52. (13) Cf. VAN HAMELSVELD l. c. IV. p. 256. sqq.

qui p̄ excellentiam *magnus* dicitur, id est Euphratem, possiderent. (14) Cum autem forte quis contendere possit, illas terminorum propagationes etiam migrationes extra patriam posse dici, non inutile est, quaedam ad has pertinentia breviter exponere.

Si Hebraeorum ante tempora *SALOMONIS* historiam vel exigua attentione consulamus, facile videmus, Hebraeos in terra Cananaea, quam Deus iis dederat, ut ibi, ab omnibus terrarum populis idololatria quam pollutissimis seiuncti, verum Dei cultum observarent et tenerent, non semper mansisse, sed iam celeriter varias ob causas multos in alias migrasse regiones. (15) Huius rei exemplum primis Iudicum temporibus iam obvium est, utpote cum tribus Danitica sibi, quam habitaret, possessionem quaereret (quod ita minime intelligendum est, ac si huic tribui possessio inter reliquas tribus assignata non fuisset; hoc enim disertis verbis innuitur Ios. 19: 40—46. Sed Amoraei Danitas intra montana compresserant, ita ut eos descendere in valles non permitterent; (16) adeo ut regio, quae iis relinqueretur, non amplius illis sufficeret); quam ob rem miserunt e familia sua quinque viros, qui terram, ubi habitare possent, explorarent. Speculatores autem hi hoc fecerunt, terramque amplam et locum ubi nulla alicuius rei penuria esset invenerunt: hinc sexcenti viri cum familiis suis e tribu Dan in Syriam migrarunt, urbemque *Lais* eiusque incolas delerunt: quum autem urbem iterum extruxissent, sedes suas ibi posuerunt, eamque ex suo nomine *Dan* appellaverunt. (17) At ibi Hebraeos istos omnes mansisse haud probabile est, et coniectura minime vana est eorum, qui statuunt, quosdam mercaturae gratia, forte et iam propter idololatriam in vicinam Phoenicem commigrasse. Tempore enim *SALOMONIS* viri cuiusdam e tribu Danitica mentio iniicitur (18), cuius maiores, si modo huius urbis et tribus iam laudatae in Cananaea situm contemplemur, probabile est, ex hac urbe eo se contulisse. Ceterum quarundam migrationum minoris mo-

(14) Gen. 15: 18—21. (15) Sic enim, ne de antiquioribus temporibus nunc dicam, república iam constituta in meliorum pascuorum gratiam (1 Chron. 4: 41); propter famem (Ruth 1: 1. 1 Reg. 17: 9. 2 Reg. 8: 12); si nimia regioni cuidam esset multitudo (Iud. 18: 1. Yqq. 1 Chron. 4: 42, 43); et denique, ne alias his addam causas, commerciorum gratia. (16) Iud. 1: 34. (17) Iud. 18. Conf. Ios. 19: 47. (18) 2 Chron. 2: 13. 14.

menti hic illic exempla exstant: ita videmus, hanc rem tempore **SIMSONIS** non prorsus fuisse inusitatam (19); sic etiam, quum in Palaestina fames grassaretur, migravit **ELIMELECH**, vir quidam Bethlehemiticus, cum uxore et duobus filiis in agros Moabitarum (20). Praeterea migravit e patria **IEPHTHA**, et cum eo plures alii; cuius rei causam quisque sponte intelliget: Israëuitarum enim res ea aetate valde erant afflictæ, ita ut quisque pro arbitrio, et ut viribus reliquis se præstare putabat, suo genio indulgeret. Hinc **IEPHTHA** a fratribus, quod filius esset meretricis, e domo paterna expulsus in terram Tob aufugit, ubi multi, propter hanc illamve causam relinquere patriam coacti, cum illo se coniunxerunt. (21) Deinde **SAULI** tempore Israëlitæ ex tribu Ruben propter nimiam incolarum frequentiam, imperii fines usque ad Euphratem propagarunt, armaque victricia contra Hegarenos vertentes, totam illius populi regionem occupaverunt. (22) Deinceps etiam ipse **DAVIDES**, familia sua in regionem Moabitarum deducta, huiusque populi hospitio commissa (23), post varios casus e patria migravit cum sexcentis viris horumque uxoribus et liberis, quibus, in terram Philistæorum transeuntibus, urbs Ziklag data est habitanda, quæ ab eo inde tempore Regum Iudæ fuit. (24) Tandem quum **DAVIDES** de finibus imperii propagandis sollicitus, Syriam regno suo adiecisset, multi Hebraei, inter vicinos populos dispersi sunt; cuius rei exemplum obvium est, cum Rex, Syria potitus, præfidiis Syriam Damascenam uti et terram Idumæorum occuparet. (25)

Hisce igitur iam consideratis videamus necesse est, migrationes ante **SALOMONIS** tempora exigui modo esse momenti, et quamquam etiam eo regnante, immo aliquo tempore post de migrationibus ita loqui haud possumus, ut, eas accidisse, argumentis omni dubitatione superioribus vindicemus, tamen, tanquam vero proximum, hoc comprobare conabor; — quæ vero deficient, iuvenili meae tenuitati attribuantur.

(19) Iud. 14. (20) Ruth 1: 1. **VAN HAMELSVELD** *Inleiding tot het boek Ruth*. Liber autem, Ruthæ historiam continens, ideo procul dubio inter librorum sacrorum seriem commemoratur, ex quo genealogia **DAVIDIS** illustraretur, itaque tanquam casu de migratione huius familiae certiores sumus; at nonne probabile esset, plures eadem occasione tunc temporis e patria migrasse, et, licet hac de re nusquam mentio iniciatur, nullo modo statuere dubitamus, quin hoc eo tempore revera acciderit. (21) Iud. 11: 3-6. (22) Chron. 5: 1-10. (23) 2 Sam. 22: 1-4. (24) 2 Sam. 27: 1-6. (25) 2 Sam. 8: 6 et 14.

PERIODUS I.

HISTORIA MIGRATIONUM HEBRAEORUM EXTRA PATRIAM A SALOMONE AD ALEXANDRUM M. HOC EST AB ANNO FERE ANTE CHRISTUM 1000 AD ANNUM 330 ET EXPOSITIO CAUSARUM, QUAE EAS EFFECERUNT.

CAPUT I.

DE MIGRATIONIBUS HEBRAEORUM AB INITIO HUIUS PERIODI USQUE AD TOTAM REIPUBLICAE DESTRUCTIONEM HOC EST AB A. FERE A. C. 1000 AD A. 588.

§ 1.

Status Hebraeorum sub Salomone.

Licet in Assyriam et Babyloniam Hebraeorum abductiones migrationum omnium palmariae haberi possint et debeant, inutile tamen haud erit, huius populi statum, inprimis quod ad migrationes rei publicae interitum attinet, a SALOMONE inde ad totum exitium usque paucis adumbrare. Hoc eo magis faciendum videtur, quia non mihi videor temere statuisse, Hebraeos antiquioribus his temporibus in alias migrasse regiones. Inprimis hic nobis in mentem veniat necesse est aetas SALOMONIS illustrissima: regnum enim Israëliticum, quod regnante patre DAVIDE florere maxime inceperat, eadem auctoritate et potentia permanfit non tantum, sed etiam vectigalibus et commerciis maritimis ditatus, gloriaque apud externos atque potestate apud suos fruens, populum Israëliticum tantis opibus auxit SALOMO, ut gentes

circumiecdae vel in fide manerent Israëliitarum vel nihil contra moliri audent. In beatissima illa conditione regnum tenuisset SALOMO, nisi opibus crescentibus in nimiam molliem delapsus, permultarum inprimis mulierum peregrinarum amore se induci passus esset, ut gentium illarum, ex quibus ortae erant illae, idola etiam ipse coleret (1); quam ob rem Deus, ne tantam impune ferret impietatem, et adversarios multos ei suscitavit, et regni Israëlitici divisionem illi praedixit. (2)

§ 2.

Status Hebraeorum usque ad tempora deletam Hebraeorum rempublicam proxime antecedentia.

Regnante SALOMONIS filio et successore REHABEAMO praedictio haec mox eventu est comprobata; decem enim tribus, quae ab illo defecerant, IEROBEAMUM sibi regem creaverunt, duabus tantum Iudae et Benjaminis in fide ipsius relictis (3); et haec secessio omnium deinceps malorum primaria causa fuit et origo. Hinc enim mox idololatria futilissima oriebatur: IEROBEAMUS enim veritus, ne Israëlitae, Hierosolyma ad sacra Deo facienda subinde confluentes, ad REHABEAMI iterum obsequium redirent, novam instituit facri cultus formam, Mosaicae plane oppositam. (4) Simili autem modo sub REHABEAMO Iehovae cultus in dies coepit negligi, adeo ut paulo post Iudaei quoque facerent secundum omnes abominationes gentium. (5) Multi autem viri prudentes et prophetae veram religionem tueri conabantur, cum e contrario peregrinarum religionum sacerdotes multas turbas excitarent et caedes; at vero etiam ipsi aliquando caedibus essent obnoxii. Haec igitur religionis diversitas in causa fuit plurimorum motuum, qui utrumque regnum et concusserunt et diviserunt; nunc religionis Mosaicae defensoribus, nunc peregrini cultus studiosis victoribus.

Superstitio autem in dies adaucta plurimum in Israëlis regno grasata

(1) Cf. hic omnino Cl. MÜNTINGHE *Geschiedenis der Menschheid naar den Bijbel* Tom. VI. p. 318. (2) 2 Reg. 11: 11, 14-40. (3) 1 Reg. 12. (4) 1 Reg. 12: 26-33. (5) 1 Reg. 14: 22-24

est (6) imprimis regnante ACHABO, qui omnes suos antecessores impietate superavit. (7) Et si enim peccatum IEROBBAMI gravissimum esset, ACHABO velut leve visum fuit, quippe qui longe graviora et maiora addiderit. (8) In regno quidem Iudae veri Dei cultus diutius servatus est, et subinde instauratus; nec tamen ibi defuerunt, qui omnem idololatriam exercebant. (9) Accessit etiam his, praesertim in regno Israël, incerta Regum successio, quae multa genti intulit mala; et seditiones, quae non minus Iudae quoque regnum concusserunt (10) et haud raro veram religionem depravarunt.

Praeterea seiunctio illa in causa fuit continuorum inter duo regna certaminum ac bellorum (11) quae maiori ab utroque periculo gerebantur, quia alterutra pars saepius cum vicinis populis societatem inibat, quod v. c. accidit cum regibus Damascenis et Aegyptiis. His autem societatibus et vera religio depravabatur, quia hi populi mores suos et absurdam de religione doctrinam cum Hebraeis communicabant, et respublica ipsa debilitabatur, etenim saepissime illorum regum potentia populo Hebraeorum gravis fuit. (12)

(6) Cf. MÜNTINGHE v. Cl. l. c. VII. p. 233. (7) FL. JOSEPHUS *Ant. Iud.* VIII, 13, 1. (8) 1 Reg. 16: 32-36. (9) 2 Reg. 11: 18. 16: 3, 4. 21: 2-7. cf. Cl. MÜNTINGHE VII. p. 233. (10) 1 Reg. 15: 27, 28. 16: 9, 10, 16-18. 2 Reg. 9. 2 Chron. 22: 1, 2, 9. 28: 5-7. Hinc etiam Cl. IAHN in opere *Biblische Archäologie* Tom. III. p. 148. „Unter den beständigen Meutereyen in den letzten 60 Jahren des Reichs (Israël), muss es um die Religion noch schlechter gestanden seyn, wovon zum Theil schon HOSEA redet und wovon wohl vorzüglich die Stellen 2 Kön. 17: 9-12. 16, 17. 2 Chron. 34: 6, 7. Ezech. 23: 1-10, 36-39. zu verstehen sind.“ (11) 1 Reg. 15: 6. (12) 2 Chr. 28: 5-7. 20, 21. 2 Reg. 16: 5. et Cl. VENEMA *Hist. Eccl. V. T. Tom.* II. p. 187. Cl. MÜNTINGHE in opere *Geschiedenis der Menschheid etc.* VI. p. 319. de Israëlitarum sub DAVIDE et SALOMONE statu, ita loquitur: „De verkeerig eindelijk met vreemde volkeren, vooral met de dartele en wel lustige Phoeniciers, welke DAVID reeds begonnen had, maar die door SALOMO nog verder uitgebreid werd, was alleszins geschikt om de Israëliten ter navolging van die vreemde volkeren te verleiden, en dus het bederf der zeden hoe langs hoe meer onder hen te doen toenemen.“ Et VII. p. 232: „Met de zedelijke beschaving, onder welke wij te gelijk de Godsdienstige bevatten, was het nog erger geschapen. De staatkundige gesteldheid der beide rijken bragt zulks van zelve mede. Men denke maar aan de menigvuldige inwendige beroeringen en verdeeldheden, aan de verscheidene slechte koningen in beide rijken, aan de verbindtenissen met naburige heidensche volkeren, en den invloed, welke dezelve daardoor verkregen op het bederf van Godsdienst en zeden bij eene natie die zoo ligtzinnig en zoo ligt verleidbaar was als de Hebreewsche.“

Quicumque autem ad haec animum adverterit, non mirabitur, haec omnia utrique regno maius maiusque in dies damnum intulisse, tandemque totius rei-publicae exitium contraxisse; cum enim avitus Iehovae cultus fere abrogatus esset, moresque sensim in peius ruerent, iustissimo sane iudicio Deus finem his regnis imponere constituit. (13)

§ 5.

Migrationes quaedam tempore Salomonis.

SALOMONIS tempore Tyri regnabat HIRAMUS, qui amicitiam, quam cum patre coluerat, SALOMONI haud negavit: immo, cum Phoenicum res valde flourerent atque artium doctrinarumque studia ibi maxime colerentur (14), inito foedere SALOMONEM rebus ad aedificandum templum necessariis adiuvit. (15) Apud Phoenices porro mercatura quam maxime floruit, nam uti sacro Codice dicitur nautae periti erant maris. (16) Hinc etiam SALOMO, foedere cum HIRAMO facto, navigationem suscepit Ophiram versus, per quam maximas sibi comparavit divitias: naves praeterea misit ad Tarfin, unde aurum argentum atque res multas alias magni pretii petiit. (17) Nonne autem probabile videatur, SALOMONEM eo colonias duxisse, quae magnam sine dubio variamque utilitatem mercaturae praerberent? Et enim haec constans ab omni aevo fuit et adhuc est omnium mercaturam exercentium populorum consuetudo. (18)

(13) 1 Reg. 14: 15. 2 Reg. 17: 7-23. 21: 10-15. 24: 3, 4. 2 Chr. 36: 15-17. Iesaiæ 2: 5. sqq. 6: 9-13. 8: 6-8. Hof. 3: 4. Ezech. 36: 17. sqq. et alibi. (14) Cl. MUNTINGHE l. c. VI. p. 310. (15) 1 Reg. 5. (16) 1 Reg. 9: 27. Cf. HEEREN *Ideën etc. Th. I. Abth. II. p. 66. sqq.* „Ces peuples, „verba sunt GOGUETI de l'Origine des Loix, des Arts et des Sciences Tom. 3. p. 144, se trouverent alors „maîtres de tout le commerce qui se faisoit dans le monde connu. L'empire de la mer étoit entre leurs „mains; empire qu'ils avoient particulièrement mérité par leur habileté et leur expérience dans la Na- „vigation. On voit en effet que c'étoit toujours aux Phéniciens que les autres nations s'adroissoient, „lorsqu'il s'agissoit de quelque grande entreprise maritime." (17) 1 Reg. 9: 26-29. 10: 22. 1 Chr. 9: 10. MUNTINGHE VI. p. 315. (250). (18) Cl. HEEREN *Ideën etc. II. l. p. 99.* ad haec ita; „Colonien, in so fern man sichere Landungs und Stapelplätze für den Handel darunter versteht,

Multi quoque Israëlitaeprocul dubio Tyrum ac Sidonem migrarunt, et artium discendarum causa, ab Hebraeis non excultarum, et ut toto pectore in mercaturam incumberent, tum quia Israëliticae genti agriculturae deditae studium hoc non adeo fuit familiare, tum quia iis tam opportuna, quam quidem Phoenicibus, haud erat occasio. (19) „Iam dubitatio, ut utar verbis κρεβσσι; in *Decretis Romanorum pro Iudaeis* p. 206, nulla est, quin Sidone, urbe commerciiis, uti fuit Tyrus, florentissima, ob quam potentiam maritimam Σιδων, Ναυπηγος in Numis dicitur, multi Iudaei, lucrificandi cupidi, confederint.” Quin etiam haud omnino vana est coniectura, Israëlitas hoc tempore in Arabiam migrasse, et praesertim in regionem Idumaeorum (quamquam minime negamus, eos quoque per oras Sinus Arabici mercaturae gratia dispersos fuisse), nam hoc vel ex commerciis SALOMONIS ultro confici posse videtur; naves enim Israëlitarum in ipsis Idumaeorum urbibus Elath nimirum, et Ezion Geber a SALOMONE exstruebantur (20)

Probabilitate autem haud minore, Hebraeos ulterius progressos, in Aegyptum quoque migrasse, colligi posse videtur. Multa enim inter utramque regionem exstitisse commercia, quis est, qui ignoret? (21) Phoenices enim quorum mercatura

„werden für jedes seefahrende und handelnde Volk unentbehrlich, so bald es nach sehr entlegenen, oder auch nach wenig cultivirten, Ländern handelt, vielleicht gar nach solchen, wo die Einwohner noch Nomaden sind. Der Kaufmann musz hier wenigstens Plätze haben, wo er seine Waaren mit Sicherheit niederlegen, und der Eingeborne, wohin er die Producte seines Landes bringen, und mit Gewisheit absetzen kann. Nur dann erst ist es möglich, dasz der Handel einen regelmässigen und ununterbrochenen Gang erhält; nur dann erst kann auch die Zwischenzeit genutzt werden, wo keine Schiffe da sind, um Ladungen für sie im voraus zu sammen zu bringen. Eine Menge audrer Vortheile zu geschweigen, die jeder leicht selbst einsieht.” — Conf. I. II. p. 24. sqq. Nonne plures etiam divitiis inhiantes eo se contulissent? Hinc etiam BASNAGE *Histoire des Juifs* Tom. VII. p. 106. „On peut dire, inquit, que SALOMON envoiant en ce Pais-là, quelques Juifs y passoient avec la Flotte; mais, ce n'étoient que des Particuliers, qui n'y faisoient pas d'Etablissemens considerables.” (19) 1 Reg. 7: 14. 2 Chr. 2: 13, 14. cf. Ioël 3: 4-6. Ezech. 27: 17. Conferri hic meretur A. TH. HARTMANN in opere praestantissimo *die Hebraeorum am Putzische, und als Braut* Th. I. p. 231-234, 236 sqq. (20) HARTMANN l. c. I. p. 192. sqq. (21) Hoc quodammodo etiam colligendum videtur e SALOMONIS uxore illa, Aegypti regis filia (1 Reg. 11: 1): neque hoc pacto ex eodem commate improbable est, coniunctionem quandam inter Palaestinam et plurimos populos finitimos arctorem exstitisse, quae migrationibus ansam dare potuerit.

adēo florebat, magna cum Aegyptiis commercia agebant, quae, cum e more Aegyptiorum tunc temporis non possent esse maritima, (22) per mercatorum catervas, quae per Palaestinam tenderent, necesse est, instituenda erant. Iam vero haud improbabile est, nonnullos cum illis mercatorum catervis non tantum commercia quaedam exercuisse, verum etiam cum illis in Aegyptum profectos fuisse (23); SALOMO quoque cum Aegyptiorum rege commercia instituit, hic enim illi, equos ex Aegypto educendi, monopolium dedit (24): quae quidem suspicio veri propius accedit, quando e Ierobeami historia videmus, in Aegyptum concedere, eo tempore minime fuisse inusitum.

§ 4.

*Abductiones Hebraeorum et migrationes quaedam ante invasionem
Tiglath Pilezaris regis Assyriorum.*

Immo etiam deinde variis occasionibus migraverunt extra patriam Hebraei, cuius rei exemplum est ELIA, qui, quum regnante ACHABO magna esset siccitas, et hinc orta fames, in urbem Phoenices Zarpheadem concessit (25); diffidendum autem non est, plurimos hac occasione in alias minus habitatas regiones se contulisse Hebraeos. Idem fere exemplum nobis obvium est deinde, cum mulier illa Sune- mitis eandem propter causam regionem Philistaeorum peteret (26). Ex quibus omnibus, quamquam minoris sint momenti, his temporibus tales migrationes fuisse haud insolitas, potest intelligi. Quin alio etiam modo in alias fortassis regiones dispergebantur Hebraei: bella nimirum multa atque interdum admodum gravia cum populis vicinis gerebant, ex quibus non semper victores disceserunt, hostes e contrario, victoria saepius reportata, pro more populorum tunc temporis solemni, captivos abduxerunt (27): quod luculentissime apparet ex bello, tempore IORAMI Iudaeos inter et Philistaeos atque Arabes, qui

(22) Cf. cl. HEEREN *Ideen* I. II. p. 44 et 45: de cuius rei causa vid. II. II. p. 677. (23) De Phoenicum cum Aegyptiis mercatura vid. HEEREN I. II. p. 127-130. (24) 1 Reg. 10: 28, 29. 2 Chr. 9: 28. (25) 1 Reg. 17: 9. (26) 2 Reg. 8: 1, 2. (27) 1 Reg. 14: 25 sqq. 15: 20 sqq., 2 Reg. 10: 32, 33. 2 Chr. 24: 22. 2 Reg. 15: 19, 20.

victores totam regis familiam cum thesauris aliisque magni pretii rebus abduxerunt, quibuscum multos e populo in Arabiam et Philistaeorum terram abduotos fuisse, omni vacat dubio (28).

Ex iis, quae dicta sunt, quilibet facile perspicit, statum Hebraeorum hoc temporis intervallo, inprimis autem regnantibus in Israël מְנַאחֵם eiusque successoribus, et in Iuda אַחָז, fuisse haud felicissimum. אַחָז enim ille omnium regum fuit pessimus; etenim cunctis fere modis cultui Aegyptiorum futilissimo non tantum favit, sed etiam eo progressus fuit, ut idololatriam Sioniorum imitatus foedissimam, filium suum transire faceret per ignem (29). Deus autem, ut impietatem eius puniret, רֶזֶן regem Syrorum et פֶּקַח regem Israëuitarum contra eum excitavit, qui in Iudaeam invasionem fecerunt (30), ut totum regnum occuparent et inter se dividerent, a quibus multi Iudaeorum interfecti, multi a Syris in captivitatem Damascum abducti sunt (31). Inter haec omnia eodem illo tempore, quo rex adeo in angustias redactus erat, Idumaei et Philistaei impetum fecerunt in regnum Iudae, multosque incolas quos abduxerunt, in regionibus, quas habitabant, haud dubie collocarunt (32). Haec etiam regno acciderunt propter אַחָז; deprimebat enim Deus populum Iudae, quem rex abstraxerat, ut omnino praevaricaretur contra Ichovam (33).

§ 5.

Abductio Israëuitarum in Assyriam regnante Pekah.

Ex iis, quae de regno Iudae dicta sunt, quilibet conficiat, hoc exitio futurum fuisse propius; haud tamen ita evenit, prius enim Israëliticum seu regnum decem tribuum penitus deletum est atque eversum. Antequam autem hac de re

(28) 2 Chr. 21: 16, 17. (29) Cf. cl. MUNTINGHE, l. c. VII. p. 96 sqq. cum 2 Reg. 16: 3. (30) 2 Reg. 16: 5 sqq. (31) 2 Chr. 28: 5. (32) Cf. 2 Chr. 28: 17, 18. cl. VENEMA, l. c. II. p. 186. Vel alio forte modo in Idumaeam venerunt, AMOS videlicet propheta cap. 1: 9. cf. vs. 6 Hebraeorum venditionis Phoenices pariter ac Philistaeos accusat. (33) 2 Chr. 28: 19. cf. vs. 1—5.

ago, quaedam de populo, qui regnum Israëlis evertit, Asfyrio sunt dicenda.

Secundum S. literas primus rex Asfyriorum regni terminos protulit פְּחַז, qui floruit versus finem seculi a C. VIII. Praeërat illo tempore populo Israëlitis rex מְנַחֵם, cuius sub imperio multis gravissimisque turbis concutiebatur. Rex igitur Asfyriorum incursionem suscipiens in Syriam, occasionem hanc, Israëlitis belli inferendi, avide arripuit, quod מְנַחֵם deprecatus in pacis pretium Asfyrio solvit mille talenta argenti (34). Ipsum autem Israëlitis regnum sibi quoque aliqua ratione subiectum tenuisse videtur פְּחַז, cum fore in tutela et foedere Asfyriorum fuerit (35). Quum igitur Asfyrii imperium propagare incepissent, iamque Hamath Syriae urbem occupassent, Israëlitis rex פֶּקַח, qui מְנַחֵם regem secutus est, nulla usus prudentia, cum rege Damasceno foedus iniit, non ut coniuncti se defenderent contra in dies crescentem Asfyriorum potentiam, sed ut Iudae regnum occupatum inter se dividerent, et reliquae parti regem darent filium תְּבַאֵל (36). Non cogitabat vero homo imprudens, ita tandem tria haec Syrorum, Iudae et Israëlitis regna redacta fore in Asfyriorum potestatem (37): veniens enim, ab אַחַז in auxilium vocatus, תִּיגְלַת־פִּזֶּזֶר rex Asfyriorum, non tantum Damasco capta ac, rege caeso, incolas Kyrum abduxit, sed et Iion, Abel-Beth-Maächa, Ianoah, Kedes et Hazor captis, terrisque Gileadis, Naphthali et Galilaeae pervastatis, incolas in Asfyriam Mediamque, et quidem in Halah, Hebar, Haran et ad flumen Gozan abduxit (38). Ita igitur et morum depravationem et foedisimum idolorum cultum punire voluit Deus (39).

§ 6.

Abductio Israëlitarum in Asfyriam regnante Hosea.

Abductio Israëlitis altera cadit in annum HOSÉAE nonum. Hic enim homo non imbellis post interregnum octo annorum regi פֶּקַח succedit, sed victus a

(34) 2 Reg. 15: 19, 20. (35) Cl. MUNTINGHE l. c. VII. p. 116, 117. et 310. et BACHIEUX *Hébreux Géographie* III. p. 521. (36) Ies. 7: 1, 5, 6. (37) BACHIEUX III. p. 521, 522. (38) 2 Reg. 15: 29. 16: 9. 1 Chr. 5: 26. (39) 2 Chr. 5: 25, 26. 2 Reg. 16: 28, 29. Ies. 8: 4 sqq.

SALMANASSARE rege Asfyriorum huic tributarius factus est: paulo post autem poenituit ipsum servitutis, quam ob rem, foedere inito cum suo rege Aegyptiorum, ab Asfyriis defecit. Ille tamen **НОСЕМ** contra Asfyrios defendere non potuit; **Salmanassar** enim, audito ab **НОСЕА** tributum sibi denegari, expeditione suscepta, Samariam urbem regiam post obsidionem triennalem cepit, et, rege capto atque in carcerem coniecto, Israëlitae e patria abduxit, aliosque Halah et Habor in Asfyriam, alios ad flumen Gozan, alios denique in Mediam habitatum abduxit. (40) Israëlitae haec acciderunt mala, quia peccaverant contra Iehovam Deum suum; ambulaverant enim in statutis gentium, quas expulerat Iehova a facie Israëuitarum, et quum contestaretur Iehova in Israëlem per omnes prophetas, (41) dicens „revertimini a viis vestris pessimis et observate „praecepta mea et statuta, non auscultaverant, sed cervices obduraverant et „Iehovae statuta spernentes, et derelictis omnibus praeceptis Dei sui, accidit, „ut ira percitus Iehova, Israëlitae a facie sua amoverit, nec nisi tribus Iuda „sola relicta fuerit.” (42) Et sic anno **НИСКИАЕ** sexto five anno a. C. 721, abductione hac regno Israëlis finis est impositus.

§ 7.

Dispersio Israëuitarum per imperium Asfyriacum.

Collocavit igitur **TIGLATH PILESAR** Israëlitae satis dispersos in terris imperio suo subiectis, et quidem in Asfyria proprie dicta, ibique diserte commemoratur Halah five Chalach; in Mesopotamia, ibique ad fluvium Hebar five Chebar, in urbibus Tel-Abib, Tel-Melah, Tel-Harfa, Cherub, Addan et Immer. (43) Immo traduxit eos in Mediam, et quidem ad fluvium Gozan; denique in Haran, cui forte incolae defuerunt. (44)

(40) 2 Reg. 17: 3 sqq. 18: 10, 11. (41) Cf. Hos. 1: 6. (42) 2 Reg. 17: 7-23. (43) Ezech. 3: 15. Ezrae 2: 59. (44) Hinc et **RASNAGE** *Histoire des Juifs* VII. p. 124. „Il ne faut pas s'étonner, inquit, de ce qu'on y transporta les Juifs; car les provinces manquoient d'Habitans, et si on en croit **STRABON** (lib. VI.) qui écrivoit long-tems après, elles avoient été peuplées d'Etrangers, ou par des Colonies, qu'on y avoit envoyées.”

Altera illa abductione Israëlitae primum Niniven, urbem regiam et vastissimi regni caput, abducti videntur (45), ut rex triumphans maioris pompae causa et secundum morem populorum, tunc temporis solemnem, victoriam luculentissimis testimoniis popularibus ostenderet. Ex Israëlitis nobilissimis procul dubio multi hac in urbe relictii sunt. (46) Ceteri autem eodem modo, ac priori abductione, per easdem fere regiones et loca dispergebantur: urbes enim Medorum Ecbatana et Ragae difertis verbis laudantur. (47)

§ 8.

De ulteriore quadam Israëuitarum migratione.

At satis cito Israëlitae ex regionibus istis, in quibus collocati erant, ut probabile est, in alias vel commerciorum gratia migraverunt; ita nonnullos successu temporis in regiones remotiores ipsam quoque Scythiam penetrasse, auctor est BUDDÆUS. (48) Haec autem, cum deinde fortasse locum habuerint, huc non pertinent, sed hic tantummodo in censum venit narratio illa migrationis cuiusdam Israëuitarum notissima, quae in libris Apocr. traditur 4 Ezrae 15. Secundum hanc narrationem Israëlitae e decem tribubus ab Asfyriis deportati, novo religionis avitae amore capti, consilium ceperunt, relictis gentium multitudine in ulteriorem regionem, nullis unquam hominibus habitatam, proficiscendi: cui vero conatui cum Euphrates fluvius obstaret, Deus non sine miraculo aquas eius stitit, ut illum transire possent. Unius hinc et dimidii anni itinere confecto tandem in optatam regionem, cuius nomen sit Harfaret, venerunt, ibique ad tempus usque ultimum permanfuri, et tum refluis, ut ante, Euphratis aquis, reversuri dicuntur.

Quid autem hac de re verum sit, quid falsum, haud facile est definire: alii totam hanc narrationem ad fabulam retulerunt, inprimis eam refutavit HERR-

(45) Tob. 1: 10. (46) Forfitan in prima quoque abductione pompa haec locum habuit, et sine dubio in illa totius regni urbe primaria iam tunc Israëlitae collocati sunt; sed, quum historia taceat, nos hac de re loqui haud possumus. (47) 2 Reg. 17: 6. Tob. 1: 10, 16. (48) *Hist. Eccles. N. T.* II. p. 524.

MANNUS WITSIUS in Δεκάφυλῳ five *de decem tribubus Israël* IV: 7. alii, quanquam et plurima in hac narratione fabulosa existiment v. c. transitum illum per Euphratem, nomen illius regionis *Harfaret*, forte quasi *הר שרת* *mons cultus divini*, et illam omnium decem tribuum procesionem, tamen ipsam hanc narrationem fabulosam verae probabiliter superstructam esse historiae, statuunt, e. g. magnam decem tribuum partem in ulteriorem regionem quandam, nullis fere hominibus habitatam, ubi expedite ac quiete Deum colere possent, profectam esse, etc. (49)

§ 9.

*Migrationes quaedam et abductiones Hebraeorum ante invasionem
Nebucadnezaris regis Babyloniorum.*

Migrationes, quanquam, a quo tempore regnum Israël funditus est deletum, minoris sint momenti, eiusmodi tamen sunt, ut silentio praeterire illas vix liceat. Tempore enim HISKIAE, cum tribus Simeonis nimia abundaret multitudine, migraverunt quidam pascuorum quaerendorum gratia in aditum Gedoris, ubi, cum egregia reperissent pascua, sedes fixerunt. (50) Ex eadem praeterea tribu eodem fere tempore, atque eandem fortasse propter causam concesserunt in montem Seir quingenti homines, illamque regionem percussis incolis, nempe Amalekitis, habitaverunt. (51) Conditio autem illa Iudaeae regnante HISKIA laetissima ita haudquaquam permanlit, MANASSE enim abominanda gentium, quas Deus e conspectu Israëlitarum expulerat, facta imitatus est; quo regis exemplo perducti cives, eo usque progressi sunt, ut superstitione et impietate gentes maxime idololatrias superarent. Vates quidem, ut IESAIAS (52) rectiora monebant, sed tantum aberat, ut eos audiret rex, ut potius iis irasceretur, multorumque insuper virorum innocentium sanguinem effunderet. Tantaе autem impietatis, ut poenas pro meritis daret,

(49) Cf. imprimis Cl. MUNTINGHE l. c. VII. (88) p. 31, 32. (50) 1 Chr. 4: 38-41. (51) 1 Chr. 4: 42, 43. (52) Cap. 15.

a Deo relictus, et ab Asfyriorum rege captus, Babylonem, quae eo tempore Asfyriis parebat, abductus est. (53) Multos vero cum rege eo esse abductos valde est probabile. (54)

Occasione, qua MANASSE ab EZARHADDONE Asfyriorum rege abductus est, omnes qui superstites manserant, quique profecto haud pauci fuerunt (55) Israëlitae in Asfyriam, vel et iam in Babyloniam abducti sunt. (56) Hoc itaque modo eventum habuit vaticinium, initio regni ACHAZI a IESAI A promulgatum cap. 7: 8. „intra sexaginta quinque,” inquit propheta, „annos atteretur Ephraim, ut non sit populus.” Et si enim a SALMANASSARE maior populi pars ante annos quadraginta quatuor abducta fuerat, et regnum plane deletum; inter reliquias tamen, quae in terra illa remanserant, reipublicae aliqua facies adhuc servata est. Tum vero defuit esse populus, quum tenues illae Ephraimitarum reliquiae peregrinorum adventantium multitudine pene sunt obrutae. (57)

§ 10.

Regni Iudae finem versus huius temporis intervalli res afflictæ.

Ut rite in descriptione, quo modo vel Iudae regno finis impositus sit, pergere possim, pauca quaedam de populorum vicinorum eiusdem temporis rebus dicenda esse videntur.

Babyloniis, qui post SENACHERIBI mortem ab Asfyriis defecerant, ab EZARHADDONE Asfyriorum rege iterum domitis, praepositus est Satrapa five regis praefectus. Praefecti hi, deinde ab Asfyriis deficientes, regnum occupaverunt, quorum primus fuit NABOPOLASSARUS, qui sic Babyloniorum quasi regni conditor exstitit. (58) Antequam vero NABOPOLASSARUS in

(53) 2 Reg. 21: 1-16. 2 Chr. 33: 1-21. (54) Ies. 39: 5-7. FL. 108. A. I. X: 3. 2. (55) 2 Chr. 30: 1, 5-11, 18, 21-25. 31: 1, 5. (56) 2 Chr. 33: 11. FL. 108. A. I. X: 3. 2. hoc confirmari videtur dicens: „regem Babyloniorum et Chaldaeorum misit in Iudaeam exercitu regionem totam depopulatum.” (57) Cf. USSERII *Annales V. et N. T.* ad A. M. 3327. et PRIDEAUX *het O. en N. Verbond aangeenschakeld*, p. 34, 35. (58) OFFERHAUS *Comp. Hist.* II. 9. 4.

regno se confirmaverat, Aegyptiorum rex **NECHO**, Babyloniorum ac finitimorum Asiae populorum potentiae inimicus, cum exercitu in Syriam profectus est. **IOSIA** autem Iudae rex, qui in Asyriorum clientela erat, **NECHONI** obviam profectus, in valle Megidduntis in praelio cecidit. (59) Successio **IOSIA** defuncto mox turbata est, cum non primogenitus, sed natu minimus filius patri succederet; qui tamen non diu regnum tenuit. Post tres enim menses a **NECHONE** victore regno abdicatus est, et in Aegyptum abductus. Frater autem **IOACHAZI IOIAKIM** natu maior rex quidem Iudae, sed Aegyptiis vectigalis constitutus est. Iam quisque sponte intelligit, regni Iudae statum fuisse miserrimum, etenim Babyloniorum inter et Aegyptiorum regna potentissima situm, his vel illis pro varia belli fortuna ludibrio illud fuisse, ultro sequitur. **PHARAO** enim **NECHO**, victoria modo reportata haud contentus, in Asiam superiorem contra hostes profectus, obviam habuit **NEBUCADNEZAREM** et ab illo apud Circesium, ad Euphratem oppidum, victus, omnia quae in Asia occupaverat, amisit. (60)

§ 11.

*Abductiones Iudaeorum in Babyloniam regnantibus
Ioiakimo et Iechonia.*

Occasione autem illa Iudae rex, qui vectigalis erat Aegyptiis, in ditionem concessit regis Babylonii, et Urbs a **NEBUCADNEZARE** occupata est anno **IEHOIAKIMI** quarto. Quamvis autem **IOIAKIMUM** abducere iam constituisset **NEBUCADNEZAR**, mox tamen inito pacto illum in regno reliquit (61) abdu-

(59) 2 Chr. 35: 20-24. (60) 2 Chr. 35: 20. Conferri hic omnino meretur **BACHIE**NE l. c. III. p. 580-584. (61) Alii vero dicunt **IOIAKIMUM** in captivitatem esse abductum, et nunquam rediisse, quod imprimis e verbis **IEREMIAE** cap. 22: 11. demonstrare conantur, ubi propheta dicit: „is qui „egressus est ex hoc loco (**IEHOIAKIMUS**) non amplius huc reverteretur, nam quo abduxerunt, „in eo loco morietur, et terram hanc non videbit amplius.” Cf. vs: 18, 19. 36: 30. Vid. **SIMSONI Chronicon** ad A. 3397. Quidquid hac de re sit, videri potest apud **ILLUST. MICHAËLEM** ad 2 Chr. 36: 6.

tis tantum thesauris et quibusdam inprimis nobilioribus e populo, inter quos et DANIEL fuit (62). Ab hac autem urbis occupatione, anno a C. 606, qui NEBUCADNEZARIS primus fuit, LXX anni captivitatis, sive exilii Babylonici, repetendi sunt (63).

Deinde anno regni sui septimo NEBUCADNEZAR contra IOIAKIMUM, iterum rebellantem, arma cepit, Hierosolyma circumfedit, et, durante obsesione (64), Iudaeorum tria millia et viginti tres Babylonem abduxit (65).

Post mortem autem patris, IOIACHINUS, qui etiam IECHONIA dicitur, in urbe obsessa nomen magis, quam dignitatem regiam sumfit, sed, seditione facta, anno NEBUCADNEZARIS octavo, cum matre et aulicis, thesaurisque domus Dei et regis, abductus est; atque una cum his potentissimam civium partem, omnes viros fortes, artifices et mercatores Babylonem deportavit victor, ita ut infima tantummodo plebs Hierosolymis remaneret: in universum, qui abducebantur decem millia erant, quod autem de potentioribus intelligendum videtur (66). Accidit hoc Iudae pariter atque Israël propter peccata; dixit enim Iehova per prophetas 2 Reg. 23: 27. „Amovebo a facie mea etiam Iudam, quemadmodum amovi Israël, et spernam civitatem hanc, quam elegeram, Hierosolyma, etiam domum hanc, de qua dixeram: erit nomen meum ibi” (67).

§ 12.

Abductio Zedekiae et regni Iudae finis.

In IECHONIAE locum MATTHANIA a NEBUCADNEZARE rex constitutus, ut, vectigalis Babylonis, Iudaeorum reliquiis imperaret. Appellavit etiam victor hoc tempore MATTHANIAM mutato nomine ZEDEKIAM, ut ostenderet, regem

(62) Dan. 1: 1-6. Cf. 2 Chr. 36: 6 sqq. (63) Hoc patet ex Ierem. 25: 1, 3, 11. Vid. USSER-
 XII Ann. ad A. M. 3398. PRIDEAUX. p. 146. (64) Cum IOIAKIM ipso hoc anno in eruptione,
 ut probabile, cadens, insepultus abiectus est (2 Reg. 23: 36. Ier. 22: 18, 19. Cf. OFFER-
 HAUS, l. c. II. 3. 6.), Iudaei, qui Ier. 52: 28. commemorantur, forte eadem hac occasione capti
 atque abducti sunt. (65) Ier. 52: 28. Hanc abductionem revera distinguendam esse a sequenti docet
 BUDDERUS, l. c. II. p. 755. (66) 2 Reg. 24: 8-16. (67) Cf. Cap. 24: 1-6. et inprimis etiam
 Ier. 22: 24-30.

cuius nomen mutasset, sibi esse obnoxium. ZEDEKIAS homo non tam malo fuit animo, ac IOIAKIMUS, sed debilis, et, malis consiliis usus, regnum imprudenter administravit, atque a partibus, quae Aegyptiis favebant, permotus, inito foedere se cum hoc populo coniunxit, tunc temporis non tam potenti, ut regnum Iudae iam iam dilapsurum contra Babylonios longe superiores sustinere possent. Frustra defectionem a NEBUCADNEZARE ZEDEKIAE dissuasit IEREMIAS, qui e contrario populum exhortabatur ad obedientiam regi Babylonio praestandam (68). NEBUCADNEZAR igitur cum exercitu adveniens Hierosolyma post duorum annorum obsidionem cepit, anno ZEDEKIAE undecimo, et, postquam regis filios, pontificem maximum atque plures e primoribus populi supplicio affecerat, ipsum ZEDEKIAM oculis privavit, populumque, nobilissimam quidem eius partem, everfa urbe ac templo cum thesauris in Babyloniam abduxit (69).

Interea, decimo octavo NEBUCADNEZARIS anno, captivos octingentos triginta duo Hierosolymis abductos fuisse, legimus apud IEREMIAM (70): hi fortasse ex eorum numero erant, qui quotidie, urbe obsessa, ad Babylonios defece- rant (71).

Sic migravit Iuda e terra sua (72) anno a. C. 588 ab Israëlitici regni excidio 133: — et ab hoc inde tempore tota Palaestina provincia imperii Babylonii habenda est, populi nobilioribus Babylonem, aliasque in regiones et loca abductis, adeo ut gens Hebraeorum, ab illo maxime tempore, per totum fere terrarum orbem dispersa fuerit.

§ 13.

Dispersio Iudaeorum per imperium Babylonium.

Uti § 7. de dispersione Israëliitarum per regnum Assyriacum certiores facti sumus, ita quoque nunc de Iudae regni incolis agendum esset. Sacra vero

(68) Ier. 37: 6—10. 38: 17, 18. (69) 2 Reg. 24: 18, 20. 2 Chr. 36: 10—21. Ezech. 17: 1—21. 2 Reg. 25: 1—3. Ier. 39, 52. Cf. CL. MUNTINGHE VII. p. 137—139. et BACHIEZE I. p. 792—795. (70) Ier. 52: 29. (71) Cf. Ier. 38: 19. 37: 13 sqq. Vid. SIMSONI *Chronicon* ad A. 3414. (72) Ier. 52: 27. 2 Reg. 25: 21.

scriptura de abductionibus per NEBUCADNEZAREM mentionem faciens, semper tantummodo dicit, eos Babylonem abductos esse (73): quum autem totius imperii fuerit caput et sedes regia, colligere quidem possumus, huc primum captivos fuisse abductos, ut rex illos, victoriae testes, per triumphum ducere posset, ac probabile est, quosdam ibi collocatos fuisse, quemadmodum quoque supra de Ninive vidimus (74). Sed deinde victor illos procul dubio per totum regnum dispersit, qua de re in libro DANIËLIS exemplum nobis occurrit (75), ubi Iudaei regnante IOIAKIMO deportati dicuntur in terram Sinear; praeterea debebant exsules ad Babyloniae flumina (76), quin et Iudaeos apud exsules decem tribuum collocatos fuisse, e variis S. scripturae locis apparet: ita v. c. ex libro EZECHIËLIS (propheta quippe hic a NEBUCADNEZARE cum IECHONIA abductus erat (77)) patet, Iudaeos quoque fuisse in urbibus Tel-Abib, Tel-Melah, Tel-Harfa, Cherub et Immer, atque ad flumen Chebar (78).

§ 14.

Migrationes quaedam propter res patrias afflictas in vicinas regiones.

Hisce igitur omnibus iam cognitis, nemini opinor dubium erit, quin per haec tempora, quum res Iudaeorum adeo essent afflictas, immo respublica plane nulla, multi alias, ubi tutius vivere possent, regiones secuturi fuerint. His vero regionibus annumerandae sunt, quae Palaestinae, occasum et meridiem versus, proximae erant; etenim ibi ab Assyriorum ac Babyloniorum infidiis tutius, quam quidem in ipsa patria, vivere poterant. Hinc vel absque argumentis quibusdam historicis, ex ipsa rei natura conficere iam liceret, Israëlitae non tantum, sed etiam Iudaeos in ditiones Philistaeorum, Idumaeorum, Moabitarum, Ammonitarum aliorumque concessisse: at conicere opus haudquaquam est, quum videamus IEREMIAM, Iudaeos in regionibus Moabitarum, Ammonitarum, Idumaeorum aliorumque locis habitantes, disertis verbis comme-

(73) 2 Reg. 24: 15, 16. 25: 13. 2 Chr. 36: 6, 20. (74) Dan. 1: 2—7. (75) Cap. 1: 2. (76) Pf. 137: 1. (77) Cap. 40: 1. (78) Cf. Ezech. 1: 1, 3. 3: 15. 43: 3.

morare (79). Nemo autem sibi persuadeat, Hebraeos tantummodo in has regiones migrasse, iure namque vel maximo statuere arbitror, multos tunc temporis in Aegyptum concessisse; nullo enim loco nullaque regione unquam tutiores, quam ibi esse poterant, reges enim Aegypti, Asfyriorum Babyloniorumque potentiam graviter ferentes, eorumque ideo fere semper hostes, haud dubie Hebraeos fugientes bene exceperunt: quibus etiam accedit, Israëlitae et Iudaeos, saepissime cum Aegyptiis arcte fuisse coniunctos, ita ut probabile sit, etiam sine argumentis modo laudatis, illis asylum Aegyptios concessuros fuisse. Nemini igitur dubium sit, multos Israëlitae, regnante **HOSEA** eo migrasse, qua de re **ISAIA**s ita fere loquitur: „Vae filiis immorigeris, inquit Iova, „ qui confilia ineunt, quae ego vehementer improbo, qui foedera pangunt, „ contra voluntatem meam. Qui iter in Aegyptum suscipiunt, me non con- „ sulto, ut robore **PHARAO**nis firmentur, seque sub umbram Aegypti recipi- „ ant (80). Vae! his qui Aegyptum auxilii petendi causa abeunt, qui in equis „ spem suam ponunt, qui curruum multitudini et equitum virtuti confidunt, „ sed Israëlitarum numen negligunt, Iovam non consulunt”. (81)

Hebraeorum autem numerus deinde maxime etiam ibi adauctus est, quum **NECHO** rex Aegypti Iudaeorum regem **IOACHAZUM** in Aegyptum deportaverit (82), tunc vero victor, ut probabile videtur, una cum rege abduxerit Iudaeos: immo postea, tempore **ZEDEKIAE**, haud paucos eo migrasse, valde est verisimile (83). Alia forte loca aliaeque regiones fuerint, in quae probabiliter migraverunt Hebraei, quandoquidem autem S. scriptura hac de re plura nobis haud indicaverit, amplius de his conicere, operae pretium non videtur.

(79) Cap. 40: 11. (80) Cap. 30: 1, 2. (81) Cf. vs. 3, 7. 31: 1. 36: 6. et cf. quoque Ier. 17: 5. 2 Reg. 13: 21. (82) 2 Reg. 23: 33. (83) Ier. 37: 1 sqq. Ezech. 17: 15.

C A P U T I I.

DE MIGRATIONIBUS HEBRAEORUM A TOTA REIPUBLICAE
DESTRUCTIONE AD ALEXANDRUM H. E. AB. A. A.
C. 588 AD A. 350.

S E C T I O I.

DE MIGRATIONIBUS HEBRAEORUM IN AFRICAM.

§ 15.

Migratio in Aegyptum regnante ibi Pharaone Hophra.

Et si, uti vidimus, plurimi abducti erant Iudaei, relictis tamen fuerunt haud pauci, quibus praefectus fuit GEDALIA, contra quem quidam, inter quos e familia regia ISMAËL, coniurationem fecerunt, quemque (1) fraudulenter occiderunt; GEDALIA autem occiso, Iudaei, metu Chaldaeorum ducti, prophetam IEREMIAM rogarunt, quid factu optimum. Suadebat ille, ne commigrarent in Aegyptum: quod si fecerint, gladio eos, fame et pestilentia perituros, denunciabat. His autem auditis exclamabant, mentiri IEREMIAM, cuius prophetiarum iam toties experti erant veritatem. In Aegyptum igitur discedebant Iudaei, eoque secum trahebant BARUCHUM et IEREMIAM (2).

(1) 2 Reg. 25: 25. Ier. 41: 1. (2) Ier. 42, 43, 44. Cf. FL. 108. A. I. X: 9.

§ 16.

Dispersio Hebraeorum per Aegyptum.

Quamquam de Hebraeorum in Aegyptum migrantium numero nusquam legamus, sponte tamen apparet, illos fuisse per totam fere Aegyptum dispersos, dummodo regiones atque loca, in quibus collocati sunt Hebraei spectemus (3): **IEREMIA** enim propheta laudat Iudaeos Migdoli, Tachphane, Nophi atque in terra Pathres habitantes. Per regionem igitur satis amplam dispersi fuere Hebraei, et hinc colligere licet, illos quoque haud paucos fuisse (4), quamobrem etiam Ezechiël, regni Aegypti exitium praedicens, in recensitione populorum, qui gladio caderent, *filios terrae foederis* enumerat: quod etiam conficere possumus ex **IEREMIA** (5), ubi **NEBUZARADAN** quotquot Iudaeos reperit, abduxisse dicitur, qui vero omnes exiguo septingentorum quadraginta quinque hominum numero continebantur (6).

§ 17.

Fata illorum, qui in Aegyptum aufugerant.

Iudaei autem non diu ibi commorati sunt, postquam enim eo pervenerunt, Deus significavit prophetae, fore ut **NEBUCADNEZAR** in Aegyptum exercitum duceret, iussitque praedicere populo, captum iri Aegyptum et ibi partim interfectum iri, partim, licet parvo numero, iterum iri abductum (7). Nec defuit huic vaticinio eventus; **NEBUCADNEZAR** enim anno a. C. 572. occasione seditionis Aegyptiacae usus, et ab **AMASI** quoque, fortasse ad subigendum **APRIEM** invitatus, in Aegyptum cum exercitu descendit, Aegyptoque positus, a Syene usque ad fines tum Aegyptiorum, tum Iudaeorum, inter illos habitantium, alios gladio cecidit, alios Babylonem captivos abduxit. „Et quidem „Hebraeos, inquit **IOSEPHVS** *A. I. X. 9. 7.*, quibus tam male res cecide-

(3) Ier. 44: 1. (4) Ezech. 30: 5. (5) Cap. 52: 30. (6) **PRIDEAUX**, l. c. p. 99. (7) Ier. 44: 26—30. Ezech. 29. 30. 31. FL. 108. *A. I. X. 9.*

„runt, bis ultra Euphratem traductos accepimus. Nam decem tribus Samaria exciderunt, ab Asfyriis abducti regnante **НОСБА**: deinde a **НАВУЧОДОНО-СОРО**, Babyloniorum et Chaldaeorum rege, quotquot e duabus tribubus su-
„pererant, captis Hierosolymis.” Interea Iudaeos in Aegypto non prorsus de-
letos fuisse atque abductos, per se patet; immo hos paucos, qui superstites erant,
deinde numero valde auctos fuisse, probabile est. (8)

§ 18.

Migratio Hebraeorum in Aegyptum regnante Artaxerxe Ocho.

Numerus autem eorum, qui olim in Aegyptum concesserant, variis deinde
occasionibus quam maxime adauctus est: ita, inprimis imperante Persis **АРТА-
ХЕРХЕ ОЧО**, eo vel migrarunt vel deducti sunt Hebraei. Migratio vero, vel ab-
ductio haec valde in obscuro latet; scimus quidem hunc **АРТАХЕРХЕМ** regem
fuisse ferocem, illumque bellum gessisse contra Phoenices, et varios scriptores
statuisse, eum hac occasione, qua etiam Aegyptiarum rerum potitus fuit, eo
deportasse Iudaeos (9), at quaenam causa huius deportationis fuerit haud equi-
dem affirmare aſſim. Quomodocunque vero haec res sit comparata, illud
extra omnem dubitationem est, multos a Persis captivos in Aegyptum deduc-
tos fuisse; disertis enim verbis illud innuitur a **PTOLEMAEO PHILADELPHO**,
qui ad pontificem **ELEAZARUM** inter alia ita scripsit: „Cum multi in regno
„meo habitarent Iudaei, quos a Persis, dum imperium tenebant, captos meus
„pater honoravit.” (10) Haec autem verba theſin noſtram confirmare viden-
tur, licet enim epistola illa ficta ſit, ſuper veris tamen ſtructa eſt hypothe-
ſibus. (11)

(8) Hinc etiam **BASNAGIUS** hac de re loquens, hoc quoque ſtatuit; ait enim in l. ſaepius l. *Tom.*
VII. p. 155: „Cependant, il en demeurat, quelques-uns en ce Pais-là, dont les Familles ſe provig-
„nérent conſiderablement.” Cf. quoque *FL. IOS. de B. I.* II. 18. 7. (9) Cf. *USSERIUS* ad *A. M.*
3653, *PRIDEAUX* p. 548. alique, quod comprobare conantur e *SOLINI* cap. 35 et *SYNCHELLO* *EX*
AFRICANO p. 256. (10) *FL. IOS. A. I.* XII. 2. 4. (11) *VENEMAN* l. c. II. p. 458.

S E C T I O II.

DE HEBRAEORUM ULTERIORE PER ASIAM DISPERSIONE.

§ 19.

Status Hebraeorum usque ad mortem Nebucadnezaris. (1)

Antequam de Hebraeorum in exilio statu quaedam dicuntur, breviter agendum est de ultima Hebraeorum, regnante NEBUCADNEZARE, in Babyloniam abductione.

NEBUCADNEZARE Tyrum obsidente, anno a. C. 584, NEBUZARADAN satellitibus ipse praefectus in Iudaeam descendit, forte ut GEDALIAE ac plurium Chaldaeorum caedem ulcisceretur. Hic autem, quotquot Iudaeos reperit, eos in Babyloniam abduxit; totam vero terram fuisse direptam, colligere possumus ex IEREMIAE verbis cap. 52: 50, quia, cum NEBUZARADAN, quotquot Iudaeos reperiret, in Babyloniam abduxerit, tantummodo animas septingentas quadraginta quinque deportavit.

Illi homines, qui in hanc illamve captivitatem abducebantur, non servorum instar, sed ut coloni tractabantur (2); nam e more, inter populos tunc temporis solemni, fere semper abducebantur tantummodo nobiliores, potentiores, milites, alique, de quibus metus erat ne rebellarent, sed viliores in patria relinquebantur, qui agros colerent et ea exercerent opificia, unde victores nihil periculi sibi metuerent. Et si nunc vidimus, Hebraeos pene omnes abduc-

(1) Quamvis Hebraeorum sub Babyloniorum Persarumque regum status descriptio brevis, ad quaestionem a nobilissimo Philosophiae Theoreticae et Literarum humaniorum, quae Groningae est, ordine propositam, strictiori sensu non pertineat, tamen haud inutile, immo necessarium (inprimis ut eorum dispersionem per totam fere Asiam eo melius intelligatur et perinde illustretur) conditionem Hebraeorum paucis adumbrare, mihi videbatur et viri Cl. hoc quoque non plane displiciturum spero.

(2) Cl. FAREAU l. c. p. 24.

tos fuisse, maxima tamen usi sunt libertate, adeo ut in hoc exilii statu haud omnino infortunati fuisse videantur: sic Iudaeis quoque in captivitate aliqua regiminis proprii forma remanebat, iisque praefecti ex ipsa DAVIDIS domo erant (3): hinc etiam IEREMIAS abductos sic alloquitur cap. 29: 5-7. „Exstruite domos, quas habitetis, conferite hortos, quorum fructibus vescamini. Uxores ducite, liberos genituri, et filiis vestris uxores date, filiasque vestras nuptum collocate, liberos quoque parituras. Et sic crescite non imminuti. Saluti urbis studete, quo vos relegavi, et precibus vestris pro ea apud me intercedite, nam cum eius salute vestra quoque salus est coniuncta.”

Nemo autem putet illorum conditionem semper fuisse laetam: contrarium vero locum habuit; cecinit enim poeta quidam, „ad flumina Babyloniae sedentes etiam, atque etiam flevimus.” (4) Nihilo tamen minus plures saepissime exsules ad summos dignitatis gradus evecti sunt: ita v. c. DANIEL, HANANIA, MISAËL et AZARIA magno a NEBUCADNEZAR ornati sunt honore (5); imprimis inter hos inclarnit DANIËL, qui, cum regi somnium illud notissimum (6) indicasset, eiusque subiunxisset interpretationem, ad maximos in aula regia honores ascendit, amplissimisque muneribus cumulatus, toti Babyloniae provinciae praefectus constitutus est. (7) Tam egregia autem ista opportunitate affectis civium suorum rebus succurrendi, quin DANIEL una cum sociis SADRACH, MESACH et ABEDNEGO strenue usus sit, non est profecto, quod dubitemus. (8) Praeterea miraculo isto celeberrimo, quo socii DANIELIS in fornacem coniecti servabantur (9), maior etiam opportunitas captivorum Hebraeorum rebus consulendi DANIELI aliisque praebita fuit. (10) Immo etiam deinde, cum NEBUCADNEZAR post septem annorum dementiam ac furorem sibi ipsi restitutus esset, et veri Dei potentiam non modo ipse agnovisset, sed ut alii quoque celebrarent, operam dedisset, piis in gente viris, in captivitate constitutis, ingens hac ratione solatium et in rebus asperis levamentum haud dubie afferebatur. (11)

(3) Ezrae 1: 8, 5: 14. (4) Ps. 137: 1. (5) Dan. 1: 1, 3-7. (6) Dan. 2. (7) Dan. 2: 48. (8) Cf. CL. MUNTINGHE VIII: p. 9. (9) Dan. 3. (10) FL. 105. A. I. X. 10. 5. (11) Cf. CL. MUNTINGHE VIII. p. 17. CL. VENEMA l. c. II. p. 289, 290. et BUBBAUS l. c. II. p. 785.

Haec vero omnia inprimis ad Iudaeos pertinebant: dicendum itaque nunc etiam esset de illis, qui ex decem tribubus in exilium abducti erant, at propter monumentorum penuriam pauca tantummodo de illis novimus: liceat igitur mihi hic afferre verba Cl. MÜNTINGHII l. c. VIII. not. 9. p. 6, 7. „Indien „men eenig geloof mag slaan aan de verhalen des schrijvers van het boek van 10- „BIAS Hoofdst. 14: 4, 12. 13. schijnen het ook de ballingen der 10 stammen „in Medië, waar een groot gedeelte van dezelve woonde, zeer wel gehad „hebben.”

§ 20.

Status Hebraeorum ad dissolutionem captivitatis per Cyrum.

Mortuo NERUCADNEZARI succedit filius EVILMERODACH, qui IECHONIAM statim e vinculis solutum, uti IOSEPHUS dicit, inter amicos necessarios habebat, simulque illi, quae ad regium cultum necessaria erant, suppeditavit. (12) „Ut ergo animum, ait BUDDERUS v. cl. l. c. II. p. 794, hac ratione benevolum erga Iudaeos demonstravit; ita eorum sub hocce rege tolerabilem admodum fuisse conditionem, ut credamus, par est.” Tandem varios post casus regnum Babylonieum pervenit ad CYRAXAREM II (eundem qui in S. literis DARIUS appellatur), (13) quo regnante magna fuit DANIELIS auctoritas, nec non cum DARIUM mortuum exceperit CYRUS. Atque ita cuncta eo tandem redibant, ut Hebraeis per DANIELEM praefidii aliquid conciliaretur atque solatii non tantum, sed et iis in patriam redeundi templique Hierosolymitani instaurandi libertas a CYRO rege concederetur. (14) Neque in hoc substitit CYRI benevolentia, incitavit enim ille omnes, ut in patriam redirent instruxitque omnibus iis, quae ad tantas res feliciter peragendas conducere possent. (15) Quanam autem tantae benignitatis causa fuerit primaria, omnino definiri vix potest; forte ipse DANIEL huius rei auctor suasorque regi existit, quippe quem eius gratia floruisse, ex ipsius libro constat. (16) Ceterum

(12) FL. 103. A. L. X. 11. 2. 2 Reg. 25: 27. Jer. 52: 31. (13) Dan. 6: 1. (14) Ezrae 1: 1-3. (15) Ezrae 1: 3, 4, 7-11. Cf. FL. 103. A. L. XI. 1. 2. (16) Cap. 6: 29.

vaticinium IESAIAE (17) de CYRO, Iudaeorum aliquando liberatorē, ita nempe ut vates nomen appellet, eius victorias exponat, restitutionem reipublicae Iudaeae illius ope pronunciet, monente forsan ipso DANIELE, CYRO relatum fuisse, verisimile est. (18)

§ 21.

Reverso plurimorum Hebraeorum in sedes avitas regnante Cyro:

Edicto igitur CYRI, anno eius regni primo, qui est a. C. 536, promulgato, principes e tribubus Beniamine et Iuda viri cum sacerdotibus et Levitis et aliis quibusdam, auro, argento aliisque opibus a vicinis adiuti, iter in patriam susceperunt. (19) Numerus eorum, qui hoc anno ex captivitate Babylonica cum ZERUBBABEL, principe Iudaeorum, et IOSUA, summo sacerdote, redierunt, myriades erant quatuor duo millia trecenti et sexaginta, praeter servos et ancillas, qui fuerunt septies mille trecenti triginta septem. (20) Pauci igitur, hac libertate usi, pristinas repetierunt sedes, forte quod nonnulli ad possessiones, quas exfules hic illicve sibi comparaverant, relinquendas, statim inducere animum non possent. In his nonnullos quoque fuisse Israelitas, nobis quidem persuasissimum est (21), quamvis hi, utpote qui diutius iam extra patriam degissent, non tanto numero sedes avitas recuperaverint: de qua re ita disputat Cl. PABEAU *Antiquitatis Hebraicae* p. 26: „Ac videntur omnino fuisse ex decem illis tribubus five *Israëlitis*, haud pauci, qui iter susciperent, quotquot nimirum verae religionis amore quam maxime ducerentur: quibus deinceps plures accessisse probabile est, cum de suorum, qui iam Palaestinam tenerent, salute facti essent certiores.” (22)

(17) Cap. 44, 45. (18) Praesertim quoque cum hoc affirmet FL. IOSEPHUS *A. I.* XI. 1. 2. Cf. BACHIEZE l. c. I. p. 809. et praeter alios Cl. MUNTINGHE l. c. VIII. p. 107. sqq. (19) Ezr. 1: 2. (20) Ezr. 2: 64. 65. Cf. Nehem. 7: 66. PRIDEAUX p. 153. (21) Ezr. 2: 70. 1 Chr. 9: 3. (22) PRIDEAUX p. 152, 153. et Cl. MUNTINGHE VIII. p. 110, 111. Hinc ab eo inde tempore Hebraei, tam qui ad decem tribuum, quam qui ad Iudae regnum pertinerant, uno nomine generali *Iudaei* dicebantur, unde etiam nos in posterum hoc nomine tantummodo utemur. (FL.

Status Iudaeorum regnantibus Xerxe et Artaxerxe Longimane.

Conditionem Iudaeorum sub CAMBYSE, SMERDE et DARIO HYSTASPIS filio, quum, quod ad opus nobis propositum attinet, minus digna memoratu gesferint, silentio praetermittimus, et dicemus aliquid de XERXE et ARTAXERXE.

Regnantibus his, Iudaeorum status, etfi coelum non semper illis aequae esset ferenum (23), haud erat infortunatus: etenim si statuamus, AHASUERUM in libro ESTHERAE laudatum fuisse XERXEM (24), siue filium huius ARTAXERXEM (25), hoc ex historia illa notissima colligere licet, eorum perplures tunc temporis fuisse divites et satis potentes. HAMAN enim ille Iudaeis infestissimus, quum a rege postularet, ut Iudaei perderentur, pollicitus est, ne quid damni rex pateretur, illorum tributis mulctatus, ipse de suis bonis decem argenti talentorum millia se daturum. (26) Eorum porro potentia ex eodem ESTHERAE libro luculentissime patet: edicto enim ad Iudaeos delendos promulgato, rex, iterum mutatus, Iudaeis, hostibus suis resistendi et sese vindicandi, plenam dedit potestatem. (27) „Congregaverunt hinc se Iudaei in civitates suas, per omnes regis AHASUERI provincias, ad mittendam manum in quaerentes malum ipsorum, et nemo in oppugnandis Iudaeis substituit, adeo ut omnes illorum hostes succumberent, ac superarentur, qui eos hostiliter invaserant.” (28) Fuit igitur bellum in Persarum regno domesticum, quod adeo prospere Iudaeis cecidit, ut in ipsa urbe regia Susis ab illis plus octingentis, et in regni provinciis septuaginta quinque millia hostium caederentur. (29) FLAVIUS IOSEPHUS de XERXE loquens dicit; illum Iudaeos ex institutis patris DARI, (qui Iudaeis impense admodum faverat) nihil mutas-

108. A I. XI. 5. 7.) Distinguebantur autem saepius nomine אנשי בבל virorum Babyloniae et אנשי ארץ ישראל virorum terrae Israelis (BUDDEUS I. I. II. p. 962. (23) Esth. 3: 4. (24) CL. MUNTINGHE VIII. p. 114. (71) p. 38-40 et BACHIE NE III. p. 629. (25) PRIDEAUX p. 292-299. et BUDDEUS II. p. 950. 951. (26) Esth. 3: 9. Cf. PRIDEAUX p. 368. (27) Esth. 8. Ex more enim Persarum edicta plane revocari non potuerunt. Cf. Esth. 8: 8. (28) Cap. 9: 2. (29) Esth.

se. Hic autem rex bellum adversus Graeciam intruxit, quo in bello Iudaei quoque stipendia fecerunt, quod nimirum e CHAERILI cuiusdam versibus, qui apud IOSEPHUM inspicere possunt, colligendum videtur. (30)

§ 25.

Reversio Iudaeorum altera regnante Artaxerxe Longimano.

Anno ARTAXERXIS sexte aut ineunte septimo, EZRA cum plurimis e gente Iudaica consilium in patriam revertendi cepit. Erat ille EZRA e genere sacerdotali, uti ex genealogia eius constat, et vir eruditus legisque peritissimus. Rex autem, quum esset Iudaeis benevolus, facile tali homini in patriam redeundi, ac res populi afflictas restituendi, libertatem concessit; et omnibus etiam Israëlitis, qui in regno Persarum remanserant, maxime sacerdotibus atque Levitis, haec dabatur potestas, sed EZRAE quoque opes amplissimas, ad cultum veri numinis ipsi oblatas, ac vasa sacra, in ministerium domus Dei concredita, secum auferre licuit; aerarii praeterea regii praefectis trans-Euphratenfibus mandabatur, ut, quaecunque necessaria essent, ex fisco regio EZRAE suppeditarent: quo pacto ille, congregatis ad fluvium Ahava itineris sociis, atque Levitis quibusdam, quorum nemo adhuc aderat, arcessitis, post ieiunia et preces iter in Palaestinam suscepit, eoque cum omnibus salvus et incolumis pervenit. (31) FL. IOSEPHUS narrat, EZRAM exemplar epistolae regis misisse ad gentiles suos, seu decem tribuum Israëlitas in Media, ex quibus multi cum suis opibus Babylonem venerint, Hierosolyma reverti cupientes. (32)

Anno tandem ARTAXERXIS LONGIMANI vicesimo, Iudaeorum quidam cum NEHEMIA, regio pincerna, impetrata a rege potestate in patriam redeundi, itidem Hierosolyma venerunt: (33) an vero Iudaei magno numero

9: 16. Cf. de tota hanc historia Cl. VENEMA l. I. II. p. 370-383. (30) *Contra Ap.* I. 22. Cf. PRIDEAUX p. 272. (31) Fusius haec omnia apud EZRAM cap. 8: 15 sqq. enarrantur. De eorum, qui patriam recuperarunt, numero, nihil certi dici potest, licet ex cap. 8: 35 haud obscure pateat, illos non paucos fuisse. (32) *A. I.* XI. 5. 2. (33) *Nehem.* 2: 1-11.

cum eo in patriam reversi fuerint, merito quaeritur. Iosephus disertè dicit, *נְהַמְיָא*; cum venisset Babylonem, et multos e popularibus, ultro in itineris societatem venientes, comites assumisset, illico Hierosolyma se contulisse. (34)

§ 24.

Status Iudaeorum sub sequentibus Persarum regibus.

Succesfit ARTAXERXES XERXES II, quem, paulo post interfectum, sogdianus excepit, cui, itidem necato, succesfit frater DARIUS NOTHUS. Regnantibus his Iudaeorum status pro temporis conditione varius quidem fuit, sed ita tamen, ut per hoc temporis intervallum in iis regionibus, ubi iam degerent, mansisse videantur: idem quoque dici potest de DARIUS NOTHI successore ARTAXERXES MNEMONE, utpote qui rex satis placidus fuit. Longe autem aliter populi huius res imperante OCHUS MNEMONIS filio, sese habuerunt. Hic enim princeps ferox et perfidus cum esset, bellum contra Phoenices gerens, multos abduxit Iudaeos in Babyloniam atque Hyrcaniam, ibique ad mare Caspium collocavit. (35) Huius ferocitatis causam haud equidem scimus, hinc quoque Cl. MUNTINGHE l. l. VIII. not. 81. p. 42, hac de re agens, ita ratiocinatur: „Welke de reden of aanleiding zij geweest van deze wreedheid, tegen de Joden, is onbekend. Daar ochus thans tegen de van hem afgevalle Feniciërs opgetrokken was, is het niet onwaarschijnlijk, dat ook de Joden, het Persische juk moede, hun te hulpe gekomen zijn, of althans meer, of min verdacht zijn geweest van zich met den opstand vereenigd te hebben.” Quo modo autem cum hoc conciliari possit, ochum Iudaeos in Aegypto collocasse, vix intelligitur. (36)

Tandem ochus, a BAGOA interfectus, et ARSES, qui solus e caede regiae familiae fuit superstes, rex est creatus, cui denique etiam ipsi a BAGOA interempto succesfit DARIUS CODOMANNUS, qui bellum cum ALEXANDRO M.,

(34) A. I. XI. 5. 7. (35) PRIDEAUX et scriptores ab eo citati p. 547. (36) Vid. supra § 18.

diu varia belli fortuna, sed magna virtute gessit: postremo autem victus ab ALEXANDRO M. et ab amicis relictus, atque interfectus simul cum Persarum regno intereunte vitam amisit. (37)

§ 25.

Dispersio Iudaeorum per totum Persarum regnum.

Ex iis, quae supra dicta sunt, iam certiores facti sumus de tota Iudaeorum dispersione: per hoc autem temporis intervallum haec gens non minus per fatiis magnam terrarum orbis partem dissipata fuit. (38) Invenimus enim Iudaeos in terra Casiphia; (39) apud flumen Sud, (40) immo in Susiana, nam DANIËLEM fuisse Susi ex quodam eius prophetiarum loco satis liquide colligendum videtur. (41) Deinde autem Iudaeos per totum Persarum regnum dispersos videmus in libro ESTHERAE; HAMAN enim regi dicebat Esth. 3: 8. „est „populus per totum tuum regnum dissipatus,” quo dicto, uti ex sequentibus patet, Iudaeos significabat: in vastissimo igitur Persarum imperio quaquaverfum debebant Iudaei: (42) hinc in ceteris huius regni provinciis nondum laudatis, licet in S. literis atque apud scriptores profanos, quantum equidem scio, nusquam inveniantur, fuerint Iudaei necesse est.

Observandum vero hic est, loca, in quae abducti erant Iudae regni incolae, non tam longe, quam Israëlitarum, fuisse remotas, atque hos igitur coniunciores per modum coloniae ibi degisse; hinc in reversionibus illis supra laudatis ii praesertim, qui ad Iudae pertinebant tribum, patriam recuperarunt. (45)

(37) IUST. X. 3. 11, 15. USSERIUS ad A. M. 3674. Vld. de statu Iudaeorum, regnantibus Persarum regibus, Cl. MÜNTINGHE l. c. VIII. p. 127, 128. (38) Quod etiam ex tota hac sectione inprimis § 22. quam luculentissime patet. (39) Ezr. 8: 17. (40) Baruchi 1: 4. (41) Cap. 8: 2. (42) Esth. 8: 5, 17. 9: 23, 5, 15-19, 30. (43) Cl. MÜNTINGHE VIII. p. 5. et VERNEMA l. c. II. p. 292. 293.

*Causae huius dispersionis.*

Facillimè autem tantae dispersionis causas quisque intelligat necesse est; partim enim iam victores ex prudentissimo consilio, ne iis scilicet rebellandi occasio esset, nec non ut regiones desertas colerent, exules adeo dispergebant; partim autem statuimus, mercaturam huic rei haud minus ansum dedisse, quod nemo non intelliget, qui eorum sedes in memoriam revocet: magna v. c. Iudaeorum pars in provincia Sinear sive Babylonia degebant, cuius, Tigrin inter et Euphratem iacentis fossae et canales, ex uno flumine in alterum ducta, fertilitatem terrae naturalem adiuvabant et mirum quantum augebant, quin etiam navigationi et commerciis incolarum mutuis inserviebant. (44) Hinc quoque ex hac regione multa instituebantur commercia et exercebantur opificia (45); ideoque Deus ipse per prophetam praedixerat, futurum esse, ut illos abduceret in terram negotiantem, et in civitate negotiatorum deponeret. (46)

Licet enim Iudaei agriculturae fuerint dediti, tamen eos in exilio mercaturae quoque studuisse, quam maxime est probabile: ad quae ita Cl. FARNAU l. l. p. 418. „Etsi haud deerant, qui suadente IEREMIA propheta, agros colerent (Ier. 29: 4, 5.) plerique tamen, quibus id non daretur, victum quaesivisse videntur emendo vendendoque” et Cl. MUNTINGHE hac de re ita disputat *Geschiedenis der Menschheid* etc. VIII. p. 132. „het is wel niet anders, mogelijk, of de Joden, nu onder dese volkeren (Babylonios nempe ac Persas) verkeerende, en voorts geene gelegenheid meer hebbende om de vaderlijke akkers te bearbeiten, zullen ook van lieverlede aan hunne kunsten, en den daar toe behoorenden koophandel en aan hunne wetenschappen, in zoo verre die

(44) Cf. v. HAMELSVELD l. c. VI. p. 82 et Cl. HEEREN *Idem* l. II. p. 149 sqq. in primis p. 163, 164, 178–181, 185 sqq. (45) Cl. MUNTINGHE VII. p. 318, 319. (46) Ezech. 17: 4. cf. Ier. 50: 37. 51: 7, 13. Ies. 43: 14 Cl. MUNTINGHE VIII. p. 132, 133. conferri hic omnino meretur A. TH. HARTMANN *Die Hebraeëren* etc. I. p. 419 sqq. ubi vir ille doctus egregie hac de re disputat.

„met hunnen godsdienst niet strijdig waren, deel genomen hebben; te meer, „dewijl door deze verkeering, en door het gunstig onthaal, dat zij bij de vreem- „de volken vonden, de oude haat tegen dezelve geheel werd weggenomen.” Et quia post captivitatem apud ΝΕΗΕΜΙΑΜ (47) iam de quadam aurifabrorum et negotiatorum classe mentio iniicitur, colligere possumus, in exilio haud paucos Hebraeos didicisse opificia tractare. (48) „Immo, inquit Cl. PARRAU l. c. p. 421.; „secundum Iudaicam traditionem fide dignissimam institutum est deinceps, ut „omnes omnino mares aliquod opificium docerentur.” (49) Quid plura? nonne ex dictis ultro sequitur, Iudaeos, in hanc incumbentes rem, quoquoersum se convertisse, ubi commercia agenda essent et posset. Ad hanc autem rem satis illis concessum est libertatis, pro more populorum tunc temporis solemni; et haud dubio augebatur libertas eorum, qui, postquam Iudaeis in patriam redeundi data erat potestas, in terris exteris manere maluerunt. Nemo enim dicat, dispersionem per amplam terrarum partem tantummodo in exilio locum habuisse, nam vidimus, cum ZERUBBABELLE haud multos patriam repetiisse; hinc etiam IOSEPHUS (50) multos, dicit, maluisse Babylone manere, nolentes relinquere suas possessiones; et, quamvis deinde cum EZRA et ΝΕΗΕΜΙΑ plures Babylone ceterisque regionibus egressi, sedes patrias et avitas recuperaverint, longe tamen plurimos in terris peregrinis remansisse, omni vacat dubio; „alios, quemadmodum ait Cl. VENNEMAN l. c. II. p. 369., quod „idololatriae nondum penitus renuntiaverant, alios quod commodius viverent in „exilio ac lautius et de patriae statu minus recte sentirent:” ideo etiam IOSEPHUS de altera reversione, quae EZRA duce locum habuit, loquens (51) dicit: reliquam Israëlitarum multitudinem assuetum iam domicilium noluisse relinquere, eamque ob causam duas tantum tribus per Asiam et Europam sub Romano degere imperio, decem autem tribus ultra Euphratem esse, infinita hominum millia, qui vix numero comprehendi queant.

(47) Cap. 3: 32. (48) Cf. MUNT. VIII. p. 132. (49) Matth. 13: 55. Act. 18: 3. 1 Cor. 4: 12. 1 Thes. 2: 9. Act. 20: 34. (50) A. I. XI. 1. 3. (51) A. I. XI 5. 2.

PERIODUS II:

HISTORIA MIGRATIONUM HEBRAEORUM EXTRA PATRIAM,
INDE AB ALEXANDRO M. USQUE AD TEMPORA APOSTO-
LORUM, H. E. AB ANNO ANTE CHRISTUM 330 AD TEM-
PORA DELETA A ROMANIS HIEROSOLYMA PROXIME
ANTECEDENTIA: ET EXPOSITIO CAUSARUM,
QUAE EAS EFFECERUNT.

CAPUT I.

DE MIGRATIONIBUS IUDAEORUM IN AFRICAM.

§ 27.

Migratio Iudaeorum in Aegyptum regnante Alexandro.

Vidimus, periodo iam superiori, per satis multas regiones dispersos fuisse Iudaeos, cuius rei in genere abductiones illae et totius populi destructio fuerunt causae: exeunte autem illa periodo, mercaturam etiam haud minimam causam statuimus. Per hoc vero temporis intervallum abductiones tales, (quamquam non omnino defint), rarius locum habuerunt: dispersiones autem et migrationes multo maiores videbimus: aliae igitur causae cum alia temporum conditione nobis obversentur, necesse est. Omnium autem per hanc periodum migrationum causam primariam fuisse mercaturam, statuere haud dubitamus. Nee

mirum, Iudaeos enim in exilio Assyriorum Babyloniorumque, in aliis degere terris iam consuetos, et patriae avitaeque religioni minus addictos, patriam libentius, quam antea potuisse relinquere, nemo est, quin intelligat: cum vero his etiam accedat, quod mercatura, cui studere illos in captivitate incepisse periodo superiore ostendimus, vitam iis praebuerit lautierem, ad maximam probabilitatem suspicio haec perducitur. Videmus enim et Iudaeos in Aegyptum turmatim migrantes, et SIMONEM, pontificem maximum, Ioppe portum commerciis commode exstruentem, et HERODEM Caesaraeam in ora maritima condentem eximiumque illi portum addentem. At quid plura? indicia haec luculentissima nostram satis superque comprobare videntur sententiam. Redeamus igitur ad ea, quae iam supersunt tractanda.

ALEXANDER M., quum amplam Asiae partem sibi iam subiecisset, arma victricia in Aegyptios vertit, totiusque regionis sine Martis discrimine potitus, urbem ibi condidit, quam ex suo nomine *Alexandriam* appellavit. Hanc vero urbem, quae dein maximam consecuta est celebritatem, ut frequentaret ALEXANDER, pluribus ex finitimis urbibus commigrare Alexandriam iussis, magna multitudo urbem implevit. (1) Quos inter multi fuerunt Iudaei, quibus rex multa concessit privilegia, nam, quemadmodum ait IOSEPHUS *contra Ap.* II. 4. p. 471. aequali ac Macedones ius consecuti sunt: etenim quum ALEXANDER dixisset Iudaeis, si qui secum militare vellent ea lege, ut patrios mores tenerent et secundum illos viverent, paratum se esse eos secum ducere, multi lubenti animo in eam expeditionem (contra Aegyptum) dederunt nomina. (2) ALEXANDER vero, opera Iudaeorum promptissima adversus Aegyptios usus, in auxilii remunerationem concessit illis aequo iure cum Graecis urbem habitare (3); quibus accedit, quod Alexandriae situs mercaturae quam maxime opportunus erat. (4)

(1) CURTH. IV. 8. (2) FL. IOS. *A. I.* XI. 8. 5. (3) IOS. *de B. I.* II. 18. 7. (4) „ALEXANDER DE GROOTE, inquit VAN HAMELSVELD *Aardrykskunde des Bybels*, VI. p. 52, „hadt „deze haven, met een doorzichtig oog, uitgekozen, om er den Koophandel van de drie toen bekende werelddelen, als in één middenpunt, saam te brengen, en van daar eenen weldadigen invloed al- „lerwegen te laten verbreiden.” Cf. imprimis cl. MUNTINGHE VIII. p. 376, 377. add. A. TH. HARTMANN II. p. 82 sqq.

§ 28.

Prior Iudaeorum migratio in Aegyptum regnante Ptolemaeo Lagi filio.

Post ALEXANDRI mortem, PTOLOMAEUS LAGI filius, Aegyptum cum esset fortitus, et Syriam illi vellet adiungere, Iudaeam ingressus atque Hierosolymis occupatis, multos (5) tum ex Iudaeis tum ex Samaritanis captivos in Aegyptum abduxit: quod iterum pro more illius temporis factum fuit, ita ut de huius abductionis causa plura dicere haud possumus. Cumque Hierosolymitanos iurisiurandi fidei observantissimos ex iis intelligeret, quae ALEXANDRI legatis, post victum ab eo DARIUM, responderant, multos illorum in praefidiis disposuit et aequali cum Macedonibus Alexandriae iure esse iussit; sacramentoque eos obstrinxit, servaturos se fidem posteris eius, qui ipsis mandasset eam provinciam. Ita fere IOSEPHUS haec narrat (6), dum autem alia huius benignitatis causa fuisse videatur quamobrem etiam Cl. MÜNTINGHE l. c. VIII in not. 110. p. 51. scribit: „IOSEPHUS t. a. p. schrijft de reden van deze gunst des konings „jegens de Joden toe aan hunne standvastigheid in het houden van eeden en beloften. Doch men ziet hier in den Geschiedschrijver den Jood, die zijn volk „wilde prijzen.” et in not. 112. p. 52. „IOSEPHUS t. a. p. geeft niet onduidelijk te kennen, dat de geschiktheid van het land van Egypte eene sterke drijfveer „is geweest bij vele Joden om zich derwaards te begeven:” Disertis enim verbis ipse innuit, haud paucos Iudaeos, partim ubertate terrae, partim PTOLEMAEI erga gentem hanc liberalitate, allectos, sponte in Aegyptum migrasse. (7)

§ 29.

Migratio Iudaeorum in Libyam et Cyrenen regnante Ptolemaeo Lagi filio.

Immo hoc tempore, ipsaque hac occasione, multi in Lybiam et Cyrenen commi-

(5) PSEUDO-ARISTEAS ad decem myriades Iudaeorum ex Iudaea in Aegyptum traductas esse dicit. Cf. BUDDIUS II. p. 921. etc. (6) A. I. XII. 1. (7) Idem A. I. XII. 1. Contra Ap. I. 22. p. 458.

grarunt Iudaei; nam, quemadmodum refert Iosephus, *contra Ap.* II. 4. p. 472: cum firmum in Cyrenaica imperium tenere vellet, et in aliis Libyae civitatibus, illuc partem Iudaeorum habitatum misit. Sed Iudaei hoc ultro praefertim mercaturae gratia fecisse videntur, quod nemini mirum erit, qui harum regionum ad Mare Mediterraneum situm, mercaturae accomodatissimum, ad animum revocet. (8) Audiamus iterum Cl. MUNTINGHE, de huius migrationis causa ita loquentem, l. c. VIII. p. 183, 184. „Iosephus stelt ons deze verhuizingen „in een geheel ander licht voor, als waarin zij schijnen gesteld te moeten worden. Op niets ijvriger bedacht, dan om zijne natie, ook dikwijls bezijde de „waarheid, te verheffen; wil hij ook hier ons de zaak dus doen voorkomen; „dat PTOLEMAEUS zelf, der Joden trouwe in het houden van verbonden „in aanmerking genomen hebbende, hen als menschen, op welke hij meer be- „trouwen kon, dan op anderen, naar zijne staten gelokt hebbe: doch dat dit „flechts eene gedachte was van dezen geschiedschrijver, is klaarblijkelijk, om „dat hij zelf uitdrukkelijk die verhuizingen opgeeft, als door de Joden zelve „uit redenen, die hun eigen belang medebragten, gekozen: waarom ik, „hoezeer ik de trouw der toenmalige Joden niet wil in verdenking brengen, „toch liever denken zoude, dat, daar zij nu eenmaal, vooral in Babel „smaak voor den koophandel en de daarmede verknochte kunsten verkregen „hadden, de bloei van den handel in de steden en landen van Egypte, vooral „Alexandrië, en voorts van Lybië en Cyrenaica de voornaamste drijfveer bij „hen geweest is.”

§ 50.

Posterior Iudaeorum migratio in Aegyptum regnante Ptolemaeo Lagi filio.

Deinde multi iterum in Aegyptum commigraverunt Iudaei, et quidem occasione belli PTOLEMAEUM inter et ANTIGONUM, qua PTOLEMAEUS, e Sy-

(8) Nonne etiam eo per catervas mercatorum venissent? Vid. HEEREN II. I. p. 209. 299.

ria excedere coactus, praecipuas a se occupatas urbes diruit, receptisque ad se copiis et opibus, quae ferri poterant, in Aegyptum rediit. (9) Tum vero haud pauci homines, cognita comitate et clementia PTOLEMAEI, cum illo proficisci in Aegyptum voluerunt, ut rerum illic gerendarum participes essent (10): quibus fortasse accedebat Iudaeorum metus, ne a victore tam leniter et ea clementia tractarentur, qua a PTOLEMAEO essent habiti.

Quandoquidem PTOLEMAEUS LAGI, et quidam eius successeurs plerumque faverent Iudaeis, nullum relinquitur dubium, quin, quia post captivitatem libentius patriam relinquere poterant, multi sensim sensimque in Aegyptum migraverint Iudaei, quorum numerus progressu temporis haud dubie egregie auctus est, qui se paulatim in perplures Africae regiones, imo etiam in Aethiopiam contulerunt: sed hac de re infra plura dicentur.

§ 31.

Migrationes Iudaeorum in Aegyptum regnante Ptolemaeo Philometore.

Quemadmodum ab omni aevo in Aegyptum concedere, Iudaeis valde fuit familiare, sic etiam per hoc tempus haud rariora huius rei exempla occurrent: inprimis eo tempore, quo ANTIOCHUS EPIPHANES, altera illa expeditione a Romanis Aegypto excedere coactus, tantopere in Iudaeos saeviit: regnabat enim tunc in Aegypto PTOLEMAEUS PHILOMETOR, cuius sub imperio admodum leniter tractabantur Iudaei, unde quam maxime est verisimile, multos tunc temporis in Aegyptum migrasse; quae autem suspicio ad maiorem probabilitatis gradum evehitur, quando in primo Maccabaeorum libro (11) legimus, multos Hierosolymorum incolae propter Syrorum saevitiam ex urbe patria fugisse. Ubinam vero opportunius illis fuisset refugium, quam quidem in Aegypto, quum sufficeret, hostem esse EPIPHANIS, ut PTOLEMAEI favorem sibi quis conciliaret. Verba Cl. MUNTINGHII, ad haec tam egregie pertinen-

(9) DIOD. SIC. XIX. 93. (10) Ufus sum verbis FL. 108. contra Ap. I. 22. p. 455. (11) Cap. I: 49.

tia, haud afferre nequeo l. c. VIII. p. 298. „In Egypte, en in alle landen „die aan het Egyptische gebied onderworpen waren, was de Ioodsche natie in „groot aanzien. Ook aan derzelyer godsdienst werd aldaar alle die bescheiden- „heid bewezen, die men aan alle vreemde godsdiensten bewees. De staatkun- „de der Egyptische Koningen van welke meer dan één, voor al onder de eer- „sten, in verstand uitmuntten; was ten dezen aanzien veel wijzer, dan die „van eenen trotschen, alleen door zijne driften bestierden **ANTIOCHUS EPI-** „**PHANES.**” Luculentissimum huius rei exemplum est **ONIAS**, pontificis sum- mi **ONIAE** filius, ut pote qui, turbatis valde sub **ANTIOCHO** Iudaeorum re- bus, in Aegyptum aufugit, Alexandriam venit, atque a **PTOLEMAEO** ex- ceptus est humanis, „propter suas, uti inquit **IOSEPHUS de B. I. VII.** „10. 2. cum **ANTIOCHO** inimicitias.” Dum autem in Aegypto commoraba- tur **ONIAS**, **PTOLEMAEO** et **CLEOPATRAE** charus esse coepit; quum vero spem nullam, pontificatum in Iudaea obtinendi, haberet, simulque vellet sibi memoriam gloriamque sempiternam parare; a **PTOLEMAEO** et coniuge eius **CLEOPATRA** per literas petiit, ut sibi in Aegypto templum, Hierosolymitano simile, aedificare liceret. (12) Hac autem re a rege concessa, aedificavit **ONI-** **AS** templum ad instar Hierosolymitani in praefectura, quae dicitur Heliopo- litana. (13) Non tamen diffidendum est, hanc rem migrationibus haud paucis ansam dedisse: licet enim templum praeter Hierosolymitanum aedificare, se- cundum Dei iussum, interdictum esset Iudaeis, tamen huius populi plerique a religione avita eo tempore tam longe secesserant, ut rem, quae ipsis videba- tur parvi esse momenti, non curarent. His autem accedebat, quod templum Hierosolymitanum ab **ANTIOCHO** vastatum fuerit, ita ut non pauci, propter rationes modo allatas, nullo modo dubitaverint in Aegyptum abire; atque in- ter alia, (14) quibus **ONIAS** a rege templi aedificandi potestatem impetrare voluit, quoque ad hoc provocabat: disertis namque verbis ait **IOSEPHUS**, **ONI-**

(12) *FL. 102. A. I. XIII. 3. 1.* (13) *Idem ibid: XIII. 3. 2 et 3.* (14) Sic ad verba **IESAIAE** cap. 19. 18, 19. provocabat **ONIAS**, quibus ille praedixerat, altare Domino seu sacrarium aliquod in Aegypto fore. Quamquam vero haec divinatio ad istam rem minime pertineret, tamen haud pauci sine dubio Iudaei opinati fuerunt, aedificationem huius templi Deo acceptam esse et gratam.

ΑΝΝΟΝ ad regem etiam scripsisse, ita Iudaeos ad bellum acrius excitatum iri contra ANΤΙΟΧΟΝ, qui templum Hierosolymitanum vastaverat, et ad ipsum magis propensa voluntate venturos, adeoque regem multos religionis libertatē ad se allecturum. (15)

§ 32.

Ulteriores Iudaeorum migrationes per totam Aegyptum.

Licet historia de regionibus et locis, in quae migraverunt Iudaei, in genere admodum pauca ad nostram aetatem transtulerit monumenta, ex his illisve tamen IOSEPHI locis, ubi occasione data ea attigit, Iudaeos hic illic degisse colligere possumus. Sic videmus, Memphim regionemque circumiacentem incoluisse Iudaeos; ONIAS enim literis, ad PTOLEMAEUM et CLEOPATRAM misis, dicit, se cum Iudaeis Leontopolin, aliaque istius gentis in loca pervenisse, templaque animadvertisse (16): praeterea hoc magis etiam fit perspicuum, si observamus, templum illud ONIAE Leontopoli fuisse aedificatum, ibique ab illius conditore urbem quoque fuisse exstructam; ac regionem illam, in cuius vicinia Memphis erat, a Iudaeis frequentatam fuisse (17): denique, dummodo, Memphim totius fuisse Aegypti caput, consideretur, ibi permultos fuisse, nemo erit, qui dubitet.

Cum autem certe statuere possumus, Iudaeos in illa loca et regiones, ubi iam quidam huius populi degebant, se contulisse, ita iure ponimus, haud paucos in provinciam, modo laudatam, eiusque urbes concessisse. Hoc vel ONIAE exemplo patet, uti et, quia urbem, quam condiderat, habitandam dedit illis

(15) *De B. I.* VII. 10. 2. Cf. Cl. MÜNTINGH I. I. VIII. p. 279–281. Num huius templi aedificationis alia etiam, nimirum mercatura, fuisset causa? Satis enim notum est, hoc antiquiori aevo, multis populis fuisse usitatisimum: sic imprimis, quum AMASIS Graecis, mercaturae adiuvandae ergo, adeo faveret, multa hicce populus in Aegypto, tanquam mercaturae emporia, exstruxit templa: qua de re ita loquitur Cl. HÆREN I. I. II, II. p. 693. „Uebrigens haben wir hier ein „Beispiel anderer Art, wie gewöhnlich den Alterthum die Sitte war, Tempel und Heiligthümer zu „Niederlagen und Freystäten des Handels zu machen.“ (16) *Ios. A. I.* XIII. 3. 1. (17) Idem *ibid.* XIII. 3. 3. *de B. I.* I. 1. 1.

quidem, qui eo tempore se illuc conferebant; quod enim iis, qui ab aliquo inde tempore ibi iam degerant, adeo haud opus erat. His omnibus accedit etiam, quod, progressu temporis, haec regio Iudaeis tam fuit celebris, ut *regio Oniae* dicta fuerit; et cum CAESAR, in Aegypto bellum gerens, redactus esset in angustias, impediverunt Iudaei Aegyptiaci ANTIPATRUM et MITHRIDATEM, quominus CAESARI succurrerent; monente vero ANTIPATRO, et HYRCANI pontificis literis adducti, CAESARI multum auxilii praebuerunt. Quin et Memphitici, cum audivissent, quomodo se gessissent Iudaei, vocarunt ad se MITHRIDATEM, qui eo profectus illos quoque assumpsit. (18)

Et si de migrationibus in Aegyptum, per reliquam periodum, nusquam mentio iniicitur, tamen quam maxime probabile est, Iudaeos vel tunc, hac illave occasione, eo se contulisse; immo etiam propter commercia, quae inter utriusque regionis populum semper interceserunt, nobis id est persuasissimum. Hoc igitur nemini mirum videbitur, Iudaeos tanto numero in Aegypto degisse, ut suo tempore PHILO numerum eorum ad decies centena millia referre posset. (19)

§ 35.

De Iudaeis Cyrenaicis Libycisque.

Migrationes Iudaeorum in Libyam et Cyrenaicam, per reliquam huius Periodi partem, nusquam (quantum nobis quidem cognitum est) laudantur. Quum autem commercia consideramus Aegyptum inter et has regiones, utpote quae nunc uni parebant domino, nunc diversis subditae erant principibus, quandoque nobis repraesentamus vicinitatem, atque opportunitatem mercaturae, nulum utique relinquitur dubium, quin per alteram quoque periodi partem in illas regiones concesserint Iudaei. Haec autem suspicio vero similior erit, si IOSEPHUM inspiciamus, qui Iudaeorum in Cyrenaica maxime extollit frequentiam. Etenim postquam Romani, anno a. C. 76, hanc regionem in provinciae

(18) Ios. *A. I.* XIV. 8. 1. Hinc coniectura, supra proposita, maiorem iam probabilitatis gradum accipit. (19) PHILO in *Flac.* p. 752. (edit. Col. All. 1613.)

forinam redegerant, seditiones ibi ortae sunt, quorum Iudaei (adeo pollebant in illa regione!) auctores habebantur. Affert idem ille IOSEPHUS etiam testimonium STRABONIS, quo luculentius illud etiam apparebit: „τέτταρες, ita „STRABO, δὲ ἦσαν ἐν τῇ πόλει τῶν Κυρηναίων, ἥτε τῶν πολιτῶν, καὶ ἡ τῶν γεωργῶν, „τρίτη δὲ ἡ τῶν μετοίκων, καὶ τετάρτη ἡ τῶν Ἰουδαίων. Αυτὴ δὲ εἰς πᾶσαν πόλιν ἦδη „παρακληθεῖ, καὶ τόπον οὐκ ἔστι βλάβος εὐρεῖν τῆς οἰκουμένης, ὅς οὐ παραδέδεκται τοῦτο τὸ „φύλον, μηδὲ ἐπικρατεῖται, ὑπὲρ αὐτοῦ τὴν τε Αἰγύπτου καὶ τὴν Κυρηναίαν, ἅτε τῶν αὐτῶν „ἡμεῶν τυχεύσαν, τῶν τε ἄλλων εὐχρὰ ζηλωσαι συνίβη, καὶ δὴ τὰ συντάγματα τῶν Ἰου- „δαίων θρεῖται διαφερόντως, καὶ συνανξήσαι χρώμενα τοῖς πατρίοις τῶν Ἰουδαίων νόμοις” et paulo post „εἰς δὲ τὴν Κυρηναίαν μετέβη, διὰ τὸ δὲ ταύτην ὁμορον εἶναι τῇ τῶν Αἰγυπ- „τίων ἀρχῇ, καθάπερ τὴν Ἰουδαίαν, μᾶλλον δὲ τῆς ἀρχῆς ἐκείνης πρότερον.” „In urbē „autem Cyrenaeorum quatuor erant hominum classes, una civium, altera „agricolarum, tertia inquilinorum et quarta Iudaeorum. Haec autem iam in „urbes universas invaserat, haudque facile est locum in toto orbe invenire, „in quo hoc genus hominum sedibus exceperit, et ab eo teneatur: nam fac- „tum est, ut et Aegyptus et Cyrenaea, ut pote iisdem solitae parere Dominis, „aliaeque multae regiones horum mores imitentur, magnumque Iudaeorum nu- „merum peculiariter foveant et cum iis opibus viribusque crescant, patriis Iu- „daeorum usque institutis,” „transgressum autem est in Cyrenaeam, quod haec „finitima sit Aegyptiorum ditioni, quemadmodum etiam Iudaea est, vel poti- „us pars olim fuerit regni Aegyptiaci.” (20)

§ 54.

Migrationes Iudaeorum in Aethiopiam.

Non equidem is ego sum, qui dubitem, in Aethiopiam quoque migravisse Iudaeos, hoc enim omni dubitatione vacat, si modo memoria repetemus, Iudaeos ab antiquissimis inde temporibus, in Aegyptum iam transisse, ac per totam regionem adeo fuisse dispersos, ut nobis in Aegypto superiori, et quidem in terra Pathros, occurrant. (21) Hisce autem observatis, profecto haud in-

(20) A. I. XIV. 7. 2. (21) Cf. quae dicta sunt § 16.

venietur ullus, qui migrationes quoque in Abyssiniam seu Aethiopiam in dubium revocet. Quin etiam eruditissimus BACHIEKE coniecturam proposuit, Iudaeos ex hac Aegypti parte australi, fortassis, quo tempore NEBU CADNEZAR in Aegyptum invasionem fecerit, eo migrasse. (22) In scriptis N. F. mentio quoque iniicitur de Iudaeo quodam, proselyto quidem, in Aethiopia habitante, qui Hierosolyma adoraturus venerat (23): quare nostra itaque sententia satis comprobatur; at quonam tempore et qua de causa admodum sumus incerti. BASNAGIUS, postquam hac de re varia in medium protulit, ita l. l. VII. p. 183: disputat: „Il est beaucoup plus apparent, qu'il (le judaïsme) fut porté là „d'Egypte, ou les Juifs étoient établis depuis si longtems, comme en effet c'é- „toient les Egyptiens, qui avoient porté les premiers Habitans et l'ancienne „Religion dans ce Pais-la. Il est difficile de marquer le tems, où cela put „arriver, mais, il suffit pour nôtre Histoire de savoir, que l'Eunuque de la „Reine Candace, batisé par Saint-Philippe, étoit de ce Pais-la." Ut ut vero se res habeat, Iudaeos ex Aegypto sese in Aethiopiam contulisse, certo certius est: siue statuamus, hoc contigisse vi et armis, siue mercaturae gratia: quod posterius mihi quidem inprimis placet, eoque magis, quia a sententia hac abhorre non videtur Cl. HEEREN (24): et haec coniectura vero similior videbitur, si observamus, regionem Thebaidem, (ubi Iudaeos fuisse vidimus), mercaturae mirum quantum opportunam fuisse, ita ut commercia ibi quam maxime agerentur. (25)

(22) l. c. III. p. 255. (23) Act. 8: 27. (24) *Ideñ* II. I. p. 405. sqq. cf. I. II. p. 109.
 (25) ib. II. II. p. 678 sqq. 682. sqq.

C A P U T II.

DE MIGRATIONIBUS IUDAEORUM PER ASIAM.

§ 35.

Migrationes Iudaeorum in Syriam regnante Seleuco Nicator.

Sub ALEXANDRO M., qui Iudaeos, uti vidimus, satis leniter tractavit, multaque iis privilegia concessit, Iudaeorum trans Euphratem conditio haud infortunata fuit: migrationes autem; eo regnante, per Asiam factae, rarius memorantur; saepius vero sub ALEXANDRI successoribus, in alias Asiae regiones migraverunt Iudaei, ita ut eos nunc non solum trans Euphratem, sed etiam mox cis fluvium, in tota Syria atque Asia minori conspiciamus: — ab initio autem ordiemur.

Quemadmodum PTOLEMAEUS LAGUS post mortem ALEXANDRI Aegyptum, ita ANTIGONUS Asiae imperium sibi vindicaverat. (1) Contra hunc vero SELEUCUS Babyloniae praefectus arma cepit, praelioque ad Ipsum, Phrygiae oppidum, commisso, copiae ANTIGONI partim ad SELEUCUM defece-
runt, partim profligatae sunt ac dissipatae, ipse autem ANTIGONUS occubuit; a quo inde tempore SELEUCUS omnes fere regiones, quae olim in ditione Persarum fuerant, excepta Aegypto paucisque aliis, sibi vindicavit. Interea SELEUCUS multas in Asia minori et Syria condidit urbes, in quibus Iudaeos civitate donavit, eodemque, quo Macedones et Graecos ibidem collocatos, numero habuit (2): partim ut hoc modo urbes istas frequentaret, partim quoque quia Iudaeis haud infensus erat. Condidit autem SELEUCUS, secundum quorundam sententiam, ad sexaginta tres urbes, quas inter plures erant Antiochiae, Apa-

(1) IUST. XIV. 4. (2) IOS. A. I. XII. 3. 1.

meae, Seleucia, Laodiceae, unaque Stratonica (3): in quibus itaque omnibus degebant Iudaei: quod nemo sanequam mirabitur, considerans, regem adeo benevolum fuisse Iudaeis, ut etiam in ipso regni capite Antiochia civitate illos donaverit. (4) HIERONYMUS ex EUSEBIO docet: SELEUCUM Babylonem obtinuisse, et in eas urbes, quas extruxerat, Iudaeos transtulisse, atque ius illis civium et municipalem ordinem cum Graecis aequali honore concessisse. (5) Ex his itaque videmus, Iudaeos trans-Euphrateneses in civitatem adscitos fuisse, quamquam plures etiam e Palaestina se eo contulisse, haud negamus. Fuit igitur SELEUCUS primus, qui Iudaeos in Asiae regionibus cis Euphratem collocavit, unde per totam Syriam Asiamque minorem se disperserunt. (6)

§ 36.

Ulteriores Iudaeorum migrationes, imprimis in Asiam minorem, regnante Seleuco Nicator.

Iudaei, quum magis magisque mercaturae studerent, pedestentim etiam, quemadmodum omnes mercaturae deditae gentes, se quoquoersum convertabant. „Quum, uti ad IOSEPHUM *A. I.* XIV. 10, 23. in nota (k) dicitur, „per expeditionem ALEXANDRI M., certe ab eius tempore contigerit, ut Iudaeae civitates magis magisque coeperint ab gentilibus simul incoli (exemplum „in Iamnia refert PHILO p. 1021) etiam ipsi inde, avaritiae dediti homines, „exceserunt ad urbes gentilium, (quod patet ex loco STRABONIS, quem citat IOSEPHUS XIV, 12. p. 479; atque item ex PHILONE p. 1031) praesertim ubi apparebant illecebrae et opportunitates ditiescendi:” primum igitur Iudaeos in ea loca, ubi mercatura floreret, se contulisse, omni vacat dubio. Quo vero potius proficiscerentur, quam in Phoenicen? Hinc quoque, iam paulo post obitum ALEXANDRI, eo migrarunt, secundum IOSEPHI testimoni-

(3) APPIANUS in *Syr.* p. 124. Cf. CL. BECK. *Allgemeine Geschichte* II. p. 38. in not. 1. (4) *Ios. contra Ap.* II. 4. p. 471. (5) *Id. A. I.* XIV. 10. p. 24. ibique nota. (6) De causis NICATORIS benevolentiae vid. omnino PRIDEAUX p. 676, 677.

um (7) et sic sensim, se iuxta oras maritimas dispersisse, probabile est. (8) Iam vero itinera sua cito converterint Tarsum, urbem mercaturae maxime idoneam: sequebatur urbs, a **SELEUCO** ex suo nomine Seleucia appellata, et mox Antiochia ad Cragum, ab eodem rege condita, omnes Ciliciae urbes: in quibus fuisse Iudaeos, tum quia a **SELEUCO** conditae, tum quia mercaturae valde opportunae essent, statuendum est.

Porro in Pisidia erant Antiochia, urbs celeberrima, et Seleucia; deinde in Phrygia maiori Laodicea ad flumen Lycum, et Apamea Cibotos: denique in Caria ad flumen Meandrum Antiochia, quae omnes itidem urbes **SELEUCO** regi originem debuerunt, et in quibus, propter rationes iam saepius laudatas, sine dubio vixerunt Iudaei. Sed tamen agricultura quoque causa aliquando migrandi probabiliter fuit, cum omnes fere Veteres Asiae minoris provincias fertilitatis ergo et foecunditatis summopere laudant. Ita, v. c. qui primo adspectu hoc minus comprobare videretur, de monte Taurō loquitur **STRABO** Lib. XII. p. 570. *ἐν γὰρ ταῖς ἀκρωτείαις τῆ Ταύρου χώρας μυριάδας τρέφειν δυναμένη, σφόδρα εὐκαρπὴς ἔστιν, ὥστε καὶ ἐλαιόφυτα εἶναι πολλὰ χωρία, καὶ εὐάμπελα, νομαί τε ἀφθύνους ἀνείσθαι παντοδαπῶς βοσκήμασι. κυκλῶ δὲ ὑπέρκεινται δρυμοὶ περικύλης ὕλης.* „nam in summis Tauri montanis regio est multis hominum milibus alendis sufficiens, valde ferax frugum; ut et oleas multis in locis producat, et bonas vites, omnisque generis pecori pascendo sufficiat. Supra in orbem sylvae sunt omnigenae materiae.”

§ 57.

Migrationes Iudaeorum in Asiam minorem regnante Antiocho Magno.

Regnante in Syria **ANTIOCHO M.**, alia Asiae minoris pars Iudaeis frequen-

(7) *Contra Ap.* I. 22. p. 456. (8) Ante huius periodi intervallum forte ibi, vel saltem in Asia minori, praesertim Ionia fuisse Iudaeos, ex hoc illove S. scripturae loco, improbable est: vid. in primis Ioëlis 3: 4-6. Cf. Ezech. 27: 13. ibique v. **HAMELSVELD**; ut etiam in libro *Aardrijksk.* etc. V. p. 175-177. add. quoque inter alios **A. TH. HARTMANN** *die Hebräer* etc. I. p. 200, 201.

tata est, nam regnante **SELEUCO**, per totam illam Asiam, quovis dispergi non poterant, quia eius tempore **LYSIMACHUS** Bithyniae ceterisque regionibus, ad Mare Aegaeum iacentibus, imperabat.

ANTIOCHUS autem rex, ad fontes Iordanis, **SCOPAM**, **PTOLEMAEI EPIPHANIS** ducem, proelio vicit, magnamque eius copiarum partem delevit. Postea vero, cum occupatas a **SCOPA** urbes una cum Samaria subegisset, Iudaei quoque ultro deditionem fecerunt, et eum in urbem admiserunt; eiusque exercitui et elephantis omnibus rebus necessariis abunde suppeditatis, illum relictos a **SCOPA**, in arce Hierosolymitana praefidiarios, oppugnantem strenue adiuvērunt. (9) Itaque **ANTIOCHUS** aequum esse iudicans, ut Iudaeorum erga se studium et liberalitatem remuneraretur, literas scripsit ad duces suos et amicos, testimonium perhibens Iudaeis, quam praeclare de ipso meriti fuissent, simulque significans, quae munera illis vicissim dare decreverat: nam inter alia ad **PTOLEMAEUM** ducem scripsit „visum est nobis, eos pro his remunera-
„ri.” (10) Ex his igitur regis erga Iudaeos benevolentia luculentissime patet: attamen deinde quoque, anno nempe a. C. 194., rex amplum pietatis ac fidei Iudaeis praebuit testimonium, quum, nonnullos per Lydiam et Phrygiam res novas moliri, accepisset, quo tempore ipse in superioribus erat Persarum satrapiis, **ZEUXIDEM** ducem iussit, bis mille familias Iudaeorum cum illorum suppellectili ex Mesopotamia Babyloniaque, in Phrygiam et Lydiam transferre. (11) Haud dubie eo ultro profecti sunt Iudaei, alioquin enim regis consilium omnino irritum factum fuisset, qui his colonis alteram seditionem cavere voluit: quod etiam patet ex epistola regis ad **ZEUXIDEM**, a **IOSEPHO** l. l. citata. Voluit etiam **ANTIOCHUS**, ut domus agrique colendi Iudaeis assignarentur, immunitatemque illis concessit in decennium, ne quid pendere cogerentur ex annuis terrae proventibus, ac denique reliquis quoque tribui iussit, quantum satis esset: „*ἵνα*, ita in epistola ad **ZEUXIDEM**, *τῆς κατ’ ἡμῶν τυγχάνοντες φιλανθρωπίας, προθυμότερον παρέχωσιν αὐτοὺς περὶ τὰ ἡμέτερα*,” „ut, benigne a nobis habiti, studiosiores se rerum nostrarum praebeant.”

At, quamquam haec valde sint probabilia, tamen tanti momenti non sunt, ut, de iis periode superiori mentionem inici, necessarium visum fuerit. (9) **FL. IOS.** hoc ex **POLYBIO** confirmat **A. I. XII. 3. 3.** Conferri potest **IUSTINI XXX. 1, 2.** (10) Praefertim hic usus sum verbis **IOS. A. I. XII. 3. 3.** (11) **IOS. A. I. XII. 3. 4.**

§ 58.

Status Iudaeorum afflictus regnante Antiocho Epiphane.

Vidimus iam, Iudaeos per magnam profecto terrarum partem fuisse dispersos, variasque ob causas; temporibus vero proxime antecedentibus imprimis mercaturae gratia: per hoc autem temporis intervallum haud minus dissipati fuerunt Iudaei; sed non adeo mercaturae ergo, at quia ipsorum res sensim sensimque diffuebant. Quippe cum ANTIOCHUS, qui vulgo EPIPHANES cognominabatur, anno a. C. 175, fratrem SELEUCUM, in Syriae regno, excepisset, haud exigua calamitas Iudaeos oppresit; cuius causae maxime in contentione de summo pontificatu quaerendae videntur. IASON enim, opera ANTIOCHI, quem, pecunia largiter promissa, in partes suas pertraxerat, fratre ONIA III deiecto, pontificatum occupavit, et, ut regis favorem magis magisque sibi conciliaret, repudiatis moribus patriis, cultum gentilium introducere conatus est. (12) Aliquo tempore post IASON ipse a MENELAO, maiorem etiam pecuniae summam ANTIOCHO pollicito, e munere deiectus (13), in Ammonitarum abiit regionem. (14) Quo tempore conditionem Iudaeorum infeliciissimam fuisse, facile intelligitur; hi enim, qui verae religionis patroni esse debuerant, ipsi populum a recta via abducebant, gentilium introducentes ritus, quibus religionem avitam tandem plane obruissent, nisi exstissent alii meliores, qui toti in eo erant, ut religionem veram vindicarent. Unde partim religionis gratia, partim reipublicae, quae arctissimo vinculo cum illa continebatur, plures inter Iudaeos exoriebantur factiones, quae rempublicam pesum dabant.

§ 59.

Abductiones Iudaeorum extra patriam regnante Antiocho Epiphane.

Hoc eventu mox comprobatum, cum ANTIOCHUS Aegypti occupandae cupi-

(12) 2 Mac. 4: 6-15. Cf. 1. Macc. 1: 12-16. 108. *A. I.* XII. 5. 1. Cf. MUNTINGH *l. c.* VIII. in nota (154) p. 63. (13) 2 Mac. 4: 23-25. 108. *A. I.* XII. 5. 1. (14) 2 Mac. 4: 26.

dus, in eam expeditionem suscepit. Rumore enim ANTIOCHI mortis ubivis
 sparso, incursionem fecit in civitatem ONIAS seu IASON, qui, (uti § 58. vi-
 dimus) exsul degebat inter Ammonitas; etenim hic ille ONIAS occasione digni-
 tatis recuperandae sibi visa opportuna, cum mille hominibus Hierosolyma oc-
 cupavit, et MENELAUM in arcem aufugere coëgit. (15) ANTIOCHUS vero hac
 de re certior factus, atque in suspicionem adductus, Iudaeos meditari defectio-
 nem; simul et cum mortis suae fama Hierosolyma esset perlata, in eo offen-
 sus, quod hoc nuntio gavisi essent Iudaei, contra hanc urbem exercitum du-
 xit, illamque absque pugna cepit, portas ipsi aperientibus suae factionis homi-
 nibus. (16) Tanta autem crudelitate in omnes saevitum, ut trium dierum
 spatio quadraginta hominum millia caesi, totidemque capti ac venundati sint. (17)
 Hi autem captivi in quem locum ab ANTIOCHO deducti sint, nusquam legi-
 mus: per totum vero Syriae regnum, inprimis per remotiores imperii pro-
 vincias, a victore fuisse divisos, probabile videtur, cum et rationes ANTIOCHI
 et prudentia in rebus administrandis hoc suasisse videantur.

Duobus annis post acrius adversus ambos fratres bellum parans, in Aegyp-
 tum reversus est ANTIOCHUS; sed cum Romanorum legati illi denunciassent,
 ut Aegypto excederet, nisi populi Romani hostis esse vellet, spe deiectus, APOL-
 LONIUM, tributorum curatorem, cum exercitu viginti duorum millium militum
 in Iudaeam misit (18): ANTIOCHUS gravate quidem ac gemens abduxit co-
 pias, in praesentia tempori cedendum ratus, sed vindictam spirans, primum
 in Iudaeos, licet innocentes, furorem suum effudit: APOLLONIUS enim Hie-
 rosolyma nemine obstante ingressus, promiscuam foedamque stragem edidit,
 multaue civium capita in servitutem abduxit. (19)

§ 40.

*Migrationes Iudaeorum extra patriam propter flatum
 sub Antiocho miserrimum.*

Hoc fere tempore edictum regium promulgatum est, ut omnes omnino ho-

(15) 2 Mac. 5: 5. sqq. (16) 1 Mac. 1: 16-25. 10s. A. I. XII. 5. 3. Quocum cf. SIMSONI Chron. ad A. 3835. (17) 2 Mac. 5: 11-14. cf. ibi illustris GROTIUS et Cl. MÜNTINGHE l. c. VIII. p. 232. (18) IUST. 34. 3. 1 Mac. 1: 30-43. 2 Mac. 5: 24 sqq. (19) Cf. I, 2 Mac. l. c.

mines, imperio Syrorum subiecti, in populum unum coalescerent, et suos quisque ritus relinquerent, adeo ut etiam Iudaei ad unum eundemque idolorum cultum adigerentur, prohibitis sacrificiis, sabbathis, circumcissione aliisque ritibus Mosaicis. (20) Et multi quidem Iudaeorum, quemadmodum tradit Iosephus *A. I.* XII. 5. 4. alii sponte, alii poenae indictae metu, regis praeceptis obsequebantur; eminentissimi vero et animo generosi ea non curabant, sed potiori loco habebant patrios ritus, quam metum poenae eius, quam ille non obedientibus minabatur: quam ob rem, quotidie vexati, gravissimisque cruciatibus toleratis, moriebantur. (21)

Multos autem, miseris illis temporibus, patria excessisse, aliasque, ubi tranquille placideque vivere posset, in regiones migrasse, neminem certo fugit, cum de ea re multis in locis fiat mentio. (22) Quamquam igitur veri est simile, Iudaeos propter res patriae afflictas, in alias regiones migrasse; tamen historia illius temporis nullas fere, in quas migraverint, praeter Aegyptum, regiones commemorat: et profecto Aegyptus optimus tunc Iudaeis fuit concedendi locus: qua de re suo loco iam dictum est.

Praeterea hic illic mentio iniicitur de quibusdam minoris momenti migrationibus in regiones ac loca, quae vix ab Hebraeorum patria discerni queunt; attamen propter rationes, in Introductione iam laudatas, illas addere lubet. Sic enim aetate Hasmonaeorum multos in regione Tob invenimus Iudaeos; eo enim tempore, quo Iudas populares suos in libertatem vindicare conatus est, omnes, qui in partibus Tob erant, morte affecti sunt, et captivae abductae mulieres cum prole. (23) Disertis etiam verbis commemorantur e regione Hesbonis Dathema (24), et in Moabitibus Lembæ et Oronae. (25) Porro in Idumaea collocati erant hoc aevo Iudaei: etenim, quo tempore Iudas contra populos vicinos adeo feliciter bellum gesit, de illis mentio iniicitur, quia, incolas illius regionis ibi degentes Israëlitas oppresxisse, disertis verbis narratur. (26) Denique habitabant quoque hac aetate in terra Philistaeorum, ubi

et ros. *A. I.* XII. 5. 4. Cf. etiam cum illo SIMSONI *Chron.* ad A. 3837. (20) 1 Mac. 1: 44. ubi cf. MICHAËLIS. (21) 1 Mac. 1: 45. sqq. et Cl. MUNTINGHE VIII. p. 234. sqq. (22) 1 Mac. 1: 57. 2 Mac. 6: 11. 5: 27. 1 Mac. 2: 28-31. et 42. sqq. (23) 1 Mac. 5: 13. (24) 1 Mac. 5: 9. (25) Ios. *A. I.* XIII. 15. 4. (26) 1 Mac. 5: 3. ubi cf. ill. MICHAËLIS.

praefertim Askalon frequentabatur a Iudaeis (27), uti et Iamnia, Azotus, Gaza, Anthedon, atque ulterius Raphia et in finibus Aegypti Rhinocolura. (28)

Ad haec qui attenderit, non mirabitur in N. F. scriptis (29) inter populos, qui festo Pentecostes Hierosolyma convenerant, Arabes quoque recenferi; etenim licet illa, quae dicta sunt, iam sufficerent, afferemus insuper quaedam exempla, quibus in Arabiam concedere, haud inusitate fuisse Iudaeis, certissimis argumentis vindicabimus. Ita v. c. exemplum IASONIS sive ONIAE nobis obvium est, qui se ad Arabes recepit. (50) Sic etiam apud IOSEPHUM huius rei exempla exstant, HYRCANI enim et HERODIS in Arabiam fuga. (51) Quibus etiam hoc accedit, quod certo mercaturae causa plures in Arabiam felicem migraverint; Arabes enim hoc studium summopere colebant (52). Sed hic silentio non praetermittendum, quod procul dubio, iam diu ante haec tempora, eo migraverint; aetate enim EZECHIELIS Arabiae notitiam haud contemnendam habebant Iudaei (33); qua ex re colligendum videtur, inter utrumque populum commercia iam plura fuisse. (34) Probabile etiam est, Iudaeos ex Aethiopia, ubi, quemadmodum vidimus, degebant quoque, in Arabiam se contulisse, nam Arabes inter et Aethiopes mercatura maxime florebat. (35)

§ 41.

Migrationes Iudaeorum per Asiam Orientem versus.

Omnes vero calamitates et iniuriae, ab ANTIOCHO EPIPHANE Iudaeis illatae, efficere haud potuerunt, ut in unum coalescerent populum: quae qui-

(27) Ios. *de B. I.* II. 18. 5. *A. I.* XIV. 10. 3. quocum cf. KREBSIUS *Decreta Romanorum* etc. p. 238. (28) Ios. *A. I.* XIII. 15. 4. (29) Act. 2: 11. (30) 2 Mac. 5: 5-10. Cf. MUNTINGHE VIII. in nota (163) p. 64. (31) Ios. *A. I.* XIV. 1. 4 et XIV. 13. 9. (32) Doctisf. WARNEKROS *Goedsche Oudheden* etc. p. 409. et MICHAËLIS *Spectilegium geographiae Hebraeorum exterae* etc. Tom. II. p. 186 sqq. (33) Ezech. 27: 19-24. Ies. 45: 14. Ier. 46: 9. (34) Cl. HEEREN *Idem* I. II. p. 112, 113. (35) BASNAGE l. c. VII. p. 185. inprimis autem Cl. HEEREN l. c. II. I. p. 405 et I. II. p. 109 sqq. 113.

dem res totius populi excidium secum traxisset. E contrario vero, illorum frequentia deinde Babylone et in ceteris regionibus vicinis maximopere celebratur: ita v. c. HERODIS aetate HYRCANUS pontifex maximus, et cum eo PHAZAËLUS HERODIS frater, a Parthis abducti et in vincula coniecti quum essent, Parthorum rex, HYRCANI generis nobilitate cognita, mitissime eum habuit, et deinde e vinculis solutum Babylone habitare permisit, „ἐνθα καὶ πλῆθος ἦν „Ιουδαίων, ubi erat *etiam* Iudaeorum multitudo.” E voce vero illa καὶ colligendum videtur, in Parthia quoque haud paucos fuisse Iudaeos (36): quod vel e primo Maccabaeorum libro (37) luculenter apparet, unde mirum non est, festo Pentecostes tempore Apostolorum Iudaeos, Parthiam incolentes, Hierosolyma convenisse, (38) Hinc quoque intelligere possumus, quomodo, regnante Romae c. CALIGULA tot Iudaei e Babylone Seleuciam migrare possent. Iudaei enim, quum tunc temporis a Babyloniis valde vexarentur, graviter illorum iniurias ferentes, cum neque quid possent contra illos in acie, neque simul cum iis vivere sustinerent, migrabant Seleuciam ad Tigrin, (39) urbem Babyloniae praecipuam. (40)

Sex vero annis post, multi iterum, propter pestem inter ipsos grassantem, e Babylonia migrantes Seleuciam se contulerunt (41): sed ibi non diu manserunt, nam Graeci pariter atque Syri Seleuciam incolentes, foedere inito, magno odio Iudaeos persecuti sunt, eosque ex improvviso aggressi, ultra quinquaginta hominum millia occiderunt: atque sic omnes, praeter eos, quibus amici aut vicini auxiliati erant, perierunt. Hi autem, qui haud pauci erant, Ctesiphontem migrarunt, (42) ubi vero propter Seleuciae vicinitatem minus tuti erant; unde factum est, ut plerique Nearda ac Nisibin (43) se receperint, quippe in quibus urbibus, firmis muris circumdatis, multisque Iudaeis frequentatis, securius vivere possent. (44)

Frequentia Iudaeorum in Babylonia vicinisque regionibus, ex iis, quae dicta sunt, luculentissime patet: migrabant autem forte Iudaei propter persecutiones EPIPHANIS, qui merito nuncupabatur EPIMANES, etiam ulterius, ut

(36) FL. IOS. A. I. XV. 2. 2. vid. supra § 25. (37) Cap. 15: 22. ubi MICHAËLIS. (38) Act. 2: 5. (39) De cuius rei causa vid. IOS. A. I. XVIII. 9. 1-7. (40) Id. XVIII. 9. 8. (41) Id. ibid. (42) Id. XVIII. 9. 9. (43) Id. XVIII. 9. 1. (44) IOS. A. I. XVIII. 9. 9. et 1.

extra huius EPIMANIS imperii fines securi viverent: atque hoc modo quemadmodum ad Occidentem, Orientem versus, procul dubio Iudaei dispersi sunt, sed hac de re, quum historia fileat, plura dicere operae pretium non videtur.

Iudaeos mercatura gratia migrasse in vicinas remotioresque Orientis regiones, inprimis autem iuxta oras maritimas dispersos fuisse, maiori forte iure statuendum est. Ita v. c. laudantur Iudaei ex urbe Cochino, ad oram Malabaricae sita, ubi ab antiquissimis inde temporibus habitasse dicuntur: sed quum omnino ignoremus, quando eo concesserint Iudaei, non plura hac de re dicemus. (45)

Simili modo Iudaei habitare dicuntur in insula Madagascare, et quidem tales, qui, quum tantummodo DAVIDEM cognoscere prae se ferrent, se appellant *Zaffé-Ibrahim* i. e. posterius ABRAHAMI, simulque ignorabant omnia fata et res gestas gentis Israëliticae, quae post DAVIDIS tempora acciderunt. (46)

Sunt etiam alii, qui sibi persuasum habuerunt, nomina tribuum Dan, Zebulon, et Naphthali in Tartaria magna inveniri; immo etiam inveniuntur, qui decem tribuum reliquias in ipsa America sibi invenisse visi sunt. (47)

Ceterum multa quoque de Iudaeis in Sinarum imperio olim et nunc etiam scripta sunt: quamquam vero haud negamus, Iudaeos iam diu, immo forte primis post Christum temporibus, in ea regione habitasse; haec tamen res adeo in obscuro latet, ut nihil certi hac de re statui posse videatur. (48)

Multa his addere possemus: sed, quae dicta sunt, satis indicare videntur, quam dubiae et incertae de Iudaeorum dispersione in Oriente sint opiniones. Et sane, Iudaeos, praesertim posteros decem tribuum, per totum fere orbem terrarum dispersos, cum aliis populis fortasse ita se commiscuisse, ut eorum originis ne vestigia quidem supersint, in dubium vocari fere nequit.

(45) Cf. RICHORN *Repertorium für Biblische und Morgenländische Literatur* IX. p. 269-276. (46) Plura hac de re affert I. D. MICHAËLIS in *Commentatione de exilio decem tribuum*, inserta *Comment. Societ. Regiae scient. Goetting.* per annos 1758, 1759, 1760, 1761, 1762. oblati p. 48, 49. qui ibi probare conatus est, illos *Zaffé-Ibrahim* non esse Iudaeos, sed Arabes. (47) Plura hac de re affert BUDDERUS l. c. II. p. 525. sqq. et BASNAGE VII. p. 62. sqq. (48) Cf. C. G. VON MURR *Versuch einer Geschichte der Juden in Sina* et BASNAGE VII. p. 101. sqq. add. Cl.

Migrationes Iudaeorum per Asiam Occidentem versus.

Quum de migrationibus Iudaeorum ad Occidentem historia in genere plura monumenta suppeditet, quam de migrationibus Orientem versus susceptis, ex testimoniis Codicis Sacri, FLAVII IOSEPHI et PHILONIS IUDAEI, plura hac de re iam sunt dicenda.

Quamquam autem vidimus, Iudaeos iam diu in Asia minori inprimis fuisse frequentes, tamen videbimus illos, praesertim post ANTIOCHI EPIPHANIS aetatem, ibi longe maiori fuisse numero, ita ut ubivis fere inveniantur: cuius rei mercaturam primariam fuisse causam, non est, quod dubitemus; atque hoc praesertim ideo nobis est persuasissimum, quia tempore Maccabaeorum, (inprimis SIMONIS) res Iudaeorum florentissimae fuerunt, atque ita inclaruerunt, „ut nec Spartani, inquit BUDDERUS II: p. 1142, nec Romani „illorum amicitiam respuerent.” Ex his itaque sententia nostra iam confirmaretur, attamen suspicio vero propius accedit, si primum Maccabaeorum librum inspiciamus, ubi disertis verbis legimus, SIMONEM instruxisse urbem Ioppen, (ad Mare Mediterraneum sitam,) portu navibus recipiendis commodo, portumque commerciis cum populis transmarinis aperuisse. (49)

In Syria, quae proprie dicitur, invenimus Iudaeos Aradi, hoc enim haud dubie ex epistola quadam Romanorum ad incolas huius urbis constare videtur (50): praeterea etiam laudantur Pellae seu Apamiae, uti et Tilithone. (51) Iudaeos autem Antiochiae fuisse frequentes (52), docet quoque IOSEPHUS, quod etiam a nemine non intelligetur, qui in memoriam sibi revocet, illos tempore SELEUCI Nicatoris sedes ibi posuisse. (53) Progresu vero temporis multos eo se contulisse certo certius est, inprimisque eam ob causam, quod totius imperii caput erat. Iudaeorum autem numerus deinde valde ibi adauctus est, tempore enim Apostolorum magna adversus Ecclesiam, quae erat Hierosolymis,

MUNTINGHE VII. in nota (88). p. 30. sqq. De Indiae commerciis vid. HEEREN I. II. p. 655. sqq. 665. sqq. 683. sqq. (49) Cap. 14: 5. (50) 1 Mac. 15: 23. (51) Ios. A. I. XIII: 15. 4. (52) Act. 11: 20, 21. (53) Ios. de B. I. VII. 3. 3.

persecutio quum esset orta, multi migrarunt extra patriam et transferunt in Phoenicen, Cyprum et Antiochiam (54): e quibus colligere possumus, Iudaeos, qui ab antiquissimis inde temporibus in Phoenice habitaverant (55), quique nunc ibi etiam frequentes erant (56), tunc temporis ibi valde adauctos fuisse. (57)

Nec defuit, praesertim in fine periodi, Ciliciae Iudaeorum copia: quin illorum numerus, sine dubio mercaturae gratia, quam maxime crevit (58): quod praesertim, ut probabile est, locum habuit Tarfi. (59)

Laudantur quoque in scriptis N. Foederis habitantes in Cappadocia (60), quo e Cilicia fortasse migraverant Iudaei, utpote quae septemtrionem versus Cappadocia terminabatur. Simili forte modo transferunt in Pontum; Iudaei quippe ex hac regione pluribus locis in N. Foedere memorantur (61): et in vicina Galatia haud minus quoque degebant Iudaei (62), quod vel ex epistola ad Galatas ultro patet, uti etiam ex PETRI epistola, quam ad Iudaeos, in dispersione degentes, scripsit. Pariter autem ac priorum migrationum huius quoque causam ignoramus, nam hac de re nusquam mentio iniicitur; fortassis vero propter persecutiones, nonnunquam contra Iudaeos institutas; v. c. aetate ANTIOCHI EPIPHANIS, in has remotiores imperii regiones migraverunt. Eadem fere dicenda sunt de migrationibus Iudaeorum in Lycaoniam, ubi in praecipuis urbibus, nempe Iconii, Lystrae et Derbe plures inveniebantur: (63) habebant nimirum Iconii Synagogam, ex quo satis videtur constare, haud parum urbem istam a Iudaeis frequentatam fuisse: quod etiam luculentius patet, quum videamus, Iudaeos contra PAULUM et BARNABAM, doctrinam Evangelicam ibi docentes, seditionem movere potuisse (64): atque simili modo, quod habebant Synagogam Antiochiae Pisidiae, Iudaeos frequentes ibi fuisse, statuendum est. (65)

(54) Act. 8: 1, 4. 11: 19. (55) Cf. praeter ea, quae supra dicta sunt, 108. *de B. I.* II. 18. 5. (56) Act. 11: 19. (57) Act. 21: 3-6. 108. *A. I.* XIV. 10. 2, 3. ad quae conferri potest KREBSIUS l. c. p. 206. sqq. (58) Act. 23: 34. (59) Act. 21: 39. 22: 3. 2 Cor 11: 22. (60) Act. 2: 9. 1 Petr. 1: 1. (61) Act. 2: 9. 1 Petr. 1: 1. cf. Act. 18: 2. (62) Act. 16: 6. 18: 23. (63) Act. 14: 1, 6. (64) Act. 14: 1-5. (65) Act. 13: 14. sqq. 14: 19. sqq.

§ 43.

*Migrationum Iudaeorum, per Asiam Occidentem versus, .
continuata historia.*

Videamus etiam nunc, quomodo Iudaei sensim sensimque iuxta oras quoque maritimas dispergerentur. Sed procul dubio multo facilius est huius rei causam indicare: mercatura enim, quae ibi mirum quantum florebat, et commerciorum opportunitas harum migrationum causas ultro ob oculos ponunt. Iudaeos hinc iam cito petiisse Pamphyliam, omni profecto vacat dubio: et hoc etiam luculenter ea ex re colligimus, quod cum ceteris Iudaeis ex hac provincia festum Pestecostes Hierosolymis celebrarint (66): urbes autem, ab iis frequentatae, diserte memorantur Perga et Syde. (67) Deinde ulterius ad occasum progressi, mox in Lyciam concesserunt: tempore quippe Hasmonaeorum, Iudaeorum Lyciam incolentium mentio iam iniicitur (68): cuius rei causam quoque fuisse mercaturam, clarissime videmus ex eo, quod Phaselis, urbs mari proxima, a Iudaeis frequentabatur. (69) Sic eodem modo eandemque ob causam, iuxta oras pervagantes, in Cariam migrabant, ubi inprimis Halicarnassi frequentes erant, ita ut magistratus huius urbis, exemplum secutus Romanorum, ius illis tribueret, cum sacra peragendi secundum leges suas, tum proseuchas faciendi more ipsis patrio. (70) Neque hoc mirabitur, qui huius urbis pariter atque Myndi et Cnidi, ubi quoque fuerunt Iudaei (71) situm modo consideret, quo nullus commercii magis opportunus cogitari potest. — Ex iis autem, quae supra diximus, de Iudaeorum in Asiam, quae proprie dicitur, migrationibus, sponte liquet, illos successu temporis, quoquo versum fuisse propagatos, praecipue in talia loca, ubi commercia erant exercenda; neque alia regio huic rei aptior facile invenietur. Et non solum ex ipsa Asia per Asiam dissipati sunt Iudaei; sed illos e Palaestina hac periodo in Asiam migrasse, probabile est; Iudaeos namque iamdudum in urbes gentilium migrasse, in quibus maximae essent illecebrae et opportunitates ditescendi, su-

(66) Act. 2: 9. (67) Act. 14: 25. 1 Mac. 15: 23. (68) Id. ibid. (69) Id. ibid. (70) Ios. A. I. XIV. 10. 23. 1 Mac. 15: 23. (71) 1 Mac. 15: 23.

pra vidimus. „Ad hanc rem,” ut verbis Cl. HAVERCAMPPI *ad* IOSEPHUM *A. I. XIV. 10. 23. (k)* utar, „ubi diu regibus Syriae tum aliarum gentium; „postquam viderunt ad Romanos fortunam declinare, praesertim in Asia mi- „nori, contemplati morem reipublicae istius, viderunt statim illic adminicu- „lum firmitus, quam a regibus nancisci potuerant. Nam quum hi eos „tantummodo iure civitatum ornare possent, afferebat, quemadmodum porro inquit, Romana respublica aliquid sanctius et magis invictum et antea in- „auditum, nempe ius civitatis Romanae, per quod et libertate agendi et in- „violata securitate eminebant ultra gradum incolarum illius urbis, in quam „erant adsciti: ad divitias autem maturandas, perinde ut Romani foeneratores, „videbant satis nullam regionem Asia minori efficaciorum. Hinc eam nubes et „examina Iudaeorum per singula fere oppida infederunt, ut non tantum ubi- „que occurrant in Actis Apostolorum, (72) sed etiam diserte scribat PHILO „hoc, et confirmet.” (73) Mirum igitur non est, Iudaeos quoque in Ioniam migrasse, ubi multa iura cum ipsis erant communicata, quippe „eandem, uti ait IOSEPHUS, „cum civibus inde natis appellationem fortiebantur:” (74) debebant quoque hanc ob rem Mileti (75), in urbe mercaturae opportuna: nec quispiam mirabitur, Iudaeos secutos fuisse urbem, in vicinia Mileti sitam, Ephesum, ubi, ut ex multis N. Foederis locis patet, Iudaei numero multi erant (76), quodque etiam IOSEPHUS confirmat (77); nec sine iusta causa, haec enim urbs mercaturae studio totius Asiae fuit florentissima. (78) Si quis autem quaerat, num etiam Smyrnae, ubi antiquis illis temporibus mercatura multum florebat, vixerint Iudaei? respondemus: cum neque in Actis Apostolorum, neque a IOSEPHO disertis verbis significetur, illos eo etiam fuisse profectos, haec res ab auctore tamen libri Apocalypseos confirmatur, ubi Iudaeorum Smyrnam incolentium mentionem facit (79); licet quis dicere posset, hunc librum post deleta a Romanis Hierosolyma a IOANNE esse scriptum, Iudaeosque ibi commemoratos propter hanc cladem tunc demum eo au-

(72) Vid. ex gr. cap. 19: 10. 26: 1. 2: 9. 21: 27. Cf. 1 Petr. 1: 1. etc. (73) *ad Caium* p. 798. (74) *Contra Ap. II. 4. p. 471.* quocum cf. *A. I. XVI. 2. 3.* (75) Act. 20: 18. 1 Tim. 4: 20. FL. 103. *A. I. XIV. 10. 21.* (76) Act. 18: 19 et 19: 8. (77) *A. I. XIV. 10. 12, 13, 16, 19, 25.* et *contra Ap. II. 4. p. 471.* (78) BACHIESE l. c. III. p. 717. (79) Cap. 2: 8. fqq.

fugisse, tamen nullus erit, qui, huius urbis situm, pariter atque Iudaeorum frequentiam in Asia sibi ob oculos ponens, hanc rem in dubium revocaverit. Et quidem evadet probabilior, quando viderimus, urbem in vicinia Smyrnae Sardes a Iudaeis valde fuisse frequentatam. (80)

§ 44.

Ultior Iudaeorum dispersio per Asiam minorem.

Postquam ANTIOCHUS M. Iudaeos in Phrygia Lydiaque collocasset, ibi multiplicati et valde adaucti, per has provincias adeo dispersebantur, ut fere ubivis inveniantur; puta Pergami, ubi maximopere laudantur (81), Philadelphiae, (82) Laodiceae ad Lycum (83), Hierapoli (84), Thyatirae (85), inprimis Colossis. (86) Tanta vero dispersionis causam inquirere non opus est, cum praeter mercaturam rationesque supra laudatas, nullas alias causas indicare possumus; nobis quidem nullae his videntur probabiliores. (87) Easdem propter rationes progressi sunt Iudaei etiam ulterius Troadem (88) et Parium (89): conferebant porro se in Bithyniam, ubi haud dubie erant frequentissimi; PETRUS enim Apostolus in Epistola sua, quam scripsit ad Iudaeos, per Asiam minorem dispersos, inter alios laudat quoque illos, qui Bithyniam incolebant, (90) Ex iis, quae supra iam observavimus, satis constat, Iudaeos has

(80) Ios. *A. I.* XIV. 10. 17, 24. cf. Apoc. 3: 1. sqq. (81) Ios. *A. I.* XIV. 10. 22. Apoc. 2: 12. sqq. (82) Apoc. 3: 7-13. (83) Ios. *A. I.* XIV. 10. 20. Col. 4: 13. Apoc. 3: 14. sqq. (84) Col. 4: 13. (85) Act. 16: 14. (86) Cf. Epistola ad Colossenses. Ad comprobandum hic illic fuisse Iudaeos, iam saepius attuli loca, ubi tantummodo de Christianae doctrinae sectatoribus mentio iniicitur: et hoc, quemadmodum sentio, haud temere; etenim Apostoli, primum cum Iudaeis Evangelii doctrinam communicabant, ideoque se convertebant semper, antequam gentiles docerent, ad huncce populum: atque hinc, etsi in quibusdam locis Iudaeos diserte non commemorantur, tamen statuere possumus, in illis regionibus, ubi primo post Christum seculo Christiani nobis obvii sunt, procul omni dubio Iudaeos quoque degisse. (87) Et hanc per Lydiam dispersionem nemo in dubium revocabit, qui legat egregia hac de re verba Cl. HEEREN *Ideen* I. I. p. 183. sqq. In Phrygia autem agricultura valde floruit, quae Iudaeis certo ultima fuit causa. Vid. HEEREN l. c. I. I. p. 193. sqq. (88) Act. 20: 5. sqq. 2 Cor. 2: 12. Act. 20: 4, 5. (89) FL. Ios. *A. I.* XIV. 10. 8. (90) 1 Petr. 1: 1. cf. PHILO *ad C.* p. 798.

regiones mari proximas frequentasse; etenim ubi profecto his accommodatiores mercaturae invenirentur regiones, utpote quae, angusto freto ab Europa se-
iunctae, commerciis mirum quantum opportunaessent. His autem iam per-
pensis, nemini utique dubium erit, quin quoque ad Ponti Euxini oras mi-
graverint; nihil enim revera magis mirandum esset, quod, cum, in Asia
ubivis Iudaei degerent, in huius maris oras haud penetrassent. Sed quid conici-
amus! etiam hic historia duce nulla causa est cur dubitemus, cum aevo Mac-
cabaeorum de Iudaeis, Sampfane seu Samfone et Side habitantibus, mentio
iam inferatur. (91)

(91) 1 Mac. 15: 23. In eodem vero Maccabaeorum libro commemorantur Iudaei apud Spartanos, nam Romani quoque *Σπαρτιδων;* societatem Iudaeorum annuntiabant, cum hoc populo IONATHAN dux Iudaeorum societatem inierat, 1 Mac. 12: 5. quin OBADIA de Iudaeis Sapharade mentionem iam facit: vs. 20. e quibus omnibus nemo colligere nequit, diu ante hanc periodum eo migrasse Iudaeos. Quenam autem regio esset Sepharad sive Sparta? Ill. MICHAËLI, postquam multa, (nimis vero am-
pla, quam ut a nobis pertractari possint,) hac de urbe in medium protulit, maxime probabile videtur, Sepharad regio fuisse in Bosporano, quo itaque Iudaei ante exilium Babylonicum iam abducti fuisse videantur, cf. illius Annot. ad 1 Mac. 12: 5. atque sic suo loco, Cap. 15: 23. ab auctore huius Mac-
cabaeorum libri Spartani recensiti fuissent, cf. eiusdem Annot. ad 1 Mac. 15: 23. Quid autem hac de re verum sit, quid falsum, difficile est definire, et huc usque nondum constat. Nos igitur quae-
dam hic conicere minime audemus, cum etiam Cl. MÜNTINGHE huius quaestionis nodum non solverit, utpote qui disertis verbis fatetur, se hac de re haud minus quam antea haerere. Vid. *Gesch. der Menschh.* etc. VIII. in nota (222). p. 80. coll. not. (130).

C A P U T I I I.

DE MIGRATIONIBUS IUDAEORUM IN CYPRUM, CRETAM ET QUAS-
DAM MARIS AEGAEI INSULAS.

§ 45.

Migrationes Iudaeorum in Cyprum insulam:

Quandoquidem vidimus, Iudaeos mercaturae gratia in tot regiones migrasse, nemo mirabitur, insulas ab illis frequentatas perplures fuisse: ubi enim mercatura floret, ibi viget navigatio, ac iterum, ubi haec exercetur, ibi insulae frequententur, necesse est. Hinc quilibet facile intelligit, Cyprum iam dudum a Iudaeis fuisse habitam: illi enim, qui in Cilicia debebant, (in cuius regionis vicinia Cyprus sita erat) fortasse hanc insulam petierunt; quamquam etiam haud improbabile est, Iudaeos ex ipsa Palaestina (1) et e Phoenice eo se contulisse, Phoenices nimirum in Cyprum coloniam quoque duxisse, certissimum est. (2) Nihilo tamen minus demigraverunt quoque ex Aegypto in Cyprum: insula enim haec saepissime illius regionis principibus parebat, unde haud dubie multa inter utramque regionem commercia exsisterunt: ne nunc dicam de Alexandria, ubi mercatura adeo florebat, ut fortassis vel ex hac urbe in Cyprum se contulerint, unde etiam intelligi potest, quomodo aetate Macchabeorum ibi laudari potuissent. (3) Quae cum ita sint, ratio reddi potest, quare a LUCA Euangelista in hac insula Iudaei adeo frequentes laudentur; difertis nimirum verbis dicit; illos degisse Paphi, atque Salamine plures habuisse synagogas. (4) Pari quoque modo confirmat nostram sententiam FL.

(1) Act. 11: 19. (2) Cf. BOCHART *Geogr. Sacra* Lib. I. Cap. III. (3) 1 Mac. 15: 23.
(4) Act. 13: 5, 6.

IOSEPHUS: (5) atque etiam PHILO inter alias insulas, quae coloniis Iudaicis plenae erant, Cyprum quoque recenset. (6)

§ 46.

Migratio Iudaeorum in Cretam insulam:

Si Cretae situm consideremus, et animo repetamus, quae de dispersione per Asiam Africamque dicta sunt, de Iudaeorum migrationibus in hanc insulam, dubitare non potest. Quo modo vero, et quo tempore, quibusque e regionibus in Cretam advenerint, hoc quidem non adeo constat. Probabile autem videtur, illos ex Asia minori eo se contulisse; immo, Iudaeos ex Cyrenaica in Cretam concessisse, nos non negamus, imprimis quia, postquam in Romanorum potestatem devenere, Creta cum Cyrenaica coniuncta fuit. Fortassis quoque ex ipsa Palaestina, ut etiam ex Phoenice, in hanc insulam adventarunt. — At sic plures etiam coniecturas proponere possemus, eo enim rem non facile perducemus, ut omni dubitatione sit superior. Pari quoque modo causae, cur eo demigraverint, plane latent. Persuasissimum quidem nobis est, mercaturam quoque hic causam migrationum fuisse primariam, sed fortassis etiam aliae rationes fuerunt, quas nos ignoramus. Sufficiat itaque, multos olim in Creta degisse Iudaeos, ita ut tempore Apostolorum, ad festum Pentecostes celebrandum, ex iis quoque Hierosolyma convenerint; (7) insulamque hanc refertam fuisse Iudaeis ex multis N. Testamenti, et IOSEPHI et PHILO nis satis constare locis. (8) De tempore addo, hoc tantum certum esse, eos Maccabaeorum aetate, Gortynae urbis incolas laudari. (9)

§ 47.

Migrationes Iudaeorum in quasdam Maris Aegaei insulas.

Quum Asia minor, et quidem praesertim eius orae, tam celebres fuerunt

(5) *A. I.* XIII. (6) *ad Caium* p. 798. (7) *Act.* 2: 11. (8) Imprimis ex tota PAULI ad TITUM epistola hoc abunde patet. vid. cap. 1: 5, 10. *FL.* 108. *A. I.* XVII. 12. 1. cf. *de B. I.* II. 7. 1. PHILO *ad C.* p. 793. (9) *I Mac.* 15: 23.

Iudaeis, nemo iam dubitat, eos insulas quoque, in orarum vicinia sitas, frequentasse. Licet igitur verisimile sit, omnes insulas, oris Asiae adiacentes, ab illis frequentatas fuisse, tamen quum in transitu, quasi hic illic, de quibusdam legamus, plures enumerare, quam, de quibus historia nos certiores facit, non auesim. Ita tempore Hasmonaeorum iam habitabant Rhodum insulam (10): et simili modo laudantur in insula Co sive Coe (11) ac Samo. (12) Et si autem nusquam, quantum saltem nos novimus, insula Maris Aegaei notissima Chios inter eas commemoretur, in quibus degerent Iudaei, tamen ex loco quodam *ῥοσέρη* haud obscure colligendum videtur, etiam hanc insulam ab illis fuisse frequentatam. (13) Et quisnam dubitet, eos etiam Lesbum frequentasse, qui situm insulae consideret; cum vero nullis idoneis hoc arguere possumus argumentis, huic rei non immorabimur. Ceterum certissimum nobis est, Iudaeos in ceteras omnes Maris Aegaei insulas se contulisse, puta in Cyclades Sporadesque: attamen, quum ultra duas non invenerim, ceteras enumerare meum non est. In his primo commemoro Melum insulam, (14) Cretae adiacentem, utpote quae ex hac insula a Iudaeis fortasse frequentata est. De tempore vero et causis nihil definiendum videtur. Deinde autem Delus obvia est, in quam iam advenerant aetate Maccabaeorum (15), sed postea etiam ibi non minus inveniuntur. (16) Tandem commemorat *PHILO IUDAEUS* Euboeam, quae ipso auctore plena fuit coloniis Iudaeorum. (17)

Harum vero omnium migrationum causas de industria non attigimus, quia tantummodo repetitio esset permolesta, quum praeter mercaturam nullam fere rationem suppeditare possumus. Et haec causa nobis videtur haud plane reprobanda; exemplum enim instar omnium sit Delus, de quo *STRABO*, Lib. XIV. p. 668, dicit, *τὸ εἶναι ἐμπορεῖον μέγα καὶ πολυχρήματον: ἡ δὲ ἄλλος*, pergit, *δυναμένη μυριάδας ἀνδραπόδων αὐθιγμερον καὶ δέξασθαι καὶ ἀποπέμψαι*, ut etiam proverbium extiterit: „mercator appelle navem, expone; omnia illico vendideris.” Eo autem, everfa a Romanis Corintho, mercatores transierunt, invitante illos im-

(10) Id. ibid. (11) Id. ibid. et *Ios. A. I.* XIV. 10. 15. (12) *I Mac.* 15: 23. (13) *Ios. A. I.* XVI. 2. 2. (14) *Ios. A. I.* XVII. 12. 1. *de B. I.* II. 7. 1. (15) *I Mac.* 15: 23. (16) *Ios. A. I.* XIV. 10. 8, 14. (17) *ad Caium* p. 798.

munitate templi et commoditate portus: opportune enim sita erat ex Italia et Graecia in Asiam navigantibus: quin etiam deinde, Corintho instaurata, Athenienses, insula potiti, negotiationes diligenter procuraverunt. (18) Et sic; quum de pluribus insulis talia his addere possemus, sententia modo proposita luculenter videtur probata. Omnes autem Veteres, inprimis STRABO, quum foecunditatem omnium fere illarum insularum summopere celebraverint, haec quoque praeter mercaturam causa esse potuit.

Iudaei autem, cum in insulas, quas, partim ad Asiam, partim ad Europam pertinentes, hoc capite coniunximus, migraverint, ex his etiam in continentem Europae transisse videntur; quarum migrationum iam persequemur historiam.

C A P U T I V.

DE MIGRATIONIBUS IUDAEORUM IN EUROPAM.

§ 48.

Migrationes Iudaeorum in Macedoniam.

Superfunt igitur migrationes Iudaeorum in continentem Europam susceptae; Quisque autem sponte ob oculos habet illam Europae partem, in quam traicere Iudaeis facillimum fuit, quae nimirum ab Asia minori Mari Aegaeo aut freto quodam perangusto erat seiuncta. Quid dicam: degebant, uti vidimus, in Euboea insula, a Boeotia Euripo admodum angusto diremta. Nonne igitur absque argumentis quibusdam historicis conicere liceret, Iudaeos in hanc orbis terrarum partem transisse: at non opus est coniectura, quum historia migrationum Iudaeorum in Europam firmissimis etiam argumentis confirmetur. Sic a LUCA Iudaei laudantur in Macedonia, ibique Philippis (1): et

(18) Conf. STRAB. X. p. 486. (1) Act. 16: 12.

qua de causa eo migraverint, quodammodo certiores sumus, quando deinde legimus, ibi quoque fuisse feminam quandam, quae purpuram vendebat in urbe Thyatira. (2) Porro etiam in Macedonia nobis obvia est Thesalonica sive Therma, urbs Iudaeis, habentibus ibi synagogam (3), sine dubio celebris: quod praeterea epistola, quam scripsit ad Thesalonicensis PAULUS, satis arguit. Denique occurrit in eadem regione urbs quaedam Beroea, quae non minus, quia etiam illic iis synagoga erat, Iudaeis referta videtur, (4): et licet situs illius mercaturae non adeo, quam Thesalonicae faveret, tamen causam nullam, ob quam eo migraverint, nisi mercaturam invenire possumus. Harum vero migrationum tempus, tacente historia, non definiri posse videtur. In genere quidem dici potest, eas fortasse, non diu post Iudaeorum dispersionem per Asiam minorem, fuisse susceptas, mercaturae maxime causa, quae ab antiquissimis iam temporibus in ea inprimis floruit. Ubi enim commercia aguntur, viae et occasiones migrandi innumerabiles inveniuntur (5)

§ 49.

Migrationes Iudaeorum in Graeciam.

Iudaeos per satis magnam Graeciae partem dispersos fuisse ex variis tum N. Foederis, tum PHILONIS locis novimus. Ita nimirum scimus ex quodam PHILONIS loco, Iudaeos quoque in Thesaliam concessisse (6), ibique etiam legimus, illos in Boetiam et Aetoliam migrasse; neque aliquis miretur, Atticam regionem cum ille ibi nominet, disertis verbis laudatas esse Athenas. Causae harum migrationum cum ubiis illae nobis sint obviae, profecto non anxie quaerendae sunt. Quis enim ignoret, mercaturam in Graecia quam

(2) Ib. vs. 14. (3) Act. 17: 10. sqq. (4) Ib. vs. 10. sqq. (5) Propheta IOEL (cap. 3: 6.) iam mentionem instituit de Israëlitis, qui captivi a Phoenicibus Graecis vendebantur, et sic, (quamquam migratio hoc dici non posset), Iudaeorum in Graecia degentium primordia seculo ante C. VI. iam inveniremus: cum autem S. Scriptura per Graecos fere semper omnes ad Palaestinae occasum habitantes populos remotiores intelligat; locus hic haud multum comprobare videtur. Cf. V. HAMELSVELD ad h. l. (6) *ad Caium* p. 798.

maxime floruisse, ita ut aliter non posset fieri, quin eo quoque concesserint. (7) Hinc permulti fuerunt Iudaei Athenis, ibique synagogam habuerunt. (8) Iam vero huius frequentiae causa praeter mercaturam alia etiam videtur; etenim Athenae mercatura non tantum, sed etiam, ac quidem praesertim, studio doctrinarum artiumque adeo celebres erant, ut a peregrinis semper frequentarentur: atque hanc propter rem multi fortasse Iudaei ibi degebant. At non solum ex Asia minori insulisque Maris Aegaei vicinis atque Palaestina se eo contulerunt, sed et ex Aegypto fortassis advenerunt Athenas. Haec vero res accuratius quodammodo est investiganda. **PTOLEMAEUS** nempe **PHYSCON**, qui seculo ante C. II. in Aegypto regnabat, tanta ferocitate in populares suos saevierat, ut multi, inprimis Alexandrini, metu mortis, patriam exsules relinquerent; adeo ut solus in tanta urbe cum suis relictus, cum regem se non hominum, sed vacuarum aedium videret, edicto peregrinos sollicitaret. (9) Certissime tunc maxima quoque Iudaeorum Alexandrinorum pars urbem reliquit, quia **PTOLEMAEUS** illis insensibilis erat. (10) Inter hosce vero Iudaeos verosimiliter multi fuerunt eruditi, nam, quum eo tempore, praecipue autem Alexandriae, literarum studia inprimis florerent, nullum relinquitur dubium, Iudaeos quoque haec studia egregie coluisse. (11) Iam vero narrat **ATHENAEUS**, (12) multos inter illos exsules fuisse eruditos, quorum haud pauci in Graeciam se conferrent: unde satis apparet, inter illos eruditos, qui Graeciam peterent, Iudaeos quoque fuisse. Maximo igitur iure statuimus, huius populi multos, ab eo inde tempore, per Graeciam fuisse dispersos, inprimis autem,

(7) Cf. v. **HAMELSV.** l. c. VI. p. 220 et **BACHMANN** l. c. III. p. 784. **Cl. HEEREN** *Ideen* III. l. p. 55. afferre mihi hic liceat: „Kein andres Land von Europa hatte eine so günstige Lage „zum steten Verkehr mit den ältesten gebildeten Völkern der westlichen Welt. Nach Klein-Asien, nach Phoenicien, führte ein Weg von Insel zu Insel. Nach Italien eine Ueberfahrt; und „wie weit war es bis zu den Aegyptischen Küsten? Schon in den fabelhaften Zeiten fand man den „Weg von den Thesfalischen zu den Colchischen Ufern; wie viel früher und leichter nach jenen „Ländern, wo keine symplegadische Klippen der kühnen Argo den Durchgang zu versperren drohten?“ (8) *Act.* 17: 15. sqq. (9) *Iust.* 38. 8. (10) *Ios. contra Ap.* 25. (11) Cf. inprimis egregia hac de re disputatio **Cl. MUNTINGHII** l. c. VIII. p. 298--305. add. p. 376, 377. (12) *Lib.* IV. p. 184.

ut probabile videtur, Athenas advenisse; quam urbem, ut verbis utar **IUSTI-
NI** II. 6. „literae certe ac facundia et civilis ordo disciplinae veluti templum
„habebant.”

§ 50.

*Migrationum Iudaeorum in Graeciam, inprimis in Peloponne-
sum, continuata historia.*

Pari quoque modo per reliquam Graeciam diffusi sunt Iudaei, ita ut auc-
tore **PHILONE** per praecipuas Peloponnesi partes, nimirum Achaïam et Ar-
golidem dispersi fuerint; (13) quod **N.** Foederis auctoritate etiam confirma-
tur, in quo disertis verbis legimus, Iudaeos Corinthi synagogam habuis-
se; (14) ibique etiam de eorum per Achaïam dispersione certiores sumus. (15)
Licet autem fortasse ante Corinthum deletam ibi iam degerent, eo tamen pro-
babiliter, inprimis postquam eam instauraverat **IULIUS CAESAR**, in tanta homi-
num multitudine, hanc in urbem confluentium, non pauci etiam migraverunt Iu-
daeï; mercaturae enim magis opportuna urbs non facile invenietur. Iudae-
os autem, priori huius periodi parte, in Peloponnesum advenisse, fortas-
se propter **ANTIOCHI EPIPHANIS**, et **PTOLEMAEI PHYSCONIS** iniurias,
ex eo colligimus, quod **SIMONIS MACCABAEI** aetate Sicyone iam degebant.
(16) Praeterea hic etiam in censum veniret urbs illa Peloponnesi nobilissima
Lacedaemon, cumque variis, tum Codicis **S.**, tum **FL. IOSEPHI**, ac librorum
Maccabaeorum locis de Spartanis mentio iniiciatur, suspicio illa ad maiorem
probabilitatis gradum accederet, si multis viris doctis hoc aliter non visum
fuisset, quique, si illud etiam haud prorsus refutaverint, tamen huius rei ig-
naros se profitentur. (17) Ut ut vero se res habeat, hoc utique nobis persuasiss-
imum est, Iudaeos quoque Lacedaemone collocatos fuisse, et nemo hoc fa-
cile in dubium vocaverit, qui illorum in Creta insula multitudinem, pariter ac

(13) *ad Caium* p. 798. (14) *Act.* 18: 1 sqq. (15) *2 Cor.* 1: 1. (16) *1 Mac.* 15: 23. (17) *V.
MANELSVELD VI.* p. 241, 242.

frequentiam per totam Graeciam, inprimis Corinthi, aliisque in Peloponnesi locis, cogitaverit.

Denique negare non ausim in Illyricum, praesertim in Dalmatiam, migrasse Iudaeos, nam, praeterquam quod hoc e regionis situ colligi posse videtur, magnam probabilitatis suspensionem huic coniecturae addit Scriptura Sacra. (18) De tempore autem harum migrationum atque causis, cum haec adeo in obscuro versentur, dicere non attinet.

§ 51.

Migrationes Iudaeorum in Italiam.

Ex omnibus, quae huc usque dicta sunt, sponte iam patet, Iudaeos, cum per totum fere, quantus tunc temporis erat cognitus, terrarum orbem, dispersi fuerint, in Italiam quoque advenisse; sed vario quidem modo variisque de causis illos eo venisse, rem diligentius perscrutantibus patebit. Age, rem ipsam accuratius exponamus.

POMPEIUS, postquam Hierosolyma pariter atque templum obsederat atque in suam redegerat potestatem, ARISTOBULUM, regem Iudaeorum, cum sua prole vinctos, secum Romam abduxit. (19) Fortasse et, ut maxime probabile videtur, abduxit ille cum familia hacce regia, ut triumphum ornaret, alios Iudaeos: atque ita probabile est, hinc Iudaeorum Romae vitam degentium, deducendam esse originem. (20)

Maiori etiam probabilitate colligimus, multos aliquot annis post in Italiam abductos, atque ex iis etiam Romae fuisse collocatos. CASSIUS enim, anno a. C. 53., quum, Syria potitus, Parthos repulisset, in Iudaeam descendit, Tarichaeosque adortus primo impetu expugnavit atque triginta circiter Iudaeorum millia cepit et abduxit. (21) Etsi autem non omnes hos captivos in Italiam, inprimis Romam, abduxerit CASSIUS, tamen haud dubie multos e delatos fuisse, statuimus. Haec autem coniectura vero proxime accedit, quan-

(18) Rom. 15: 19. 2 Tim. 4: 10. (19) Ios. A. I. XIV. 4. 1-5. (20) Cf. BASNAGE l. c. VII. p. 201. (21) Ios. A. I. XIV. 7. 1-3. et B. I. I. 8.

do apud PHILONEM diferte legimus, trans Tiberim satis magnam urbis partem teneri a Iudaeis, quorum plerique essent libertini; quippe qui, belli iure in potestatem redacti, a dominis manumissi erant. At alio quoque modo Iudaei hac in urbe adaucti sunt: Romam nimirum, eo tempore totius fere terrarum orbis caput, ex omnibus locis regionibusque confluebant homines, in primis ii, qui in terris, imperio Romano parentibus, habitabant. Iam vero Iudaei, anno a. C. 161., cum Romanis societatem inierant: (22) deinde vero anno, 163 societas haec ansam dedit, ut in Romanorum potestatem redacti sint, ita tamen, ut libertatis adhuc umbra iis remanserit. (23) Tandem vero, postquam ARCHELAUS in exilium missus erat, Iudaei, omni libertate amisso (24), sub Romanorum imperio venerunt, ita ut Iudaeae, in provinciae formam redactae, a victoribus procuratores praeponerentur. (25) — Quae quum ita sint, quisque sponte intelligit, fieri aliter non potuisse, quin sedes et domicilium totius imperii amplissimi Iudaeis quoque esset refertum: quibus accedit etiam, mercaturam, quae ibi floruerit, Iudaeis ultimum profecto fuisse incitamentum. (26) Ex his omnibus igitur luculenter patet, illos iam diu Romanam concessisse, cui rei, praeter omnes causas modo laudatas, ansam probabiliter etiam dedit persecutio illa ANTIOCHI EPIPHANIS, quae, quum totum Iudaeorum populum exstinguere vellet, effectum plane contrarium habuit: etenim, cum multi se ANTIOCHI edicto opposuissent, Iudaei eo celebriores facti sunt, quo strenuiore fuerant in religione avita defendenda; unde fere omnes, qui huc illuc in asylum confugiebant, tutum sibi vindicabant refugium (27): quod inprimis locum habuisse statuimus in omnibus illis regionibus locisque, quae Romanorum imperio parebant, hic enim populus nemini fere religionis causa gravis fuit.

Mirum ergo non est de *Iudaeis Romanis* saepius deinde mentionem a variis fuisse iniectam: ita v. c. legimus apud SUTTONIUM *Iul. Caes.* 84. quod, cum populus Romanus CAESARIS mortem defleret, „Iudaei etiam noctibus; continuis bustum frequentarunt.” Simili modo Iudaeorum auctoritas tempo-

(22) 1 Mac. 8. 103. *A. I.* XII. 10. 6. *IUST.* XXXVI. 6. (23) *Ios. A. I.* XIV. 4. 5. (24) *Io.* 18: 31. (25) *Ios. A. I.* XVIII. 1. 1. (26) BACHIE NE l. c. III. p. 988. sqq. cf. A. TH. HARTMANN *die Hebräer* etc. II. p. 129. (27) Cl. IAHN *Bibl. Archaeol.* III. p. 180. sqq.

re CICERONIS adeo magna fuit, ut eorum in concionibus momentum timeret. (28) Denique, ut hoc addamus, Iudaeorum legatis quinquaginta, qui HERODEM et ARCHELAUM apud CAESAREM AUGUSTUM accusarent, sese adiunxerunt, quemadmodum ait IOSEPHUS, (29) supra octo Iudaeorum millia: quamquam, inter illos sine dubio varios fuisse profelytos, haud negamus; etenim Iudaeos ab omni inde tempore id egisse, ut profelytos facerent, omni vacat dubio, multisque argumentis comprobari potest. (30)

§ 52.

Ulteriores Iudaeorum migrationes inprimisque in Sardiniam.

Egimus § praecedente praecipue de migrationibus in urbem Romam: non vero dubitandum est, quin Iudaei etiam per reliquam Italiam dissipati fuerint: Certiores enim sumus per IOSEPHUM, Iudaeos degisse in Campania, ibique Dicaeae five Dicaearchiae. (31) Ceterum multos quoque Iudaeos in Graecia Magna degisse haud improbable est, quum ea Italiae pars tot Graecorum coloniis referta esset, ut *Magna Graecia* diceretur.

Anno autem post C. 19. multi Iudaei in Sardiniam concesserunt, cuius rei causam IOSEPHUS disertis verbis nobis tradidit. Quidam enim Iudaeus nequam et improbus, Romae degens, se legis Mosaicae interpretem profitebatur. Hic tribus aliis, per omnia sui similibus, in societatem adscitis, FULVIAE, feminae nobili, quae, legem Mosaicam amplexa, sese illis in disciplinam tradiderat, persuadebat, ut purpuram et aurum ad templum Hierosolymitanum mitteret; qui vero cum ea accepissent, in proprios usus verterunt et profuderunt, quo quidem consilio haec etiam postulaverant. TIBERIUS autem, his rebus permotus, iussit, cunctos Iudaeos Roma expelli, ex quibus tunc Consules delectu habito quatuor militum millia in Sardiniam insulam coërcendis illic latrocinii miserunt. (32)

(28) CICERO *pro Flacco*. 28. (29) *A. I.* XVII. II. 1. (30) Cf. Matth. 23: 15. Act. 2: 10. FL. 103. *A. I.* XVIII. 3. 5. CL. IAHN l. c. III. p. 182. (31) *de B. I.* II. 7. 1. (32) *A. I.* XVIII. 3. 5. quocum cf. SÜETONIUS *in Tiberio* c. 36 et TACITUS *Annal.* II. 85.

PHILO autem IUDAEUS aliam, populo suo minus ignominiosam, huius migrationis causam refert, ita ut omnis fere culpa in SEIANUM, cui maxime favebat TIBERIUS, coniciat: hinc primo adspectu pene crederemus, PHILONEM, populi sui amore ductum, veram causam haud exposuisse, et sic rationes, quas IOSEPHUS tradidit, fide digniores viderentur: attamen quum satis notum sit, TIBERIUM post necem SEIANI Iudaeis iterum favisse (33), luculenter patet, hanc PHILONIS relationem veram migrationis in Sardiniam fuisse causam.

Explicatis igitur Hebraeorum migrationibus, iam transeamus ad recensitionem regionum locorumque, in quae illae fuerunt susceptae.

(33) *Ad Caium* p. 785, 786.

RECENSIO GEOGRAPHICA REGIONUM ET LOCORUM,
IN QUAE MIGRAVERUNT HEBRAEI.

ASIA.

BITHYNIA ab ortu definiebatur Paphlagonia vel Parthenio amni; a septentrione Pontico Mari; ab occasu Propontide; a meridie Mysia et Phrygia. (1) Regio haec erat fertilissima, et magnam ligni copiam navibus aedificandis supeditabat. (2) Tempore Apostolorum hic vixerunt Iudaei. vid. § 44.

MYRIA. Alia est *Olympena*, sita ad Propontidem et Hellespontum, etiam *minor* dicta: alia est *maior*, circa flumen Caicum et Pergamenem. (3) Saepissime cum Phrygia minori commutatur. (4) Iudaei, qui ibi quoque primis introductae christianae doctrinae temporibus obvii sunt, diserte laudantur *Pergami* et *Parii*. vid. § 44.

PHRYGIA, ab Hellesponto ad Halyn fl. olim patens, dividebatur in *maio-rem* et *minorem*. Supra Epictetum versus meridiem est magna Phrygia; Peninsule ad orientem relictæ et Lycaonia; ad occidentem Lydia et Caria. Parva sive minor, quæ Hellesponto imminens, circa Olympum est, etiam *Epictetus* dicebatur. (5) Aliis quoque est *Troas* et haud raro cum Mysia confunditur.

Tota haec regio admodum fertilis erat, ita ut hac in re Ioniam superaret; unde mirum non est, veteres huius provinciae incolas agriculturae studuisse. (6) — Tempore ANTIOCHI M. Iudaei iam in Phrygiam adventarunt, ita ut deinde ibi perfrequentes fuerint; nam laudantur *Colasfis*, *Hierapoli* et *Troade*; atque sine dubio quoque fuerunt *Laodiceae* ad Lycum et *Apameae* *Cibotos*. § 56 et 44.

(1) STRAB. XII. p. 563. PTOLEMAEUS. Lib. V. Cap. 1. (2) Cl. HEEREN *Idem* I. II. p. 208. (3) STRAB. XII. p. 571. (4) Idem XIII. p. 628. (5) STRAB. XII. p. 571, 576. (6) Vid. STRAB. XII. p. 573. cf. Cl. HEEREN I. I. p. 192.

GALATIA (a Gallis occupata et hinc dicta *Gallia*, graecō Γαλατία five Γαλλογραιμία (7)) est Phrygiae maioris pars, sita inter Paphlagoniam, Cappadociam et Bithyniam. (8) Aetate Apostolorum ibi inveniuntur Iudaei. § 42.

LYDIA terminabatur ad orientem Ionia, ad septentrionem Mysia, ad occidentem Phrygia, ad meridiem Caria. (9) Ne ulla quidem regio plures quam haec immigrandi causas quum obtulerit, Iudaeos degisse in Lydiae metropoli *Sardibus*, uti et *Thyatirae* et *Philadelphiae*, colligere non est difficile. (10) vid. § 43 et 44.

IONIAE civitates, Graecorum coloniae, ad Mare Aegaeum a Phocaea ad Miletum fines extendebant. (11) Nulli certo regioni coeli bonitate et situs commoditate cum posthabenda sit, multis Iudaeis frequentabatur: (vid. § 45.) ibique inprimis celebrantur *Ephesi*, in emporio totius Asiae citerioris celeberrimo, et *Mileti*, plurimarum coloniarum matre. (12) Neque sua laude est destituenda *Smyrna*, urbs itidem mercatu nobilissima. (13)

CARIAE orae maritimae initium est continens Rhodo opposita; finis autem Posidium Milesiorum; in mediterraneis terminabatur regio extremitatibus Tauri usque ad Meandrum. (14) Regio mercaturae haud importuna; unde aetate Hasmonaeorum Iudaei ibi iam laudantur, et quidem *Cnidi* et *Myndi*; deinde autem *Hallicarnassi* inveniuntur (§ 45), neque dubium est, quin *Antiochiae* ad Meandrum fl. et *Stratoniceae* fuerint. vid. § 35.

LYCIA terminos habebat ad occasum Cariam, et Pamphyliam ad orientem: (15) vixerunt ibi Iudaei *Phaseli*. § 45.

PAMPHYLIA, inter Lyciam, Ciliciam, Taurum, Pisidiam, et Mare terminata, etiam a Iudaeis habitabatur; *Pergae* enim et *Syde* illos laudavimus. vid. § 45.

PISIDIA, in ipsis Tauri verticibus, et supra Pamphyliae urbes Sidem et Aspendum posita, (16) secundum **PTOLEMAEUM** fuit pars Pamphyliae. Commerciis

(7) STRAB. XII. p. 566. (8) Idem XII. p. 566, 568 et PLINIUS Lib. V. Cap. 32. (9) PLINIUS V. 30. (10) Conf. HEEREN I. I. p. 183. seqq. (11) STRAB. XIV. p. 632. (12) „Die „Königin,” verba sunt Cl. HEEREN I. I. p. 189, „aller griechischen Städten, und die fruchtbare Mutter von mehr als hundert Coloniën.” (13) Conf. HEEREN I. I. p. 189. (14) Ita fere STRABO XIV. p. 651. (15) STRABO XIV. p. 664. (16) STRABO XII. p. 570.

itaquē minus favisſe videtur regio haec; attamen cum fuerit dives; omnique genere frugum fertilis, nullum relinquitur dubium, eo iam cito Iudaeos migrasſe. *Antiochiam* et *Seleuciam* hic recensuimus. vid. § 56.

LYCAONIA a Tyriaco ad Coropasum procurrebat. (17) In urbibus *Iconio*, *Lystra* et *Derbe* sedes fixerunt Iudaei. vid. § 42.

CILICIA ultra Taurum, Syriam inter et Pamphyliam iacet: altera est *aspera*, altera *campestris*. (18) Iudaeos eo, cum mari alluatur et Syriae adiacet, antiquiore aetate se iam contuliſſe, probabile est. Memorantur autem tantummodo *Tarſi*; (§ 36.) quamquam illos quoque vixiſſe *Antiochiae* ad Cragum, et *Seleuciae Tracheae* veriſimile est. vid. § 55.

CAPPADOCIA latiori ſignificatione continet, quidquid a Cilicia ad Pontum Euxinum, inter Halyn fl. et Armeniam, comprehenſum est: dividitur in Cappadociam *magnam*, quae meridionalis, et in Cappadociam *Ponticam*, quae ſeptemtrionalis est, et ſimpliciter *Pontus* appellatur. (19) In ultima hac regione, ab Haly amne ad Colchos uſque patente (20), aetate Apoſtolorum laudantur Iudaei. vid. § 42.

Praeterea tempore Hasmonaeorum Iudaei iam obvii ſunt *Samſone* ſive *Sampſone*, ſita, ſecundum ſententiam Illuſtris MICHAËLIS, ad Pontum Euxinum; fortasſis in illius, ubi Iris fl. in mare emanat, loci vicinia. (21) PTOLEMAEUS eodem fere loco ponit *Ancon Leucoſyrorum*, quae igitur forte eadem est, urbs ac Samſon. (22)

Eodem tempore eademque occasione invēniuntur Iudaei *Side*. Huius nominis urbem in Pamphyliae recenſione quidem laudavimus, verumtamen cum eiſdem nominis urbs ad Pontum Euxinum occurrat, (23) nihil obſtat, quo minus hic *Siden*, Ponti urbem, intelligamus. (24) vid. § 44.

In Cappadocia *magna* ſive *propria*, quae et *ad Taurum* dicebatur (25); prioribus poſt Chriſtum temporibus, quoque vixerunt Iudaei. vid. § 42.

SYRIA ſeptemtrionem verſus Cilicia et Amano definitur; orientem verſus

(17) STRABO XIV. p. 663. Praeterea limites definivit Idem p. 568. (18) STRABO XIV. p. 668. (19) STRABO XII. p. 533, 534. (20) STRABO XII. p. 548. (21) Vid. eiſus Annot. ad I Mac. 15: 23. (22) Lib. V. Cap. 6. (23) STRABO XII p. 548. μετὰ δὲ τὴν Θερμύτικην ἔστιν ἡ Σάμψων, igitur in vicinia Samſonis ſita. (24) Cf. MICHAËLIS ad I Mac. 15: 23. (25) STRABO XII. p. 534.

terminatur Euphrate et Arabibus Scenitis, qui cis Euphratem sunt; austrum versus felici Arabia et Aegypto; occidentem versus Aegyptio pelago, Islicum usque. (26) Latiori etiam significatione amplam admodum regionem continebat, de qua, quia deinde opportunior erit agendi occasio, hoc loco non dicam. (27) Per Syriam autem hic intelligo eam Asiae regionem, quae terminos habuit Coelesyriam, Phoenicen, Mare Mediterraneum, Ciliciam et montem Amanum, Euphratem et Arabiam desertam. (28)

In quinque regiones dividebatur Syria, quarum duae sunt recensendae, *Commagene* nempe et *Seleucia*. In illa inveniuntur *Antiochia*, ad Tauri radices, secundum *PTOLEMAEUM* (29); et ad Euphratem *Seleucia*. (30) Seleucidis autem oppida plura occurrunt, *Antiochia* apud Daphnem, *Seleucia* in Piëria, *Apamea*, *Laodicea* ad Mare, *Telithon* (31), et *Aradus*. (32) Variis temporibus in Syriam se contulerunt Iudaei; tempore autem Apostolorum ibi saepius laudantur. vid. § 42.

COELESYRIA. *STRABO* quidem dicit, regionem ultra Seleucidem in Aegyptum et Arabiam recedentem, *Coelesyriam* appellari: addit autem Lib. XVI. p. 756. „ιδίως ἢ τῷ Λιβάνῳ καὶ τῷ Ἀντιλιβάνῳ ἀφωρισμένη.” et pag. 754. „Δύο δὲ εἰς ὅρη τὰ ποιοῦντα τὴν κόλην καλουμένην Συρίαν, ὥς ἂν παράλληλα, ὅτι Λιβάνος καὶ ὁ Ἀντιλιβάνος, μὲν ὑπερθεῖν τῆς θαλάττης ἀρχόμενα ἀμφω.” Ibi *Laodiceae* ad Libanum et *Damasci* posterioribus temporibus vixerunt Iudaei.

In Introductione *Laïda*, quae postea dicebatur *Dan*, huic regioni adscriptimus; quamquam enim haec urbs deinde semper Palaestinae annumerabatur, ad hanc tamen proprie haud pertinuit.

PHILISTAEA regio ad occasum Iudaeae, iuxta oras Maris Mediterranei parvi satis ambitus, (35) ubi *Ziklagi*, *Ascalone*, *Iamniae*, *Azoti*, *Gazae*, *Anthedone* et *Raphiae*, imprimis post *ANTIOCHUM* *ΒΕΡΙΦΑΝΕΜ*, memorantur fuisse Iudaei. § 40.

PHOENICE, maritimus tractus, a septentrione terminabatur Eleuthero fl.;

(26) Ita illam descripsit *STRABO* XVI. p. 749. (27) Cf. *BECK* v. cl. *Alg. Gesch.* Tom. II. p. 35. In nota (d) et *HEEREN* I. I. p. 203. sqq. (28) Cf. imprimis *CELLARIUS* Tom. II. p. 242. sqq. (29) Vid. *CELLARIUS* Tom. II. p. 245. (30) *STRABO* XVI. p. 749. (31) Secundum *IOS. A.* XIII. 15. 4. Syriae urbs. (32) Vid. *STRABO* XVI. p. 749. sqq. (33) De qua cf. v. *HAMBELD* I. c. V. p. 422. sqq.

a meridie fl. Cherleo, prope Caesaream. (54) Hic in notissimis ac nobilissimis urbibus *Tyro* et *Sidone*, ab antiquissimis inde temporibus, habitabant Iudaei: deinde etiam *Sareptam* venerunt. vid. Introductio, et § 3, 36 et 42.

ARABIA. STRABO ita loquitur „Τέκεται δὲ τῆς Ἰουδαίας καὶ τῆς Κεῖλης Συρίας, ἄχρι Βαβυλωνίας, καὶ τῆς τῷ Ἐυφράτι ποταμῶς πρὸς νότον Ἀραβία πάντα, χωρὶς τῶν ἐν τῷ Μεσοποταμῶς Σκηνιτῶν.” (35) Dividitur autem in Arabiam *Petraeam*, *Desertam* et *Felicem*. (36)

In Arabia Petraea, quae terminabatur Aegypto, Iudaea, Syriae parte, Arabia Deserta et Sinu Arabico (37), reperiatur *Ammonitis*, ubi *Dathema* arx, probabiliter e regione Hesbonis, in illius loci vicinia, ubi nunc est *Dobba* five *Belka*. (38) Praeterea ibi occurrit *Tob*, secundum CELLARIUM (39) regio Gileadis, quam vero KLÖDEN (40) in vicinia Ammonitidis ponit. *Moabitis* iam sequitur in vicinia Maris Mortui, ubi *Lembam* et *Oronas* (41) laudavimus. *Idumaea* five *Edom* ad finem Arabicum. Urbes, quarum mentionem fecimus, sunt *Elath* et *Ezion Geber*, emporia in S. Scriptura haud incognita. Hic etiam in censum venire videtur *Seir*, qui probabiliter Idumaeae fuit mons.

In Arabia Deserta (42) tantummodo obvia est *Hegarenorum* ditio, quae ad finem usque Perficum patebat. (43)

Arabia Felix terminabatur Arabia Petraea et Deserta, Sinu Arabico atque Perfico. (44) Regio admodum dives, omnique genere frugum fertilis, mercatura nobilissima. (45)

In diversas Arabiae regiones diversis admodum temporibus venerunt Iudaei; sic iam ante SALOMONIS aetatem illos ibi invenimus; (vid. Introductio) ita ut, deinde magis magisque adaucti, tempore Apostolorum ibi magno numero habitarent vid. § 5, 4, 9, 14, 40.

(34) STRAB. XVI. p. 753. (35) Lib. XVI. p. 765. (36) PTOL. V. 17, 19. (37) PTOL. V: 12, 17. (38) Conf. c. F. KLÖDEN, in libello, cui titulus est, *Landeskunde von Palästina* p. 121, 122. (39) Tom. II. p. 390. (40) l. c. p. 122. (41) Iosephus illas Moabitidi annumerat A. I. XIII. 15. 4 et XIV. 11. 4. ibi SPANHEMIUS. (42) De qua conf. PTOL. V. 19. (43) v. HAMELSVELD ad 1 Chron. 5: 10. (44) PTOL. VI. 7. (45) Conf. HEBEREN l. c. I. II. p. 106. sqq.

MESOPOTAMIA inter Euphratem ac Tigrim iacet: Tigris nimirum orientale eius latus alluit; occidentale vero et australe Euphrates; ad septemtrionem est Taurus, qui Armenos dirimit a Mesopotamia. (46) Ad *Chaboran* fl. (47), qui apud *Circesium* se cum Euphrate coniungit, et in urbibus *Tel-Abib*, *Tel-Melah*, *Tel-Harsa*, *Cherub*, *Addam* et *Immer*, durante exilio Babylonico degebant Iudaei. vid. § 5—7. De harum autem urbium situ nusquam aliquid constat, hasque Mesopotamiae fuisse urbes, quidam coniectura tantummodo consecuti sunt. (48) Praeterea vixerunt, circa finem periodi posterioris, *Neardae* ad Euphratem, secundum *IOSEPHUM* (49), *Babyloniae* in urbe; *D'ANVILLIUS* autem et *Cl. P. E. BRUNS* (50) hanc urbem in Mesopotamia ponunt: eodemque tempore *Nisibi*, *Mygdonio* amni opposita, occurrunt. vid. § 41.

BABYLONIA et CHALDAEA: In S. literis *Sinear* est nomen Babyloniae antiquum, a Septuaginta Interpretibus enim *Sinear* *Βαβυλὼν* (51) et *Βαβυλωνία* (52) vertitur; cuius denominationis vestigia adhuc inveniuntur in nomine mentis *Singarae*. Regio haec terminabatur ab oriente *Sufiana*, a meridie *Sinu Perfico*, ab occidente *Arabia Deserta*, a septemtrione *Mesopotamia*. (53)

Ad flumina *Babyloniae* exules dicuntur degisse (§ 19.), per quae per excellentiam *Euphrates* et *Tigris* intelliguntur. Observandum autem est, posterius flumen etiam nomine *Fiddekel* obvium esse apud *DANIELEM*. (54) *Castiphia*, fortassis Babyloniae provincia, etiam occurrit. (55) *Babylon*, urbs perantiqua et immensi operis in campo *Sinear*, *Euphrate* interfluo; secundum multorum sententiam sita est, ubi nunc est *Felugo*; secundum aliorum, et in his *NISBUHR* (56), eodem loco, quo nunc *Hella*. *Seleucia*, celebris quondam urbs, ad *Euphratem* iacebat; (57) a qua non procul in *Tigridis* ripa *Ctes-*

(46) STRAB. XVI. p. 746. (47) Alii quidem statunt et inter hos *BOCHART* l. c. III. 14. *Chebar*, esse *PTOLEMAEI* ἡ Χαβύρας ἢ ἡ ἑσ; inter *Mediam* et *Assyriam*: hoc autem refellitur inde, quod *EZECHIEL* semper loquitur de *Chabora fluvio*: vid. cap. 1: 1, 3-3: 15-43: 3. (48) *BACHIERE* l. c. III. p. 589. (49) *A. I.* XVIII. 9. 1. (50) In libro *Handbuch der alten Erdbeschreibung, nach Anleitung der d'Anvillischen Landcharten* Tom. II. Part. I. p. 132. (51) *Zach.* 5: 12. (52) *Ies.* 11: 11. (53) STRABO XVI. p. 739. separavit quidem *Chaldaea* a *Babylonia*; attamen eadem fere cum fuerit regio, sigillatim de illa non agimus. (54) Cap. 10: 4. (55) v. *HAMELSV.* ad *Ezrae* 8: 17. (56) *Reisebeschreibung* etc. Tom. II. p. 287-291. (57) STRABO XVI. p. 742.

phon ; ubi Parthorum reges hyemem agebant. (58) Quo loco cum Euphrate se coniungit Tigris, sita erat *Apamea*.

Iudaeorum, qui tempore NEBUCADNEZARIS, in Babylonia, regione fertilissima, (59) Tigrin inter et Euphratem sita, collocati fuerunt (§ 11—13.) postea haud multi in patriam reversi sunt (§ 21, 25); hic enim, anniis ventibus valde adaucti, perfrequentes fuerunt (§ 41.)

ASSYRIA latissimo sensu saepe illam significat regionem, quae Asfyriam; Babyloniā, Mediam, Mesopotamiam, quin etiam Cappadociam ad Pontum usque Euxinum complectitur. (60) Quo vero tempore ex Asfyriorum servitute sese in libertatem vindicarunt Medi, Asfyriae nomine, illarum regionum; ad septemtrionem sita, pars tantum venit ista, quae Armenia, Media, Susiana terminabatur et Mesopotamia. (61) Parti vero, quae iacebat ad occidentem, qua ad meridiem vergit, ab urbe Babylone, *Babylonia* indebatur nomen, a Chaldaeis vero, illic regnantibus, *Chaklaea*: atque ita separati atque distincti in S. literis regnum Israëlis Asfyrii, Iudae Babylonii sive Chaldaei deviciasse dicuntur. (62) Obvenit nobis *Halah* sive *Chalach*, Asfyriae septemtrionalis pars, ad occidentem aliquantum declinans; STRABO saepe *Καλαχην* et *Αδιαβην* simul vocat, (63) illasque regiones extra Armeniae fines ponit. (64) Est igitur PTOLEMAEI (65) *Cakacine*; a quo ponitur supra Adiabenem, ad radices montis Niphatis, ubi Veterum *Carduchi* vel *Gordyaei*. (66) Una tantummodo urbs laudatur *Ninive* sive *Ninus*, Asfyriae caput, ad Tigrim ubi nunc est *Mosul*. (67) In Asfyria a tempore inde TIGLATH PILEZARIS vixerunt Israëlitae. vid. § 5, 6, 7.

MEDIAE pars altera dicebatur *magna*, altera *Atropatens*. Terminabatur ab oriente Hyrcania et Parthia, ab occidente Asfyria et Armenia, a septemtrione Mari Caspio; a meridie Persia, ubi nunc est Irak Aghami. (68)

Retulimus § 7. ad Mediam *Haran*, secundum VAN HAMELSVELD. (69) urbem

(58) Ios. *A. I.* XVIII. 9. 9. (59) Qua de re vid. HEEREN *Ideen* I. II. p. 147. sqq. (60) STRABO XVI. p. 736, 737. (61) PTOL. VI. 1. (62) Cf. BACHIESE I. c. III. p. 494—505. (63) Libr. XI. p. 503, 530. (64) Libr. XI. p. 530. (65) Libr. VI. 1. (66) Cf. BOGHART I. c. IV. 22. (67) NIEBUHR I. c. II. p. 357. sqq. (68) STRABO XL. 522. PTOL. VI. 2. (69) I. c. V. p. 261—267.

Mesopotamiæ trans Euphratem, ubi Romanorum fuere *Carræ*. *Hara* sive *Harā* montosam superioris Mediae, ad Ecbatanam et ulterius tendentem, fuisse regionem, statuunt alii: quod maiorem etiam probabilitatem accipit, quia 1 Chron. 5: 26. *Hara* ponitur, pro quo alio loco, nimirum 2 Reg. 17: 6. *Mediam* legimus. Data opera hoc e multis testimoniis HERODOTI, PAUSANIAE, STRABONIS aliorumque comprobare conatus est doctissimus BOCHARTUS, et qui eum sequitur BACHIENE. (70) — Eadem in § memoratur *Gozan*. A monte Chabora (id est, ubi tabulae geographicae PROLEMAEI perperam habent *Choatras*) ad Mare Caspium, medio fere spatio, occurrit *Gauzania* urbs, id est, *Gozan*, inter duos Cyri alveos; quam regioni et fluvio proximo nomen dedisse verisimile est, antequam ibi locorum Persae dominarentur, a quibus *Cyrus* dici coepit iste amnis, ut vicinus alter *Cambyses*, in honorem CYRI et CAMBYSIS (71) Quomodocunque haec res se habeat, definire admodum difficile videtur: adstipulare equidem possum sententiae BOCHARTI, attamen tunc in Albania collocenter Iudaei, necesse est, quia Cyrus fl. in Armenia ortus, statim in Iberiam incidit, e Caucaaso defluente, Arrabone etiam assumpto aliisque aquis; per angustum alveum in Albaniam sese effundit. (72) Cl. VAN HAMELSVELD (73) alia coniicit; sed sive hunc, sive alios sequimur, semper incertimur. — Quae urbes memorantur, sunt *Ecbatana*, quam eandem multi dicunt ac *Achmetam*, (74) hodie *Hamadan*, Mediae caput: et *Ragae*, eandem; quae *Ragau* et *Rhaga*, quae, secundum STRABONEM (75), deinde *Europus* et *Arfacia* est appellata.

In his autem regionibus et locis ab aetate inde TIGLATH PILESARIS degabant Israëlitae. vid. § 5—7.

PERSIA latiori sensu non tantum Perfide propria, Sufiana et Elymaide continebatur, sed etiam Asfyria, Armenia, Media, Syria, Asia minori et regionibus, quotquot olim imperio Perfico parebant. Persis autem, quae pro-

(70) I. c. Lib. III. cap. 14. Tom. III. p. 533, 534. (71) Verba praefertim sunt BOCHARTI Lib. III. cap. 14. cui accedit BACHIENE III. p. 531, 532. (72) Ita fere STRABO XI. p. 500. (73) Tom. VI. p. 131. (74) Ezrae 6: 2. (75) Libr. XI. p. 524.

prie dicitur, nunc appellata *Fars* sive *Farfistan*, inter Mediam et Sinum Perficum iacebat. (76) Iam vero de quibusdam huius imperii regionibus, in quibus certum est, Iudaeos vixisse, hic dicendum est.

SUSIANA Babyloniam inter et Perfidem, ad Sinum Perficum sita erat, hodieque dicitur *Khufistan*. *Susa*, regionis caput, ad Choaspem fl. hic tantummodo obveniunt. Fertilitas valde celebratur. (77)

HYRCANIA fere in Persarum regni confiniis septemtrionem versus sita; Mari, Media, Parthia et Margiana inclusa. Fertilitas etiam laudatur a STRABONE. (78)

PARTHIA terminata fuit Hyrcania, Aria, Margiana, Media et ubique montibus inclusa. (79)

Praeterea secundum § 25 nullum dubium est, quin Iudaei, qui tempore XERXIS et ARTAXERXIS in regionibus modo memoratis iam occurrunt, quoque fuerint in *Carmania*, *Gedrosia*, *Aria*, *Drangiana*, *Arachosia*, *Paropamisjò*, *Margiana*, *Bactriana* et *Sogdiana*; quae nimirum regiones varias ob causas Iudaeis placere poterant. vid. § 22. 24, 25, 41.

I N S U L A E A S I A E.

In Aegaeo Mari, Aeolidi adversa, est *Lesbos*, (80) nunc *Metelin*: in Mari Icario *Chios*, Ioniae obiecta, (81) hodie *Scio*; et e regione Ephefi *Samus*; insula notissima, omnibus fere rebus dives. (82) Cariae adiacebat *Cos*, tota frugum ferax; (83) et in Mari Carpathio *Rhodus*, insula nobilissima. (84) Omnium vero longe celeberrima est *Cyprus*, cuius septemtrionales partes ad asperam accedunt Ciliciam et continentis extremitatem; orientales Isfco Sinu; occidua Pamphylia; meridionalia Aegyptio Mari alluuntur. Praestantia nulli

(76) STRAB. XV. p. 727. conf. HEEREN I. c. I. I. p. 176. sqq. (77) Vid. de illa STRAB. XV. p. 727, 729 et Cl. HEEREN I. c. I. I. p. 325. (78) Lib. XI. p. 508. inprimis autem II. p. 73. (79) PLIN. VI. 29. PTOL. VI. 5. STRABO XI. p. 514. 'Η δὲ Παρθυσία πολλὰ μὲν οὐκ ἔστι· συντίλλει γοῦν μετὰ τῶν Τρμανῶν τὰ Περσικὰ, καὶ μετὰ ταῦτα Μακεδόνων κρατοῦντων ἐπὶ χρόνον πολὺν. (80) STRABO XIII. p. 616. sqq. (81) STRABO XIV. p. 645. (82) STRABO XIV. p. 637. sqq. (83) STRABO XIV. p. 657. (84) STRABO XIV. 651. sqq.

cedit insulae; multisque a scriptoribus et poëtiſ celebratur. (85) In urbibus notissima erant *Paphos* et *Salamis*.

Diversis quidem temporibus se in has insulas contulerunt Iudaei, ita partim aetate Hasmonaeorum, partim Apostolorum ibi inveniuntur. § 45, 47.

A F R I C A.

AEGYPTUS, in V. F. Codice מִצְרַיִם, amplissima est Africae regio. Quamquam inter Veteres, quibus terminis contineatur, non conveniat, equidem; **STRABONEM** secutus, ad Africam refero, illamque sequenti modo definio. Ab ortu terminos habebat Arabiam et Sinum Arabicum, a meridie Aethiopiam, ab occasu Libyam et Marmaricam, a septentrionibus Mare Mediterraneum.

Dividebatur in *superiorem* et *inferiorem*, vel quoque in *superiorem*, *mediam* et *inferiorem*. (86)

In Aegypto inferiori primum occurrit *Alexandria*, urbs longe celeberrima; ad Mare Mediterraneum ibi sita, ubi nunc est *Scanderië*. Praeterea *Leontopolis*, in Bufritici fluvii ripa sinistra: *Migdol*, apud Interpretes Alexandrinos est *Μαγδαλον*, urbs pene in Aegypti ingresso, ad milliaria XII a Pelusio, atque in proximo igitur Maris Mediterranei: non vero adiacebat Mari Rubro, quemadmodum habet **BOCHART**, (87) quae alia erat urbs Exod. 14: 2. et Num. 33: 7. obvia. *Rhinocolura*, quae, quamquam a **STRABONE** (88) Phoeniciae annumeratur, tamen secundum alios (in quibus **DIODORUS SICULUS**) (89) Aegypti fuit urbs: *Tachpanhes* a **STEPHANO** dicta *Δάφνη, πλησίον Πηλουσιέων*: denique *Heliopolitana regio*, cui nomen ab *Heliopoli*, eadem urbe, quae, V. F. Codice nomine *On* saepius obvia, in proximo illius loci erat, ubi nunc est *Kairo*. (90)

In Aegypto media, quae etiam *Heptanomis* appellatur, obvia est *Memphis*, totius olim Aegypti caput, ad Nilum fl., Codice S. *Noph* five *Moph* dictum. (91)

(85) **STRABO** XIV. p. 681. De eius praestantia inprimis vid. **STRABO** l. c. p. 684. et **HEEREN** I. I. p. 193. sqq. (86) **STRABO** L. XVII. p. 787. (87) l. c. Lib. IV. Cap. 7. (88) Lib. XVI. p. 781. (89) Lib. I. Cap. 69 (90) Cf. **NIESBURN** l. c. I. p. 96. (91) l. c. 2: 16.

Aegyptus superior quoque *Thebais* nominabatur, et secundum BOCHARTUM eadem, quae in Scriptura Sacra *Pathros* dicitur, quaeque nunc *Said* vocatur. (92)

De diversis, quibus in Aegyptum venerunt Iudaei, temporibus et occasionibus vid. § 3, 14—18, 27—32.

AETHIOPIA. Quamquam Aethiopiae nomen Veteres indebant omnibus regionibus, quarum incolae nigro colore erant, tamen hic per Aethiopiam illam regionem intellectam velim, quam, ut ab alia eiusdem nominis regione distingueret, PTOLEMAEUS vocat *ἡ Ἀιθιοπία*. (93) Terminata fuit Aegypto, Sinu Arabico, Libya et regionibus quibusdam incognitis. Tempore Apostolorum ibi inveniebantur Iudaei § 34.

LIBYA tanquam illa regio hic sumitur, quae Syrtim inter et Aegyptum iacebat, ita ut Cyrenaicam, Marmarica et Syrta magna terminatam, quoque contineret. Iudaei eo migraverunt regnante PTOLEMAEO LAGI filio § 29, 33; inprimis autem ibi celebrantur *Cyrene*, totius Cyrenaicae capite.

E U R O P A.

ITALIA latissimo sensu terminatur ab una parte Adriatico, ab altera Tyrreno Mari, et habebat a septentrione Alpes; ab ortu Arsam, Istriae amnem, et Sinum Adriaticum; a meridie Mare Inferum atque ab occasu Alpes et Varum fl. (94) Dividebatur in *Galliam Cisalpinam*, *Italiam mediam sive propriam*, et *magnam Graeciam*. De ceteris Italiae divisionibus nunc non est, quod dicam: satis enim est scire, Iudaeos quoque fuisse *Romae*, *Dicaeae* sive *Dicae-archiae* (postea *Puteoli*) et probabiliter in *Magna Graecia*. § 51, 52.

ILLYRICUM complectitur oram orientalem totius Maris Adriatici inter fl. Arsam et Aoum s. Aeam. (95)

DALMATIA, Illyrici pars, Liburnia contermina occidentem versus, hic tantummodo recensenda est § 50.

MACEDONIAE fines pro varia regni conditione varii fuere: proprie tamen

(92) De regione hac mercaturae accomodatissima conf. Cl. HEEREN l. c. II. II. p. 678, 679, ibique verba DENON. (93) Lib. IV. Cap. 7. (94) STRAB. V. p. 209. sqq. (95) STRAB. VII. p. 312. sqq.

men (ita fuit post PHILIPPUM) ab oriente habebat Thraciam, a qua separata erat Nesto fl. vel quoque Strymone, et Mare Aegaeum; a meridie ei cum Thesfalia communes termini erant et ex parte cum Epiro; ad occidentem Illyricum et ad septemtrionem Moesia et Dardania.

Urbes sequentes hic occurrunt. *Philippi*, in finibus Thraciae, *Beroea* et *Thesfalonica*, quae etiam *Therma* vocatur. In Macedonia inprimis tempore Apostolorum Iudaeos invenimus (§ 48), quamquam illos forte ante haec tempora eo migrasse, haud negamus; inter multas causas mercaturam non ultimam nomino. Sic, v. c. haud facile invenies locum Thesfalonica mercaturae opportuniorē, unde Iudaei ibi quoque se collocarunt; de qua ita BACHMANN l. l. Tom. III. p. 823. „Onder de Inwooners dezer Stad, die alle van nature Heidenen waren, hadden ook, ter dezer oorsake, veele Joden zich „vermengt; bij welken de Koophandel, in alle de vreemde Gewesten, waar „zij zich onthielden, de voornaamste handteeringe was.”

THESSALIA, regio Graeciae, quae ad orientem a Thermopylis ad ostia Penei, vel potius ad Olympum, extendebatur; versus meridiem inclusa iugis, ab Oeta monte ad Pindum procurrentibus; ad occidentem Pindo; ad septemtrionem a Macedonia seclufa erat Olympo et Peneo. Regio fuit fertilissima, ubi mercatura haud minus quam agricultura floruit, ita ut nemini mirum esse possit, eo quoque migrasse Iudaeos. vid. § 49. (96)

GRAECIA latiori ambitu continebat Thesfaliam, Epirum, Graeciam, quae dicitur Propria, et Peloponnesum; de quibus regionibus, in quantum ibi Iudaeos vidimus, iam sigillatim agemus.

GRAECIA PROPRIA ad septemtrionem terminabatur Epiro et Thesfalia, five regione, quae a promontorio Actiaco usque ad Thermopylas procurrebat; tum autem excurrebat in promontorium Sunium ad orientem; versus occidentem et meridiem Mare Ionium, Sinus Corinthiacus, Isthmus et Saronicus Sinus fines constituebant. (97)

AEOLIA continebatur Epiro, Thesfalia, Doride, Locride, Sinu Corinthiaco et Acarnania;

(96) Conf. CL. HEEREN l. l. III. l. p. 48. sqq. (97) Conf. STRABO IX. p. 390. sqq. et addatur CL. HEEREN l. c. III. l. p. 19. sqq. praesertim autem, quod ad situm Graeciae mercaturae accom-

ΒΟΙΟΤΙΑ ab oriente Euripum, a meridie Atticam et Megaridem, ab occidente Alcyonium Mare et Phocidem, a septemtrione Phocidem et Locros Opuntios habebat. (98)

ΑΤΤΙΚΑ ad septemtrionem habebat Boeotiam; ad ortum Aegaeum Mare; ad austrum Saronicum Sinum; ad occasum idem Sinum et Megaridem. *Athenae*, regionis Atticae caput, civitas Graeciae nobilissima, nobis obviae sunt.

ΠΕΛΟΠΟΝΝΗΣΟΣ, nobilissima Europae peninsula, australes Graeciae partes complexa est. (99)

ΑΧΑΪΑΕ, cui quoque Sicyoniam et Corinthum adnumero, strictiore significatione, ab oriente terminata fuit Sinu Saronico, ab austro Argolide, Arcadia et Elide, ab occidente et septemtrione Sinu Corinthiaco et Megaride. „Ὁ „δὲ Κορίνθος” inquit STRABO, „ἀφνειὸς μὲν λέγεται διὰ τὸ ἐμπόριον ἐπὶ τῷ Ἰσθμῷ καί- „μενον, καὶ δυεῖν λιμένων κύριος, ὃν ὁ μὲν τῆς Ἀσίας, ὁ δὲ τῆς Ἰταλίας ἐγγύς ἐστι” (100) ex quibus quisque situm huius urbis, ad mercaturam accomodatissimum, colligere potest. (101) *Sicyon* in vicinia Corinthi mercatura celebris, STRABO de hac urbe et Corintho ita disputat. „Ἡ μὲν ὄντι πόλις τῶν „Κορινθίων μεγάλη τε, καὶ πλουσία διαπαντός ὑπῆρξεν, ἀνδρῶν τε ὑπόρρη καὶ ἀγαθῶν εἰς „τε τὰ πολιτικά, καὶ εἰς τὰς τέχνας τὰς δημιουργικὰς μάλιστα γὰρ, καὶ ἐνταῦθα, καὶ „ἐν Σικυῶνι ὑψίστη γραφικὴ τε, καὶ πλαστικὴ, καὶ πᾶσα ἡ τοιαύτη δημιουργία.” (102)

ΛΑΚΟΝΙΚΑ ad orientem habuit Argolicum Sinum et Myrtoum Mare; ad meridiem Sinum Laconicum; ad occidentem Sinum Mesfeniacum et Mesfeniam; ad septemtrionem Arcadiam et Argivorum ditionem. *Sparta*, urbs nobilissima; hic occurrit.

ΑΡΓΟΛΙΣ ἢ ΑΡΓΕΙΑ Sinu Saronico et Argolico includitur; ad septemtrionem terminabatur Achaia; ad occasum Arcadia; ad austrum vero Lacenica. (103)

Iudaei in omnibus his regionibus maxime tempore Apostolorum inveniuntur § 48—50.

modatissimum, p. 54, 56. (98) Cf. STRABO IX. p. 400. sqq. (99) De qua conferri meretur CL. HEEREN I. c. III. l. 21. sqq. (100) Lib. VIII. p. 378. (101) Conf. CL. HEEREN I. c. III. l. p. 32, 33. (102) Lib. VIII. p. 382. (103) Conf. STRABO VIII. p. 368. sqq.

INSULAE EUROPAE.

Inter insulas, quae memorantur, praecipuum locum occupat *Sardinia*, Graecis dicta *Σαρδίνη*, Corsicae ad meridiem subiecta, et prope Italiam in Mari Ligustico sita. De huius insulae fertilitate vid. STRAB. V. p. 224. Venerunt eo Iudaei anno post Christum 19. vid. § 52.

Una cum tantummodo insula, ad Italiam pertinens; obvenit, plures iam insulae, Graeciae adiacentes, occurrunt, inter quas primo memoratu digna est *Euboea*, insula oblonga, iuxta oram maritimam porrecta, quae a Sunio est usque ad Thesfaliam atque Euripo admodum angusto a Boeotia diremta. (104) Deinde *Creta*, hodie *Candia*; quae alluitur insula a septentrionibus Mari Aegaeo et Cretensi; a meridie Libyco, quod contiguum est Aegypto. Inter urbes primarias obvia est *Gortyna*, ad fl. Lethaeum. (105) Laudavimus quoque *Delum*, insulam maris Aegaei, Cycladum omnium clarissimam. (106) Superest denique *Melus*, una Sporadum, aliisque insulis memorabilior. (107) In his insulis diversis temporibus venerunt Iudaei. vid. § 46, 47, 52.

OPHIR ET THARSIS.

De situ OPHIRAE multum olim atque etiamnunc disputatum est. Non autem opus est varias doctorum virorum sententias expromere, cum nostra maxime aetate fere omnes in eo consentiant, nomine *Ophirae* eas, quae a Palaestina ad meridiem sitae erant, intelligendas esse regiones, inprimis illam Africae partem, quae olim *Aethiopia*, hodieque *Abysfinia* nuncupatur; et hoc inter alia ex nominis quoque convenientia conficere conati sunt; quando enim nomini *Ophir* sive *Aphir* et *Apher* Graecorum *οφειρ* (quo *γφ* intelligitur) adiciatur, nomen ipsum illius terrarum partis *Αφειρην* habemus. Sed Cl. HEEREN, cui quoque accedit Cl. MÜNTINGHE (108), latiore significatione sumit *Ophirae* nomen, dicens, Ophiram emporia maxime fuisse Arabiae felicitis australis, Afri-

(104) STRAB. X. p. 444. sqq. (105) STRABO X. p. 474. sqq. 478. (106) STRAB. X. p. 485. sqq. (107) STRAB. X. p. 484. (108) Conf. Cl. HEEREN *Ideen* II. II. p. 586. *Geschichte der Menschheit* VI. in nota 250. p. 93-95.

cae; immo forte Indiae, in quantum regio haec ultima Hebraeis tunc temporis cognita fuit: quae etiam sententia mihi inprimis placet. (109)

Simili fere modo de situ THARSIS multum disputatum est. Nunc autem fere ne ullus est, qui dubitet, *Tharfin* latiore ambitu eas significare regiones; quae a Palaestina ad occidentem sitae erant; ex quibus sequitur, ad has quoque pertinere Hispaniam. Cum Cl. НЕВЕРЕН, ita hanc rem explicante, (110) consentit Cl. MÜNTINGHE *Geschiedenis der Menschheit* VI. in nota (250) p. 95-98. „Het komt mij,” inquit, „om alle deze redenen best voor, om „aan den naam Tharsis eene zeer uitgebreide beteekenis te geven, en daar „door onbepaald alle meer westelijk van Phoenicië, Syrië en Palestina gele- „gene kusten te verstaan, zonder eenige meer bijzondere bepaling van land „of plaats, even gelijk wij pas te voren zagen, dat Ophir het meer zuidelijk „gedeelte van Palestina was. Neemt men deze ruimere beteekenis aan; zoo zal „men verscheidene zwaarigheden ontgaan en alles, wat men in den Bijbel van „Tharsis leest, zal zich gemaklijker laten verklaren.” Hinc explicat vir cl; multa Scripturae Sacrae loca, ubi de Tharfi mentio iniicitur, quae ceteroquin haud facile intelligi possent v. c. Ps. 72: 10. Ief. 60: 9. Ion. 1: 3. alia.

(109) *Ideën* I. II. p. 708. quocum conf. p. 83. (110) l. c. I. II. 709.

1

2

LUDOVICI GERLACHI PAREAU,

DAVENTRIENSIS,

*LITERARUM IN UNIVERSITATE AD RHE-
NUM TRAIECTINA CANDIDATI,*

C O M M E N T A T I O

AD QUAESTIONEM, A NOBILISSIMA FACULTATE
PHILOSOPHIAE THEORETICAE ET LITE-
RARUM HUMANIORUM UNIVERSITATIS,
QUAE GRONINGAE EST, IN CERTAMI-
NE LITERARIO

ANNO CIOCCCCXVII

PROPOSITAM:

*HISTORIA MIGRATIONUM HEBRAEORUM EXTRA
PATRIAM, USQUE AD TEMPORA, DELETA A
ROMANIS HIEROSOLYMA PROXIME ANTECE-
DENTIA: ET EXPOSITIO CAUSARUM, QUAE
EAS EFFECERUNT; ADDITA RECENSIONE RE-
GIONUM ET LOCORUM, IN QUAE MIGRAVE-
RUNT HEBRAEI.*

*QUAE ALTERO A COMMENTATIONE PRAEMIO
ORNATA LOCO DIGNA IUDICATA EST.*

Iehova Hebraeos disperget per gentes diversas.

DEUTER. IV: 27.

Uti universe una in paucis gravissima est Hebraeorum historia, ita eorundem extra patriam migrationes habent, quo se historico cuique commendent. Harum enim ea fuit ratio, ut maxima ipsius populi pars iam antiquis temporibus per varia loca vixerit dispersa. Quorum Hebraeorum ut et rationem cognoscere accurate possumus, et ut eorum vim in ceteros orbis populos rite perspectam habeamus, opus est, ut diligenter de ipsis eorum migrationibus disquiramus.

Gravis ergo est disquisitio, in Academia Groningana a Clarissimo ordine Philosophiae Theoreticae et litterarum humaniorum proposita, de migrationibus Hebraeorum, quae obtinuerunt ante deleta a Romanis Hierosolyma: Quae quaestionis gravitas me excitavit, ut, quidquid hac in re possem, conferrem, et pro viribus historicam hancce disquisitionem instituerem.

Ita autem se habet quaestio, ut postuletur, non historia Hebraeorum; qui extra patriam versati sunt, sed historica expositio ipsarum migrationum. Has ergo, quantum potero, accurate exponere conabor, omniaque, quae ad ipsas referuntur migrationes, enarrare studebo. Loca, in quae migrarunt Hebraei, recensere, ubicunque in ipsa enarranda historia opportunum videbitur. Causarum quoque, quibus illae res continentur, expositionem ipsi singularum rerum narrationi addam.

Ceterum historiae ordinem secutus, priore parte agam: *de Hebraeis inde a gentis initio usque ad dirutum utrumque regnum*; altera: *de iisdem inde ab hoc tempore usque ad deleta per Romanos Hierosolyma.*

P A R S I.

DE HEBRAEIS INDE A GENTIS INITIO USQUE AD DIRUTUM UTRUMQUE REGNUM.



C A P U T I.

DE HEBRAEIS USQUE AD INITIUM DESTRUCTI UTRIUSQUE REGNI.

Quae primis Hebraeorum temporibus acciderunt, ad migrationes referenda, pauca sunt et nobis saltem breviter tantum tangenda. Quamvis autem, cum quaestio agat de Hebraeorum patria, agere de iis, quae ante acciderunt, quam hi in Canaanem pervenerant, necesse non videatur; ea tamen, ne quid neglexisse videar, paucis hoc loco apponam.

I. Ipse Hebraeae gentis auctor **ABRAHAMUS** fuit Nomas, uti plerorumque antiquorum populorum patres Nomades fuisse videntur. Hic ergo in patria Mesopotamia cum grege suo oberravit; inde vero abiit, seque contulit in regionem Cananiticam, ubi cum esset advena ex regionibus trans Euphratem sitis, dictus est *Hebraeus*, quasi *trajector*. (1) Atque ita ipsum Hebraeorum nomen originem cepit ex primi ipsorum patris migratione.

(1) Maxime probabilis haec est nominis huius explicatio, quam proposuit Cl. MICHAËLIS in *Supplem. ad Lex. Hebr.* Parte postrema. p. 1821.

Huius autem discesus causa fuit, quod in ABRAHAMAE patria ac gente cultus Dei magnopere corrumperebatur, qua labe ne et pollueretur ipse, Deo monente, abiit in regionem, ubi peregrini instar esset, et ubi reperirentur adhuc qui unum verum Deum publice colerent, uti praesertim MELCHISEDECUS. (2) Qua propter non possumus non Dei venerari sapientiam, in viro ducendo, qui originem genti daturus esset, ipsi Deo sacrae futurae, cultusque divini conservatrici olim unicae.

II. Huius filii et nepotes iisdem fere in tractibus manserunt, donec IACOBUS cum domo sua in Aegyptum secederet, ubi feliciter se victuros esse crederent, quia ipse hoc tempore IOSEPHUS magna auctoritate in Aegypto invaluerat, eosque eo advocaverat. His igitur Aegyptii tractum concesserunt in inferiori, uti videtur, Aegypto Orientali, uberrimum illum et Hebraeis pastorum gratissimum.

III. In illa Gosenitide cum florerent Hebraei magnopere, Aegyptii ab iis sibi timendum esse censuerunt. Servitute igitur magis magisque oppressi Israelitae, Aegyptum, ceteroquin carissimam, reliquerunt, divino liberati auxilio.

Tandem itaque superatis multis difficultatibus in Canaanem pervenerunt, regionem fertilissimam, et gregibus pascendis atque exercendae agriculturae aptam; quaeque Hebraeis eo erat gratior, cum ea ipsa fuisset patria proavorum suorum, primorumque gentis conditorum habitaculum.

Et tum demum gens fuit, fixam habens fortunarum suarum sedem, legibus fruens sapientissimis; atque tum demum dici possunt Hebraei suam nacti esse patriam.

IV. Et ex hacce patria Hebraei primis stabilitae reipublicae temporibus non migrarunt. Nisi ad migrationes referre velis, quod subinde nonnulli forte deducti sint captivi, sed numero adeo pauci, ut diserta eorum mentio vix reperiatur. Quotiescunque enim Hebraei leges Mosaicarum cultumque divinum, optima regni munimenta, negligebant, dissoluta iacebant omnia et adversariorum, circumquaque insidiantium invasionibus aperta.

(2) Genes. XIV: 18-20.

Atque hic legum religionisque neglectus saepius causa exstitit, ut Israëlitas a Philistaeis, Syris, Aegyptiis aliisque vincerentur. (3) Si qui ergo pro more bellandi his temporibus usitato captivi abducebantur Hebraei, hi extra patriam oberrare cogeantur; cuius rei exemplum exstat I Samuelis XIV: 21, ubi Hebraei memorantur in Philistaeorum castris versantes, qui adeo antea ab iis bello capti erant, et in servitutem redacti.

V. Cum sequenti capite acturi simus de utroque regno Hebraeorum destructo, memoranda potius hec loco videtur notabilis migratio tribus Simeoniticae, quae refertur I Chron. IV: 38--43, quamvis illa acciderit post abductas ceteras tribus Israëlitas. Cum his itaque non deducti Simeonitae, illo tempore ad Iudae regnum pertinuisse videntur. Abiere autem sub Iudae rege **HIKIA** alii in regionem Gedor, alii ad montem Seir. Cum autem iis se non opposuerit **HIKIA**, inde confici potest, eos ipsius regimini se subtrahendi non habuisse propositum, atque adeo etiam deinceps ad regnum Iudaicum pertinuisse.

Causa autem huius migrationis fuit, quod ii, qui iam ab antiquissimis inde temporibus vitae pastoritiae addicti fuerant, alias hoc tempore sedes quaerent, vel pecori suo aptiores, vel saltem regionum extensione et vivendi libertate magis commendabiles. Qualem rationem plerumque sequuntur Nomades.

(3) Vid. praesertim Iudicum III seqq. ubi diserte affirmatur, Hebraeos in aliarum gentium potestatem venisse ob impietatem suam.

C A P U T I I.

DE DESTRUCTO UTROQUE REGNO HEBRAEO.

S E C T I O I.

De Israelitarum regno destructo.

Sed iam ab his, quae antea levi pede percurrere lubebat, ad propositum accedamus iter, Hebraeosque sequamur in ipsorum extra patriam migrationibus, quae vere sic dici possunt. Quare primum iam videndum est de decem tribubus Israëlitis e patria abductis.

I. Iam a tempore inde scissi Hebraeorum regni magnopere debilitatum fuit imperium Israëlitarum. Tunc vero magis magisque corrumpebatur cum ipsius regiminis ratio, tum etiam civium conditio, donec tandem, crescente hostium vi, ipsum regnum periret totum. Hoc autem, uti iam diximus, ferebat antiquis illis temporibus bellandi ratio, ut captivi vel trucidarentur omnes, vel e patria eicerentur exsules.

Primus itaque, qui Israëlitas e patria deduxit, fuit Asfyriorum rex PHUL dictus. Hic enim urbes quasdam, in regni sui confiniis sitas, Israëlitis eripuit. Horum rex MENAHEMUS magno aere foedus ab ipso emere coactus est, funestum dein futurum regno Israëlítico, quippe quod ita iam Asfyriorum potestati inferius se ostenderet. Cum itaque Asfyriorum rex victor decederet, secum abduxit captivos Israëlitas multos. (1)

Postea vero TIGLATH-PILEZER, rex item Asfyriacus, Israëlitarum, regnante PECAHO, regiones invasit, multasque et urbes et regiones sibi subiecit. Expugnata igitur Galilea, Gileaditide et ditioe tota Naphtalitica, quo

(1) 1 Chron. V: 26.

melius, quas iam devicerat, provincias retineret, incolas in suum regnum traduxit, aliosque cives suos eo deduxit, qui terram colerent. (2)

Sed maior etiam Israëlitis imminebat calamitas. Cum enim eorum rex **HOSEA** tributum, quod ipsi imposuerat Assyriorum rex, solvere huic amplius nollet, surrexit contra eum **SALMANASAR**, et, devictis regionibus omnibus, ad Samariam usque procescit, qua post trium annorum obsidionem capta, rege in carcerem coniecto, totum populum, excepta infima plebe, e patria eduxit, inque ea misit loca, ubi iam ceteri etiam Israëlitas confederant exules. (3)

II. Multa narrata, multa etiam effecta sunt de hisce Israëlitis e patria migrantibus.

Nos autem, quid postea de iis factum sit, deinceps videbimus; nunc inquiramus, quatenam sint loca, quo continuo deducti sunt ab hostibus. Et mihi quidem videntur maxime in duo diversa abiisse loca, in Assyriam alii, alii in Mediam. (4)

In Assyriam vel Mesopotamiam, Assyriis subiectam, pervenerunt ad flumen Chaboram, et ad loca huic flumini vicina, Gozan, et Halak. (5)

Ceteri autem traducti sunt in urbes Mediae. **HAESA** enim esse Mediam, cum alii testantur, tum **HERODOTUS**, qui, de Medis dicens ait: *καλέοντο πάσαι περί πύργων ἄραι*, vocabantur olim apud omnes *Arii*. (6) Videtur autem ex significatione nominis Hebraici (7) patere, eam maxime fuisse Mediae partem, quae montosa erat, ubi et **STRABO** (8) ait habitasse peregrinos.

(2) 2 Reg. XV: 29. (3) Ibidem XVII: 4. seqq. (4) Quae in re secutus sum *Basnage Hist. des Juifs* T. IV. p. 986. (5) Haec enim est consueta et maxime probabilis horum nominum explicatio, nec magnopere habet, quo se commendet, sententia *I. P. Baratier, (Voyage de R. Benjamin fils de Tudele* T. II. Disert. VIII. § 4), Israëlitas statim abiisse in Colchidem et regiones vicinas; nam diserte dicuntur Israëlitas pervenisse in Assyriam et Mediam. (6) Herod. VII: 62. (7) *ἄρι* montem significat. (8) LXI. p. 523. Edit. *Casaub.*

S E C T I O II.

De regno Iudae destructo.

Is Quod destructo regno Israëlitico superstes manserat regnum Iudaicum, dein etiam debilitatum est magnopere, ac tandem prorsus interiit, eiusque cives aequae, ac antea Israëlitae, in exilium deducti sunt.

Primus itaque, qui captivus abductus est, memoratur rex **ΙΕΡΟ-ΑΧΑΖ**, quum enim **ΙΟΣΙΑΣ** in pugna contra **ΝΕΧΟΝΕΜ** Aegypti regem caderet, cecidit simul populi auctoritas. **ΝΕΧΟ** enim sua auctoritate regem constituit **ΙΟΙΑΚΙΝΟΝ**; **ΙΕΡΟΑΧΑΖΕΜ** vero, quem regem creaverat populus, de throno deiecit, secumque in Aegyptum abduxit, ubi hic ad mortem usque mansit. (1)

Sed quantopere debilitatum esset regnum Iudaicum, deinceps magis etiam apparuit. Nam **ΝΕΒΟΥΚΑΔΝΕΖΑΡ** Iudaeam, provinciam olim Assyriacam, tunc a **ΝΕΧΟΝΕ** subactam, denuo devicturus, cum exercitu accessit, anno regni sui primo. Hierosolyma igitur per deditionem, ut videtur, capta, regem **ΙΟΙΑΚΙΝΟΝ** catenis onerat, Babylonem abducendum. Qui vero quum submisce se gereret, imperio restitutus est. Hac ergo opportunitate **ΝΕΒΟΥΚΑΔΝΕΖΑΡ** principes de regia domo Iuvenes, ut et alios quosdam nobiliores, secum Babylonem traduxit victor. (2) In his erat eximiae vir praestantiae, clarus dein futurus, **DANIEL**. Hi autem omnes erant cum egregiis animi facultatibus conspicui, tum imprimis corporis dotibus gratisimis insignes. Et hoc quidem prorsus est e ratione Regum Orientalium, qui pretiosa quaeque et eximia in aulam suam conferre solent, cum divitias splendidiore, tunc etiam exquisitiores Iuvenes virosque, tum praesertim pulciores quasque puellas. Eo autem magis illud tunc fecisse videtur victor, ut ita ipsum Iudaeorum regnum frangeret.

(1) 2 Reg. XXIII: 34. (2) Daniel I: 1. Jerem. XXV: 1. seqq. et 2 Reg. XXIV: 18.

Secunda in Babyloniam migratio accidit anno NEBUCADNEZARIS regnantis septimo, quum IOIAKIMUS imprudenter eius potestati se subtraheret. Exercitu enim in Iudaeam misso, regi IOIAKIMO cum regno vita ademta est, multique cives captivi abducti sunt. (3)

Tertio loco memorandi sunt ii, qui, anno NEBUCADNEZARIS octavo, cum IECHONIA deducti sunt. Quum enim hic sua auctoritate regnum capesseret, NEBUCADNEZAR istum potestatis suae contemptum aegre tulit. Quum ergo non nisi per tres menses rerum summam tenuisset IECHONIAS, et ipse vinctulis oneratus Babylonem traductus est, et regis mater atque optimi quique et nobilissimi Iudaei, in quibus EZECHIEL vates, e patria abducti sunt, numero 10,000. (4) Nec militibus tantum Iudaeam privavit victor, sed et artificibus permultis, quibus ipsi iam opus esset ad urbem Babylonem amplificandam ornandamque.

Quarta migratio est eorum, qui in ipso bello ZEDEKIAE adversus NEBUCADNEZAREM, huius anno decimo octavo, deducti sunt. ZEDEKIAS enim cum rege Aegyptiaco HOPHRA foedus iniit, promissamque in posterum NEBUCADNEZARI negavit obedientiam, aulicis suis, vilissimis hominibus, morem gerens. Tunc surrexit NEBUCADNEZAR in perniciem Hierosolymorum regnique totius Iudaici. Sed antequam urbem caperet NEBUCADNEZAR, captos iam habebat Iudaeos multos, qui Hierosolyma obsidione cincta reliquerant, et ad hostes pervenerant transfugae. (5) Quos ergo, quum ob adventum HOPHRAE obsidio impediretur, NEBUCADNEZAR abducendos curavit, numero octingentos et triginta. (6)

Quinta migratio omnium accidit miserrima, anno NEBUCADNEZARIS decimo nono, quippe cum excidio coniuncta ipsius urbis. NEBUCADNEZAR enim, fugato HOPHRA; tandem ipsa expugnavit Hierosolymam. Nonnulli tunc nobiliores Iudaei Riblae a victore trucidati sunt. ZEDEKIAS suos ipse liberos coram occisos postremum adspexit, nam statim oculis privatus est, et dein in carcerem coniectus in urbe Babylone. IEREMIAS autem, cuius pii sa-

(3) Ierem. LII: 28; coll. 2 Chron. XXXVI: 6, 7; et 2 Reg. XXIV: 1b, seqq. (4) 2-Reg. XXIV: 10 seqq.; conf. 2 Chron. XXXVI: 10. (5) Ierem. XXXVIII: 2. (6) Ibidem LII: 29. Coll. XXXVII: 5.

pientissimique viri ad NEBUCADNEZAREM pervenerat fama, peculiarem regis gratiam expertus, libertatem adeptus est, neque cum ceteris popularibus suis abductus. Ita saepius historia docuit, magnam subinde apud victores hostes virorum doctorum sapientumque gratiam esse, uti probant ARCHIMEDIS et aliorum exempla. Praeter illos autem, cum urbis cives reliquos omnes, tum alios Iudaeae incolas, captivos abduxit NEBUCADNEZAR, relictis tot hominibus ex infimo populi genere, quot sufficere videbantur ad terram colendam. (7)

Inter hanc et postremam Iudaeorum in Babyloniam abductionem obtinuit migratio in Aegyptum. Qui enim in Iudaea relictis erant Hebraei, occiso per coniurationem principe suo SEDALJÄ, metuebant, ne hanc caedem ulcisceretur NEBUCADNEZAR. Reliquerunt itaque patriam plerique, atque, IEREMIA etiam secum abducto, in Aegyptum ceserunt. (8) Nec profecto nulla regio videri poterat aptior, quo confugerent isti; Aegyptus enim Iudaeis hoc tempore amica erat, hostis vero NEBUCADNEZARIS et imperii Babylonici.

Ultima autem migratio, qua nulli amplius in Iudaea cives reliqui facti sunt, accidit anno NEBUCADNEZARIS regnantis vigesimo tertio, cum NEBUZABBAN, regis Babylonici praefectus, in Iudaeam veniens paucos istos, quos ibi inveniebat, secum Babylonem abduxit. (9)

II. Sex itaque acciderunt migrationes Iudaeorum in Babyloniam, a quarum prima computandum est initium septuaginta illorum annorum, per quos in exilio mansuri essent Iudaei. Quas enim dixi migrationes secundam et quartam, a solo IEREMIA notatas, has a tertia et quinta distinguendas puto; tum quia in S. C. illae referuntur ad annum regnantis NEBUCADNEZARIS septimum et decimum octavum, hae vero ad octavum et decimum nonum; tum quia ex ipsa historia, ni fallor, patet, eas revera esse distinguendas. Si quis tamen censeat, aequae ac Cl. MICHAËLIS (10), easdem a IEREMIA atque in

(7) Ierem. XXXIV: 18 seqq.; LII: 15 sq.; 2 Reg. XXV: 10; 2 Chron. XXXVI: 18. (8) 2 Reg. XXV: 26. (9) Ierem. LII: 30. (10) Cl. MICHAËLIS, in Corollario ad comment. III, in societate Reg. Gottingensi, easdem existimans a IEREMIA significari migrationes, atque in Regum libris, conciliare studeat binas relationes ita, ut dicat, IEREMIAM civium tantum notasse numerum; in Regum vero libro etiam additum esse numerum militum, e patria migrantium. Sed anne haec civium distinctio et militum antiquo illo tempore revera obtinuerit, vehementer dubito. Praefere itaque expositionem, quam dedit BUNDEUS Hist. Eccles. Vet. Test. T. II. p. 606, 607.

Regum libris significatas esse migrationes, non adeo repugno equidem, nam res eodem redit, utrum duae, an vero quatuor acciderint migrationes ante destructa Hierosolyma. Nos simpliciter historiam secuti sumus.

III. Nullum hic dubium est de locis, quo abierunt Iudaei; nam qui cum **JEREMIA** disceserunt, diserte dicuntur in Aegyptum pervenisse; reliqui autem omnes in Babyloniam deducti sunt, et nobiliores quidem in ipsa urbe Babylone vixerunt, ceteri vero per vicinas regiones dispersi fuerunt, imo memorantur Iudaei, qui pervenerunt ad flumen Chaborae. (11)

S E C T I O III.

*De causis debilitati et destructi utriusque regni Hebraici
et inde secutarum migrationum.*

Quas hoc capite consideravimus migrationes, hae repetendae sunt omnes ex infirmitate et interitu imperii Hebraici. Licet autem hostium continuo incrementum potentia, haec, nisi iam per se ad interitum proclive fuisset utrumque Hebraeorum regnum, eo valere non potuisset, ut utrumque perderet totum. Harum ergo migrationum causas quo melius exponamus, disquirendum videtur de causis debilitati et deperditi ipsius imperii.

Quod si C. S. consulimus, huius rei causa ibi nobis traditur fuisse cultus divini legumque Mosaïcarum neglectus. Hoc ubique observant illius aevi prophetae, hoc illius historiae scriptores. (1) Hos ergo secuti, causam destructi imperii, et illarum, quae inde exsisterunt migrationum, dicimus ipsum cultus divini neglectum, perversamque ad Idolorum cultum propensionem. In Sacris literis res ita proponitur, ut Deus dicatur hasce calamitates Hebraeis immisisse, quibus ipsam eorum impietatem puniret. Et hoc consentaneum est cum

(11) Ezech. 1: 1, 3. (1) Vid. praesertim 2 Reg. XVII, ubi manifesto patet, scriptorem sibi temperare non potuisse, quominus praeter morem suas observationes narratis adderet.

theocratica apud Hebraeos regiminis forma, qua constituerat Deus, populi princeps, et praedixerat, ipsum felicem fore, si leges observaret, sin vero ab obedientia deflecteret, eum, patriis sedibus pulsum, in ignotas abiturum esse terras. (2)

Neque tamen ideo existimandum est, id miraculo factum esse, aut extraordinario Dei interventu; imo hac in re Dei veneramus sapientiam, qui impios puniverit ipsis, quae ex impietate sequerentur, calamitatibus. Quod, age, paulo fusius ob rei gravitatem exponamus.

Hoc igitur non satis observari potest, quantam vim universe habuerit semper religio in gentium conditionem. Notum est magnam auctoritatem habuisse Sacerdotes in imperiis Orientalibus. In Graecorum rebuspublicis, quae ipsae ex religionis coniunctione exstitisse videntur (3), magno semper loco habitus est cultus divinus, itemque oraculorum auctoritas. Apud Romanos religio ad res politicas referebatur tota. (4) Universe autem tanta fuit semper religionis cum praecipuis gentium commodis coniunctio, ut, si hae pro libertate pugnarent sua, pugnarent *pro aris et focis*.

Quodsi hoc universe de antiquis gentibus affirmandum est, maiore etiam iure de Hebraeis idem affirmatur. Ea enim erat eximia ipsius Hebraeorum religionis indoles, ut valeret quam maxime ad coniungendos secum invicem (5) Hebraeos omnes. Ea vero etiam erat eiusdem religionis ratio, ut cum legibus politicis arctissimo coniungeretur et indivulso nexu. Quae quidem leges cum universe ad publicam salutem egregie erant accommodatae, tum peculiari-ter adaptatae prorsus ad patriae amorem excitandum alendumque. (6) Et vero ita se habuit imperium Hebraeorum, ut merito dicamus, sublata religionis veneratione, sublatum fuisse ipsum publicae salutis fundamentum, ac necessario adeo corrui-isse totam rerum constitutionem.

(2) Deuter. IV: 25-27.; XXVIII: 36. (3) Fuere enim primum *ἀμφικτιονίαι* sive hominum circum idem templum habitantium Societates. Vid. PAUSANIAS X: 8. *cum nota subiecta in edit. KUM-NII*. Unde etiam postea in mediis civitatibus fere erant templa Deorum. (4) Quod ostendit *Montesquieu dissert. sur la Politique des Rom. a. l. Religion* quae adiecta est operi *de la Grand et Decad. des Romains Edit flérét* p. 241. (5) Quod praesertim patet ex tribus festis maioribus, quae ab omnibus civibus uno eodemque loco celebranda erant. Vid. Cl. MICHAËLIS *Mosaïsches Recht* § 198. (6) Quo maxime spectabat aequalis agrorum distributio et lex, Levit. XIX: 17, 18. memorata, de

1. Neglecto enim veri Dei cultu, disrumpebatur commune civium omnium vinculum. Hoc iam apparuit in sciso Hebraeorum regno sub NEHABEAMO: Quamvis enim illud Israëlitarum deficientium non fuerit propositum, ut se veri Dei cultui subtraherent, certe tamen illa disensio non tam diu mansisset inter Hebraeos, si Israëlitae quotannis ad sacra peragenda Hierosolyma cum Iudaeis confluisissent. (7) Sed praeter primam hanc, qua imperii auctoritas fracta est, calamitatem, dein in utroque regno multae exstiterunt discordiae, ex eodem religionis neglectu oriundae.

2. Neglecto veri Dei cultu, Hebraei non amplius sui manebant. Ubi primum enim ad idolorum cultum deflectebant, alias gentes imitabantur, earumque adeo cum religione mores suscipiebant. (8) Quod alios imitandi studium suarum rerum curae adversum, quantopere genti cuique noceat, docuit omnium temporum historia.

Idem vero Israëlitis eo erat perniciosius, quo magis a ceteris gentibus omnibus se distinguere debebant, religionis puritate (9); tanquam gens Deo sacra et peculiari eius curae commissa; quae honorifica distinctio quantopere ad gentis auctoritatem valere posset, apparuit dein in restituta Iudaeorum repb. tempore maxime Maccabaeorum.

3. Neglecto cultu divino, ad omnis generis impietatem prolabeantur Hebraei. (10) Tunc enim fracta erat ipsa legum, a Deo latarum, auctoritas. In regno autem Israëlítico nonnullae leges nunquam observabantur, in utroque autem plurimae negligebantur saepissime. Quantopere autem legum neglectus noceat gentis saluti, non est quod ostendamus.

4. Neglecto eodem veri Dei cultu in peius continuo ruebat ipsa regiminis ratio. Reges enim omnia pro lubitu agebant, prophetarum omniumque Dei ministrorum despiciebant auctoritatem, ac militari fere ratione regnabant. Unde fiebat, ut populi iura negligenter, omnia subinde conturbarentur et gra-

fraterna civium caritate. Vid. Cl. PAREAU Ant. Heb. p. 267. (7) Vid. Cl. MICHAËLIS l. l. Ipse autem de hac re loquitur scriptor Sacer 2 Reg. XVII: 21-23. (8) Ipse hac de re queritur scriptor Sacer 2 Reg. XVII: 8, 11, 15, 17. (9) Tacitus Hist. V. act. *Moses quo sibi in posterum gentem firmaret, novos ritus, contrariosque ceteris mortalibus indidit.* (10) Hac quoque de re loquitur Historicus Sacer 2 Reg. XVII: 13-15.

visima tandem existeret tyrannis, legum Mosaicarum indoli contraria eadem ac imperii saluti perniciofa.

Quodfi haec fuit interior utriusque regni conditio, per cultus divini neglectum depravata, nemini profecto mirum videbitur, hostium potestati succubuisse imperium Hebraeorum, adeo ut eius cives omnes abducerentur exules. Primum autem corrui regnum Israëliticum, quod civium impietate iam inde ab initio fuerat enervatum atque debilitatum; cum contra Iudaei diutius legibus suis, temploque suo Hierosolymitano coniuncti manserint.

P A R S II.

DE HEBRAEIS POST DIRUTUM UTRUMQUE REGNUM
USQUE AD DESTRUCTAM PER ROMANOS
REPUBLICAM.



C A P U T I.

DE HEBRAEIS TEMPORE EXSILII BABYLONICI.

S E C T I O I.

De Israëlitis.

Diximus antea, Israëlitae in Asfyriam et Mediam abductos esse: videndum ergo, num et inde postea migrarint.

I. Primum quidem dicamus, quid de eorum conditione in sequentibus temporibus ex historia tuto confici possit.

Multi Israëlitae, qui migraverant, iam cum peregrinis gentibus, inter quas habitabant, se commiscuisse videntur. Iam enim antea Israëlitici regni cives morum religionisque suae adeo fuerant immemores, ut fere non amplius gens dignoscenda esset a peregrinis. Inter ipsos igitur hos dum habitabant, facile cum iis coalescere potuerunt, quicunque erectiore carebant sui sensu et nominis Hebraici dignitatem vilipendebant. (1)

(1) Hoc colligi fere potest ex Ierem. X: 1-3. Conferri ulterius potest H. WITSIUS de X Tri-
c 3

Multi tamen fuerunt Israëlitae, qui, antiquae Hebraeorum gloriae memores, aliquam retinuerant legum suarum cultusque divini curam. (2) Hi ergo poëtae, quibuscum se coniungerent, habebant Iudaeos, eiusdem gentis cives, iisdem legibus adstrictos, eiusdemque iam exilii socios. Vivebant autem non tantum sub eodem, primum Babyloniorum, deinde Persarum imperio, sed et iisdem in locis habitabant Israëlitae nonnulli atque Iudaei. — Uti enim illi confederant ad flumen Chaborae, ita ibidem (3) adfuisse memorantur Iudaei; imo ipse DANIEL Ecobatanis in Media vixisse videtur. (4)

Ex his Israëlitis nonnulli redierunt in patriam, quum CYRUS et deinde ARTAXERXES Hebraeis omnibus hanc in rem veniam darent. (5) Rediisse enim nonnullos Israëlitas, patet cum ex reducum enumeratione, qui non dicuntur omnes fuisse ex Tribu Iudae et Beniamini (6); tum ex eo, quod, templo restituto, oblata sint Deo sacrificia pro duodecim tribubus (7); tum ex aliis quibusdam locis (8), praesertim etiam ex IOSEPHO, qui dicit multos Israëlitas ex Media Babylonem (9) venisse, Hierosolyma reverti cupientes. Itaque ex peculiaribus quibusdam tribubus deinceps etiam memorantur Israëlitae. (10)

Longe vero plerique (11) Israëlitae in Asfyria et Media manserunt post solutam captivitatem Babylonicam (12), quod et diserte significat IOSEPHUS, dicens, praeter eos, qui rediissent, reliquam Israëlitarum multitudinem assuetum iam domicilium noluisse relinquere. (13) Hi ergo cum Iudaeis, extra patriam manentibus, coniunctim vixerunt, imo cum iis se commiscuerunt; quod eo facilius fieri poterat, cum multorum Hebraeorum tabulae genealogicae post dirutum imperium vel minus diligenter essent asservatae, vel periissent prorsus. (14)

bus Israëlis C. VII, qui liber adiectus est eius Aegyptiacis p. 303 seqq. (2) Hoc effici potest ex Ierem. III: 11, 12. (3) Ezech. I: 1 (4) Ioseph. Ant. X: 11, 7. (5) Esrae I: 1-4, VII: 13. (6) Esrae II. (7) Ibid. VI: 16, 17. VIII: 35. (8) Quos recenset Cl. WITSIUS in libro laud. C. V. (9) Antiq. XI: 5, 2. (10) I Chron. IX: 3. Luc. II: 36. (11) Illustris MICHAËLIS in comment. III in societ. Reg. Gotting. efficere conatur, non multos fuisse Israëlitas, qui remanerent, sed, quam ibi instituit migrantium enumerationem, haec paulo fortasse subtilior est. (12) 2 Reg. XVII: 23; I Chron. V: 26. (13) Antiq. XI: 5, 2. (14) Nehem. VII: 61. Ex I Chron. IX: 1 confici potest, Israëlitarum tabulas genealogicas, in regum annualibus asservatas, magna parte periisse, cum regnum destrueretur totum.

Neque quem offendat, quod exteri illi Hebraei ferè dicantur Iudaei; nam inde a reditu Hebraeorum in patriam, et ii omnes, qui in Palaestina degabant, in quibus Israëlitae permulti, et qui extra patriam versabantur, quorum etiam magna pars erant Israëlitae, nomen habuerunt a Iudaïca tribu, cuius potior videbatur ratio in ipso regno Hebraeorum instaurato, et cui se adiunxerant ceterarum tribuum Hebraei, aequè in ipsa patria, ac in regionibus exteris. Ex instituto hoc probavit Cl. WITSIUS (15) locum etiam laudans Iudaei cuiusdam, qui illud diserte significat, inde a soluta captivitate Babylonica Israëlitas omnes vocatos esse Iudaeos.

II. Cum his, quae ex certis historiae argumentis effecisse nobis videmur, pugnat prorsus narratio scriptoris, qui ficto ESRAE nomine latet, (16) Narrat enim hic, Israëlitas iam tricesimo Iudaïci Exfilii anno (17) antiquae religionis amore ductos abiisse in loca a nullo unquam homine habitata, et quum Deus in eorum gratiam Euphratis aquas sitisset, post anni unius et dimidii iter peractum, pervenisse tandem in regionem Harfaret.

Sed haec narratio verisimilitudini vehementer repugnat, imo veritati non est consentanea, nam Harfaret non est regio quaedam longinqua, sed urbs in Media. (18) Nec vero etiam tricesimo exfilii Iudaïci anno ex Asyria et Media abierunt Israëlitae, nam ibidem post solutam captivitatem etiam nunc aderant.

III. Cum hacce mira de Euphrate relatione, aliquam similitudinem habent frequentes Iudaeorum narrationes de flumine Sabbatico; quod mirabile flumen Israëlitas, qui in longinquas, nescio quas, regiones abierint, turbido suo motu per sex hebdomadis dies retineat, septimo autem, quo ipsis iter facere non licet, quiescat. Hoc vero flumen alii Iudaei in Asia prope mare Caspium; alii in Africa, in regione Aethiopiae, FL. IOSEPHUS (19) prope Iudaeam; PLINIUS autem in ipsa Iudaea adfuisse dicit. (20) Ex quo scriptorum dissensu iam patet, quantopere fallax hac de re narratio sit. Et vero ipsae recentiorum Iudaeorum historiologiae sua se absurditate refutant. (21)

(15) In libro laud. de X tribubus C. VII. § 8. (16) 4 Esrae XIII: 40. (17) Ibid. III: 1. (18) WITSIUS l. l. C. IV. § 8. (19) De Bel. Iud. VII: 5, 1. Ipse IOSEPHUS a ceteris differt in descriptione huius fluvii. (20) Hist. Nat. XXXI: 2. (21) Vid. de iis L. P. BARATIER 703.

IV. Fuere porro, qui affirmarent, Israëlitas paulo postquam ab Asfyriis abducti essent, in ipsam pervenisse Tartariam. (22) Fuerunt etiam, qui nonnullos in Americam (23) abiisse censerent.

Quamvis autem forte negari non possit, temporum decursu Israëlitas quosdam, aequae ac Iudaeos, per mercaturam vel alias ob causas in longinquas regiones discessisse; nullae satis probabiles suppetunt rationes, cur statuamus, Israëlitas antiquis istis temporibus, aliquo numero, in loca ista pervenisse. Quae enim hanc in rem afferuntur, praeter narrationes Iudaeorum nulla fere fide dignas (24), ad cerimoniarum quarundam et rituum similitudinem redeunt. Quae similitudo quam parum ad hanc rem faciat, facile percipiemus, si observaverimus, in institutis Israëlitarum multa haberi, quae eos, aequae ac alios populos, ipsa docuerat rerum natura; quae vero, cum genti Hebraeae prodesse possent, ipse MOSÉS tanquam leges in posterum sancivit. (25) Notandum quoque est, ne ipsam quidem circumcisionem, quae dicitur, satis certum esse, quo Hebraei a reliquis gentibus omnibus dignoscantur, signum; nam et antiquissimo ABRAHAMÆ aeo illa in Oriente non incognita fuisse videtur (26), et fuerunt (27), suntque etiam nunc gentes (28), quae sola duce natura eandem adhibent. — Ceterum infinitum sit, si, ubicunque quaedam rituum Hebraicorum similitudo observaretur, eo statuamus migrasse ipsos Hebraeos.

*age de R. BENIAMIN de TUDELE T. II. disert. V. qui omnes refutavit Disert. VII. (22) In his ipse BARATIER l. l. Disert. VIII. § 8. (23) Vid. BASNAGE Hist. des Juifs T. IV. C. VI. C. 3. § 3. sq. qui omnia ista singulatim refutat. (24) Huc refero, praeter narrationes, quas exhibent BARATIER et BASNAGE, etiam illud quod legitur in *Ergänz. Bl. zur A. L. ZEITUNG, Halle und Leipz.* 1817. N^o. 74. p. 585. *seqq.* de regione quadam remotissima Americae, cuius incolae unice essent Hebraei. Quod si vel certo compertum esset, difficile tamen foret, istos habere pro reliquiis antiquorum Israëlitarum, vel etiam pro Iudaeis, qui antiquissimo aeo illuc migrarint. (25) Vid. MICHAËLIS *Mosaïsch. Recht* § 3. (26) Res enim tanquam satis cognita proponitur Genes. XVII; et ut multi uno die viri circumciderentur, adfuerint necesse est, qui rem probe novissent. (27) HEROD. II: 36, 104., *Diod. Sic.* I: 28, 55, III: 32. (28) *Voyage et decouvertes dans l'intérieur de l'Afrique par le Major HOUGHTON et MUNGO-PARK Paris an VI. p. 230: Il n'a pas paru . . . que les Negres en general regardassent cet acte douloureux comme un devoir de religion, et par là essentiel a leur salut futur. Ils le considerèrent plutôt comme une operation de nécessité physique, sans la quelle suivant eux le mariage ne produirait pas ses effets.**

V. Cum iam agamus de X tribubus Israëliticis, hoc loco liceat addere nonnullas disquisitiones, quae forte ad ipsum de quo agimus exilii tempus non sint referendae; quas vero si instituerimus, tota res de eorum migrationibus melius sibi constabit, et reliqua historia facilius procedet.

Sunt igitur et in regione Sinensi, et in ora Malabarica Hebraei, de quibus dubitari posfit, an forte ex Israëlitis a SALMANASSARE abduetis oriundi sint. De utrisque singulatim videamus.

Quod ad Hebraeos Sinenses attinet, nobilissimus peregrinator (29) censuit, esse reliquias decem tribuum, a SALMANASSARE abductarum. Quod probabile reddi posfit ita, ut Israëlitae illi, quos in Perfide separatim vivere ait (30) Iudaeus BENIAMINUS, fuisse ibi censeantur iam antiquissimo aevo, unde itaque nonnulli penetrarint in ipsam regionem Sinensem. Sed haec adeo sunt incerta, ut non magnam apud nos auctoritatem habeant. (31) Paulo certiora videntur, quae retulit hanc in rem celeberrimus G. BROTIER (32), cuius haec sunt verba: „Iudaei in imperium Sinense venire coeperunt sub Dynastia ТЧКОВ, quae rerum potita est ab anno 1122 ad annum 249 ante I. C. Apud Sinas habitare coeperunt anno I. Christi 73 tribus annis post excidium Hierosolymitanum.” Quae si ita intelligantur, uti ea intellexit Ill. MICHAËLIS (33), censendi sunt iam diu ante Christum natum Hebraei nonnulli, qui itaque ex Israëliticis tribubus fuisse videntur, subinde per mercaturam in Sinam pervenisse, quamvis post deleta demum Hierosolyma, fixas ibi sedes nacti sint Hebraei. Et hoc quidem non adeo videtur a verisimilitudine abhorrere.

(29) P. MATHIEU RICCI. Haec collegi ex *Eclaircissemens touchant les Juifs, qui ont été trouvés a la Chine* in opere: *Anciennes Relations des Indes et de la Chine de deux voyageurs Mahométans* p. 324. seqq. (30) Itinerarium BENIAMINI p. 97. Edit. Lugd. Bat. in 8°. (31) Ipse acutissimus scriptor, qui illas, quas modo laudavimus, relationes gallice vertit, suaeque iis adiecit, ita loquitur p. 329: *On ne peut sur des indices aussi légers juger, si les Juifs sont entrés dans la Chine peu de temps après la transmigration des dix tribus, ou s'ils y sont venus ensuite; . . . ce qui paroît plus vraisemblable* Cf. etiam ibid. p. 339. (32) In commentatione de Iudaeis Sinensibus ex doctissimis eius commentariis ad Taciti opera, ex T. III. pag. 567 seqq. desumpta in Museo Hagano T. I. P. II. pag. 475. seqq. (33) *Orient. und Exeg. Biblioth.* V. Th. N°. 61. pag. 73.

VI. Videamus iam de Hebraeis in ora Malabarica versantibus. Exhibita aliquando fuit epitome historiae cuiusdam sive Chronici, quod asseruarint Hebraei isti in ora Malabarica; unde igitur pateret, ex Israëlitis, a SALMANASSAR³⁴ abductis, familias 460 misas esse in Arabiam felicem, ubi servorum instar habiti sint; hinc deinceps multos abiisse in Indiam, ac tandem pervenisse in oram Malabaricam. (34) Sed diligentiore facta huius rei disquisitione, apparuit, illud Chronicon non revera adesse apud Hebraeos istos. (35)

Quamvis autem sint inter eos, qui se dicant ab antiquistis Israëlitis oriundos (36) hoc ad ipsorum figmenta referendum esse, satis videtur demonstratum. (37) Illustris MICHAËLIS, ex accurata de hac re disquisitione celeberrimi peregrinatoris, ANQUETIL DU PERRON, illud sibi compertum esse dixit, Hebraeos in ora Malabarica versantes esse Iudaeos, qui posterioribus demum temporibus eo migrarunt. (38) Quibus observatis subiungit vir doctissimus, huc rem redire, quo melius terrarum orbis, factis itineribus, exploretur, eo magis vim omnem amittere narrationes de decem tribuum Israëlitis alicubi inveniendis.

VII. Huius ergo viri verbis, quae nostra facimus, finem imponere licet huic de Israëlitis disquisitioni, quam aliquanto fusius instituendam arbitramur, ut hanc quaestionem saepius agitatam, quantum possemus, bene solveremus. Atque ex his adeo, quae disputavimus, rite efficere posse nobis videmur, decem tribuum Israëlitas, alios cum Iudaeis in patriam rediisse, alios extra patriam remanentes cum iis commistos, et communi deinceps nomine Iudaeorum vocatos esse; non vero abiisse in quascunque longinquas regiones, quamvis forte pauci quidem per mercaturam, vel alias ob causas, longius subinde profecti sint.

(34) Vid. Cl. EICHHORNII *Algem. Biblioth. der Bibl. Litter. I. B. 6. St. p. 925* seqq. Ipsa epitome exhibetur ibid. *II B. 4. St. pag. 571* seqq. (35) Ibidem *III B. 1. St. p. 182*. (36) Vid. I. STAVORINUS *Reize van Zeeland over de Kaap de goede Hoop en Batavie naar Samarang etc. P. II. p. 163* seqq. (37) Reverendus ADR. 'S GRAVEZANDE in opere: *Zeeuwsch Genootschap te Vlissingen P. VI. pag. 528*. ex probatis documentis effecit, nullas haberi apud Hebraeos Malabaricos scriptas narrationes de tempore, quo eo pervenerint; sed ex traditionibus fide dignis constare, eos eo non venisse, nisi post deleta a Romanis Hierosolyma. Ibidem ergo simul ostenditur, quod nonnulli voluerant, per mercaturam, Salomonis tempore, Iudaeos pervenisse in has regiones, illud nullo niti probabili argumento. (38) *Orient. und Exeget. Bibl. XI. th. N°. 176. p. 34*.

S E C T I O II.

De Iudaeis.

Facilior disquisitio est, nec tot agitata quaestionibus, quid Iudaeis acciderit tempore exilii.

I. Qui cum **IEREMIA** discesserunt Iudaei (1) in Aegyptum, habitarunt Migdoli, Taphnae, Nophae et in regione Patros (2) quae sunt Migdolus, non procul a mari rubro, Daphnae prope Pelusium, Memphis et regio Thebais. (3) Cum vero hi Aegyptios in omnibus imitarentur, hos aequae, ac ipsos Aegyptios, vexavit **NEBUCADNEZAR**, quum **PHARAÖNEM** **NOPHRAM** vicisset; (4) atque ita decimo octavo anno, postquam eo pervenerant Iudaei plerique, qui ab ingenti civium caede reliqui facti erant, in Babyloniam traducti sunt, ubi ergo se ceteris Iudaeis exsulibus adiunxerunt; quamvis nonnulli forte etiam in Aegypto remanserint.

II. Qui Iudaei in Babylonia versabantur, satis plerumque feliciter vixerunt; imo fuerunt inter eos, qui ad primos eveherentur in imperio Babylonico honores. — Postea vero permulti denuo in patriam migrarunt, quum **CYRUS** non solum revertendi iis copiam daret, sed et urbem templumque restitui iu-

(1) Hi primi sunt Iudaei, qui e patria in Aegyptum cesserunt, nam quod narrat **ARISTEAS** (vid. disert. **A. VAN DALE** super *Aristea* pag. 235) fuisse in Aegypto Iudaeos tempore **PSAMMETICHI**, quem illi adiuvarint in bello contra Aethiopes, hoc minus est probabile; nam Iudaei hostes potius quam amici fuerunt **PSAMMETICHI** Cf. **BASNAGE** *Hist. des Juifs tom. 4. lib. 6. cap. 5. pag. 1003*. (2) *Ieremiae XLIV: 1*. (3) **BOCHARTI** Phaleg etc. *P. I. L. IV. cap. 27*. (4) **IOSEPHUS** *Antiquitt. X: 9, 7*. Hoc praedixerat **IEREMIAS XLIV: 27, 28** et alibi; item **EZECHIEL** variis locis ut *XXIX: 1-16*. Contra **HERODOTUS L. II. cap. 161-182** et **DIODORUS Sic. Lib. I. cap. 67, 68** nihil hac de re habent, imo vero satis felicem pingunt Aegypto eo tempore conditionem. Sed fidem historicis sacris hac in re habendam, egregie vindicat doctiss. **WOLTERBEEK**, *over het Chaldeeuwisch-Babyl. rijk onder Nebucadnezar. Mengelwerk in den Recensent ook der Recensf. XI. N°. 5. pag. 203. seqq.*

beret. — Hanc Iudaeorum fortunam divinitus iam praedixerat IESAIAS (5); atque nunc Deus CYRUM excitasse dicitur, ut Iudaeis faveret. (6) Illud tamen non videtur miraculo factum esse. Quodsi ergo conicere licet, quomodo hoc factum sit, res videtur ita proponenda, ut DANIEL, qui magna hoc tempore valebat auctoritate (7), et vero magnopere gentis suae restitutionem exoptabat (8), omni modo illud CYRO suasisse censeatur, ut reditum Hebraeis concederet; imo ipsum IESAIAS oraculum, quo haec omnia praesignificata erant, exhibuisse, uti diserte affirmat IOSEPHUS. (9) Hoc autem eo maiorem vim habere debebat in CYRI animum, quippe qui et religionem venerari solet (10), et Iudaeorum religionem ceterarum gentium cultui idololatrico praeferre deberet, cum esset e Persis, quos ab idolorum cultu magnopere abhorruisse constat. Facile ergo CYRUS, qui clemens erat erga captivos (11), potuit eo perducere, ut reditum in patriam concederet Hebraeis, qui magno hac aetate patriae amore flagrabant. (12) Atque sic factum, ut variis deinceps temporibus Iudaei in patriam redirent. Sed manserunt etiam plurimi Iudaei in Babylonia; ita ex viginti quatuor Pontificum clasibus non nisi quatuor redierunt. (15)

C A P U T II.

DE HEBRAEIS POST EXSILIUM USQUE AD MACCABAEOS.

I. Vidimus itaque multos et Israëlitae et Iudaeos in Media Assyria et reliquo Persarum imperio remansisse post restitutam Hebraeorum rempublicam. Huius rei causam si quaerimus, haec non fuit, quod vel patriam vel gentem suam negligenter, vel religionem suam contemnerent; nam aequae hi ac Iudaei

(5) Iesaias XLIV: 28. coll. XLV: 13. (6) Esrae I: 1. (7) Danielis I: 21; VI: 29. (8) Danielis IX. (9) Antiquitt. XI: 1, 2. (10) XENOPHON Operum pag. 25. (11) XENOPHON Operum pag. 69, 102, 103. (12) Uti patet e Psalmo CXXXVII. (13) Esrae II: 36-39.

Palaestinenſes univerſe deinceps fuerunt religionis obſervantiſſimi. Sed remanſerunt extra patriam, cum iam in exteris iſtis regionibus fixam haberent fortunarum ſuarum ſedem, quam ditiores ſaltem non facile relinquere poterant. (1) Et hinc quoque intelligitur, quare praefertim Iſraëliitarum magna pars non redierit in patriam, cum diutius iam, quam Iudaei, in aliis regionibus confediſſent.

Cum autem in poſterum nulla amplius inter diverſi olim utriusque regni cives diſtinctio obtinuerit, nos quoque nunc deinceps univerſe agemus de Hebraeis, qui communi Iudaeorum nomine vocati ſunt poſt exſilii tempora.

II. Primis reipublicae reſtitutae temporibus, quibus ſub Perſarum imperio erat Palaestina, nullae fere obtinuerunt Iudaeorum migrationes, niſi forte Perſarum reges, cum Aegyptum ſibi ſubiectam haberent, huc ſubinde Iudaeos quosdam miſerint colonos. (2) Hoc ſaltem conſtare videtur, ARTAXERXEM OCHUM nonnullos Iudaeos in Aegyptum miſiſſe, qui ipſe etiam in Hyrcania ad mare Caſpium nonnullos de hac gente homines collocavit, quum, uti videtur, poenas a Iudaeis ſumere vellet propter auxilium, quod in bello contra ipſum Phoenicibus praebuerant. (5)

III. ALEXANDER MAGNUS Iudaeis magnopere plerumque favit, ut ex hiſtoria patet. Hic ergo quum, urbe Alexandria condita, multos ad ſe alliceret cum alios, tum Graecos homines, etiam ex Iudaeis, qui iam eius imperio ſubiecti erant, complures ibi collocavit, qui eadem deinde gavii ſunt libertate, eodemque habiti ſunt iure, quo ipſi Macedones. IOSEPHUS haec narrans (4) cauſam etiam huius rei addit. Ait enim, id ab ALEXANDRO factum eſſe, non tam propter civium Alexandrinorum inopiam, ſed maxime propter virtutem et fidem Iudaeorum, quam probatam habebat ipſe. Quod quidem eo maiorem vim habet, cum non ab ipſo IOSEPHO profecta haec Iudaeorum laus ſit, ſed ab auctore, quem laudat, HECATAEO, homine non Iudaeo, qui ipſe ALEXANDRO adfuit, ut et poſtea PTOLEMAEO.

(1) IOSEPHUS Antiquitt. XI: 1, 3. ait, plurimos noluiſſe relinquere poſſeſſiones ſuas. (2) Uti ex eo conſici potet, quod de PHILADELPHI narratione ait BASNAGE l. I. T. IV. pag. 1009. Cf. ARISTEAS in diſſ. VAN DALE p. 235. (3) PRIDEAUX *Hist. des Juifs* T. III. pag. 84. et Scriptores ibi laudati. (4) Antiquitt. XI: 8, 6; De bello Iud. II: 18, 7; Contra APION. II: 4.

IV: Hoc loco memoranda est migratio nonnullorum Iudaeorum ex Iudaea in Samariam abeuntium. (5) Aderant enim hoc tempore Hierosolymis, qui constitutam tunc rerum rationem minus probabant. Hi ergo nova quaeque appetentes Samaritanis se adiunxerunt. In his fuerunt, cum alii, tum ipsi Iudaeorum Sacerdotes nonnulli. Hi ergo Iehovam ibi coluerunt in templo, quod, favente ipso ALEXANDRO MAGNO, exstructum est in monte Garizim, templo Hierosolymitano simile. Huius autem cultus novitas, accedente mutua Iudaeorum et Samaritanorum invidia, effecit, ut Samaritani, qui antea commixtum habuerant Iehovae et idolorum cultum, sed iam magis magisque ad Iudaeorum religionem accerserant, nunc deinceps unum verum Deum colerent perpetuo. Quo facto potuerunt facile postea etiam confluere, quicumque Iudaei rebus in patria sua minus erant contenti.

V. PTOLEMAEUS, LAGI filius, cum Syriam Aegyptiaco suo imperio addere cuperet, Iudaeam ingressus, Hierosolyma expugnavit, multosque Iudaeos in Aegyptum abduxit. (6) PSEUDO-ARISTEAS (7) Iudaeorum hoc tempore migrantium numerum ait fuisse decem myriades. Idem dicit, multos in servitutem tunc redactos fuisse, quos postea PTOLEMAEUS PHILADELPHUS in libertatem restituerit: qua in re assentientem sibi habet ipsum IOSEPHUM. (8) Id autem ex ipsius huius historici testimonio constat, (9) multos Iudaeos a PTOLEMAEO, LAGI filio, praesidii loco in arcibus collocatos fuisse, cum eorum fidem intactam comperiret, summamque in iis poneret fiduciam; multos vero etiam ab eodem civitate Alexandrina fuisse donatos.

Hac regis liberalitate excitati Iudaei, quum eorum patria in ANTIGONI dominationem abiret, permulti fugientem PTOLEMAEUM secuti sunt, in Aegyptum migrantes. (10) Et horum quoque plerosque Alexandriae collocavit PTOLEMAEUS, et, quod fecerat antea ALEXANDER, idem egit hicce, Iudaeos eodem prorsus, quo ipsos Macedones, loco habens, iisdemque ornans beneficiis. Itaque ad tantum in Aegypto numerum increverunt Iudaei, ut in sola urbe Alexandriae complura adessent eorum millia.

(5) IOSEPHUS Antiquitt. XI: 8, 2. seqq. (6) IOSEPHUS Antiquitt. XII: 1. (7) In dissem. A. VAN DALE pag. 235. (8) Contra APION. II: 4. (9) Antiquitt. l. l. (10) IOSEPHUS Antiquitt. l. l.; contra APION. I: 22.

Quum autem PTOLEMAEUS Lybiam et Cyrenaicam sibi subiecisset, tum demum tuto se ibi regnaturum existimavit, si Iudaeis, fide istis civibus suis, earum regionum curam committeret. (11) Atque ita pars Iudaeorum Aegyptiacorum in Lybiam et Cyrenaicam migravit et habitatum concessit. Hi ergo ad ingentem (12) increverunt numerum, et magnopere ibi floruerunt.

Forte etiam idem PTOLEMAEUS expugnata Cyprio (13) Colonias Iudaeorum eo misit; nisi potius postea demum ex anteriori Asia eo pervenisse censeantur, qui ibi memorantur vixisse. (14)

VI. Sub huius PTOLEMAEI successore PTOLEMAEO PHILADELPHO floruerunt magnopere Iudaei in Aegypto; Rex enim, uti iam diximus, captivos, qui in suo imperio versabantur, omnes in libertatem restituit. Horum ergo nonnulli forte in patriam redierunt, longe vero plerique ibi remansisse videntur, seque adiunxisse reliquis Iudaeis Aegyptiacis. Caeterum sub eodem hoc rege Codex Sacer in linguam Graecam verti coeptus est, sive Iudaei nonnulli Hierosolymis Alexandriam venerint, qui illud peragerent (15), seu, quod probabilius est, ipsi illud fecerint Iudaei Alexandrini. Certe iis favisce videtur PTOLEMAEUS, qui et postea nonnullorum librorum sacrorum exemplar in Bibliotheca sua apposuit.

VII. Eodem fere hoc tempore SELEUCUS NICATOR, quum urbes condidisset permultas per Syriam et Asiam minorem, in iis omnibus Iudaeos collocavit, iisque ius civitatis dedit, et alibi, et praesertim in ipsa urbe Antiochiae; atque ita sub hoc rege Iudaei exteri iisdem fruebantur honoribus, quibus Graeci et Macedones. (16) Sic magis magisque Hebraei per totum Orientem dispergebantur; qui enim antea fere in altera tantum Euphratis parte habitaverant, hi nunc etiam in urbibus ad alteram fluminis partem sitis sedem suam habuerunt.

Causa autem, referente IOSEPHO; quare SELEUCI gratia tantopere florent Iudaei, quaerenda est in fida agendi ratione, quam hoc tempore in bello

(11) IOSEPHUS contra APION. II: 4. (12) Apud IOSEPHUM de Bell. Iud. VIII: 11, 2. memorantur eorum tria millia. Hinc est quod frequenter memorantur Iudaei Cyrenalci in N. F. ut Matth. XXVII: 32. Actorum II: 10; VI: 9 alibi. (13) PLUTARCHUS in DEMETRIO pag. 905. (14) Actorum XI: 20; XIII: 4. (15) IOSEPHUS Antiquit. XII: 2, 4; et ARISTEAS. (16) Idem ibidem XII: 3, 1.

praesertim ostenderunt erga reges suos ipsi Iudaei Babylonici, dum Palaestina etiam nunc Ptolemaeis subiecta erat. Cuius fidei Iudaicae laus et magna est, et vero exteris etiam Scriptoribus non ignota, adeo ut TACITUS iis *obstinatam fidem* tribuat. (17)

VIII. Eadem fidei laus mansit deinde Iudaeis et vero increvit magnopere sub ANTIOCHO MAGNO, qui Iudaeis etiam Palaestinenfibus, quos Syrorum imperio subiecerat, gratiosum se praebeuit. Hic itaque Iudaicarum familiarum duo millia ex Babylonia et Mesopotamia in Phrygiam et Lydiam traduxit, quum ibi obortae essent seditiones, quas rex non melius se compositurum arbitrabatur, quam misis eo Iudaeis maximae fidei civibus. (18) Hos ergo suis ipse sumptibus eo traducendos curavit ita, ut res suas omnes secum abducerent, ibique privilegiis omnibus et honoribus uterentur.

Illi autem in Lydia et Phrygia Iudaei fuerunt, qui originem darent magno numero eorum, quos postea in Asia anteriori invenimus Hebraeos.

IX. Exterorum itaque Iudaeorum fides et praestandi iurisiurandi religio effecit, ut iidem felices viverent ubique ac florerent magnopere. Contra Iudaei in ipsa versantes Palaestina deinceps maxima ceperunt detrimenta ex legum contemptu et neglectu, quo erga cultum divinum multi in republica ferebantur paulo ante Maccabaeorum tempora. — Quae res quam perniciofa per se esset reipublicae Iudaicae, intelligi potest ex iis, quae antea disputavimus de vi, quam habuit in Hebraeorum regna legum cultusque divini neglectus. (19) Nunc ergo, quid hoc tempore factum sit, simpliciter enarremus.

Cum ergo IASON quidam ambitione ductus omnia conturbaret in Iudaea; multi ipsius partibus se adiunxerunt, multi etiam legibus obtemperare noluerunt cultumque unius Dei deseruerunt. In corrupta hacce republica non poterant non discordiae oriri, quae adeo in bellum civile eruperunt (20)

(17) Historiarum V: 5. (18) Apud Iosephum Antiquit. XII: 3, 4. exstat ipsum ANTIOCHI edictum. (19) Vid. P. I. C. II. S. III. Quod autem 2 Maccabb. IV: 14--51 observat Scriptor, mala hoc tempore gravissima sibi attraxisse Iudaeos, quia res suas neglexerant, Graecos vero imitati erant: imo ab ipsis istis Graecis, quibus similes se reddere volebant, mala ista profecta esse; hoc egregie confirmat, quod antea diximus, neglecto cultu divino Hebraeos non amplius suos mansisse, unde necessario mala multa in eos profluxerint. (20) 1 Maccabb. I: 11 seqq.; 2 Maccabb. IV: 7. usque ad finem capituli.

Tunc ergo ANTIOCHUS EPIPHANES, Iudaeos sibi reluctare ratus, magno furore percitus in eos irruit, eosque divicit. Quo facto, et ingentem Iudaeorum numerum trucidavit, et vero non minorem numerum eorum vendidit. (21) Qui ergo, tanquam servi, e patria vel in terras vicinas migrarunt, vel ab ipsis ANTIOCHI militibus quaquaversum abducti sunt. Deinceps ab eiusdem ANTIOCHI praefecto denuo permulti cives in servitutem redacti sunt (22); atque multi etiam dicuntur in solitudines et loca deserta abiisse. (23)

Ita ergo hoc tempore magnam Iudaei in se traxerunt calamitatem prae religionis suae neglectu et peregrinorum morum imitatione, gravissimam illam, ita ut post dirutum utrumque regnum nulla adhucdum iis fuisset gravior; quae vero eadem non tam perniciofa fuit reipublicae, cum adessent hoc tempore permulti, qui antiquam religionem cordi habebant, adessent praesertim Maccabaei, populi propugnatores strenui iidem, ac religionis vindices egregii.

C A P U T III.

DE HEBRAEIS INDE A MACCABAEIS USQUE AD DESTRUCTIONEM PER ROMANOS REMPUBLICAM.

I. **P**ost PTOLEMAEUM PHILADELPHUM nullae acciderant memorabiles Iudaeorum in Aegyptum migrationes, quamvis pauci subinde quidam eo proficiscerentur. (1)

Postquam vero invaluerant Maccabaei, ONIAS quidam homo ambitiosus, qui Hierosolymis Sacerdos Summus esse cupiebat, inde fugere coactus in Aegyptum pervenit. Ibi ergo quum PTOLEMAEO PHILOMETORI amicus evasisset, ab eo impetravit, ut, ambitioni suae indulgens, templum Heliopoli in Aegypto exstrueret, Hierosolymitano simile, ubi Iudaei Aegyptii Deum suum co-

(21) 2 Maccabb. V: 11-14; IOSEPHUS Antiquitt. XII: 5. (22) 2 Maccabb. V: 24. (23) 1 Maccabb. II: 28-30, 42, 43; 2 Maccabb. V: 27. (1) Vid. v. c. IOSEPHUS Antiquitt. XII: 4, 3-

lere possent. (2) Inde autem discordiae multae et odia exstiterunt inter hos et Palaestinenfes. Et haec quidem eo valuisse videntur, ut, qui ab ONIAE partibus flarent Iudaei, nonnulli in Aegyptum migrarent. Certe hac spe adductus legitur PTOLEMAEUS ONIAE fuisse. (5) Et vero per se probabile est, saepius deinceps etiam praesertim civilium bellorum tempore (4) Iudaeos, qui Hierosolymis rerum conditionem minus probarent, in Aegyptum confugisse, ubi iam templum habebant suum.

Atque ita magnus deinceps numerus fuit Iudaeorum in Aegypto. Quamvis autem subinde minus bene tractarentur (5), satis tamen feliciter et honorifice plerumque ibi degebant, (6) donec, Hierosolymis a Romanis deletis, profugi Iudaei eo advenientes omnis generis calamitates secum quasi afferrent. (7)

II. Illo, de quo hoc capite agimus, tempore adfuerunt Iudaei in Aethiopia (8); sed non constat inter omnes, quonam tandem tempore illuc pervenisse censendi sint. Plura igitur de Iudaeis, in Abysfinia versantibus, habet nobilissimus peregrinator BRUCE (9), quocum alii etiam consentiunt. (10) Quodsi ergo colliguntur, quae hic habet de illorum Iudaeorum historia, tria existimari possint tempora, quibus eo pervenerint.

Primum quidem antiquissimi in Abysfinia Nomades dicuntur fuisse Iudaei (11), cuius rei hoc est argumentum: Hebraei enim ibi versantes BRUCIO narrabant, se amisisse olim suos libros sacros, horum ergo versionem accepisse a Nomadibus istis, quos iam ante SALOMONIS tempora Iudaeos fuisse, ferebat traditio. Haec quam incerta sint, per se patet.

Tum vero SALOMONIS tempore feruntur in Abysfiniam venisse Iudaeorum

(2) IOSEPHUS Antiquitt. XII: 9, 7.; XIII: 3. (3) IOSEPHUS de Bell. Iud. VII: 10, 2 et 3. (4) IOSEPHUS Antiquitt. XIV: 2, 1. (5) Ut patet ex PHILONE IUDAEI in libro contra FLACCUM et Legatione ad CAIUM. (6) IOSEPHUS Antiquitt. XX: 7, 3. significat, eos habuisse peculiarem suum principem. (7) Ut patet ex IOSEPHO de Bello Iud. VII: 10 et 11. (8) Ex Actorum VIII: 27 patet, adfuisse in Aethiopia Iudaeos; nisi enim ipse ille, qui memoratur Aethiops, fuerit Iudaeus, saltem inter Iudaeos habitaverat, quippe qui eorum cognoverat Codicem Sacrum. (9) *Voyage aux sources du Nil en Nubie et en Abyssinie* par JAMES BRUCE, traduit de l'Anglois part. I. H. CASTERA T. III. (10) I. LUDOLPHUM, qui et multa de iis scripsit, cum BRUCIO consentire dicit Cl. EICHORN in Opere Algem. *Biblioth. der Bibl. Litter.* III. B. 3 St. p. 55. (11) BRUCE in versione gallica T. III. pag. 265.

coloniae cum regina Sabaeorum, quae ex Abysinia in Palaestinam iter fecerit (12): de hac autem quam plurima narrabant ipsi in Aethiopia Iudaei. Sed satis certo constare videtur, illam Sabaeorum reginam non ex Aethiopia, sed ex Arabia ad SALOMONEM accessisse. (13) Atque ita hoc quoque videtur ad ipsorum Iudaeorum figmenta referendum.

Denique BRUCIUS (14) ex nomine quorundam Abysiniae incolarum, *Gafat*, quod *oppressos*, *reiectos*, *vi expulsos* significet, efficit, hos fuisse profugos ex istis tribubus, quas persecutus est ROBOAMUS, SALOMONIS filius. Sed huic coniecturae nec ipse peregrinator multum tribuit, nec facile quisquam tribuat.

Quae ergo de antiquissima Iudaeorum in Aethiopia versantium origine narrantur, cum tam incerta sint, nos quidem posteriori demum tempore existimamus Iudaeos in Aethiopiam pervenisse. Omnium verisimillimum est, Iudaeos Ptolemaeorum tempore, quo frequentissimi erant in Aegypto, nonnullos migrasse in vicinam Aegypto Aethiopiam, mercaturae opportunitate valde commendabilem. Ubi cum regio quaedam esset, quae vel iam tunc, vel postea demum Sabae nomine diceretur, hanc nominis convenientiam cupide arripientes, Iudaei finxisse videntur, eam ipsam fuisse patriam nobilissimae illius reginae: ut ita simul originem suam repetere possent ex antiquissima Iudaeorum colonia, quam illa in Aethiopiam secum adduxerit. (15)

III. Uti de primis in Aethiopia Iudaeis nil facile certi affirmari potest; ita neque constat de tempore, quo primum in Arabiam pervenerunt.

Sunt in Arabia Iudaei, qui originem suam repetendam dicunt ex Hebraeis quibusdam, qui iam MOYSIS aetate eo cesserint. Narrant enim, MOYSEM, quum Israëlitae per desertum duceret, exercitum misisse contra Amalekitas, qui urbes quasdam Arabiae Petraeae occupabant: quibus inde expulsis, Hebraeos in urbibus illis mansisse. „Sed hoc si non e diametro repugnat, parum certe convenit historiae Mosaicae, et iactantiam Hebraeorum in Arabia habitantium omnino redolet.” (16)

(12) BRUCE l. l. pag. 247. (13) BOCHARTI Phaleg. etc. P. I. L. II. C. XXVI. col. 133. seqq. (14) l. l. pag. 127. (15) Ita, convenienter cum Iudaeorum ingenio, hac de re statuit CL. EICHORN *Algem. Biblioth. der Bibl. Litter.* III. B. I. St. pag. 110 et 123. (16) Haec desumpta

Quamvis autem fortasse iam ante captivitatem Babylonicam nonnulli Hebraei in Arabiam pervenerint, vel ab ipsis Arabibus, in Palaestinam excurrentibus (17), abducti, vel destructo a Babyloniis imperio profugi; non tamen videntur Iudaei aliquo numero adfuisse in Arabia ante tempora Maccabaeorum. Sed verisimillimum est, tunc concessisse in Arabiam permultos ex iis, qui dicuntur in solitudines et loca deserta se recepisse propter turbatam Iudaeam et afflictam magnopere ab ANTIOCHO EPIPHANE. (18)

Hoc certe constat, non diu post liberatam ab EPIPHANIS tyrannide Iudaeam, fuisse complures in Arabia felici Iudaeos, imo vero anno ante MOHAMMEDEM 700 sive ante CHRISTUM Natum 128 aut 107. ibi floruisse regem, qui Arabes ab idolorum cultu ad Iudaismum converteret, unde fuit Iudaismi apud Iemanenses origo. (19)

Forte autem postea quoque sub principibus Asmonaeis, quibus mos erat devictos ad religionem suam accipiendam adducere, nonnulli Iudaei concesserunt in illos Arabiae tractus, quos bello sibi subiecerant (20), et ubi iam tunc aderant Iudaei, quorum nonnullos male subinde tractabant Arabes. (21) Tempore quoque HERODIS, qui diu bellum cum Arabibus gessit (22), itemque postea, quum Arabes Palaestinam devastarent (23), dubitari vix potest, quin plures etiam Iudaei in Arabiam migrarint.

Neque ergo mirum accidat, saepius in N. Testamenti libris memorari Iudaeos in Arabia habitantes (24), cum iam diu ante Christum natum religio Iudaeorum ibi floruerit, et variis deinceps temporibus complures eo concesserint Iudaei.

IV. Vidimus iam, permultos Iudaeos per magnam Asiae partem dispersos

sunt ex disert. philol. de eo quod Arabes ab Aramaeis acceperunt cet. Praef. Celeb. RAVIO a L. HINLOPEN defensa pag. 24. (17) 2 Chronicorum XXI: 16, 17. (18) Uti vidimus in fine capituli praecedentis. (19) Quod ex Arabicis monumentis effecit ПОСЛОКІУС Spec. Hist. Arab. pag. 60. n°. 32; coll. Cl. MICHAELIS in *Orient. und Exeg. Bibl. IV. Th. pag. 156.* (20) 1 Maccab. V: 3, 24. seqq.; XII: 31; IOSEPHUS Antiquitt. XIII: 5, 10; XIV: 1, 4 et alibi. (21) 1 Maccab. V: 3. (22) IOSEPHUS Antiquitt. XV: 5. (23) IOSEPHUS Antiquitt. XVII: 10, 9. (24) Uti Actorum II: 11. Qui autem 2 Corinth. XI: 32. memoratur rex ARETAS de quo plurima habet IOSEPHUS Antiquitt. XV., hunc fuisse Iudaeum, censent nonnulli, in quibus Cl. MICHAELIS *Orient. und Exeg. Bibl. VII. Th. n°. 109. pag. 155.*

fuisse. Quum vero Iudaei in Palaestina, partium studiis ducti, saepius bellis civilibus agitantur, his se immiscuerunt subinde etiam gentes exterae; unde factum, ut nonnunquam caperentur nonnulli, qui e patria migrare cogebantur in alias Asiae regiones. Ita quum **CASSIUS** in Syria versaretur, ad opprimendam prorsus **ARISTOBULI** factionem, urbem Tarichaeas expugnavit, ac triginta circiter millia Iudaeorum in servitutem abduxit. (25) Idem **CASSIUS** postea iniuste Iudaeam invadens, multas inde abstulit divitias, et Iudaeos permultos vendidit, atque in servitutem redegit. (26) Quamvis autem maxima pars horum captivorum et praesertim illorum, quos primum abduxit **CASSIUS**, Romam deducta sit, ut postea dicemus, nonnulli tamen in Asiae regionibus manserunt; nam memorantur Iudaei, quos ceperat **CASSIUS**, nonnulli apud Tyrios fuisse, quum **M. ANTONIUS** Iudaeis favens, eos omnes in libertatem restitui iussit. (27)

Deinde etiam Parthi bellis Iudaeorum civilibus se immiscuerunt; eos enim excitaverat **ANTIGONUS ARISTOBULI** filius ut se imperio paterno restituerent. Ceperunt itaque hi Hierosolimam nonnullosque abduxerunt captivos. (28)

Cum iam de Parthis agamus, memoranda etiam est calamitas, quae, regnante Romae **CALIGULA**, Iudaeis Babylonicis incidit. Hi enim aliquando seditiones moverunt contra Parthorum regem **ARTABANUM**, quibus factum est, ut tandem cives Babylonicos eos persecuti sint, atque primum ex urbe Babylone, tum etiam Seleucia aliisque urbibus, alio eos migrare coegerint. (29) In urbibus tamen trans Euphratem sitis praeter parvam partem Babyloniae aliarumque provinciarum plurimi manserunt Iudaei. (30) Istis autem in tractibus subinde magno numero secum invicem congregati habitabant Iudaei: imo regio Sittacene, in Babylonia trans Tigrim sita, a Iudaeorum ibi habitantium frequentia nomen olim accepit Palaestinae, et urbs ibi sita dicta fuit Sabbata. (31)

(25) **IOSEPHUS** Antiquitt. XIV: 7, 3.; de Bell. Iud. I: 8, 9. (26) Idem Antiquitt. XIV: 31, 2. (27) Idem ibidem XIV: 12; 5. (28) Idem ibidem XIV: 13, 9 et 10. (29) **IOSEPHUS** Antiquitt. XVIII: 9 praesertim § 1, 7, 8, 9. (30) Ita scripsit **AGRIPPA** in epistola sua ad **CAIUM**, quae invenitur in **PHILONIS IUDAEI** Legat. ad **CAIUM**. (31) Vid. **PLINIUS** Lib. VI. cap. 27. cf. **BOCHARTI** opera P. I. L. IV. C. XVII.

V. Praeter illos autem, de quibus huc usque egimus, nulli magnopere deinceps accesserunt Iudaei popularibus suis, in Asia versantibus; certe nullae memorantur notabiles migrationes Iudaeorum ex Palaestina in Asiam reliquam egressorum. Sed per totam hanc, de qua agemus, aetatem ipsi isti Iudaei exteri sensim sensimque longius progressi sunt. Nam primum quidem per Maccabaeos Iudaei Romanorum societatem impetraverant (32), tum deinde a IULIO CAESARE, qui huic genti magnopere favebat, libertatem acceperant sacrorum suorum per totum, (33) qua late patebat, imperium Romanum faciendorum. Ubicunque ergo Iudaeos alliciebat locorum oportunitas, vel lucri per mercaturam faciendi spes arridebat, sicubi etiam magis tutos se fore sperabant a peregrinorum, inter quos habitabant, molestiis; eo ipsi cedebant, ibique legibus patriis vivebant, religionis suae plerumque observantissimi. Progressi itaque sunt ex Asia minori et insulis adiacentibus, cum in ceteras Asiae regiones vicinas, tum per totam fere Graeciam. Huc enim Iudaei eo progrediebantur libentius, quo magis hoc tempore Graecorum ratione imbuebantur toti. Operae pretium est, de tota hac re audire PHILONEM IUDAEUM, CALIGULAE imperatoris tempore, de dispersis Iudaeis loquentem. (34) Ait enim: „Hierosolyma metropolis est non unius regionis Iudaeae, sed multarum etiam regionum propter colonias inde olim deductas, vel propius in finitimam Aegyptum, Phoenicen, Syriam . . . ; vel longius in Pamphyliam, Ciliciam, pleraeque Asiae partes usque ad Bithyniam et Ponti sinus intimos: pari modo in Europae Thesfaliam, Boeotiam, Macedoniam, Aetoliam, Atticam, Argos, Corinthumque et Peloponnesi partes praecipuas. Nec tantum continentis provinciae plenae sunt coloniis Iudaicis, sed et insularum celeberrimae Euboea, Cyprus, Creta. Ne quid dicam de Transeuphratenibus.”

VI. Egimus huc usque de Iudaeis, qui in Africam Asiamque migrarunt et hinc in vicinam Graeciam profecti fuerunt; superest, ut ostendamus, quomodo Iudaei pervenerint in regiones magis Occidentales, in ipsam adeo urbem Romam.

(32) JOSEPHUS Antiquit. XIII: 9, 2. (33) Idem ibidem XIV: 10, 8. (34) In Legat. ad CAIUM. Conferri etiam potest JOSEPHUS Antiquit. XVI: 2, 2 et 3; unde simul apparet quod diximus, Iudaeos saepius molestia affectos fuisse a peregrinis, inter quos habitabant.

Dubitari non potest, quin Romani, quum totum fere Orientem sibi subiicerent, multosque saepe abducerent captivos, plurimos etiam in servitutem redegerint Iudaeos, in variis terrae tractibus habitantes. Sed iidem etiam quum Palaestinam sibi subiicerent, captivos inde abduxerunt nonnullos. Horum itaque migrationes exstiterunt ex amisâ hoc tempore Iudaeorum libertate. Quorum ergo migrationum, cum libertatis iactura arcte cohaerentium, causas si quaerimus, has repetendas existimem a pestifero seditionum partiumque studio, quo ferebantur Iudaei postremis temporibus, quibus libera erat Palaestina, nec aliis gentibus subiecta. (35) Quod studium, reipublicae semper perniciosum, Iudaeis tunc eo erat periculosius, quia negotium iis esse inciperet cum Romanis, qui illam quasi legem observabant in subiiciendis gentibus, ut si qui in regno vel civitate quadam litigarent, his litibus se immiscerent, easque dirimerent ipsi, quo melius utrasque partes totumque regnum deinceps subigerent. (36)

Ex consueto igitur Romanorum more agens **POMPEIUS** Iudaeos, qui socii adhucdam Romanis fuerant, imperio Romano subiecit, quum enim secum invicem litigarent **HERCANUS** et **ARISTOBULUS**, primum eorum discordiae dirimere coepit, tum, eadem hacce usus oportunitate, Iudaeos invasit, Hierosolyma cepit, captivosque abduxit nonnullos, in quibus principes quosdam viros, quos Romae in triumphum ageret. (37)

Praeter alias, quae forte acciderunt, migrationes praesertim ex eadem illa, quam fecerunt Iudaei illo tempore, libertatis iactura repetendum, quod **CAESAR**, ut iam diximus, multos Iudaeos venderet servos. Ex triginta ergo milibus istis Iudaeorum, in servitutem adactorum, cum nonnulli in Oriente manserunt, tum longe plerique Romam traducti fuisse videntur.

Atque ita intelligi potest, quomodo factum sit, ut tempore Augusti, qui propenso erga Iudaeos omnes animo erat (38), adfuerint Romae plus quam octo millia Iudaeorum (39); quorum plurimi libertini facti sunt, nonnulli etiam

(35) Hanc causam fuisse ipse significat **IOSEPHUS** Antiquitt. XIV: 4, 5. (36) Vid. **MONTESQUIEU** *Grand. et Decad. des Romains* cap. VI. (37) **IOSEPHUS** Antiquitt. XIV: 4; 4 et 5; de Bell. Iud. I: 7, 6 et 7. (38) Ut patet ex **IOSEPHO** Antiquitt. XV: 10, 2. (39) **IOSEPHUS** Antiquitt. XVII: 11, 2.

Romana civitate donati fuere, cum iam CAESAR atque ANTONIUS Iudaeis magnopere favissent.

Sub TIBERIO quatuor millia Iudaeorum in insulam Sardiniam relegati sunt, ceteri Italia pulsi. Accidit autem haecce migratio oportunitate fraudis alicuius a Iudaeo factae (40) cum SEIANUS, TIBERII amicus, infensus esset genti Iudaicae. (41)


Quodsi PHILONI credimus; ab hoc SEIANO Iudaei istius crimina, a IOSEPHO memorata, fictae erant calumniae; neque hoc improbabile est, nam post huius mortem TIBERIUS denuo Iudaeis favit, atque adeo in urbem etiam videntur rediisse incolumes.

Sub CLAUDIO etiam primum Iudaeorum synagogae clausae fuerunt (42); tum vero, cum, invalescente religione Christiana, multae inter Iudaeos orirentur controversiae, Iudaei ab eodem imperatore multi Roma pulsi sunt. (43) Quorum adeo nonnulli Corinthum fugerunt. (44)

Romam tamen revocati sunt, et sub NERONE plena gavisi sunt libertate, imo vero auctoritatem quamdam habuisse videntur. Nam eo tempore Apostolus PAULUS Romam veniens principes Iudaeorum convocavit, ut coram iis crimine se absolveret. (45)

Multi autem ex urbe Roma se disperferunt per totam Italiam vicinasque regiones, cum vel ibi felicius vivere se posse arbitrarentur, vel Romae ob religionem suam aliasve causas persecutiones pati deberent. Certe iam tempore AUGUSTI non Romae tantum aderant Iudaei, sed universe per Italiam; inde etiam tributa sua, pro sacris in templo faciundis, mittebant quotannis Hierosolyma. (46)

(40) Idem ibidem XVIII: 5, 5. TACITUS Annalium II: 85. (41) PHILO IUDAEUS Legat. ad CAIUM. (42) DIO CASSIUS Lib. 60. pag. 768. (43) SUTTONIUS in CLAUDIO lib. 5. cap. 25. pag. 120. (44) Actorum XVII. (45) Actorum XXVIII: 17. (46) CICERO Orat. pro L. FLACCO cap. XXVIII.



Haec erant, quae dicenda habebam de Hebraeorum migrationibus ante destructam per Romanos rempublicam. Atque ita, unde est orsa, in eodem terminetur oratio. Gravisima est haec, quam instituimus, disquisitio. Et vero hae ipsae Iudaeorum migrationes fuerunt, quae veram unius Dei religionem, sola olim Palaestina contentam, per magnam telluris partem propagarent, unde factum, ut plurimae gentes unum Deum, si minus colerent omnes, saltem cognoscerent, utque innumeri tandem ad Iudaeos accederent profelyti. Hae praesertim migrationes fuerunt, quae originem darent profeuchis multis per totum Romanum imperium conditis, in ipsis adeo celeberrimis urbibus Romae, Antiochiae, Alexandriae. „Quare non dubitari potest, quin praemuni-
 „re Deus voluerit aditum religioni Christianae in universum orbem. Nam ita
 „Apostolis via data est in omnes partes et urbes, cum ubique essent Iudaeorum
 „Synagogae, in quibus exponere doctrinam CHRISTI liceret; unde per pro-
 „felytos etiam ad gentiles pervenit.” (47)

(47) Sunt verba Cl. I. A. ERNESTI in Institutione Interpretis Novi Testamenti P. II. C. X. § 67.

IOHANNIS MUNTENDAM,

M U I D E N S I S,

D I S P U T A T I O

D E

QUAESTIONE AB ORDINE THEOLOGICO IN
ACADEMIA, QUAE GRONINGAE EST,
PROPOSITA:

*QUAERITUR INTERPRETATIO SERMONIS, QUEM
HABUIT OPTIMUS HUMANI GENERIS SERVA-
TOR CUM IUDAEORUM PROCERIBUS, OPTI-
MUSQUE IPSIUS ALUMNUS IOHANNES ME-
MORIAE PRODIDIT IN EUANGELIO SUO CAP.
V, 17—47.*

QUAE PRAEMIUM REPORTAVIT.

I N T R O D U C T I O.

Inter omnes Optimi Servatoris nostri vitae factorumque commentarios nullus certe exstat maioris momenti commentarius, quam quem nobis reliquit amicissimus I. C. discipulus ac alumnus IOHANNES: quippe qui non tantum multas a ceteris Euangelistis praetermissas res gestas enarrat, ac in unum redegit corpus, verum etiam haud paucos IESU sermones, sive publice ad populum Iudaicum eiusque procures habitos, sive privatim cum solis interioris admissionis amicis collatos, ex ore summi Magistri a se exceptos, refert; ac praesertim ea dicta et facta Servatoris memoriae prodidit, quae *Hierosolymis* aut in huius urbis vicinia acciderunt, quae et quamquam maxime notabilia deprehenduntur, tamen apud ceteros Euangeliorum conditores frustra quaeruntur, quibus potius per *Galilaeam* I. C. miracula et itinera, si iter illud fatale Hierosolymitanum excipias, persequuntur, quasi nunquam antea eo venisset. „In hoc libro,” uti inquit TITTMANNUS, „si in ullo alio, est „CHRISTUS. In hoc eum non tantum agentem vidimus, sed audimus eum et „iam loquentem, et quidem maximam partem de se ipso, de Patre suo eiusque „decretis ac consiliis, de salute humana. Quisquis I. cognoscere voluerit, sibi „persuadere, quis et quantus sit generis humani Servator, is adeat IOHANNEM, „is lectitet hunc librum.” Has iam ob causas, tanto maiorem a nobis gratiam inire ipsum par est, tum quo maius hisce sanctae disciplinae et *τέλος παιδείας* reliquiis statuendum est pretium, tum vero, quo certius certiusque constat,

et laudabile eius fuisse in hisce referendis consilium, et summam fidem atque industriam. Quod autem fuerit IOHANNIS in Euangelio conscribendo consilium, ipse satis aperte C. XX, 31. his verbis declarat: ταῦτα δὲ γέγραπται, ἵνα πισύητε, ὅτι Ἰησοῦς ἐστὶν ὁ χριστός, ὁ υἱὸς τοῦ Θεοῦ, καὶ ἵνα πισύοντες ζωὴν ἔχητε ἐν τῷ ὀνόματι αὐτοῦ. Non alio igitur consilio illud conscripsit, quam ut ostenderet, IESUM esse Mesiam, Dei filium, eique fidem esse habendam: qua de re nullum profecto dubium esse potest, ob summam, qua optimi Magistri institutionem profectus deprehenditur, reverentiam: unde et derivandum videtur sedulum illud, quo se ad eius doctrinam dictionemque accommodavit, studium: vel indicia luculentissima in eo posita, ut ipsissima Servatoris verba lectoribus fidelissime, et sine ulla, (quae HENKII est observatio, in libro *Iohannes Ap. nonnullorum I. apophthegmatum in Euang. suo et ipse interpre.*; Helmst. 1798. 4.) ne minima quidem, mutatione traderet. (1)

Quae cum ita sint, levitatis omnino sit et inconsiderantiae, si hosce tam praestantes IOHANNIS commentarios flocci pendeamus: quamdiu nempe vel folius huius Apostoli praeclara effata facta tecta nobis manebunt, nunquam incerti esse poterimus de I. C. five doctrina, five factis, five auctoritate; (2) sic v. c. egregie ipse noster Servator doctrinae suae apologiam exhibuit in oratione quadam Cap. V, 19—47. contenta, in qua non tantum suae eloquentiae, verum etiam divinae auctoritatis ac dignitatis, luculentissima dedit specimina.

Dignum autem sit, priusquam ad interpretationem huius I. sermonis transgrediamur, paucis inquirere, *qua occasione, quo loco ac quibus auditoribus* haecce oratio habita sit.

Quod ad *occasionem* attinet: postquam Servator noster, relicta urbe *Nazareth*, per universam *Galilaeam* in synagogis, non sine magno auditorum ap-

(1) De authenticia *Euang. Ioh.* vid. potest s. D. G. C. STORR *Ueber den zweck der evang. Gesch. und der briefe Ioh.* Tub. 1786. f. 221. nec non G. H. GRIETHUIZEN *Disf. pro Euang. Ioh. authenticia*, Harderov. 1806. Conf. STRONCK in *Specim. de doctrina et dictione Ioh. Ap. ad I. magistri doctrinam exacte composita*, Trai. ad Rhen. 1797. (2) Egregie de consilio ac praestantia Euangelii Ioh. egit Cl. s. G. LANGE in libro: *die Schriften Ioh. des vertrauten Schülers I. übersetzt und erklärt* Th. II. in *introductione*; qua quidem de re plura addere, utpote ad scopum huius disquisitionis non spectantia, haud commode videbatur.

plausu, suam saluberrimam docuisset doctrinam, eamque confirmasset evidentissimis miraculis, iterum, *Paschatos* secundi tempore (3), suo more profectus est *Hierosolymam*, ubi mox, ad piscinam quandam, vulgo בית הכסא appellatam, homini paralytico sanitatem cum restituisset, Iudaeorum procures litem movebant, eumque accusabant, quasi Sabbati religionem solvisset, eo quod (haec erat tunc temporis perversa Iudaeorum opinio) non liceret hac die lectum deportare (*cap. V, 1—17.*) dein ei obiiciebant blasphemiam, propterea quod se pronunciasset Dei filium (*vs. 17 et 18.*) ad hanc vero obiectionem Servator respondens quod iam monuerat *com. 17.* planius exponebat, se verissime habendum esse Dei filium, non alio consilio in mundum missum, quam ut procuraret hominum salutem, iisque viam monstraret ad veram ac perennem recuperandam felicitatem.

Locus, ubi Servator noster hocce orationis specimen exhibuit, absque dubio fuit urbs Hierosolymitana (*conf. vs. 1.*) et quidem speciatim illa templi pars, in qua procures Iudaeorum congregare consueti erant; quod patet, si denique

Auditores consideremus, coram quibus haecce omnia elocutus est. Scilicet elegantissima haec oratio ab eo non habita est coram hominibus plebeiis, sed in synedrio ad causam suam defendendam, quum in ius vocatus esset. (4) Statim namque, postquam huius collegii membris indicatum erat, I. homini

(3) Disidium est inter eruditos, utrum hoc factum sit tempore Paschatos, an vero tempore Pentecostes. Prior sententia nobis quidem maxime placet, quippe Pentecostes festum nusquam per excellentiam *ἑρτῆ* vocatur, uti inter alios monuit *SAULES* in *comment. P. I. p. 738.* seqq.; imo saepe etiam hoc vocabulum in scriptis N. T. sine articulo hanc habet significationem, uti *Marc. XV, 6. Luc. XXIII, 17. Ioh. IV, 45. XI, 56. XII, 12.* Obstat porro eorum sententiae, qui Pentecosten intelligunt, locus *Ioh. IV, 35.* Quatuor enim illi menses usque ad messem locum non inveniunt intra Paschatos et Pentecostes festum unius eiusdemque anni, nec conveniunt cum tempore messis, quae quippe in *Iudaea* statim post Paschalia inchoata et in festo Pentecostes fuerit finita. Verum obiecerunt alii, inter quos *MORUS V. C.* in *Recitat. in Evang. Ioh.* si festum h. l. commemoratum Paschale fuisset, cum *cap. VI, 4.* iterum dicatur, *appropinquabat Pascha, festum Iudaeorum,* ses integro anno gestas uno C. V. enarrasset *IOHANNES*; hoc vero parum probabile esse: sed observandum est, *IOHANNEM* solummodo scribere voluisse *ἡμερομηνίαν*, vid. *EICHHORNII Einl. Th. I. S. 643.* unde tuto statuere possumus, festum hunc fuisse Paschale. *Conf. KUINOEL in comment. in lib. N. T. Historicos et TITTMANNUS in commentario suo ad h. l. (4) Conf. KUINOEL ad h. l.*

euidam die Sabbati restituisse pristinam sanitatem, mox omni id opera egerunt, ut violatae religionis Sabbati criminis eum accusarent, immo neci posset tradere: id enim luculenter indicant verba vs. 16. *obvia*, καὶ διὰ τοῦτο ἰδίωκεν τὸν Ἰησοῦν οἱ Ἰουδαῖοι, est nempe verbum *διώκειν* haud raro verbum forense; apud Hellenistas Iudaeos namque haec vox latioris est significationis, quam apud Graecos, quippe exprimens verbum ἑγγ, quod omne genus vexationis, praesertim gravioris, continet, idem igitur est ἀκατηγόρειν, quasi *διώκειν κατὰ τὴν δίκην*. (5) Iam autem, quod ad ultima huius 16 versiculi verba, καὶ ἐξήτουν αὐτὸν ἀποκτεῖναι, illa minus videntur genuina, ac deprompta ex vs. 18. defunt enim in omnibus *Codd. MSS.* et in omnibus versionibus antiquis desiderantur (6): immo, licet haec genuina essent, nihilotamenminus haud dubitare possumus, quin bene multi fuerint inter synedrio adscriptos, qui illud praeposterum legis divinae defendendae studium adversus Servatorem condemnarent, vel quia illum prophetam habebant, vel quod populi metu tenebantur, cuius quidem magna pars eum nullis non laudibus celebrabat.

Optimus igitur generis humani Servator, in iudicium vocatus ab infensissimis eius adversariis, ad causae suae defensionem hanc pronunciavit orationem, de qua haud dubitemus exclamare: haec profecto verba sunt Dei, non vero hominis, nemo mortalium talia unquam locutus est, haec spirant divinam sapientiam, potentiam ac maiestatem, ac clarissime indicant coelestem Servatoris nostri I. C. originem!!!

Ut autem iusto ordine procedat tractatio nostra, ante omnia

I. ipsam huius orationis *versionem* exhibebimus; deinde

II. *observationes philologicas et criticas*, potissimum vero *exegeticas*, ad illustrationem eiusdem orationis accommodatas, exponemus; his autem pertractatis, tandem

III. verum *huius orationis sensum*, paraphraseos ratione, trademus.

(5) Conf. SCHLEUSNERUS in voce. (6) Conf. MILLII et GRIESBACHII annot. ad h. l.

I.

V E R S I O

IOH. V, 17 usque ad 47.

Huncce igitur sermonem habuit Opt. noster Servator coram Iudaeorum proceribus :

17. „Pater meus ad hunc usque diem operatur ; itaque et ego operor.
18. „Propterea vero multo magis eum occidere studebant Iudaei, quia non „solum Sabbatum profanasset, sed etiam Deum suum dixisset Patrem, seque „Deo aequasset.
19. „Respondebat vero iterum eis I. sequenti modo: affirmo vobis etiam atque etiam, non decere filium quicquam facere sua auctoritate, nisi ipse ille, „quod pater agit, probe perspectum habeat, quaecunque enim ille facit, eadem „etiam filius facere solet :
20. „Pater enim charitate amplectitur Filium, ac cum eo communicavit facultatem omnium eorum faciendorum, quae ipse facit, immo ei largietur longe „excellentiorum hisce operum edendorum facultatem, quo magis adhuc miremini ;
21. „nam quemadmodum Pater mortuos suscitatur eisque vitam reddit, pari „modo et Filius (ad Patris scilicet exemplum) quos velit in vitam revocat.
22. „Neque vero Pater quemquam iudicat, sed universum hoc hominum iudicandorum negotium Filio demandavit :
23. „eo consilio, ut omnes Filium religiose colant, quemadmodum Patrem „cultu prosequuntur ; quicumque Filium non religiose colit, nec Patrem colit, „qui eum legavit.
24. „Mihi credite, qui doctrinae meae obsequitur et credit ei, qui me misit ;

„vitam consequetur perennem (beatam) nec damnationem experietur, sed a
„morte ad vitam (scilicet felicem) transibit.

25. „Equidem vobis affirmo, tempus esse futurum, immo iam adesse, quo
„mortui vocem Filii Dei audituri sunt (vim omnipotentem Filii Dei experien-
„tur) eaque audita in vitam redituri:

26. „quemadmodum enim Pater (hominibus mortuis restituendae) vitae fa-
„cultatem habet in se, ita et Filio iniunxit, ut eandem, quam in se habet,
„facultatem exercent;

27. „simulque ei dedit auctoritatem iudicii in eosdem instituendi, eo quod
„hominis est filius, (Messias olim promissus, hominum excellentissimus).

28. „Non est quod miremini, me ita locutum fuisse: futurum quippe tem-
„pus est, quo omnes mortui, quo et sepulti vocem eius audituri sint et in vi-
„tam mox redituri,

29. „qui hic recte fecerunt, tum reviviscunt ad vitae immortalis felicitatem,
„vicissim vero, ad aeternae vitae infelicitatem (ad supplicium) omnes, qui ma-
„le egerint;

30. „nam, non oportet me mea auctoritate quidquam facere, ea, quae
„(a Patre) audio, pronuncio, et quae a me pronunciantur, vera sunt, non
„enim meum sequor arbitratum, sed Patris, qui me misit, voluntati obsequi
„studeo.

31. „Si ego, in mea ipsius causa, testis fuerim, non certae fidei testimo-
„nium meum esset;

32. „sed alius est, qui de me testatur, cuius (quod de me tulit) testimoni-
„um scio fide dignissimum esse.

33. „Vos scilicet misistis ad IOHANNEM, et ille vera testatus est.

34. „(Verum, quod ad me attinet) non capto ullius hominis testimonium,
„sed haec dixi, ut vos servemini (felices reddamini).

35. „Erat enim ille ardens atque lucens lucerna (illustris ac insignis do-
„ctor), cuius tamen luce vos per breve tempus delectati estis.

36. „Mihi vero gravius est illo IOHANNES testimonium; opera, quae me
„Pater peragere iussit, illa ipsa, inquam, opera, quae perago, satis testan-
„tur, Patrem me misisse;

37. „immo ille ipse Pater, qui me legavit, testimonium de me exhibuit,
„quamquam eum non oretenus loquentem, aut coram adstante audiistis, vel vidistis.

38. „At vos non tenetis eius declarationem; quam ob causam ei, quem
„ille misit, fidem abnegatis.

39. „Sacrorum librorum scrutandorum estis studiosi, quod putatis, in eis
„vobis viam monstrari ad perennem felicitatem consequendam; atqui illi ipsi
„de me testimonium perhibent:

40. „nihilominus tamen minus ideo ad me accedere recusatis, ut verae felicitatis
„potiamini.

41. „Non capto humanam gloriam,

42. „sed scio, vos alienos esse ab amore erga Deum;

43. „me namque, qui veni auctoritate (seu iussu) mei Patris, non admitti-
„tis, alius si prodiret suo ipsiusmet ausu, hunc accepturi essetis:

44. „quomodo vos me admittere potestis, dum ambiatis mutuas inter
„vos invicem laudes, laudem vero solius Dei parum curetis?

45. „Nolite tamen existimare, me apud Patrem vos reos facturum, est
„qui vos accuset moyses, quo confidere soletis:

46. „moysi si fidem haberetis, etiam haberetis mihi, de me enim ille
„scripsit;

47. „sed, si eius scriptis fidem negatis, quomodo dictis meis fidem habe-
„bitis?”

II.

OBSERVATIONES PHILOLOGICAE ET CRITICAE, POTISSIMUM VERO EXEGETICAE, AD ILLUSTRATIONEM EIUSDEM ORATIONIS ACCOMMODATAE.

Pergimus iam ad secundam huius disputationis partem, quae absolvitur observationibus philologicis et criticis, potissimum vero exegeticis, in elegantissima hacce I. C. oratione, coram magno *Iudaeorum* Synedrio, defensionis suae causa, habita.

Hic primo nobis occurrunt verba a Servatore pronunciata

vs. 17.

ὁ πατήρ usque ad ἐγγάζομαι.

Appellat hic diserte I. Deum *suum Patrem*, non tantum in eo, quod eadem habebat ac faciebat, quae Pater habet ac facit, verum et ut planum faceret, se in ipsa hac causa, in qua tanquam divinae legis violator accusaretur, nihil fecisse, quam quod eum tanquam Dei Filium deceret: atque sic hisce verbis Servator non tantum superstitionem *Iudaeorum* impugnabat, verum etiam suum factum defendebat; *Iudaei* namque, ut evincerent, die Sabbati ab omni omnino opere abstinendum esse, eo provocabant, quod Deus ipse, absoluta coeli terraeque creatione, die septimo ab omni opere feriatum esse in literis sacris perhibeatur, vid. *Gen.* II, 1 et 2. *Exod.* XX, 8—11. XXXI, 12—17. Iam vero *Iesus* eos docet, haecce antiquissimi monumenti effata non ita esse intelligenda, ac si Deus, absoluto hocce opere, Numen esset otiosum; continuo enim et absque ulla, ne minima quidem, intermissione, creatas res omnes gubernat conservatque, quotidie in promptu sunt luculentissima specimina eius benignitatis, amoris et potentiae: Deus enim cum dicitur ἐγγάζομαι, certissime id intelligendum est de provida eius conservationis ac gubernationis cura, immo formula ὁ πατήρ ἀεὶ ἐγγάζεται nihil aliud significat, quam *perpetuitatem* seu *conti-*

novationem eiusdem providae Numinis curae. Cum I. autem addit καὶ ἔργαζομαι, hoc vocabulum, ab una parte, omnino ad facta eius insignia referri debet, quod patet, quia respondet Iudaeis ipsum reprehendentibus, quod die Sabbati aegrotum sanasset, conf. Cap. VI, 30. X, 26. ab altera vero parte eodem modo, quo antecedens, intelligi debet, adeo ut hac oratione exprimatur, *Christum etiam operam suam semper ad hoc tempus usque continuare, et eodem modo continenter agere, quo agit Pater*: quae etiam causa erat, ob quam ipso Sabbati die ab opere cessare non poterat, sed in his etiam Deum Patrem suum sequi debebat, qui semper actuosus esset, quin etiam sibi ipse non adversari, quum de se dicere poterat καὶ ἔργα ἡμεῖς ἀεὶ ἐργάζομαι, quodque igitur in operibus a Patre sibi demandatis exprimere debebat. (1)

Ceterum deesse hic videtur particula καὶ, *sicut Pater meus* etc. quemadmodum cum comparandi articulis saepe fieri solet, vid. Pj. CXXXV, 2. Prov. XXVI, 9. Ioh. XIV, 1. (2)

Longe autem alio modo huius noster locus ab aliis explicatus est, quorum sententias nunc in medium proferre liceat. Sic e. c. G. L. ORDERUS in part. II. *Observ. Sacr.* p. 28. seqq. hanc proposuit paraphrasin: „Hactenus „quidem coelestis Pater meus speciali ratione sanctorum coetum rexit, agrum, „inquam, suum tractavit, atque, ob durius soli ingenium aliisque ex causis „praegnantibus, et quae ad Leviticum cultum pertinent, Sabbatique item mo- „lestissima observatione, vomeris et occae loco usus est, quibus obdurata ho- „minum corda ad recipiendum cum fructu Euangelii semen praepararet red- „deretque molliora. Iam me ordo tangit ex aeterno Trinitatis decreto, ut „eiusdem Ecclesiae directioni specialiori ratione praesim, ubi multa, quae ad „externa Ecclesiae spectant, cessare iubeo. *Pater, inquam, meus hactenus „operatus est, ego quoque iam operor.*” Vis huius interpretationis fita est in explicatione phraseos ἡμεῖς ἀεὶ, quod Pater aliquid *hactenus* fecerit, quod facere iam definat. Verum haec phrasis nusquam tali sensu in N. T. Codice occurrit, ut ea res, de qua sermo fit, a sequentibus temporibus excludatur:

(1) Conf. Cl. H. ROYAARDS *Diatriba de divin. I. C. vera*, P. I. p. 21. (2) Conf. GLASSII *Phil. Sacra*, III. Tract. 5. *de adverbio*, nec non Cl. KUINOEL ad h. l. plura exempla similis locutionis reperiri possunt apud WETSTENIUM in N. T. ad h. l.

sic, ut hœc utar exemplo, *Matth. XI, 12.* regnum Dei, inde a temporibus IOHANNIS *hœc ætate*, usque ad eam ætatem, vim pati dicitur, num vero idem ipsi in posterum eventurum negatur? itidem PAULUS 1 *Cor. XV, 6.* sermonem instituit de his discipulis, quibus Christus vivus apparuerat, et quorum nonnulli *hœc ætate* superstites mansisse dicantur; num inde concludi liceat, eos statim post hæc a Paulo scripta diem supremum obiisse? atque sic nullo unquam modo huic interpretationi assensum nostrum præbere possumus. (3)

Inter recentiores WAHRDTIUS aliam ingressus est viam, huncque locum vertit: „*bei diesen augenblick hat mein Vater durch mich und mit mir gewirkt*”; nec non WREBERUS in *disf. de consilio*, quod I. se in miraculis suis spectasse ipse professus est, *Viteb. 1802.* qui verba *ὁ πατήρ με καὶ τ. λ.* dicta putat pro *ὁ τὸν ἑαυτοῦ ἐργάζεσθαι, ὁ πατήρ με ἐργάζεται*, „omnia illa potentiae divinae specimina, quae huc usque patravi, Deus per me edidit, i. e. potius illa Deo, quam mihi, attribui debent, quippe stricto sensu a Deo, me, tanquam ipsius legatum adiuvante, profecta sunt.” (4) Quam autem contorta sit talis interpretandi ratio, quisque facile videt, modo consideret et structuram verborum grammaticam, et contextum, et denique consilium, quod I. habuit in patrandis miraculis, quae antea omnia nunc fassus explicare non opus est, quia elegantissime sunt expolita a SCHOTTO in *disf. de consilio*, quo I. *miracula ediderit, ex ipsis sermonibus recte cognoscendo*, *Lipsiae 1809.* P. I. p. 44. Vulgaris igitur interpretandi ratio, quam et nos secuti sumus, et cum structura verborum grammatica, et cum contextu, uti apparet ex his quae ver. 19. leguntur, optime convenire videtur. Luculenter igitur constat, quanam huius loci sit doctrina, et quid ex evidentissimis hisce Servatoris verbis concludere possimus. Profecto iusta argumentatione inde concluditur, Filium id omne facere, quod Pater faciat, omne enim Filii opus idem dicitur ac opus Patris, ita quidem ut hoc ab illo seiungi nequeat. Hinc igitur sponte sequitur divina I. C. natura; hinc sequitur, Servatorem Patri esse aequalem, eundem cum Patre, ipsum vere esse DEUM. (5)

(3) Conf. I. C. WOLFF *curae phil. et crit.* ad h. l. (4) Vidi Cl. KUINGEL ad h. l.

(5) Egrege de huius loci doctrina egit A. G. VULZ in *disf. de vera I. C. divina natura*, edita a Societate Hagana anno 1792. p. 40.

Quod ad crisin huius commatis attinet, duae solummodo variantes hic occurrunt. Scilicet *primo* Cod. D. *Wetsten.* (*cant.*) pro ἀνταγωνιστῶν legit ἀνταγωνιστῶν; quae tamen lectio, uti et multae aliae eiusdem codicis, utpote cuius exarator, referente MILLIO in prol. 1274 mutationes numerorum, casuum, generum ac temporum absque ulla causa fecit, omnino est reiicienda et ab omnibus artis critices peritis merito reiiciatur: (6) *secunda* varians lectio occurrit in Cod. *Vaticano* 1209. qui omittit ἡγοῦν, quod, vel ex ignorantia scribae, vel quia ei videretur nomen hoc supervacaneum esse, factum putemus; ceterum nihil ad sensum facit, cum ex contextu satis clarum sit, quis hic loquatur, Servator nempe, (7)

Vs. 18.

Iam transit accusatio Iudaeorum ad alia, illumque nunc eo magis interficere studebant, quod non tantum legem de Sabbato violasset, sed etiam Deum suum Patrem dixisset, seque Deo aequalem fecisset. Quid enim aliud ex Servatoris sermone, quem probe intellexerant Iudaeorum proceres, colligebant, quam quod se totidem verbis declarasset Messiam, immo se parem omnino dixisset Deo, parem in ipsis bene faciendi operibus, parem in potentia ea agendi, quae vellet et quando vellet? Iam vero hanc ob causam (8) eum nunc delicti capitalis reum declarabant, audiebant enim nunc ex ipsius ore, se agnoscere ab eis velle tanquam *Dei Filium*.

Prius quam vero progrediamur, operae pretium erit paucis inquirere, quid significet nomen hoc honorificum τοῦ ἰσὺ τοῦ θεοῦ I. C. impositum. Denominatio haec, saepe in V. et N. T. Codice obvia, triplici potissimum sensu usurpatur, sensu nimirum *Physico*, *Morali* et *Polytico*. *Priori sensu* accepta, omnes homines filii Dei dicuntur, quatenus Deus noster est creator, et omnes ab illo suam ducunt originem; sic hoc nomen diserte ADAMO impositum est

(6) Vid. WETSTENIUS in *N. T. prol.* p. 38. (7) Conf. A. BIRCH *Quatuor Euang. Graecae tum variant.* Hauniae, 1789. (8) *Δια τούτο* propterea, est quaedam gradatio, uti recte observat LUTHERUS in *genm. N. T.* ad h. l. in verbo μάλλον, modo persequuntur, nunc amplius quaerunt occidere.

Luc. III, 38. ita etiam DEUS dicitur omnium hominum Pater *Matth.* V, 45. etc. *Sensu* autem *Morali* hoc nomen concessum est omnibus in Deum piis hominibus, *Deut.* XIV, 1. *Rom.* VIII, 12. etc. *Sensu* denique *Polytico* acceptum, hoc nomen designat *reges* omnesque *magistratus*, qui Dei locum apud homines tenere credebantur, *Pf.* LXXXII, 6. a *Sam.* VII, 14. et *Pf.* II, 7. illum, quem Israëlitae olim tanquam omnium regum excellentissimum cupide expectabant, et quem multis denominationibus ornare solebant, quae ad eximia negotia ab eo publice suscipienda et perficienda spectarent. Quid igitur ex loquendi genere apud Israëlitae significat nomen hoc *Filii Dei* Liberatori datum? idem certe ac βασιλεὺς τοῦ Ἰσραήλ, Vid. *Luc.* XXII, 67, 70. ubi nomen C. regis a Deo uncti commutatur cum nomine Filii Dei et explicatur ut nomen regis Israëlitici; (9) immo ipse Servator noster hoc nomen suum *Ioh.* X, 36. exponit ex ea dignitate, quam in se divinitus collatam hominum conservandorum causa sustineret, quam, tanquam Messias olim promissus, nunc ad homines in terram missus tueretur; denique habemus locum *Matth.* XVI, 13—16. ubi Servator interrogans Apostolos eorum de se et sua dignitate exquirat iudicium, et Petrus respondet *Tu es ille C. Filius Dei vivi*, ex quo loco etiam apparet, denominationem *Filii hominis*, significatione sua, longe esse diversam a denominatione *Filii Dei*, qua de re autem plura ad vs. 27. dicemus. Neque hic obstant, quo minus hanc formulam ita interpretemur, loca *Matth.* III, 17. et XVII, 5. ubi Deus Servatorem declarat, non quidem naturae divinae consortem, sed vere Messiam expectatum, ipsique fidem esse habendam cum obedientia coniunctam, omnibus quasi iniungit. Neque tandem repugnant illa, quae leguntur *Hebr.* I, 5. „τίνι γὰρ εἶπε παρὰ τῶν ἀγγέλων, υἱός μου εἶ σὺ κ. τ. λ.” ubi verba, ex *Pf.* II, 7. deprompta, nihil aliud significant, quam quod Servator, a Deo constitutus tanquam Messias humani generis Liberator, hac dignitate sua longe superior habendus sit angelis, quorum qui-

(9) Vid. I. L. BERTHOLDTI *Christologia Iudaeorum I. Apost. aetate*. Erlangae 1811. p. 30. „dignitatem eius regiam,” inquit, „dum respiciebant, ex communi priscorum populorum consuetudine honorificum בן־אלהים, υἱοῦ τοῦ Θεοῦ, *filius Dei*, nomen in eum transferebant, quod quidem, „excellenciam eius prae cunctis aliis declaraturi et testaturi, cum strictiori illa τοῦ μονογενοῦς adpellatione nonnunquam permutare solebant.”

dem nemini unquam tam praeclarum munus fuerit demandatum. Omnia enim, ut haec addam, quae ibi leguntur, spectant evidenter ad summam dignitatem, quam adeptus est Servator tanquam Messias: sic dicitur rex aeternus, cuius imperium sit iustissimum felicitatisque plenum vs. 8. dicitur rex cunctis superior regibus vs. 9. rex omnium potentissimus, quem Deus summa ornavit honoris amplitudine et cui summam in res humanas potestatem tradidit vs. 13. tam longe igitur praestat angelis Servator, ut hic omnium rerum dominus et rex sit habendus, cui omnes angeli pareant ministri, ut opem ferant iis, quos Deus velit salutis verae reddere participes vs. 14. Haec tamen Messiae maiestas tantis celebratur laudibus, ut Deus eam concedere potuerit nemini, nisi qui ipse esset idem vere Deus. Verum hoc singulare Messiae elogium separatim in hoc capite additum est, vs. nimirum 10, 11 et 12, non alio consilio, quam ut pateret, qualis sit ille Dei Filius, qualis sit rex constitutus a Deo, ut humanae salutis restituendae curam in se susciperet. Sunt autem alii interpretes, qui hanc denominationem explicant de *arctissima quadam coniunctione* Deum inter et I. C. Recte quidem, si modo hac in causa Patrem consideremus legantem, Filium vero legatum; aliam enim coniunctionem nobis fingere non possumus, absurdum namque esset statuere, Deum cum Deo coniunctum esse, aut haec omnia de sic dicta generatione explicare. Licet igitur I. C. ab una parte verissime sit Deus, immo, in hac ipsa oratione, talia de se professus sit, quae luculentissime indicant divinam naturam suam, ab altera vero parte hoc nomen *Filii Dei* accepisse videtur tanquam generis humani Liberator, qui eo respectu arctissime coniunctus erat cum Patre. Sed iam satis de hacce formula disputavimus.

Revertamur nunc ad locum nostrum, et videamus, quid Iudaei cum hisce verbis indicare voluerint, utrum magna illis insit emphaseos vis, an vero minus. TIRREMANNUS alique existimant, Iudaeorum procures haecce Servatoris effata ita intellexisse, ac si I. Deum appellasset Patrem suum quia hic ipse Pater esset tali sensu, quo non est Pater aliorum, adeoque naturae et attributorum. Et profecto est quaedam emphasis in vocabulo *Ἰδιος*, uti ex contextu patet; ex Christi enim verbis antecedentibus, *se eodem modo agere, quo agit Pater suus, et ad ipsius exemplum nunquam ab agendo desistere*, effecerunt Iudaei, illum Deum Patrem *Ἰδιον* appellare, non eo modo, quo quisque Iudaeorum Deum Patrem suum appellaret, sed *Ἰδιος* tali sensu, quo arctissimo copulatu tanquam Messias cum Patre coniunctus

esset. Ipsi Iudaei igitur existimabant, Christum Deum eximie Patrem Ἰδiov appellasse, et ita Ἰδiov, ut se ei aequalem faceret, et divini iuris, potestatis operaeque communionem sibi vindicaret; eo magis, quoniam docuerat, se ad exemplum Patris sui semper agere, et nunquam ab agendo desistere. (10) Hoc sensu nostrum vocabulum Ἰδiov saepe in N. T. Codice occurrit, quando nempe usurpatur de eo, quod quis iure suo possidet, sic v. c. *Ioh. X, 12.* τὰ περιβρατα Ἰδία oves sunt *propriae*, quas quis iure possidet, et *Act. IV, 32.* ubi vocabulo Ἰδiov opponitur τὸ κοινόν, quod pluribus est commune, itidem *Act. XXVIII, 30.* ἔμεινε δὲ ὁ Παῦλος διατίαν ἔλθον ἐν ἰδίῳ μισθώματι, quae verba indicant, PAULUM in aedificio quodam, quod conduxerat meroede, per biennium habitasse: multa alia exempla collegit SCHLEUSNERUS in voce.

Patet igitur ex hisce omnibus, Iudaeos quidem expectasse Messiam; sed qualem Messiam? non vere Deum et hominem, sed hominem excellentissimum, regem terrestrem, omnium prophetarum maximum. Cum igitur Servator aperte adeo et diserte pronunciasset: *uti Pater meus operatur*, etc. quid inde conficiendum existimarent Iudaei? illud, talem hominem tam plenum et superbiae et temeritatis non vere esse Messiam; nam, cum eiusmodi Messiam non expectarent, eo minus ferre poterant, Christum id prae se tulisse, et ei omnino succensebant. Itaque revera existimarunt Iudaei, Christum sibi divini iuris et honoris communionem vindicasse.

Quid vero? sustulitne Iesus hanc opinionem? docuitne, se Deo haud esse *isov*, aequalem? nequaquam; ex sequentibus enim patet, Christum hanc Iudaeorum opinionem non tantum non sustulisse, sed magnopere confirmasse. Non usus est hic verbis dubiis, sed apertis, uti dein videbimus.

Quamquam igitur haec ita sint, nihil tamen est, quod nos persuadere posset assensum praebere interpretationi SEMLERI in *Paraphr. Euang. Ioh.* ad h. 1. qui sensum putat esse, quod Deum, quem Iudaei credebant satis nosse, dicebat rerum ab isto gestarum et institutarum esse auctorem et ducem, Deique auctoritatem veram penes se ipsum potius esse, quam penes Moysen et prophetas; itaque et se Deo, quod ad ius sacrum religionisque sancienda potestatem attinet,

(10) Conferri de h. l. potest CL. MUNTINGHII *Geschiedenis d. M. naar den B. d. IX.* n. 46. et CL. ROYAARDS *l. l.* p. 60 et 62.

omnino aequalem facere audeat, sic quidem ut, cum e. g. Deus Sabbatum olim imperasse diceretur, I. confirmare auderet. Tale enim quid nunquam e notatione horum vocabulorum colligi aut derivari potest. (11)

Ἰσον ἑαυτὸν ποιῶν τῷ Θεῷ h. l. significat, *sibi licere praedicans quicquid Deo licet*; e. c. sabbato opus facere (vs. 17); et eadem efficere, quae Deus efficit, uti valetudinem homini aegroto restituere solo voluntatis suae imperio.

Denique occurrunt etiam in hoc versu nonnullae codicum lectiones variae; ad quas contemplandas nunc progrediamur. Pro διὰ τοῦτο *Cod. 59. Wetsten. (Gonvilli)*, nec non versio *Syr. Pers. Arab. et Aeth.* legunt καὶ διὰ τοῦτο, et omittunt εἰ; codex vero prior nullam habet authenticam (12), et versio *Syriaca*, quae postea in *Pers. et Arab.* sermonem est translata, saepe etiam magna utitur licentia, cum alia aliis substituit et multa converse adiecit (13); unde hanc lectionem reiicimus, quod et ex contextu adhuc melius patebit, quia sane talis particula copulativa hic non quadrat. Porro in *Cod. 33. Wetsten. (colb. 2844.)* non legitur αὐτὸν, per negligentiam descriptoris, certo enim certius est, huncce cod. ex iis fuisse, quos in usum occidentalium, ex interpolatis ac mirifice corruptis graecis suis, scribae, linguae istius rudes, exscripserant. (14) Pari modo reiicienda est lectio *Cod. 70*, qui omittit ἀποκτείναι, aequae ac illa *Cod. D. Wetsten.* qui, suo more, hic etiam vocabulorum transpositionem fecit, legens οἱ Ἰουδαῖοι ἐξήτουν αὐτὸν pro ἐξήτουν αὐτὸν οἱ Ἰουδαῖοι, sensus vero eodem redit.

Vs. 19.

Pergit iam optimus noster Servator ea, quae iam dixerat, planius exponere ac causam suam defendere, qua in re impeditus erat malitioso Iudaeorum ru-

(11) Vld. I. D. MICHAËLIS *Bibl. Orient. et Exeg.* Tom. III. p. 20. Ceterum de hoc versu conf. KUINOEL ad h. l. LANGE *l. l. ad h. l.* qui annotavit, hic non cogitandum esse de aequalitate naturae, sed de aequalitate auctoritatis ac potentiae: „an gleichheit des Wesens ist hier gar nicht zu denken, aber wohl an gleichheit des ansehens der autorität:“ itidem GROTIUS in *comm.* ad h. l. putat, haec omnia ita esse accipienda, ac si Iudaei I. accusarent, quod C. se dixisset. (12) Conf. WETSTENII *Prol.* p. 52. (13) *Ibidem* p. 109. (14) *Ibidem* p. 48.

more; idque fecit modo divinae suae sapientiae dignissimo. Scilicet haecce sua sapientia in eo est conspicua, quod non solum sublimia quaedam loquatur, divinum ortum suum spectantia, verum etiam quaedam, ut ita dicam, humiliora, quae naturam humanam arguerent, non alio consilio, quam ut sic Iudaeorum procures eo melius ab ipsorum malitia revocarentur, si nempe luculentissima specimina divinae suae auctoritatis maiestatisque ex ipsius ore audiebant, cum idea enim Messiae regis terrestris aliam coniungebant ideam Iudaeorum procures, putantes, illum in hac dignitate sua nihil unquam effecturum, quam quod folius Dei ope, qui operetur omnia, praestari posset. Quanquam igitur Servator hanc Iudaeorum opinionem non suo approbet consensu, tamen se, quantum id fieri posset, eorum tenuitati ac ingenii imbecillitati sapientissime accommodat: ita quidem, ut primo Patri omnem cedat auctoritatem, ἐν δὲ τῇ αὐτῇ ὁ υἱὸς τοῦ πατρὸς ἀπὸ τῶν αὐτῶν ἐκείνῳ, ioh. n. v. 2. comparatio hic a I. in usum suum accepta deprompta est, uti quisque facile videt, a filio optimo, qui nihil facit, quam quod eius patri placeat, qui in omnibus se ad paternam accommodat voluntatem ac ad patris exemplum suam componit agendi rationem, hac comparatione indicans, internam esse coniunctionem ac familiaritatem eum inter et Patrem: ne vero id male intelligatur, adiungit Servator ἀ γὰρ ὅτι τὰς αὐτῶν ποιῶ, τὰ αὐτὰ καὶ ὁ υἱὸς ἀποκρίσας τοῦ πατρὸς, quaecunque enim ille fecerit, illa etiam filius eodem modo peragit (15), ex quibus igitur sponte apparet, Filium ea omnia non tantum peragere, sed etiam ἀποκρίσας, quod certissime referri debet ad modum agendi, quia ad res peragendas referri nequeat, utpote quod antegressa locutione iam continetur; neque hic obstant verba com. seq. ubi id amoris Patris erga Filium tribuitur, quasi causae, ob quam Pater omnia Filio ostendat quae ipse efficit, haec omnia enim, a Servatore ad captum Iudaeorum, exemplo ab hominibus petito, sapientissime preposita caute admodum sunt interpretanda, ac modo Deo digno exponenda.

Quod ad verborum vim et potestatem attinet. Sunt interpretes, uti recte

(15) Habemus hic etiam specimen perspicuitatis dicendi generis a I. C. usitati, in eo praestantur conspicuum, quod ad finem cuiusvis sententiae reddere solet haud raro propositionis rationem, eamve probare enunciatione breviori, uti etiam c. III, 19. vid. STRONCK, *Spec. hermeneuticae theol.* p. 226.

ait KUINOELIUS, qui, cum $\pi\alpha\iota\acute{\nu}$ idem esse ac $\delta\iota\delta\acute{\alpha}\sigma\kappa\alpha\iota$ opinentur, ac vocabulo $\epsilon\gamma\gamma\alpha$ notionem *doctrinae* et *instituitionis* tribuant, verbis Christi hanc sententiam expressam esse putent: *non deceret legatum divinum suo ingenio et arbitrio obsecutum iniusu patris aliquid decere, nisi patrem ita docentem cognoverit, a patre ea de re edoctus fuerit*: verum, uti probe observat SCHOTIUS (16), hic non sermo est de doctrina I. C. salutari, sed de facto quodam, de hominis nimirum sanatione die Sabbati peracta, cuius facti defensionem postulabant populi Iudaici Senatores; praeterea hisce I. C. verbis uberius continetur explanatio illorum, quae iam vs. 17. dixerat; immo nunquam potest demonstrari, usum loquendi permittere, ut verbo $\pi\alpha\iota\acute{\nu}$, per se spectato, vis verbi $\delta\iota\delta\acute{\alpha}\sigma\kappa\alpha\iota$, et substantivo $\epsilon\gamma\gamma\alpha$ notio *doctrinae* et *instituitionis* subiiciatur (17), $\pi\alpha\iota\acute{\nu}$ hic absque dubio respondet verbo $\epsilon\gamma\gamma\alpha\zeta\eta\sigma\theta\alpha\iota$, et phrasidis $\epsilon\upsilon\ \delta\upsilon\acute{\nu}\alpha\tau\alpha\iota$ significat *non decet, non competit*, uti *Matth. IX, 15.* $\mu\eta\ \delta\upsilon\acute{\nu}\alpha\tau\alpha\iota\ \epsilon\iota\ \upsilon\iota\sigma\iota\ \tau\omicron\upsilon\ \nu\omicron\mu\phi\acute{\omega}\nu\omicron\varsigma\ \pi\epsilon\upsilon\theta\epsilon\iota\omicron\nu$, *decetne amicos sponsi ieiunare?* *Marc. II, 7.* $\tau\iota\varsigma\ \delta\upsilon\acute{\nu}\alpha\tau\alpha\iota\ \acute{\alpha}\phi\iota\upsilon\alpha\iota\ \acute{\alpha}\mu\alpha\rho\tau\iota\alpha\varsigma$, *cui iure suo competit remittere peccata?* itidem *Ioh. III, 27.* *Act. IV, 20.* *1 Cor. X, 20.* *2 Cor. XIII, 8.* etc. est nempe sine dubio haec phrasidis mere humana, adeoque Deo et C. congruo modo explicanda. Sunt autem interpretes, uti HEINSIUS alique, qui putant, $\pi\epsilon\ \delta\upsilon\acute{\nu}\alpha\tau\alpha\iota$ redundare: verum frigida sic et orationi contextae minus conveniens sententia procedit; praeterquam quod ipse Servator hoc vocabulum studio quodam adhibuisse videtur, ut sic Iudaeos persuaderet, se nihil facere posse tanquam legatum divinum, quam quod Pater ei efficiendum mandasset (18). Alii $\epsilon\upsilon\ \delta\upsilon\acute{\nu}\alpha\tau\alpha\iota$ exprimendum statuerunt per *non vult*, v. LAMPIUS ad h. l. verum hoc minus cum significatione huius verbi convenire videtur. Verba $\acute{\alpha}\phi'\ \iota\alpha\upsilon\tau\omicron\nu$ significant *sua auctoritate*, seu, uti TITTMANNUS inquit, *facere aliquid suo arbitratu et iniusu Dei*, ac sic convenit cum formula Hebraeis usitata, $\text{כִּן צִכְנֶה נִשְׁמַע}$ (19):

Vocabulum $\beta\lambda\epsilon\pi\epsilon\iota\upsilon$ h. l. significat *plena accurataque cognitione aliquid*

(16) Vid. *eius diss. de locis quibusdam Evang. Ioh.* Lipsiae 1808. p. 14. seqq. (17) Vid. SCHLEUSNERI *lexicon* in vocibus. (18) Probe vero attendendum est, uti recte observat BEN-SEL in *Comment. N. T.* ad h. l. haec non indicare Servatoris *impotentiam*, sed intimam eius cum patre coniunctionem, ita ut plane nihil effici posset quam quod Pater velit. (19) Ἀφ' ἑαυτοῦ „opponitur hic,” inquit GROTIUS, „ei quod ab alio didicimus, ad Cap. XVIII, 34. $\text{Ἀφ' ἑαυτοῦ οὐ τοῦτο λέγεις; ἢ ἄλλοι σοι εἶπον περὶ ἐμοῦ;}$ *a temet ipso hoc dicis, an alii tibi dixerunt de me?*” Conf.

probe perspectum habere, uti *Matth.* VI, 4 et 18, καὶ ὁ πατήρ σου, ὁ βλέπων ἐν τῷ κρυπτῷ, et *Pater tuus*, qui vel occulta cognita habet, 1 *Cor.* XIII, 12. et inprimis *Ioh.* IX, 39. minime autem, uti TITTMANNUS putat, redundare videtur; Servator namque luculentissime hisce verbis ἐὰν μή τι βλέπῃ κ. τ. λ. ostendit, se perfectissimam omnibusque numeris absolutam rerum divinarum habere cognitionem, quam ob rem illa vertenda sunt, *nisi ipse ille*, quod *Pater agit*, *probe perspectum habeat*: attende quaeso ad Servatoris sapientiam, non diserte se Deum appellat, verum talia de se ipso pronunciat, quae a nemine proficisci possint, nisi qui arctissime sit coniunctus cum Deo, qui vere Deus sit, ut sic Iudaei ex orationis contextu eo melius intelligere possent, cuiusnam fuerat naturae.

Ἐὰν μή τι fortasse positum est pro ἀλλὰ, uti *Matth.* XII, 4. *Gal.* XI, 16. et *Ioh.* XV, 4. eadem phrasim etiam occurrit apud Homerum

„..... τον ὑπὸς ἐς περιῆσα

„Πεζὸν εὐντ ἢν μῆτις ἐχῇ εὐεργετανῆα”

(..... quem trans pede non est

Ire nisi quid agat multo cum remige navem.)

est enim ἢν μῆτις (*nisi quis*) positum pro ἀλλὰ ἴσως (*sed si quis*), et abundat τι (*aliquis*) post μή (*ne vel ni*), uti 2 *Cor.* I, 17. XIII, 5. etc. (20)

Ταῦτα καὶ ὁ υἱὸς ὁμοιωῖ ποιῇ. Hisce verbis adsignatur Servatori summa potentia sua eaque vere divina, utpote qua non exemplum modo Patris imitatur, verum et eandem sequitur agendi rationem, quam sibi elegit Pater.

etiam MÖLLER in *disfert. de arg. ex miraculis etc.* edita a *Societate Hagana* 20 1800. p. 125. n. „Wanneer Jezus meermalen verzekert,” haec sunt viri Cl. verba, „dat hij niet ἀφ’ ἑαυτοῦ sprekkt, handelt; zoo wordt daarmede altoos aangetoond, dat het niet zijn eigen inval is, wanneer hij zich een’ gezant van God noemt, en aan zich zelven en zijne leere een Godlijk gezag toefchrijft, maar dat hij in eenen eigenlijken zin, in den naam, naar een bevel of lastgeving van God, zoo en niet anders sprak, leerde en handelde”; et paulo post: „dus ook in de plaats *Ioh.* V, 19. *De Zoon kan niet eigenmagtig handelen, maar alleen met uitzicht op den Vader, die hem ook nog grooter werken openbaren zal, zoo dat gij u verwonderen zult*, dewijl hij, naamlijk, door hem ook dooden zal opwekken, etc.” Conf. denique I. CLARISSE V. C. in *disfertatione de eodem argumento* etiam a *Societate Hagana* eodem anno edita, p. 234. (20) Vid. GROTIUS, nec non CALOVIVS *bibl. ill.* ad h. l.

NONNUS: ταῦτα (ἔργα) Θεὸν γενέτην μιμούμενος υἱὸς ἀνίστου, haec Deum parentem imitans Filius perfecit.

Variantes Codd. MSS. quae hoc in vs. occurrunt, multae quidem sunt, attamen parvi momenti. Primo, scilicet, per negligentiam *codex Vat.* 1209 omittit ὁ Ἰησοῦς. Dein codices D. 33. 53. 68. *Wetsten.* pro ἀπεκρίνατο substituerunt ἀπεκρίθη, et *cod.* 80. καὶ ἀπεκρίθη; quae vero utraeque lectiones, utpote in scriptis IOHANNIS minus usitatae, reiiciendae sunt, aequae ac illae *cod.* 30 et 80. nec non *codd. latinorum*, qui omittunt εἶπεν, et *cod.* 80. qui omittit καὶ prius, hae namque variantes certe ortae sunt ex incuria scriptorum, cuius rei multa in hisce codd. occurrunt specimina (21). Pro ὁ Ἰησοῦς versio *Copt.* et *Syr.* habet ὁ δὲ Ἰησοῦς, quae lectio, si ab aliis codd. comprobaretur, recipienda esset, eo quod vs. 17. eadem plane formula obvia sit et quia multo usitatius dicatur ὁ δὲ Ἰησοῦς quam ὁ Ἰησοῦς, nunc vero, cum solummodo duae versiones hanc lectionem recipierunt et omnes codices in textu consentiunt, profecto reiicienda est. Porro pro εἶπεν *Cod.* I. 61. habet λέγει et ἐλέγει; eodem redit, sed εἶπεν maiorem habet auctoritatem. Pro *priori vers.* *Cod.* D. 69. et versio *Armenica* legit υἱὸς τοῦ ἀνθρώπου, quae lectio forsan primo illustrationis causa in margine posita, dein ex vs. 27. in textum irrepsit, reiicienda autem est ob horum codd. et huius versionis minutissimam auctoritatem, uti antea vidimus. Denique pro ἐκείνος versio *Copt.* et *Syr.* habet ὁ πατήρ, itidem illustrationis causa, nam omnes ceteri codices in recepta lectione consentiunt. Caeterae, quae hoc in vs. occurrunt variantes lectiones, consistunt praesertim in vocabulorum transpositione, et tam minutissimi sunt momenti, ut non opus sit hisce morari. (22)

Vs. 20.

Iam pergit I. C. eodem loquendi genere causam et originem indicare huius cognitionis et potentiae divinae; quae origo nulla alia in re est quaerenda, quam in arctissimo charitatis amorisque vinculo, quod eum inter et Deum locum obtinet. Iudaei scilicet non erant idonei coniunctioni illi cum Patre ve-

(21) Conf. WETSTENII *prol.* p. 54. (22) Conf. WETSTENIUS ad *h. l.* et A. BIRCH *l. l.* nec non MILLIUS ad *h. l.*

re intelligendae; sed Servator exemplo ab hominibus petito rem illustrat: qui sunt inter homines amici mutuaeque familiaritate utuntur, se suaque secum invicem communicant; quoniam igitur Pater Filium amat, necesse etiam est, eum omnia Filio patefacere, et nihil sine eo agere, atque hanc iam ob causam Iesus, quicquid habeat ac faciat, a Patre eiusque voluntate repetit.

οἱ αὐτοὶ hic significat *tenerrimum pietatis affectum inter propinquos et amicos intercedentem*, quo significatu haec vox saepe alibi occurrit, Cap. XI, 3 et 36. XX, 2. Apoc. III, 19. conf. Matth. X, 37. (23)

Formula πᾶντα διδάσκων αὐτῷ admodum difficilis est, quia multa hic dicuntur more humano. Quod ad sensum, eodem redit, nisi fallor, ac illa πᾶντα δίδωκεν τοῦ χυλὸς αὐτῷ: unde patet, verbum διδάσκων quodammodo convenire cum verbo διδάσκω docere; quodammodo, inquam, nam hic non tantum significat *ostendere aliquid alicui*, seu *docere aliquem*, aut *monstrare*, uti Matth. XVI, 21 (24); verum etiam *impulsum* indicat, et *largitionem facultatis aliquid efficiendi*, quod *ostensum est*, uti Hebraica מורה et מורה, quae verba usurpantur de iis, qui aliquid *exhibent* et *auctores rei sunt* Ps. LX, 5. tali enim sensu nostram verbum διδάσκων intelligendum esse, patet ex opposito εἰς ἑαυτὸν ποιῶν, conf. Ioh. XIV, 10. VIII, 28. XV, 49. (25) Atque sic non convenit interpretatio MORI V. C. (26), qui verbum διδάσκων explicat per *monstrare*, *verbis monstrare*, uti et LANGBE (27), qui solummodo *docendi* notionem huic vocabulo tribuit: comparatio enim sumpta est a magistro, qui discipulum unum prae ceteris carum habeat, cui itaque omnia artis suae arcana aperiat; sic מורה interdum per διδάσκων vertunt Graeci.

Καὶ μείζονα τούτων δείξει αὐτῷ ἔργα, ἵνα ὑμεῖς θαυμάζητε. Scilicet iam multa magna, praeclara, immo admirationis digna facta patrauerat Mesias, sed longe maiora erant, quae in posterum facturum esset, ad quae patrandae eadem illa divina charitas ei viam aperire debebat. ἵνα hic positum est, pro ὥστε, uti Apoc.

(23) Vid. *Comm. Theol. edit. a Ketschuisen, Rup. et Kuinoel* IV. p. 150. (24) Ita iam VATABLUS, qui hoc vocabulum per *communicare* explicare tentavit. (25) Conf. SCHLEUSNERUS in voce. (26) *Recitationum in Euang. Ioh.* ad h. l. p. 88. (27) *Die Schriften Ioh. übersetzt und erklärt*, Th. II. f. 175.

XIII, 13. non enim adeo *finis* indicatur, quam potius *eventus*, et est *ἡβάτιον*; uti iam recte LUTHERUS, BEZA, GROTIUS alique observarunt. (28)

Quaenam igitur huius et antecedentis vers. sit doctrina, sponte apparet.

A. Nempe Iesus docet, se nihil agere sua ipsius auctoritate, sed omnia agere nomine et auctoritate patris, constitutus quippe ab eo Messias; omnia tamen agere se sua voluntate, hanc enim eandem esse cum Patris voluntate.

B. Docet, se, tanquam Messiam, seu legatum omnium excellentissimum, a Deo Patre ad homines missum, nihil aliud agere, quam quod ad Patris agendi rationem sit accommodatum; se quippe, cum Patre divinitus coniunctum, omnia quae Pater agat rite perspecta habere, adeoque a Patris agentis exemplo, nec in ipsis operationibus, nec in modo operandi, a veritatis via discedere posse. *Filius facit eadem, quae Pater facit*: sunt igitur eadem Filii, quae Patris opera; eodem efficiuntur modo, tametsi ratio inter Patrem et Filium ea sit, ut Filius semper peragat, quod Patrem perficientem videat, i. e. a Patre agat, non diversa sunt Filii opera.

Haec igitur omnia non solummodo indicant divinam Servatoris sapientiam, verum et divinam eius naturam: quamvis enim his verbis non diferte Servator se ipse declaret vere Deum, verba tamen ita comparata sunt, ut arctissimam indicent eum inter et Deum coniunctionem, ita comparata sunt, ut a nemine proficisci possint, nisi qui naturae divinae sit particeps; sponte ex hoc loco nostro apparet, qualis ille fuerit Messias, divinitus missus ad salutem hominibus restituendam.

Quod si vero conferantur haec verba cum effatis IOHANNIS Apostoli in Cap. I. huius Evangelii: *ἐν ἀρχῇ ἦν ὁ λόγος κ. τ. λ.* intelligi facile possunt. Quod namque Servator hoc loco de se testatus est; optimus eius alumnus exponit; totidem verbis asseverans, iam ante mundum conditum, i. e. ab aeterno, illum arctissime coniunctum fuisse cum Patre aeterno, non genitum esse aut creatum, sed Patrem per illum, sibi coaeternum Filium, non veluti instrumentum, sed ut eiusdem virtutis, eiusdemque naturae Deum, omnia condidisse quae sunt condita, illum porro vitae esse fontem, fontem lucis, quae densam animorum caliginem dispellat, illum esse τὸν λόγον vere divinum, voluntatis divinae inten-

pretem seu prophetam excellentissimum, qui hominibus per peccatum collapsis viam aperiat ad amisam recuperandam salutem. Iam vero, si haec omnia cum ipsis Servatoris verbis comparantur, sponte sequitur, hunc ipsum non hominem esse ceteris similem, sed vere Deum; qui, quidquid egit, ad homines fratres suos salutis aeternae participes reddendos, effecit, Patris quidem auctoritate, sua vero voluntate ac potentia.

Restat iam, ut paucis quoddam observemus de variis huius loci codd. lectionibus. Primo hic nobis se offert *cod. cant.* (D. *Wetsten.*) qui pro φιλι̃ scriptum ἄγαπῃ, pro δέικναι legit δείκναι, pro δει̃ξαι habet δείκναι, et denique pro αὐτὸς ποιῇ legit αὐτὸς ποιῇ. Verum, quod antea de huius codicis valore diximus, hic etiam valet (29), ita ut merito omnes hasce varias lectiones reiiciamus. *Cod. A. Wetsten.* (*Alexandr.*) pro δεικναι habet διγναι, per calami vitium, et propter parvam differentiam, quae est inter pronunciationem verbi δεικναι et διγναι. *Cod.* porro 64. (*Usfer. 2.*) omittit verba αὐτὸς ποιῇ: verum, cum omnes ceteri codd. in recepta lectione consentiant, et parallelia, quae in hoc vs. inveniuntur, requirat, ut adsint omnia illa verba, hanc lectionem tanquam falsam reiicimus; praeterquam quod, secundum testimonium *Wetstenii*, codex iste, magis nitide quam accurate exaratus, plurimis in locis defuit ob ὁμοιοτελίαν (30); Denique et ORIGENES in *Ioh. IV*, 34. pro φιλι̃ legit ἄγαπῃ, forsan ex *codice cant.* quo usus est.

Vs. 21.

Ὡς περ γὰρ ὁ πατὴρ κ. τ. λ.

Multa de horum verborum significatione vera ab interpretibus disputata sunt. Priusquam autem ad haecce examinanda transgrediamur, ante omnia observandum est, Iesum hic loqui tanquam legatum divinum, tali modo, ut inde pateret divina sua natura ac missio tanquam Messias: quamvis enim id disertis verbis non profiteretur, ex dictis tamen colligere satis poterant Iudaeorum procures, ipsum velle, se haberi pro diu expectato patribus

(29) Vid. annot. ad. vs. 17. (30) Conf. WETSTENIUS in *prol.* p. 59.

que promisso Mesſia, huc enim tendit univerſa oratio, qua monet, ſe omnia agere Patris auctoritate et ἐν τῷ ὀνόματι τοῦ πατρὸς (vs. 43.), tanquam legatum omnium, etiam Moſis et Iohannis baptiſtae, excellentiſſimum (vs. 36. 45 et 46.) qui, Dei exemplo utens, omnia faciat quae facit ille; in eo ſemper eſt Servator, ut auditoribus ſuis perſuaderet, ſe eſſe Dei legatum, qui nihil agat ſua, ſed omnia agat Patris auctoritate, Patris nomine, qui miſerit ipſum, verum et in eodem orationis conſilio nihil clarius eſt, quam quod idem ille omnia, quae Patris iubet auctoritas, ſua efficiat voluntate in homines benigna, ſua virtute et potentia.

Iam vero, quod ad diſenſum interpretum de horum verborum interpretatione rite inſtituenda attinet, duplici modo haec verba explicata ſunt, nempe vel *allegorice* ſive *mystice*, vel *historice* ſeu *proprie*.

Sunt nimirum multi interpretes, praefertim recentiores, qui omnia, quae hoc loco de mortuis a C. reſuscitandis leguntur, de reſuscitatione quadam morali, h. e. de emendatione hominum per C. inſtituenda, explicent, uti OEDERUS (31), ECKERMANNUS (32), anonymus in RICHHORNII *algem. bibl. der bibl. Litt.* Th. VII. S. 982 ſeq. SCHUSTERUS (33), AMMONIUS (34), PAULUS, aliique. Putant ſcilicet hi ſ. ſ. explanatores, Dominum noſtrum nihil aliud deſcribere voluiſſe ſe, quam opus ſuum ſalutare in emendando generis humani ſtatu morali; imprimis quod ad homines ſuae aetatis attinet: huius rei in commodum explicant vs. 17. non de operibus potentiae, ſed doctrinae ac inſtitutionis ſuae, et dicunt, Ieſum ſolummodo indicare voluiſſe ſimilitudinem ſui operis cum opere Patris, ita ut ſenſus eſſet: „quemadmodum Pater opus ſuum faciat perpetuo, „ita et ego meum, quemadmodum Pater ſe efficacem praebeat ad ſalutem hominum unoquoque die, etiam ſabbatico, ita et ego.” Iam pergunt demonſtrare, Servatorem haec omnia fuſius expoſuiſſe vs. 21. et ſeqq. oſtendendo nimirum, hoc opus ſuum magnam habere efficacitatem in animis hominum emendandis, hancque ſententiam multis iam probare conati ſunt argumentis.

Primo: in Libris Sacris V. et N. T. ὁσίως ſaepe ſignificat *ſtatum peccati*,

(31) *Obſerv. Sacr.* Part. II. p. 38. (32) *In Theol. beitr.* Th. V. St. 2. ſ. 64. et in *Erklärung aller dunkelen ſtellen des N. T.* Th. 2. ad h. l. (33) In RICHHORNII *bibl.* Th. X. ſ. 772. (34) *Opuscula* Th. I. p. 93. ſeqq.

omnem miseriam, perniciem, et quidquid antecedit, metum poenae, malam conscientiam, animi perturbationes, atque adeo statum hominis miserum (35): sic *νίκα* in verbis Domini ἀφ' ὧν τῶν νεκρῶν θάψαι τοὺς ἑαυτῶν νεκρῶν *Matth.* VIII, 22. homines sunt *inepti*, ad studium rerum divinarum et coelestium minime accommodati; itidem *Eph.* II, 1 et 8. et *Col.* II, 13. *νίκα* τοὺς παραπτώμας, quod est pro ἐν τοῖς παραπτώμασι, sunt *christiani e gentibus ante ipsorum ad christianorum coetum conversionem*: iam tales *νίκα* hoc nostro loco, aequae ac vs. 25. intelliguntur; conditio igitur horum hominum recte appellatur θάνατος, cui opponitur ζωή, quae vox usurpatur de iis, quorum conditio propter conversionem ad christianam religionem sit emendata, sic *Rom.* VI, 4, 5, 11. tales homines dicuntur et ἐν νεκρῶν ζῶντες, καὶ περιπατοῦντες ἐν καὶνότητι ζωῆς. Respondemus autem ad hanc quaestionem, negari quidem non posse, vocabulum *νίκα* interdum tali sensu usurpari (36), verum nunquam eiusmodi formula, qualis hic; in eodem orationis contextu occurrit, vs. 28. εἰ ἐν τοῖς μνημασι de hominibus usurpatur sensu morali mortuis. Praeterea, ut recte monuit LANGIUS; zur Beförderung des nutzl. gebr. des W. A. Tellerischen Wörterb. IV: Th. f. 184. ut ζωὴς αἰώνου appellatione, quam urgent hic inprimis aliter opinantes, minime significatur omnis vera felicitas, qua fruuntur homines ante vitae mortalis etiam iacturam, ita quoque θάνατος vocabulo minime indicari potest omnis infelicitas, quae homini ante mortem etiam contingat; contra vero, ut illa appellatione vita significatur, in quam homines sint reveccandi universae resurrectionis die, eaque iuncta cum beatitudine longe excellentiori, tum demum usurpanda, ita etiam hec vocabulo mors indicatur, corporis animique quae cernatur separatione, eaque iuncta cum infelicitate longe miserrima, tum demum perferenda (37). Quomodo porro, quaeso, haec nostra verba allegorice explicari possent, cum in oratione prophetica non vero poetica obvia sint? allegoriae enim verae ita debent esse comparatae, ut non prorsus a communi dicendi genere recedant, sed ut facile etiam perspiciatur, quid sit, quod aliis aliunde petitis verbis et imaginibus dicatur. Quod ad lo-

(35) Vid. SCHLUSSEN. in-lex. V. Θάνατος, Ζωή, Θάνατος, etc. (36) Conf. CL. SURINGER disputatione de ultimo iudicio, ed. a societate Hagana 1804. p. 156. (37) Vid. rev. C. W. STRONG l. l. p. 162, 163.

eum *Rom.* VI, 4. attinet, hic certissime ἀπεθνήσκον affertur; Christiani enim, uti recte observavit schottus in *disf. de consilio* etc. p. 53, cum hic, per *lavacrum sacrum*, veluti sepulcro dicantur reconditi, patet, verba *mortis* et *moriendi* minime ita adhiberi, ut eos innuant, qui vitiis sint obnoxii, sed solummodo transferri ad homines erroribus ac vitiis, eo ipso, quod lavacrum sacrum subeant et religionem Christi amplectantur, quasi morientes, i. e. renunciantes (38).

Secundo: respexit I. vs. 28 et 29, per resurrectionis imaginem hominum emendationem adumbrans, multa V. T. loca. Omnino enim in his formulis explicandis recurrendum est ad usum loquendi prophetarum, quorum dicendi ratio haec est, ut devastationem et destructionem urbis aut patriae compararent cum sepultura, eiusdem vero instaurationem et restitutionem cum reditu ex sepulcro; luculentissima hac de re sunt loca *Ies.* XXVI, 19. *Ezech.* XXXVIII, 3. seqq. *Dan.* XII, 2. ubi, „multi”, inquit propheta, „qui sub „terra obdormiverant, expergescent, alii quidem ad vitam aeternam, alii ad opprobrium et ignominiam aeternam.” Pari modo et in nostro loco prodire dicuntur, qui in sepulcris sunt, et qui crediderunt transire ex morte in vitam. Responsio autem iterum in promptu est: in locis scilicet citatis *Ies.* et *Ezech.* sermo est de restitutione civitatis Iudaeorum collapsa, non de resurrectione morali, verba igitur ibi obvia in nostrum commodum nec verti, nec hocce loco applicari possunt: de loco DANIELIS autem diversae sunt interpretum sententiae, alii de restitutione civitatis et exulum oraculum illud interpretantur, v. STÄUDLINII *beyträge zur Erläuterung der phropheten* p. 303. seq. alii de restitutione famae et nominis Iudaeorum defunctorum tempore Antiochi IV. locum illum intelligunt, alii iterum alio modo hunc locum explicant, verum nullus unquam interpretum ibi de resurrectione morali cogitandum esse statuit, praeterquam quod nulla certa dari posset ratio, qua vindicatur, I. hunc locum in suam rem transtulisse.

Tertio: usus temporis *praesentis* in verbis ζῶντων, ἰσχυς vs. 21. et ἰχθς usque ad ἰσχυται vs. 24. comprobatur interpretationem allegoricam. Verum

(33) Vid. KUINOEL ad h. l.

iam a multis interpretibus, iisque doctissimis, observatum est, nihil *IOHANNIS* esse frequentius, quam enallage temporum, multis enim in locis pro praesenti futuro usus est, quemadmodum in ipso hoc capite vs. 25, 28 et 29. (39)

Quarto: ipsum Servatoris nostri effatum, *se in vitam revocaturum fore; quoscunque voluerit*, satis indicat, hic non cogitandum esse de resurrectione corporum, cum ex aliis locis notum sit, resurrectionem Physicam non aliquos, sed omnes homines, demum esse spectaturam, atque sic *ὅς θάλα* significat *quos amat*, et vs. 28. *πολλοί ἐστιν οἱ νεκροί* multi seu *plures* sunt *moraliter mortui*. Erudita sane interpretatio!! non tenent hi homines, uti iam monuit Cl. *ΜΙΧΑΗΛΙΣ* ad h. l. et *SCHOTTUS* l. l. p. 50. quod verba ita sint distinguenda; ut illud *ὅς θάλα* referatur ad *ζωοποιῶν*, non ad *ἐγώ*, verba namque *ἐγώ* et *ζωοποιῶν* h. l. distinguuntur, ita, ut posterius sit *felicem reddere*, ut *Gal. III, 21*, immo infra vs. 29. ipse noster Servator distinctionem facit inter resurrectionem *omnium mortuorum* et inter *conditionem duplicem* resurrectionem secuturam, alteram *piorum*, alteram *impiorum*. „Iam autem, dum I.” uti inquit *SCHOTTUS* l. l. „suam efficaciam divinae, sua opera divinis comparat, verbis addendis: *ἐγώ καὶ ὁ υἱός κ. τ. λ.* sermone utitur breviori, ita ut „non nisi potestatem sibi traditam (vs. 26, 30. cuius usu Deum Patrem imitetur) homines resuscitados, quos voluerit, vita beata donandi, diserte commemoret, alteram vero ipsius provinciam (cuius administratio illud *ζωοποιῶν* tempore praecedat necesse est) mortuos in vitam revocandi, quam v. 25. 26. 28. aperte sibi vindicant, nunc quidem praetereat;” id dein comprobatur, quod statim ultimum commemoratur iudicium, nam nullo unquam modo illud *τὸ ζῆναι* hic sensu morali (uti hi f. f. interpretes putent) accipi potest, sed solummodo vertenda sunt, *sicuti Pater mortuos resuscitare et vita beata donare potest, ita et Filius, quoscunque voluerit, vita beata donandi potestatem habet.*

Quinto: verba vs. 25. obvia, *καὶ ὅς ἐστιν*, indicant, Servatorem hic de morali

conversione locutum fuisse. Ita SEMLERUS, HEZELIUS alique, qui opinati sunt, IESUM loquentem de resurrectione physica, dum uteretur verbis, καὶ νῦν ἐγώ, insuper etiam de morali quadam animorum resurrectione iam nunc incipiente cogitasse. Verum omnibus eruditioris ingenii interpretibus notum est, quod haec verba referenda sint ad exempla mortuorum iam iam a C. in vitam revocandorum, quibus verbum illud ζῶσποιεῖν applicari debet, et, quemadmodum SCHOTTUS l. l. p. 51. monet, haec verba ita sunt interpretanda, ac si in parenthesi fuissent posita: *huius rei exemplum mox iam habebitis, revocaturus enim sum mea auctoritate nonnullos mortuos.*

Sexto: denique sunt interpretes, uti PAULUS (40), qui putant, vocabulum φωνῆν et ἀκούεσθαι τῆς φωνῆς significare: *morem gerere eius doctrinae*; ἀκούειν enim, sive ἀκοίειν τῆς φωνῆς αὐτοῦ, quod additum est ad consuetudinem Hebraici שמע לכול, notat *obedire, et obsequium praebere erga doctrinam christianam*; I. igitur haec omnia metaphorice videtur usurpasse, ac intellexisse conversionem Iudaeorum ac gentilium ad religionem christianam: porro iidem hi interpretes genitivum αὐτοῦ, ad subiectum Patris, non vero ad subiectum Filii, referunt, quasi mortuorum resuscitatio non C. sed Dei esset opus. Verum, uti recte observavit Cl. KUINOELIUS ad h. l. argumento et consilio differt ab iis, quae vs. 25. leguntur: etenim vs. 24. verba facit I. de vera felicitate cultoribus suis parata, versu autem 25. de resurrectione *omnibus* expectanda, deinde vs. 28. repetita sunt ea, quae vs. 25. leguntur, verba namque vs. 28. ὅτι ἐρχεται — τῆς φωνῆς αὐτοῦ respondent verbis v. 24. ὅτι ἐρχεται ὁ υἱὸς τοῦ Θεοῦ, hoc tantum discrimine, ut qui supra vs. 25. nominati sint οἱ νεκροί, infra v. 28. dicantur πάντες ἐν τοῖς μνημείοις, unde evidentissime patet, utrumque versum agere de resurrectione physica, et de omnibus omnino mortuis in vitam revocandis.

Quae hactenus diximus, sat luculenter docere quemque posse arbitramur, hunc locum minime de emendatione hominum per C. doctrinam explicandum esse (41); praeterquam quod et aliae essent rationes, ob quas haec verba soc

(40) In *Philol. Krit. und histor. Comm.* ad vs. 25. (41) Conf. etiam ven. C. W. STRONCK in *Specimine Hermen. Th.* s. l. praef. Cl. HERINGA 1797. p. 162.

lummodo proprie accipienda sint: quomodo enim v. c. Servator dicere potuisset, opera maiora se facturum, quam erat sanatio aegroti hominis, nisi intellexisset talia, cuius modi erat refuscatio mortuorum? aut, qui tandem cultum parem cum Patre verficulo 23. postulare potuisset, si, quae antecedunt, de munere docendi essent intelligenda, seque adeo ipsum non nisi pro doctore habuisset, haberique voluisset? (42)

Proprie igitur et sensu grammaticali haec omnia sunt accipienda, exponit namque Servator hoc commate uberius, quae iam dixerat vs. 19 et 20. de se idem illud agente, quod agat Pater, et ad Patris exemplum maiora opera praestituro, *ut enim Pater, inquit, mortuos suscitavit et vivificavit, ita pari modo Filius vivificavit mortuos, quoscunque voluerit.* Quisque igitur facile videt, haec omnia arcte cohaerere cum vs. 20, καὶ μὴ ζῶντα τεύξω κ. τ. λ. locutus enim erat de maioribus operibus; nunc vero ostendit, quatenam sunt et qualia haec opera maiora. Quamquam enim Servator iam multa eaque magna patraverat miracula, haec tamen, ad Patris exemplum praestitura, longe maiora essent, ac evidentiora exhiberent potentiae specimina, quam quae ad huc usque ostenderat; maior enim est potentia, qua quis mortuos in vitam revocet, quam potentia, qua aegrotis restituat sanitatem: et tamen hoc agendi facultatem Filio tradiderat Pater. Praeterea Dominus hic sibi vindicat potestatem non tantum mortuos suscitandi, sed, quod maius est, vivificandi: dabit iis I. C. non tantum vitam, sed etiam vires vivendi in perpetuum; quod non potest nisi is, qui vere est Deus. Verba οὐκ δίλω non sine causa profecto a Servatore addita sunt; immo magna illis inest emphaseos vis, quippe his indicare voluit I. Filium hac in re *sua* agere *auctoritate*. Eadem igitur hic laudatur Patris Filiique voluntas, eadem auctoritas, eadem utriusque potentia divina, nullis circumscripta limitibus. Dicit Filius, aequae ac Pater, et fit, iubet et adest. (43)

Errare autem nobis videtur in explicatione horum verborum excellentissimus oeteroquin Theologus CALVINUS, qui in *comm. suo in Euang. IOH.* sequentia ad h. l. adnotavit: „dicit I. se vitam dare cui vult, quo significat, non „nisi certos homines (h. e. *electos*) hac gratia se peculiariter dignari;” longe

(42) Conf TITTMANNI *commentarius* ad h. l. (43) Vid. TITTMANNI *commentarius* ad h. l.

enim alio modo haec verba, uti monuimus, explicari debent, praeterquam quod nullus hic instituatur sermo de sic dicta electione vel reprobatione.

Ceterum, uti observavit GROTIUS, ἐγείρει sumendum est sine temporis definitione, i. e. *cum vult*, et verbum ζωοποιεῖ tanquam aptior explicatio sumi potest (per ἐπεξηγήσαν) eius, quod dixit ἐγείρει, et hic non significat *aeternam alicui dare felicitatem*, sed *vitam alicui restituere*, uti Rom. VIII, 11. 1 Cor. XV, 22. 1 Tim. VI, 13. Ἐγείρειν autem proprie significat *aedificare, instaurare*, et hinc, *de mortuis et in sepulcro positis, excitare* Ioh. II, 19. Act. III, 15.

Nullae, quo ad hucdum scimus, hoc in commate occurrunt variantes lectiones, sed omnes codices in lectione recepta consentiunt.

Vs. 22.

Ut adhuc fufius explicaret Servator noster, quae commate 21 dicta erant, addit: ἡδὲ γὰρ ὁ πατὴρ κ. τ. λ. *neque Pater de quoquam, in vitam revocato, iudicium instituet, sed hoc omne homines iudicandi negotium commisit Filio*. Itidem haec omnia proprie sunt accipienda, quamquam et alii sint interpretes, ut PAULUS, ECKERMANNUS, OERTELIUS aliique, qui putent, Iesum h. l. potius de potestate sua, cum his in terris viveret, secundum novae religionis placita de eo iudicandi, utrum quis regno Mesiano eiusque bonorum dignus, an indignus esset, verba fecisse, quam de iudicio extremo olim instituendo. Haec tamen interpretatio, uti antea vidimus, falsis nititur fulcris, atque e contextu satis apparet, de quonam iudicii genere Servator noster locutus sit (44); arcte nempe haec verba cum praecedentibus cohaerent: nam, cum ei concessa sit potestas atque auctoritas in vitam suscitandi αἱ ὅλοι, ei a Patre non abnegata est hominum iudicandorum facultas.

Intellexit hic Dominus ius et potestatem iudicandi aliquando genus humanum, h. e. sive praemia, sive poenas cuique, pro factis ante actae vitae, par-

(44) Conf. *disput. rev. et Doct. REDDINGII de ultimo iudicio*, edita a Societate Hagana p. 68. „de uitdrukking,” inquit, „de Vader heeft al het oordeel den Zoon gegeven, wat beteekent die „anders, dan, de Vader heeft het beoordeelen en vonnissen van alle menschen opgedragen aan den „Zoon?”

tim decernendi, partim attribuendi; hoc profecto est opus, supra omnia alia admirandum opus, Deo proprium, postulans divinam scientiam, potentiam, sapientiam ac iustitiam.

Verba igitur vs. 21. a Servatore pronunciata, et, uti ad h. l. observavimus, accipienda de miraculis, quibus Servator homines vere mortuos denuo vivos redditurus esset, dum his in terris versaretur, nunc ab eo translata sunt ad iudicium extremum, quod a Filio peractum iri diserte docuit Paulus *Act. XVII, 51. Deus per Filium ad hanc rem destinatum iudicaturus est hominum universitatem*. Haec Pauli effata de alio quodam iudicio explicari non possunt: quid enim Atheniensibus referebat iudicium de urbe Hierosolymitana? Igitur, cum sit caput, ut ita dicam, doctrinae librorum N. T., negotium iudicii habendi de genere humano, decernendique pro factis cuique sive praemia sive poenas, traditum esse ac demandatum a Patre Domino nostro; mirum profecto videri non potest, I. C. et in nostro loco hoc negotium sibi vindicasse, et commemorasse tanquam exemplum operis stupendi.

Praesens tempus *κρίσις* hic positum est pro futuro, ad certitudinem indicandam, habetque significationem *poenas et praemia decernendi*, praesertim in futuro seculo. Unde profecto non video, quare BOLTENIUS ad h. l. illud *κρίσις κρίσις*, et vs. 27. *κρίσις κρίσις* per *condemnare* et *condemnationem* vertat, ita secutus GROTIUM. Quanquam enim haec vocabula saepius in N. T. libris ita usurpantur, ut significant *condemnationem* et *condemnare* (*κατακρίσις* et *κατακρίνει*), immo etiam tali sensu in ipso hoc capite occurrunt, tamen, cum I. in hoc sermone de resurrectione mortuorum, proprie sic dicta, verba fecerit, id quod argumentis certis demonstrasse nobis videmur; per se intelligitur, in hoc eodem sermone ea, quae Christus de *κρίσις* protulit, explicari deberi de iudicio a Iesu Messia olim instituendo. Hanc interpretationem omnis orationis series flagitat. (45)

Particula *γὰρ* simpliciter hoc loco, uti saepius, orationem connectit (46), non vero causam reddit, ut GROTIUS putat. Ceterum censet GLASSIUS (47), non hic positum esse pro *non solum*, eo sensu, ut sit *cum primis* vel *potisfi-*

(45) Vid. H. H. DONKER CURTIUS, *spec. herm.* p. 91. (46) Vid. SCHLEUSNERI *Lex.* in *V.*
(47) Conf. *Phil. Sacr. Lib. III. Tract. V. Can. 22.*

num: Pater non solus iudicat absque Filio, sed cum Filio et per Filium! Haec autem Viri Cl. observatio minus vera nobis esse videtur, cum in omnibus locis, in quibus hac de re mentio facta est, Filius tanquam unicus huius iudicii supremi index laudetur, immo hoc ipso in loco ei commissum esse legamus τὴν κρίσιν ΠΑΣΑΝ; accedit denique, quod soli Filio, tanquam Mesiae, traditum est hoc iudicandi ius atque auctoritas.

Una solummodo lectio varians hic occurrit in CYPR. ad Quir. III, 33, legitur nempe εἶδεν ἀλλὰ pro οὐδὲν ἀλλὰ; uti et TERTULLIANUS habet, contra Prax. cap. 21. Quae falsa lectio nulla alia de causa orta esse videtur, nisi quod veteres Graeci omnia fere vocabula una serie describere solerent, sequenti modo: ΟΥΔΕΝΑΑΑΑΑ. Ex hoc scribendi genere talis falsa lectio facile suam ducere potuit originem. (48)

Vs. 23.

ἵνα πάντες τιμῶσι κ. τ. λ. ut omnes Filium pariter colant ac Patrem; qui Filium non colit, is neque Patrem colit, qui illum misit. Scilicet; quoniam Filius habet et potest, quaecunque Pater potest et habet, accepitque a Patre auctoritatem mortuos suscitandi et ultimum illud iudicium ferendi, propterea oportet homines omnes eodem modo Filium colere ac Patrem.

Evidentissimum sane argumentum pro Divina I. C. natura. Etenim sibi tribuit Servator in antecedentibus non tantum opera plane divina, verum hic sibi disertis verbis etiam vindicat cultum religiosum, et quidem aequalem ei, qui praestatur Patri, adeoque unice vero Deo. Idem hic honor ei tribuitur ac Apoc. V, 12, 13. qui locus est elegantissimus, et aptissimus ad haec Servatoris effata explicanda: Ἀξιόν ἐστι τὸ ἀγνόν τὸ ἱσφαγμένον κ. τ. λ. Profecto, si quis Servatoris dictum modo maxime sublimi exprimere voluisset, non potuisset maius quid aut sublimius excogitare: non enim sufficit coelestium hy-

(48) Vid. MICHAELIS *introducing in de Schriften des N. T.* Tom. I. p. 513. conf. itidem MILLII *prol.* 706. et W. BOWYER in libro *Critical conjectures and observations on the N. T.* p. 116. „εἶδεν γὰρ ὁ πατὴρ κήρυξ ἑαυτοῦ, Erasmus observes that Cyprian twice cites this passage in such a manner as shews he read εἶδεν, which seems the better reading. *Beza.*”

mnus, dignus est agnus qui potestatem accipiat, divitias, sapientiam, vim, honorem, gloriam ac laudem; verum omnes etiam res creatae, per universum terrarum orbem, Deo throno insidenti simul et agno occiso laudem tribuunt et honorem, gloriam et imperium, in sempiterna secula. Doct. DONKER CURTIUS in *spec. herm.* l. l. p. 59. ad locum nostrum sequentia adnotavit: „loci „ex Euang. illustrissimi sensum optime ipse exposuit IESUS, hanc ob causam „hominibus impositam esse necessitatem colendi Filium, quod Pater eum in „mundum miserit, ita ut locus omnino bene videatur expressus ab H. CRO- „TIO: „ut homines,” inquit, „cognita hac Filii potestate, eum colant ac re- „„vereantur. Qui legatum, praesertim cum plenissima potestate missum, iniuria „„afficit, is iniuria eum afficere censetur, cuius personam legatus sustinet.” „Neque diversus PISCATOR. „Pater igitur,” ut cum CALVINO loquar, „agnosci „„vult ac coli in Filio. Verum Deum non alibi quam in C. reperiemus, nec „„rite aliter eum colemus, quam Filium osculando.”” Atque sic πάτρις debent τιμῆν τὸν υἱὸν, quemadmodum τιμῶσι τὸν πατέρα.

Exstat autem hoc loco magnum discrimen inter interpretes, quonam scilicet sensu accipienda sit vox τιμῆν. Constat namque, hoc verbum saepe in N. T. usurpari de hominibus, ita ut denotet *venerari*, itemque *praemiis ac beneficiis afficere, alere, sustentare alicuius praecepta*, rell. nulla vero cultus religiosi ratione habita. Quod si igitur verbum ita hic accipiamus, sensus erit: *evenire aliter non potest, quin omnes Filii praecepta exsequentes eum honorant, quemadmodum Patris exsequentes praecepta hunc honorant.* Verum, hoc verbum τιμῆν non illo sensu hoc nostro loco intelligi posse, putamus. De Patre enim usurpatum non potest non exprimere cultum religiosum, quo Patrem prosequimur; describitur enim ille cultus divinus *Deut. VI, 15. Κύριον τὸν Θεόν σου φοβηθήσῃ, καὶ αὐτῷ μόνῳ λατρεύσεις, καὶ πρὸς αὐτὸν καλληθήσῃ, καὶ ἐπὶ τῷ ὀνόματι αὐτοῦ ἰμῶ, Dominum Deum tuum veneraberis, eum solum coles, ei adhaeresces, et in nomine eius iurabis*: hac etiam significatione occurrit *Matth. XV, 8.* immo vs. 9. commutatur cum formula σιβεῖσθαι τὸν Θεόν, et respondet verbo hebraico כָּבַד, quod omne honoris cultusque genus exprimit (49). Quae cum ita sint, ipse noster Servator, ubi hac locutione utitur, ea omne id com-

(49) Conf. 1 *Sam.* II, 29, 30. 1 *Chron.* XVI, 24, 28, 29.

plectitur, quo Deus coli et observari debet, atque eundem cultum ad se refert, nulla in re minorem cultu Patris (50). Quamvis igitur nonnulli negent, *ex hac comparatione effici posse, esse idem honoris cultusque genus, quo Filius et Pater affici debeat* (51); tamen ex ipsa verborum significatione sponte apparet, Filium pari modo colendum esse ac Patrem.

Sunt porro interpretes, qui arbitrantur, I. his verbis significare velle, *uti Iudaei, vetera legis, quae Patris erant, instituta, tanquam veram religionem, sequebantur, ita postea omnes Filii praecepta, et quam docebat religionem, sequi debere* (52). Verum plane effici nequit, religionem Mosaicam Patris, et Christianam Filii ita fuisse dictam, ut hac appellatione a se invicem seiungerentur (53): neque etiam de doctrina sua locutus erat Christus; sed de potestate, et potentia sua.

Quanam autem in re hicce Dei cultus consistat, non difficile est ad inquirendum: Quippe nihil aliud est, quam ita cogitare de Deo, ita ratione Dei sentire et agere, uti se suamque naturam revelavit; revelavit autem se tanquam Numen Optimum ac Supremum, tanquam Creatorem ac Gubernatorem omnium, tanquam Patrem optimi nostri Servatoris I. C. nostrum igitur est, ita cogitare de Deo et agere ratione Dei, ut consentaneum sit Summo Numini Creatori, Gubernatori ac Servatoris nostri Patri. Summo igitur honore ac cultu prosequi eum debemus: eoque magis, quia se peculiari modo revelavit per Filium suum I. C. tanquam talem, qui nos ante mundum conditum, ita quidem adamaverit, ut Filium suum dare decreverit, ac revera dederit. — Quomodo autem Filium colere debemus? Filium, qui se profusus est talem, qui haberet quaecunque habet Pater, posset quaecunque Pater potest, faceret quaecunque facit Pater? Responso est in promptu. Dominus eundem sibi cultum postulat, qui exhibetur Patri; non similem, sed aequalem; non in hac vel illa parte, veluti ratione doctrinae, sed omni ex parte. Quemadmodum igitur Patrem agnoscimus tanquam verum Deum, qui nostrum in

(50) Vid. Cl. H. ROYAARDS *diatribe de divinitate Iesu Christi vera*, p. 32. seqq. ubi egregie vir ille Cl. in l. n. commentatus est. (51) Uti ZACHARIA, *bibl. Theol.* P. I. p. 388, et ipse ROSENMULL. ad h. l. (52) Vid. SEMLERUS, *in paraphr.* ad h. l. (53) Vid. itidem Cl. ROYAARDS l. l.

commodum Filium suum hasce in terras misit, ita etiam I. C. debemus agnoscere tanquam Servatorem, Patri parem et aequalem, generis humani vindicem. Quemadmodum laudamus Deum Patrem, eumque celebramus ob perfectissima ipsius attributa, opera ac beneficia, ita et Filium, easdem ob causas, nos laudare et celebrare oportet. Hoc est illud praeceptum: *ὡς πάντες τιμῶσι τὸν υἱόν, καθὼς τιμῶσι τὸν πατέρα*. Talis igitur cultus Filio praestandus est.

Cum haec igitur ita sint, contortam sane suppeditant interpretationem, ac iniuriam faciunt, uti recte TITTMANNUS ad h. l. observavit, Servatori nostro hi interpretes, qui putant, per vocem *καθὼς* non expressam esse identitatem, sed similitudinem quandam, et verbum *τιμῶν* eo modo explicant, quo antea vidimus; immo maxime miramur, illos hanc interpretationem, a SCHLESINGERO propositam et a KUIJNOELIO defensam, comprobata habere ex iis, quae leguntur com. 24. τὸν λόγον αἰκνύειν et πιστεύειν τῷ πέμψαντι, et ex verbis iam expositis *τιμῶν τὸν πατέρα τὸν πέμψαντα*: unde ex illorum sententia appareat hic sermonem esse de Iesu tanquam legato divino eiusque doctrina, minime vero de eius identitate cum Patre. Recte quidem dicunt, hic sermonem esse de I. tanquam legato divino: verum de se ipso Servator, tanquam Patris legato, tanta iam dixerat praeclara ac divina, ut, qui ab antecaptis opinionibus sit immunis, non ei abnegaturus sit divinam voluntatem, potentiam ac maiestatem; quid igitur impedit, quo minus ei etiam praestandum esse cultum vere divinum statuamus, ac Filio legato eundem praestemus cultum, qui Patri leganti exhibetur? Neque talis interpretatio absque ullo unquam modo probari potest, uti antea vidimus. Luculentissime igitur patet, qualis quantaque Filii sit maiestas, qui Patri par est, ac eodem cultu venerandus. Immo, profecto nescimus, ut verbis utar TITTMANNI, num sit argumentum illustrius et evidentius ad intelligendam divinam I. C. maiestatem, quam quo usus est Dominus ipse in hoc loco. Tali modo loqui non poterat, sine iniuria in Deum, homo merus, ne propheta quidem, aut alius eiusmodi legatus Divinus, nisi Filius Dei verissimus!

Vocabulum *ὡς*, quod saepius in N. T. usurpatur, significat *unde evenit, unde aliter fieri non potest*: 1 Pet. V, 6. Rom. XI, 31. Ioh. IX, 2. III, 59. Causa igitur huius cultus quaerenda est in illis potentiae, auctoritatis, voluntatisque speciminibus, antea commemoratis.

Ceterum hic magnam Servatoris dicendi generis simplicitatem et perspicuitatem

tem observare liceat: duae enim res, quarum altera *vel* sequitur alteram, quaeque adeo sibi arcte sunt iunctae, *vel* etiam, quarum haec cum illa consistere nequit, illave adeo hanc excludit, hic copulantur, et simplicissima ratione enunciantur; uti etiam *Ioh.* XV, 23. et 1. ep. *Ioh.* II, 23. V, 12. (54)

Pro *ὁν τιμῇ* *Cod. Cant.* habet *ὄντι τιμῇ*, ex calami vitio; primo scilicet forsan pro *ὁν τιμῇ* legit *ὄντ' τιμῇ* ob sequentem *τ*, et dein addita est litera *ε*: de valore huius codicis antea iam vidimus. (55)

Vs. 24.

Pergit Servator hoc com. auditores suos monere de officio, quod eis iniunctum esset, erga illum praestando. Cum enim audivissent, ei iudicandi facultatem esse concessam, eumque alium non esse nisi verum Deum, iam a priori intelligere poterant, ei aequae ac Patri, qui eum miserat, fidem esse habendam. Hanc ob causam profitetur Servator: *Ἀμὴν ἀμὴν λέγω ὑμῶν, κ. τ. λ.*

Vocabulum *κρίσις* hic positum est pro *κατακρίσις*, et hic certissime usurpatur, uti saepe etiam alibi, de *condemnatione* et *poena* (56): conf. *Matth.* XXIII, 33. *Ioh.* III, 19. *Act.* VIII, 33. *Heb.* X, 27. etc. Sunt vero interpretes, qui putent, *κρίσις* hic solummodo significare *iudicium*: verum, quomodo tunc haec verba conciliari possint cum eiusdem Servatoris in hac ipsa oratione effatis, quae leguntur vs. 22 et 27. ubi totidem verbis dicit, se a Patre potestatem accepisse iudicium ferendi et omne hoc iudicandi negotium ei ab illo demandatum esse? Formula igitur hic obvia solummodo significat: „qui doctrinae meae obsequitur, et credit ei qui me misit, vitam consequetur perennem, nec damnationem experietur” (57); eodem modo ac versu 29. *ἀνάστασις κρίσις* opponitur *ἀνάστασις ζωῆς*. (58)

(54) Vid. Rev. STRONCK in disp. I. p. 217. (55) Vid. annot. ad vs. 17. (56) Sic iam PHAVORINUS: *κρίσις ἢ κρίσις ἀς ἐν τῇ εὐαγγελίᾳ, καὶ εἰς κρίσιν οὐκ ἔχοντα, τοὺς ἔσθ' ἐστὶν οὐ καλῶνται*: nec non CHRYSOSTOMUS, qui iam recte hanc phrasin explicavit per *ἐν καλῶνται*. Conf. etiam WETSTENIUS in N. T. ad h. l. et loci ab eo citati; itidemque WOLFIIUS in curis ad h. l. denique et Doct. REDDINGIUS in disputatione *de ultimo iudicio* supra I. p. 68. (57) Conf. Cl. SURINCAR disputatione *de ultimo iudicio* f. l. p. 176. seq. (58) De usu vocabulorum *κρίσις*, *κρίσις* vid.

Credite igitur mihi, inquit Servator, qui meis sermonibus fidem habuerit, credideritque me mittenti, is potietur vita aeterna, nec perniciem experietur, ἀλλὰ μεταβίβηκεν ἐκ τοῦ θανάτου εἰς τὴν ζωὴν, sed ille transibit e morte, e misero statu, in vitam, in feliciorem statum, habet enim certam felicitatis futurae spem, non fiet miser. Iisdem fere verbis locutus est Servatoris discipulus IOHANNES in I eius Epist. c. III, 14. dicens: Ἡμεῖς εἶδαμεν, ὅτι μεταβίβηκαμεν ἐκ τοῦ θανάτου εἰς τὴν ζωὴν, ὅτι ἀγαπῶμεν τοὺς ἀδελφούς. Ἐρχεται et μεταβίβηκε vim obtinent Futuri, uti Ioh. I, 15. 1 Ioh. III, 14. (59)

Ἀκούειν τὸν λόγον hic denotat, tali modo audire Servatoris effata, ut iis fidem habeamus, ac morem geramus: respondent quippe inter se formulae ὁ τὸν λόγον μου ἀκούων, et πιστεύων ᾧ πρόμεινεν με; saepe enim ἀκούειν, ut Hebr. שָׁמַע, denotat obtemperare, obedire (60), uti Cap. VIII, 47. Act. III, 22. IV, 29. VII, 37.

Τὸν λόγον hic cum TITTMANNO intelligo sermones illos hoc tempore a Servatore coram Iudaeorum proceribus habitos: summam enim totius Religionis Christianae in his exposuerat Dominus, palam professus erat, se perpetuo operari, ut Pater operatur ad hominum salutem, se nihil facere suo arbitrio, verum omnia agere ad Patris exemplum, se a Patre accepisse potestatem mortuos excitandi et vivificandi, quod dicunt, Filium pari modo colendum esse ac Patrem, rell. Iam, hunc λόγον intellexit Dominus; ei fidem haberi voluit.

Πιστεύων τῷ πρόμεινεν Patri hoc loco idem est ac firmiter credere, ea esse vera, quae Pater per Filium de felicitate alterius vitae promittit: θάνατος hic denotat omnem miseriam, quae oritur ex peccato, animi perturbationes, motus a conscientiae culpa oriundos, post hanc vitam futuram infelicitatem (61); qui autem religionem C. fide sincera amplectitur, is liberatur ab hac miseria, et transit εἰς τὴν ζωὴν, h. e. in feliciorem statum. (62)

SCHLEUSNERI lex. in V. nec non disputatio Viri Cl. I. VAN VOORST de poenis divinis p. 15, 16. TELLER Wörterb. des N. T. in V. HESSELINK, Uitlegk. Woordenb. des N. T. in voce. (59) Conf. GLASSIUS, Phil. I p. 427. Μεταβίβηκεν hic, notante CRAUSERO in Phosph. N. T. p. 119. eleganti ac suavi Metaphora de mortis placidae et beatæ conditione usurpatur. (60) Vid. LANGE l. l. p. 176. „Eigentlich ist ὁ πιστεύων ᾧ πρόμεινεν με eben so viel als, ὁ ἀκούων τὸν λόγον μου, mehrmaligen Behauptung, dass die Lehre, welche er vorträgt, nicht seine eigene, sondern die Lehre Gottes ist, welche zu verkündigen dieser ihn zu den Menschen gesandt hat.“ (61) Minime enim, uti antea vidimus, et ROSENMULLERUS in Schottis ad h. l. et SCHLEUSNERUS putat, θάνατος significare potest omnem infelicitatem, quae homini ante mortem contingat. (62) Conf. Rev.

Ceterum hic iterum apparet, quam perspicuus fuerit Servatoris loquendi mos: binae enim res sibi hic iunguntur, quae paene idem indicant, saltem non multum inter se sunt diversae. Conf. etiam *Cap. IV, 34.*

Quod ad variantes lectiones attinet. ὅτι deest in *Cod. D. Wetst. (cant.) Edit. Erasmi*: cum vero omnes ceteri *codd.* de lectione recepta consentiant, et ipsum illud vocabulum optime cum loquendi formulis, hac in oratione a I. usurpatis, conveniat, ut vs. 25. ὅτι ἔρχεται κ. τ. λ. et vs 27. ὅτι υἱος κ. τ. λ. profecto retinendum est. Pro τὸν λόγον *Chrysoſt. Arab. Tertull.* non semel habent τὸν λόγον, et *Clem. Alex.* ac *Theophil.* τὸν λόγον: grammatices regulis magis quidem est conveniens, sed id eo etiam magis probat, ab ipsis illis Patribus hanc lectionem esse excogitatam (63). Idem valet de lectione *Nonni Vulg.* in prioribus edit. *Tertull.* Nonnulli *codd. Latini*, teste *Beza*, pro μεταβίβηκεν habent μεταβήσεται, ad sensum scilicet (64). Denique *Cod. 73. Wetstenii* pro πνεύμα habet πνεύμας: quae lectio mihi etiam videtur grammatices studio originem suam debere, nihilque, ob codicis exiguum valorem, habere auctoritatis. (65)

Vs. 25.

Pergit iam Servator hoc commate eodem loquendi genere, ἀμὲν ἀμὲν λίγω ὑμῖν, κ. τ. λ., non alio consilio, nisi ut sic magis Iudaeorum attentionem ad se traheret: *instat tempus, immo iam adest, quo mortui audiant vocem Filii Dei, eaque audita vivant.*

Docet I. hiis verbis, quae cum praecedentibus arctissime cohaerent, se esse liberatorem a perniciē, dum a morte liberat, atque auctorem vitae, dum e mortis potestate revocat mortuos, eosque, qui Patri et ei fidem habent, ad vitam ducit; ac sibi tribuit opus plane Divinum, resurrectionem nempe mortuorum.

Sunt iterum interpretes, qui, hunc locum allegorice explicantes, hiis verbis sensum tribuunt moralem, uti v. c. *BAHRDT, EICHHORN* (66), *ECKER-*

STRONCK I. L. p. 163. (63) Vid. MILLII *prol.* 1060. (64) Ibid. 913. (65) Conf. WETSTENII *prol.* in N. T. p. 54. (66) In *Allg. bibl. der bibl. Literatur*, Th. VII. St. 5. S. 958.

MANN (67), aliique. Verum ex iis, quae antea adnotavimus, satis apparet, hic non cogitandum esse de regeneratione generis humani per I. doctrinam, sed de vera resurrectione physica. (68)

Pro certo igitur, inquit Servator, habeatis velim, fore, ut mortui omnes ultimo hoc iudicii die vocem Mesiae audiant, eaque audita in vitam sint redituri: *inflatur enim tempus, immo iam adest*. Scilicet observandum est, I. C. brevi post excitasse filiam IAIÏRI, adolescentem NAINITICUM et dein LAZARUM: et hoc certe respectu haec a Servatore addita sunt; nullo enim modo ita loqui poterat de ultimo iudicii die. Immo, verba ita esse intelligenda, probat phrasis: ἔρχεται ὥρα, καὶ νῦν ἐστὶν, coll. vs. 28 et 29; ubi demum de universali resurrectione mortuorum sermo est. (69)

Magna profecto emphasis est in formula hic a I. usitata: τοῦ υἱοῦ τοῦ Θεοῦ; si modo conferantur cum dictis vs. 24. I. enim, iis cum persuadere vellet, se re vera esse Mesiam, divinitus missum, ac Deo parem, tali usus est sermonis genere, ut facile intelligerent, eum, qui tam magna praestiturus esset miracula, de quibus mentionem fecerat (mortuorum resurrectionem etc.), vere esse Filium Dei, patribus promissum Mesiam. Eodem hoc redit, ac si Salvator dixisset: „ego vobis ostendam, mihi competere talem maiestatem, talem vim divini, nam, quae requiritur ad mortuos resuscitandos, iisque summam felicitatem, suppeditandam, unde planum fiet, Patrem me vere constituisse Mesiam, me, vere esse τὸν υἱὸν τοῦ Θεοῦ.” Οὕτως τοῦ υἱοῦ τοῦ Θεοῦ intelligere debemus summam vim, omnipotentiam divinam Filii Dei: conf. 1 Cor. XV, 51 et 52. 1 Thesf. IV, 16. Pf. XXIII, 9. Rom. IV, 17. Ἀκούειν nihil aliud significat, quam *experiri eius vim ac potestatem in suscitandis mortuis*.

Verum, ut iterum revertamur ad sententias aliorum interpretum, SEMLERUS ad h. l. existimat, I. hic innuere fabulam quandam, apud Iudaeos de Mesia confictam, in mille annorum felicitatem multos & mortuis transfe-

(67) Handbuch B. II. S. 754. (68) Conf. MORI *Hermen. N. T.* Vol. I. p. 292 et SURINGAR l. l. p. 156. (69) Conf. CL. VAN HENGELO in diss. ed. a societate Hagana 1809. III not. ubi hoc: „dat de spreekwijzen ἔρχεται ὥρα, en ἔρχεται ὥρα, καὶ νῦν ἐστὶν, onderscheiden zijn, kan men misfchien ook uit vergelijking van 16. 2, 3a leeren. Het eerste kan men eens komt het uur, het tweede, weldra komt het uur, vertalen.”

rente. (70) Verum ne levisimam quidem huius rei h. l. inesse suspicionem, quisque facile perspiciet, si modo consideret, Servatorem se nunquam accommodavisse ad perversas Iudaeorum opiniones, ut adeo haec expositio videatur subtilior, nimisque longe petita. (71) Praeterea Paulus in *Philos. Krit. und Histor. Komment. ad h. l.* putat, vocabulum *φωνῆν* hic idem valere ac *λόγον* vs. 24, et *ἀκούεσθαι τῆς φωνῆς* eodem redire ac vs. 24 *ἀκούειν τόν λόγον* ac *πιστεύειν fidem atque obsequium doctrinae I. C. habere.* (72) Porro quanquam vs. 28 et 29 de resurrectione Physica explicat, tamen in eo a nostra sententia recedit, quod *gen. αὐτοῦ* in verbis *ἀκούονται τῆς φωνῆς αὐτοῦ* ad Patrem, non vero ad Filium referendum esse putet, adeoque futuram mortuorum refuscitationem non C. sed Deo Patri vindicandam statuatur. Hanc autem interpretationem optime refellit *SONOTTUS* l. l., eamque duram atque audacem declarare merito non dubitavit; argumentum enim vs. 24. differt ab argumento vs. 25. Etenim priori versu verba facit I. de felicitate vera ac perpetua cultoribus suis, hoc nomine dignis, parata; vs. autem 25. de resurrectione omnibus expectanda; deinde vs. 28. repetita sunt quae vs. 25. leguntur, et verba *ὅτι ἔρχεται* usque ad *τῆς φωνῆς αὐτοῦ* respondent verbis *ὅτι ἔρχεται ἄρα* usque ad *ὁμοῦ τοῦ Θεοῦ*, hoc tantum cum discrimine, ut qui supra nominati sint *οἱ νεκροί*, infra vs. 28. dicantur *πάντες ἐν τοῖς μνημείοις*, unde sponte apparet et versu 25 et 28 agi de resurrectione physica et de omnibus omnino mortuis, sive C. doctrinam admiserint, sive eam repudiaverint. Atque sic haec omnia nullo modo applicari possunt morali cuidam refuscitationi animorum.

Verum non tantum recentiores sed et veteres cod. f. interpretes, praesertim ii qui studio allegorico addicti erant, mystice haec omnia explicuisse, patet ex annot. *WOLFFII* in curis ad h. l. ubi: „nolim haec cum nonnullis accipere de mortuis corporaliter eorumque excitatione, de qua vs. 21. sermo, nem esse ostendi, sed de mortuis corporaliter talibus, iisque ad vitam spiritalium revocandis accipienda putem, qui nempe a C. audituri sint verba „vitae etc.” Eodem modo *OEDERUS* l. l. p. 44. multique alii, quorum tamen sententias iam satis reprobata duximus iis, quae supra monuimus.

(70) Conf. L. BERTHOLT. l. l. p. 193. (71) Vid. doct. DONKER CURTIUS, *Spec. l.* p. 89. (72) Conf. Cl. MORI *recit. in Euang. Ioh.* ad h. l. qui et nostrae sententiae adstipulatus est.

Pergimus iam ad contemplandas varias huius loci lectiones. *Cod.* 69. (*Leis.*) *ισα* habet pro *ισω*. Verum hicce *cod.*, cum ex *vers. lat.* interpolatus sit, nullius est pretii. (73) *Cod.* I. *Wetsten.* (*Steph. vet.*) 1. (*Basil.*) 53. (*colb.* 2844.) 69. (*Leis.*) *colb.* I. *Cyr.* et *Chrysf.* *αἰνευσεν* legunt pro *αἰνοῦντας*. Hisce autem *codd.* adstripleri non possumus ob eorum exiguam auctoritatem. *Cod.* I. enim, 1 et 69. ubique fore ad *vers. Ital.* interpolati sunt, quod de *cod.* I. iam vidit L. BRUGENSIS (teste *Wetstenio*) alicubi dicens „multum „vereor ne ex latina edit. mutuati sint, libenter enim illi consonant contra „alios omnes.” (74) Et quod ad *cod.* 33. attinet „manifestum est,” inquit MILLIUS, „de hoc *cod.* eum ex illis fuisse, quos in usum Occidentalium ex „interpolatis ac mirifice corruptis Graecis suis scribae linguae suae exscripserant” unde sponte patet, quam falsa sit haec lectio. Exstat porro in *cod.* 61. (*Montfort*) et 56. a prima manu varians lectio, omisa voce *τῷ υἱῷ*. Prior autem *cod.*, teste *Eras.* ad 1 *Ioh.* V, 7., recentior est, quam quod hac in re valeat; immo multis in locis ad Latinam lectionem immutatus, quod etiam valet de *cod.* posteriore, qui in multis cum illo *Montf.* convenit. (75) Dein *cod.* K. (*Cyprius.*) 15. (*Reg.* 2868.) 28. (*Colb.* 4705.) 42, 44, 68. *Vers. Syr.* posterior in margine pro *Θεῷ* legerunt *ἀνθρώπου*, quae varians lectio sine dubio orta est ex vs. 27. et minime est recipienda propter parvam *codd.* auctoritatem. Omnes autem recensere, non operae pretium duximus, quia apud WETSTENIUM et MILLIUM in prol. fuisse haec omnia pertractata sunt. Denique pro *ζῴωντας* legunt *ζῴωντων*, *cod.* *Cant.* *Colb.* 8. et *Chrysost.*, qui tamen, uti antea vidimus, cum magna usi sint licentia in casuum, temporum etc. mutatione, nullius sunt auctoritatis, adeoque et haec lectio est reiicienda.

Vs. 26.

Ne autem procures Iudaeorum mirarentur, talem potestatem sibi tribuere Servatorem, causam subiecit maxime notabilem, nimirum hanc: *Etenim ut*

(73) Vid. WETSTENIUS in *N. T. prol.* p. 53. (74) Conf. MILLII *prol.* 1168, et WETSTENII *prol.* p. 41, 44 et 53. (75) Conf. WETSTENII *prol.* p. 51, 52.

Pater vitae facultatem habet in se, ita et Filio intunxit, ut eandem, quam in se habet, facultatem, exerceat.

Arctissime iterum hoc I. C. effatum cū praecedentibus cohaeret, ita ut unum contineat alterum, unde ex contextu luculentissime patet, quid verba haec sibi velint. Quod cum neglectum sit a multis antiquioribus interpretibus, verba absolute considerata explicantes, a veritatis tramite penitus aberrarunt, quippe putantes, hic a Servatore indicari aeternam atque essentialē Filii a Patre sic dictam generationem, qua cum Filio essentialiter communicata sit vita perfectissima. Atque sic maxime deferunt CALVINUM, qui suo iam tempore aliam in exponendo hoc loco ingressus est viam. (76) „Ostendit” (Servator) inquit CALVINUS, „unde tanta voci suae efficacia, quod scilicet ipse sit fons vitae et eam „voce sua in homines effundat.” Ex quibus verbis clarissime apparet, quonam sensu magnus Ecclesiae Christianae alumnus hoc Christi effatum intellexerit.

Inter nostrates Theologos, qui primum hanc interpretationem receperunt; aliis facem praetulit I. KLOPPENBURGIUS, quem secutus est T. A. LAMPE; verba vertentes: *quemadmodum enim Pater in se habet principium ac causam vitae et salutis omnis, ut possit dare vitam cui velit, sic et Filius hanc vitam habet a Patre acceptam.* Quam frigidus autem talis sit interpretandi modus, nemo non intelligit, si modo, misis praeiudicatis opinionibus, Servatoris dicta intento legat animo, ac sequentia rite teneat.

Primo. I. C. hic loquitur de re quadam, quam Pater largitus sit Filio. Quomodo, quaeso, vita divina, quae sine dubio est aeterna, necessaria et independens, cum altero communicari potest? Quum enim legimus, Patrem aliquid dedisse Filio, constanter illud denotat, quod ei, tanquam hominum Servatori, per benevolam Dei in eos voluntatem, concessum est hac vel illa ratione. Conf. Matth. XXVIII, 18. Luc. I, 32. Ioh. III, 34, 35. VI, 37, et 39—47.

Secundo. Comparatio hic instituenda est inter hunc locum et Ioh. VI, 57., ubi legimus: „ut vivit Pater, qui misit me, utque ego per Patrem vivo, ita vivet per me, me comedens.” Iam haec verba nullum alium praebunt sensum nisi hunc: quemadmodum Pater, qui omnibus vitae fons est, mihi vitam aliis tribuendi potestatem impertit, ita illi, qui esu cibi illius coelestis, quem ego

(76) In comment. in Euang. Ioh. p. 50.

ipſi praebeam, mihi iungitur, vitam ego impertiar beatam et aeternam. Quis est, qui ex hoc loco, haud aliter exponendo, non ad eandem interpretandi rationem concludat?

Tertio. Denique, uti iam verbo monui, in conſilium vocandus est univerſus orationis contextus. Cum proximo praecedente commate cohaerere orationem, ſatis liquido copulativum illud καὶ ostendit. De qua autem re locutus erat Servator? Nonne de tempore futuro, quo mortui audituri eſſent vocem Filii Dei, et, cum audiviſſent, victuri? Nihil igitur dubii est, quin et com. 26. ſermo ſit de illa, Filio tanquam humani generis liberatori a Patre conſeſſa, potestate, qua mortuos ad vitam revocet. Neque minus noſtrae ſententiae favent ſequentia com. 27., ubi altera quaedam e munere Filii Dei mediatorio deducta, atque adeo a Patre etiam accepta potestas laudatur, qua nimirum ille tanquam index ſupremus iudicaturus ſit vivos et mortuos. Nonne haec omnia aretiſſimo vinculo cohaerent? Primum pro potestate ſua, a Patre accepta, Filius Dei mortuos in vitam revocabit. Dein vero pro ſua potestate, etiam a Patre accepta, vivos iudicaturus est et mortuos. Utriusque rei exſequendae potestatem Filio, tanquam humani generis liberatori, dedit Pater. Quodſi igitur haec omnia probe ob oculos teneamus, non in obscuro amplius latet, quid ſignificare voluerit Servator verbis: *quemadmodum Pater* rell. Sensus nempe verborum hac redire videtur: *quemadmodum Pater* omnis vitae ſons est, unde vita derivatur omnium qui vivunt, ſive in coelis, ſive in terris, ita dedit et Filio, humani generis vindicti, potestatem, qua per ſe ipſum et ſuam virtutem vitam reſtituat, cui velit. Ut nihil eſt vita praeſtantius, ita nihil eſt magis divinum, quam dare vitam aut reddere. (77) Pater igitur ἵδμεν τῷ υἱῷ ζῶντι ἔχοντι τὴν ἐκείνου. Placuit Summo Numini totam ſummam bonorum, quibus demum hominibus omnibus opus eſt ad tenendam vitam et felicitatem, in

(77) Vid. de h. l. MONT, v. c. *recte*. in *Evang. Ioh.* l. l. „non quaeritur,” inquit „an Deus vivat: ſed an vitam det, igitur illud: ἔχοντι τὸν ζῶντα: habeo vim vivificam, quam aliis etiam largiri poſſum. Gott hat dieſe belebende Kraft, da er allen Dingen Leben auch den Todten Leben wieder geben kann. Nam ut Pater habet vim vivificam, ita etiam dedit Filio hanc ἰδμεν τὸν ζῶντα, ut habeat vim vivificam.” — LANGE bl. p. 177. explicat hanc formulam ita, ut ſignificet: *das Leben ertheilen können*, eine Lebensquelle ſeyn.

eo habitatum collocare, quemadmodum PAULUS loquitur *Coll.* I, 19. II, 9. Conf. quoque *Ioh.* VI, 35. Qui enim potestatem habet omnibus vitam restituendi, nonne ipsum oportet habere divinam naturam? Nonne necesse est, ut sit totius universi creator?

Atqui talem potentiam sibi tribuit Dominus hoc loco, creatorem se diserte professus est. Verbum *δίδωμι* hic non proprio sensu accipi debet, ita ut significet: *dare aliquid possidendum alicui*: sed magis improprie sumi oportet; *mandare, concedere aliquid alicui*, ut. *Luc.* XII, 48. XVI, 12. *Ioh.* XVII, 6. etc. Eadem significandi vi, etiam hoc verbum apud scriptores profanos occurrit, uti v. c. ap. AESCHYL. *Agam.* vs. 1344. πάλιν μὲν ἔλθω ἰδοῦναι μάναρας Πηλεΐδης *Hesiod. Theogon.* vs. 914. *Dionys. Hal.* l. 51. (78) et alios. Monuerat enim iam Servator in praecedentibus, *se nihil agere suo arbitratu, sed omnia agere Patris auctoritate*. Pater misit Filium, qui eius mandata exsequitur: Pater hominum causae restituendae negotium Filio iniunxit, et Filius hoc munere fungitur. Atque sic *δίδωμι* eandem habet significationem ac comm. seq. phrasin *δίδωμι ἐξουσίαν*, *auctoritatem dare*. Sermo igitur certissime hic est de mortuos in vitam revocandi facultate, quam dicunt, mediatoria, Filio a Patre data ac concessa. Quae quidem facultas, adeo eximia non nisi ei, qui natura fit Deus, tribui potest; quare sine dubio additur: *Filium Dei hanc facultatem habere in se*. Quae verba nihil aliud indicant, nisi quod haec facultas Filio Dei aequae propria sit et naturalis, ac Patri. (79) Quid enim aliud concludere possumus ex phrasibus, *videre, ostendere, audire*, quae comm. 19, 20 et 30. obviae sunt, quam quod arctissima sit Patrem inter et Filium coniunctio. Has namque loquendi formulas *θεοπεπρωτός* ac modo, perfectissimi Dei notione dignissimo, accipiendas esse, non opus est, ut moneam. Sed quaecunque demum ratione haec verba explicentur, certo saltem ex iis efficiamus, eandem vitam, quae Patri, etiam Filio tribui, vitam ex se ipso, sine alio, ex

(78) Conf. Cl. ABRESCHIVS *diluc. Thucyd.* p. 857. (79) Vid. Cl. ROYAARDS *in diat. f. l.* p. 26. qui nostram phrasin explicat per *ἐξ ἑαυτοῦ*: ex consueta loquendi ratione Hebraeo-Graecorum, uti *ἔχει πνεῦμα*, illis est *πνεῦμα* *Matth.* XXI, 21. *Marc.* IV, 40. *ἀγάπην ἔχειν*, *ἀγαπᾶν*. *1 Cor.* XIII, 1-3. *ἀγαπᾶται*, *ὑπὸ ἔχειν*, *Deum ἀγαπᾶν*, *1 Cor.* XV, 34. *ἀμαρτίαν ἔχειν*, *ἀμαρτάνειν*. *1 Ioh.* I: 8:

quo proficiscatur, principio, (nam Pater et Filius unum sunt) adeoque plane consummatam.

Ζωὴ hic, iubente omni orationis serie, significat *facultatem*, seu *potestatem*; *homines in vitam revocandi*. (80)

Ceterum, quod ad varias codicum attinet lectiones, in *cod. Cant. (D. Wetsten.)* pro ὥστε γὰρ ὁ πατὴρ legimus ὥστε γὰρ ὁ πατὴρ ὁ ζών. Quae lectio primum in margine ex *cap. VI, 67.* posita, dein in textum irrepsit et ex ingenio descriptoris, an interpolatoris dicam? profluxisse videtur. (81) *Cod. 1. (Basil.)* omnia a verbis ἐν ταυτῷ usque ad ἐν ταυτῷ delevit *a primo manu*; quae lectio *certissime ex incuria scribae* originem suam ducit, neque miranda in codice tum ex vers. tum ex patribus interpolatum. (82)

Vs. 27.

Ut hoc, quod *com. 26.* dictum erat, evidentius intelligeretur, nec cuiquam dubium relinqueretur, se sibi talem auctoritatem vindicare, non temere pergit Servator, illis quae iam dixerat plura addere: hoc enim versu inculcavit se a Patre constitutum esse generis humani iudicem, eiusque rei causam memoravit. *Demandavit ei iudicandi negotium, quoniam Filius est hominis.*

Phrasis κρίειν ποιῆν significat: *iudicare, iudicium exercere* sic *Aeschin. in Timarchum* p. 183. „ad eundem igitur modum, et vos Athenienses τὴν κρίειν „ταυτὴν ποιῆσατε, *hac in re iudicate.*” *Demost. de fals. legat.* p. 228. „non „de oratoribus aut de orationibus κρίειν ὑμᾶς τήμερον, ἔπειρ ἐν φρονεῖτε, προσήκει, ἀλλὰ „ποιῆν, *vobis hodie, si sapitis iudicandum, sed de factis*” a *IOSEPHO Ant. VI, 3.* p. 173. Samuelis filii reprehenduntur ut τὰς κρίσεις εἰ πρὸς τὴν ἀληθειαν, ἀλλὰ πρὸς τὸ κέρδος ποιῶμενοι *respectu non ad veritatem, sed ad lucrum habito, iudicium exercentes.* *Dionys. Hal. Ant. IV.* p. 224. ἢν δὲ περὶ τούτων διακρίψιν καὶ κρίειν ἐποιεῖτο, *de his disceptabat et decernebat* (83) conf. etiam *Gen. XVIII,*

(80) Vid. SCHLEUSNERI *lexicon* in v. n. 8. (81) Conf. Testimonium MILLII in *prol.* 1274 et WETSTENII p. 28. nec non GRIESBACH. ad h. l. Omnes hi, artis critica periti, hanc lectionem valde improbabilem declarant. (82) Vid. *prol.* WETSTENII p. 44. (83) Vid. KΥΡΚΕ, *obs. sacr.* P. I. p. 167. et F. G. SUESKIND'S *Abhandlung, in welchem Sinne hat J. die Geete-*

25, 2. *Chron.* XXIV, 24. *Mich.* VII, 9. *Ezech.* V, 10. *Ierem.* V, 28. *Pf.* CXLVI, 7. *Iud.* 18. (84)

Sermo hic igitur est de iudicio extremo: hanc vero indicandorum hominum auctoritatem Pater Mesiae dedit, ὅτι υἱὸς ἀνθρώπου ἐστίν. Quid sibi velit hoc additum, non satis est evidens iuxta communem interpretum sententiam. Conferri autem debent cum iis locis, in quibus sermo est de iudicio ultimo, quod instituet aliquando generis humani conservator, uti *Matth.* XXIV, 30. XXVI, 64. *Marc.* XIII, 26. XIV, 62. *Luc.* XII, 8. *Apoc.* XIV, 14. In his locis Servator nobis proponitur tanquam generis humani iudex; ultima hac die humana appariturus specie, sed summa cum maiestate ac dignitate. Iam cum talia de eo praedicentur, in promptu nobis esse videtur responsio, quare hoc loco Servator se tanta emphaseos vi appellet υἱὸν ἀνθρώπου. Nihil aliud id significat quam ἀνθρώπων. Eadem quippe natura appariturus est Servator, qua hisce in terris gaudebat; quemadmodum enim in terris fuit versatus tanquam homo, ita et in coelis abiit tanquam homo, et in terras e coelis rediturus est eandem prae se ferens naturam. Hanc nostram sententiam ipse Paulus probare videtur, quippe qui in oratione sua, coram Atheniensibus habita, mentionem faciens de ultimo iudicio (*Act.* XVII, 31.) servatorem discrete appellat ἀντὶς non quidem υἱὸς ἀνθρώπου. Haec nempe formula, simpliciter posita, praesertim ab ipso Servatore in usum suum convertitur ac deprompta est ex antiquis Danielis vaticiniis (*Cap.* VII, 15.), ubi propheta, postquam quatuor animalium ex mari adscendentium horrendas descripserat formas imperiumque atrox, quo privantur, ita pergit: *tum spectabam aliquem, filium hominis similem*, (כְּבֶרֶךְ אָדָם) *qui in nubibus coeli veniebat*. Hoc iam nomine cum se ipse appellaret Servator, saepius eo usus est, ne se titulo, τοῦ υἱοῦ τοῦ Θεοῦ, maiestatis pleno, Iudaeis tanquam Mesiam obtrudere velle videretur, praeterea quod illi cum idea τοῦ υἱοῦ τοῦ Θεοῦ τοῦ βασιλεῖς τοῦ Ἰσραὴλ, semper con-

Reichthum seiner Rel. und Sittenlehre behauptet S. 246. immo quamquam vocabulum κτίων, uti EICHORN *Alg. Bib. B.* VII. S. 989. putat vs. 30, idem denotet ac μαρτυρίαν, (conf. *Ioh.* VIII, 15, 16. coll. vs. 13, 14, 17, 18. vid. SUESKIND l. l. S. 138. STORR *disf.* III. in *lib. N. T. histor. aliquot loca*, not. 173. *opusc. Acad.* Vol. III. p. 245) tamen inde non sequitur, phrasin κτίων ποιῶν hic obviam, eandem habere significationem, cum e contrario tota orationis series nostram flagiter interpretationem. Conf. STORR. l. c. p. 141—143. (84) Vid. SCHLEUSNERI *lexicon* in voce.

iungerent ideam regis terrestris. Hisce igitur formulis cum uti nollet Servator, una, e Danielis vaticiniis deprompta, supererat, quae quo minus crebro a Iudaeis usurpata, eo magis apta erat ad indicandam humilem conditionem illam, e qua ipse tanquam Messias ad summam gloriam esset perventurus. Semper enim docuit I. C. se tanquam τοῦ υἱοῦ τοῦ ἀνθρώπου non nisi per durissima mala ad summam maiestatem ac gloriam escensurum esse.

Sunt vero interpretes, iique multi, qui putent, hanc phrasin eandem apud Iudaeos habuisse vim ac formulam τοῦ υἱοῦ τοῦ Θεοῦ atque sic respondere phrasī τοῦ Χριστοῦ. Verum gravissima sunt loca, unde constat, hanc loquendi rationem nihil aliud significare nisi hominem. Evolvamus modo *Matth.* XII, 31. *Marc.* III, 28. *Eph.* III, 5. *Heb.* II, 6. et in *vers.* *Alex. Gen.* XI, 5. *Joel.* III, 6. et ex hisce omnibus patebit, quam huic formulae dedimus significationem vero simillimam esse. Provocant quidem aliter sentientes ad *Ioh.* XII, 34., ubi a Iudaeis formula τοῦ υἱοῦ τοῦ ἀνθρώπου commutari videtur cum formula τοῦ Χριστοῦ. Verum haec verba, praeëunte CROTIO, CLERICO, LAMPPIO, HEUMANNO et KUINOELIO, longe aliter sunt explicanda. Immo probabile est, *Ioh.* l. l. summam tantum I. orationis, non vero singula verba retulisse, et Servatorem, verba vs. 32. sic enuntiasse καὶ ἰὼν ὁ υἱὸς τοῦ ἀνθρώπου ὑψῶθῃ ἐκ τῆς γῆς, πάντας ἰκλύσει πρὸς ἑαυτὸν, IOHANNEM vero hanc appellationem cum pronomine ἐγὼ permutasse. Praeterea in scriptis Iudaeorum atque Apostolorum ne unus quidem exstat locus, ubi hoc nomine, tali sensu usurpato, insignitur Servator, dum contra semper ibi occurrit tanquam ὁ υἱὸς τοῦ Θεοῦ, addito nonnunquam epitheto, uti μετόγενης etc. quae omnia docent I. solum hoc nomine usum fuisse. Denique ad nostram sententiam comprobendam, provocamus ad *Apoc.* XIV, 24, ubi Christus, cum proponitur tanquam hominum iudex futurus, non quidem appellatur υἱὸς τοῦ ἀνθρώπου, verum ὁμοίως υἱὸς ἀνθρώπου, (coll. *Apoc.* I, 13. in quo loco eodem insignitur nomine) quae verba, cum significare non possint, eum fore similem Messiae, certissime indicant, I. tanquam iudicem supremum aliquando in nubibus appariturum fore, specie humana ac forma quadam externa, praeëunte DANIELE, cuius verba, (sequente DATHIO) recte verti possunt: *aliquid homini similis*. A veritatis igitur tramite longe aberravit summus interpres CHRYSOTOMUS, nec non THEOPHYLACTUS et EUTHYMIUS ZIGABENUS, qui haec Servatoris effata cum iis, quae initio vs. 28. leguntur, connectunt, ea ratione, ut

hunc praebeant sensum: nolite mirari, eum, cui tanta concessa sit potestas, *viv* esse ἀνθρώπου, nam idem homo etiam Dei Filius est, quod apparebit ex mortuorum resurrectione et iudicio hanc secuturo. Scilicet, CHRYSOTOMUS in *comm. in IOH.* ad h. l. obiicit PAULO SAMOSATENO, qui eandem, quam nos habemus, vocabulorum distinctionem secutus est, quod, cum, Servatorem promero homine haberet, locum hunc sic interpunxisset, ut affirmaretur, Deum Filio potestatem dedisse exercendi iudicium, *propterea quod homo tantum esset*. CHRYSOTOMUS vero hanc lectionem mutuatus est e *vers. Syr. a Widmanstadio*, quod autem exemplar cum ex antiquissimis erat iis, qui textum sacrum exhibebant, absque omni spirituum ac distinctionum apparatu, nihil mirum est, si pro temporum istorum ἀμύθια, textus eius aliquantulum hic illic passus fuerit a librario. (85) Haecce iam interpretatio, quamvis a SCHULZIO in *Anmerkungen*, et a PAULO ad h. l. accepta sit, quam falsis nitatur fulcris, nemo non videt, si modo consideret, talem scribendi rationem omnino alienam esse a simplicitate IOH. Evangelistae. Quando nempe, uti recte observavit KUINOELIUS, hanc sententiam exprimere voluisset IOHANNES, potius scripsisset: *μὴ θαυμάζετε τούτο ὅτι υἱὸς ἀνθρώπου ἐστὶ*. Recte igitur plerique interpretes, praeceduntibus ORIGENE, NONNO in *paraphrasi*, AUGUSTINO, vulgarem, quam et nos secuti sumus, interpunctionem retinuerunt.

Neque porro cum iis interpretibus facimus, qui, quamvis eodem modo uti nos formulam hanc per ἀνθρώπου explicent, tamen particulam ὅτι vertunt *quavis*, *quavis est homo*. Sic NOLDIUS, *concord. part.* in v. 13. n. 18. KRUCHENIUS in *annot. ad h. l.* et BOLTENIUS ad h. l. Vel etiam *quatenus*, *quatenus est homo*, ut ὅτι idem sit ac καὶ ὅτι; (quae significatio tamen inusitatio est). Sic SCHMIDIUS, GLASSIUS, MICHAËLIS etc. (86) Alii, uti GROTIUS, LAMPIUS, MORUS, ROSENMULLERUS, TITTMANNUS, hanc appellationem aequi pollere putant nomini Mesiae, *quatenus est expiator et caput atque dominus generis humani*. Verum tali sensu hanc formulam nunquam hoc loco sumi posse antea ostendere conati sumus.

(85) Conf. MILLII *prol.* 1244. (86) Absentia porro art. δ nostram sententiam adhuc magis probat: tale enim quid negligentiae IOH. adscribere nimis temere vid. Conf. ERASMUS, HEUMANNUS alique ad h. l.

Iam igitur, praecunte AUGUSTINO, ERASMO, BEZA, HEUMANNO, simpliciter hanc phrasin significare *ἀνθρώπων*, tuto statuere licet. (87) Verum superest adhuc alia quaestio, quonam nempe consilio Servator dictis addiderit illud *ὅτι υἱὸς ἀνθρώπων ἐστίν*. Non aliud quidem hoc videtur fuisse consilium, quam ut indicaret Iudaeis, Filio Dei hominum iudicandorum auctoritatem a Patre traditam esse, eo quod ille idem esset qui in DANIELIS vaticiniis *similis hominis Filio* proponitur. Verborum igitur sensus hac ratione est constituendus „eo quod homo est ille excellentissimus, qui per DANIELIS prophetae ministerium a Deo est promissus tanquam vere Messias, aliquando in „nubibus apparituro.” (88) Quod si autem inquirat quis in rationes, ob quas Deus per Filium suum, humanam speciem prae se ferentem, apparituro in coeli nubibus, iudicandum velit genus humanum, sequentia teneat. Servator noster tanquam homo tum potissimum apparebit, ut homines benignam Dei providentiam admirentur, qua dederit iis conservatorem naturae humanae socium; homo enim est pariter atque Deus. Homo cum esset in terris, inter homines, collapsas hominum res restituit per passionem violentissimam, morte consummatam, cui omne addidit pondus ipsius divina in homines benigna voluntas et potentia. Homo igitur erat, quum mortem subiret, quum e morte in vitam rediret, quum redivivus ascenderet in coelos. Homo vero coram hominum oculis in coelum sublatus, rediturus est aliquando in terras, eodem omnino modo, quo in coelos abeuntem viderunt homines. Rediturus igitur est tanquam homo, non alio consilio, quam ut iudicet homines cum vivos tum mortuos, sed e morte in vitam revocatos.

Denique digna est, quae commemoretur sententia *сенохтеннѣ* in libello *de appellatione τὸν υἱὸν τοῦ ἀνθρώπου*, qua se *I. Messiam* professus est, *Traité ad Rhen.* 1809. (qui praecunte WERTSTENIO, verba explicat: *quia est humanae naturae socius*, qui adeo humane cum hominibus acturus sit *Heb. II. 5.*) et FLATTI in *symbolis ad illustr. loca graviora Euang.* 10m. P. 1. p. 24., qui hac voce *υἱὸς ἀνθρώπου* (*Heb. II, 6.*) respexisse putat Iesum ad reprehensionem

(87) Licet idea Messiae, quatenus legatus suavia dio missus, non plane sit relicta. (88) Vid. Doct. H. H. DONKER CURTIUS l. l. p. 93.

Judaeorum vs. 18., querentium ὅτι πατέρα ἴδιον ἔλεγεν ἑαυτὸν, ἴσον ἑαυτὸν ποιῶν τῷ Θεῷ, coll. X, 18.

Quod ad varias attinet huius loci lectiones, καὶ deest in *Alex. Coll.* 8. *Vulg. Arab. Aeth. Copt. Orig.*, probante MILLIO *prol.* 1200, qui putat illud καὶ *posterius* in edit. uti saepius, emphaseos causa additum esse. *Versf. Syr.* utraque δὲ pro ὅτι habent, quae lectio in *Versf. Syr.* a *Widmanstadio* facile est excusanda, uti antea vidimus. Ceterum reperitur in *cod. Vind.* (col. 4.) ad haec verba scholion quoddam: „ὅτι υἱὸς ἀνθρώπου ἐστὶ μὴ θαυμάζετε οὕτως αὐτὸν, ὅτι οὐκ ὡς τισὶ δοκεῖ οἱ μετὰ ἐν καὶ ἐξουσίαν ἐδωκεν, καὶ κρίσιν ποιεῖν ἐπαχρονεῖ τὸ ὅτι υἱὸς ἀνθρώπου ἐστὶ.” (89) Nonnulli, uti iam antea vidimus, aliam secuti distinctionem, pro ποιῶν, ὅτι υἱὸς ἀνθρώπου ἐστὶ legunt, ποιῶν. ὅτι υἱὸς ἀνθρώπου ἐστὶ, μὴ θαυμάζετε τοῦτο. Sic *Chrysf.* (vulgatam lectionis distinctionem, cen *PAULI SAMOSATENSIS* commentum reprobans) et *Theophyl. Tertul.* qui et addidit verba υἱὸς Θεοῦ ex interpretamento, ni fallor, μὴ θαυμάζετε (inquit *Chrysf.*) ὅτι υἱὸς ἀνθρώπου ἐστὶ, καὶ γὰρ καὶ υἱὸς Θεοῦ ἐστὶν *hom.* 39. in *Ioh.* ita pariter secundum testimonium *WHITBY*, in *examine Millii*. lib. II. C. 2. S. 4. omnes reliquae autem lectiones legunt cum textu, et hanc lectionem genuinam esse probat *MALDONATUS* his verbis „si verba, *Filius hominis est*, cum sequentibus iungenda essent, non dixisset Christus, *quia Filius hominis est nolite mirari*, perversa et inusitata verborum collocatione, sed, *nolite mirari quia Filius hominis est*; hic enim est naturalis verborum fluxus. Praeterea quid „faceret pronomen illud τοῦτο, ad finem additum? Si enim superiora verba „ad verbum *mirari* referuntur, iam verbum suum habet accusativum, nec „alterum poterat admittere.” (90)

Vs. 28 et 29.

Cum synedri indignationem suam voce et gestibus (uti inquit *KUINOELIUS* ad h. l.) proderent, quod Iesus tantam potestatem sibi vindicaret, iam ante dicta vs. 25. repetens ita pergebat: μὴ θαυμάζετε τοῦτο κ. τ. λ. commate enim 25. dixerat potissimum de quibusdam hominibus mortuis iamiam in vitam re-

(89) Vid. *A. BORCH.* l. l. ad h. l. (90) Conf. etiam de hac lectione *W. BOWYER* l. l. ad h. l.

vocandis per omnipotentem Filii Dei voluntatem. Mirum enim videri posset audientibus, quod Servator dixisset futurum esse tempus, immo iam adesse quo ipse tanquam Filius Dei mortuos in vitam esset revocaturus. Iam pergit Servator, *non est quod miremini, seu indignemini, me ita locutum esse sublimiora: futurum quippe est tempus, quo mortui, quo et sepulti, Filii Dei vocem audituri sunt et in vitam redituri, immo nacturi probitatis vel improbitatis remunerationes.*

Formula ἀκούειν τῆς φωνῆς αὐτοῦ, idem denotat ac vs. 25. *experiri vim eius omnipotentem* qua in vitam revocabit mortuos, quam vim PAULUS appellat, ἐνέργειαν τοῦ δύνασθαι αὐτὸν καὶ ὑποτάξαι ἑαυτῷ τὰ πάντα Phil. III, 21. Tali modo saepissime in V. et N. T. libris, specimina omnipotentiae div. appellantur; immo MOSES in narratione sua, de rerum mundanarum primordiis, iam hac formula usus est. (91)

Vocabulum ὥρα exprimit *tempus certum ac definitum* Act. XVII, 31. conf. etiam Matth. XXIV, 36. Luc. XXII, 53. ἀλλ' αὕτη ὥρᾳ ἐστὶν ἡ ὥρα *sed iam adest illud tempus, a Deo definitum, quo impiam vestram potestatem exserere potestis* (SILIUS Ital. XII, 193. dexter Deus, horaque, nostra est. CICERO in Verrem. I, 19 horis tuis.) (92)

Πάντες h. l. sunt *probi aequae ac improbi* sine discrimine, nam de universali resurrectione hic sermonem esse nemo non videt.

Οἱ ἐν ταῖς μνημείαις hoc loco sunt *demortui, qui in sepulcris fuere diutissime.* Opponuntur iis, qui lectulo aut feretro mortui iacebant, cum C. eos suscitaret. (93) Ex hac phrasi omnino apparet, uti antea iam monuimus, Servatorem hic sermonem instituisse de physica resurrectione, non vero de sic dicta emendatione morali.

Quod ad formulam ἀναστάσιν ζωῆς attinet, dissenso est inter interpretes, utrum illa proprie an vero improprie sit sumenda. Posteriores sententiam amplexi sunt sic dicti *Neölogi*, qui putant, verbum ἀναστάσιν hic significare, *resurrectionem moralem illorum hominum, qui tanquam moraliter mortui in sepulcro superstitionis et peccati conditi erant.* Sensum horum verborum

(91) Conf. DOCT. REDDINGIUS l. l. p. 117. (92) Vid. SCHLEUSNERI lexicon in V. (93) Conf. ROSENMULLERUS in *Schol.* ad h. l.

sic constituunt: „futurum est, ut probi ac pii homines a me audituri sint veritatem eaque audita, in statum feliciorum redituri. Improbi vero, per ipsam, hanc meam doctrinam, aliis tam saluberrimam, non felices, sed certissime, infelices evadent ac poenas luent.” (94) Verum, quanquam hoc vocabulum nonnunquam tali sensu usurpatur, ut. *Eph.* V: 14, tamen nullibi eiusmodi formula, qualis hic in eodem orationis contextu occurrit, vs. 28. *οἱ ἐν τοῖς μνημείοις* de hominibus adhibetur, moraliter mortuis; immo tametsi Servator in antecedentibus mentionem fecerat de doctrina sua, illiusque vi saluberrima, ne tamen hic sermonem esse putes de transitu e morte spirituali ad novam sic dictam vitam spirituales (95), *ἀνάστασις* igitur *ζωῆς* idem significat ac *ἀνάστασις ἐκ τῶν νεκρῶν* resurrectio ad vitam aeternam, quemadmodum *ἀνάστασις κρίσεως* resurrectionem ad poenas significat, *κρίσις* namque, hic iterum denotat condemnationem ac poenam (*κατακρίσις*). (96)

Formulae *ἀγαθὰ ποιεῖν* et *φῶς λαμβάνειν* referendae sunt ad vivendi rationem diversam, quam omnes his in terris antea secuti essent, ad fidem Deo habitam cum pietate in Deum et homines coniunctam, et ad supernam utriusque illius virtutis negligentiam; quemadmodum enim omnium actionum bonarum fons est fides, ita malarum actionum omnium fons est fidei defectus.

Iam autem observandum hic est, haec omnia, ad mortuorum resurrectionem et iudicium extremum spectantia, Iudaeis non plane incognita fuisse. Omnino quidem sibi persuadebant Iudaei, haec aliquando eventura esse, neque prudentiores ad utrumque illud opus efficiendum Messiam venturum esse negabant. Etenim iuxta eorum doctrinam Messias venturus is habendus esset, quo tanquam supremo ministro Deus in perficiendis rebus omnibus, ad mundi gubernationem pertinentibus, agere vellet. Indoctis vero Iudaeis haec doctrina fuisse videtur ab omni parte obscura et quasi abscondita. Neque diffitendum est, in

(94) Vid. OERTEL, *Griechisch teutsches Wörterbuch* des N. T. in V. (95) Conf. REDDINGIUS v. d. I. I p. 66, „als men nu de woorden, *opstanding* en *leven* oneigenlijk opvat, dan is de zin „van J. rede niet die, dien men opgeeft, maar de volgende: „alle menschen, die geestelijk dood „zijn, zullen door mijne prediking van de waarheid, van zonde en bijgeloof verlost worden, en „als verbeterde menschen leven, en dat zal sommigen tot geluk maar anderen tot ongeluk ver- „strekken,” welke ongerijmde woorden laat men dan den Helland zeggen!” (96) Recte nostrates hanc phrasin verterunt, *hij komt niet in de verdoemenis*.

quam plurimis eruditorum Iudaeorum scriptis omnia, quae huc spectant, non Mesiae tanquam Dei ministro, sed soli Deo, qui agat ipse, assignari. Denique ex iisdem scriptis apparet, Iudaeos putasse, iudicium extremum non ad se, sed solummodo ad gentiles pertinere, cum arrogantiae suae in eum modum indulgis-
sent, ut se ab omni culpa iure nato immunes haberent. (97) Quod si igitur ad hanc Iudaeorum prudentiorum doctrinam advertamus animum, Servatorem, suam exponendo doctrinam de rebus ad Mesiam pertinentibus, omnia huc referenda uberius non explanasse tantum, sed etiam a perversis et male sanis illorum opinionibus vindicare voluisse videmus. Praeterea apparet, eo potissimum consilio Servatorem huic doctrinae rite interpretandae tantum impendisse studii et laboris, ut Iudaeis sapientioribus persuaderet, se expectatum illum esse, quem Deus promississet maioribus Mesiam. Hoc inprimis consilio Servatorem fuisse locutum, apparet non tantum ex com. 24., verum praesertim ex universa illa orationis parte, quae sequitur a com. 30—47.

Pro τοῦτο *versf. Aeth.* habet διὰ τοῦτο ex interpretamento scilicet. (98) Pro μνημείων habet *Hunt* 2. μνήμασιν, quod eodem redit. Lectio recepta usitatio est. Porro pro αὐτοῦ substituerunt τοῦ υἱοῦ τοῦ Θεοῦ *colb.* 8. *vel. vulg.* (sed exemplaria *Donatiana* et *Constantiense*, Graecis congruunt). Quae lectio primum orta videtur in margine ad explicationem voc. αὐτοῦ et dein in textum irrepsisse ex vs. 25. Denique et per calami vitium (notum enim est saepe mutari i et e) *Fragm. alt.* legit θαυμάζει pro θαυμάζη. In versu 29. *edit. Erasmi* 2345. addit *Hypodiastilen*, καὶ ἐκπορεύονται. Tandem et suo more *cod. D.* pro ἐκπορεύονται habet ἐξιλεύονται et pro πράξαντες, πράσσοντες.

Vs. 30.

Iam pergit Servator in eodem orationis contextu ingenue se profiteri Filium Dei. h. e. *promissum Mesiam*, et quidem ita, ut primum hoc vs. ea, quae iam antea de Mesia monuerat, repetens, profiteatur, se nihil agere sua, sed solummodo Patris auctoritate. Filius quippe misus nihil tanquam legatus

(97) Vid. BERTHOLDUS, *Christologia Iudaeorum I. et apostolorum aetate*. p. 203-212. (98) De valore huius *versf.* vid. WETSTENII *prol.* p. 3. V. MILLII *prol.* 1472.

agere debet, quam quod is ei praeceperit, qui eum miserit, ita tamen, ut eadem divina voluntate sua et sapientia et potentia agat, qua Pater agat, adeoque eodem honore divino sit colendus, quo Patrem eoli oporteat. At vero etiam se profitetur *Filium hominis*, h. e., eundem illum Messiam, sed humanae pariter naturae socium, salutis humanae instauratorem et futurum hominum mortuorum suscitatorem et iudicem. Qualis igitur haberi velit, Servator disertis verbis nunc manifeste declarat, omnia, quae antea de Messia generatim dixerat, sibi accommodans. Quod igitur ad com. 50. attinet, repetit hic Servator, quod vs. 19. iam monuerat, *ὅτι δύναμαι ἰσώ*, inquit, *πεντὶ ἀπ' ἑμαυτοῦ εἶδέν* h. e. *ut mea auctoritate quid agam, non oportet.* (99) Vocabulum *δύναμαι* idem hic significat ac vs. 19. et verba *ἀπ' ἑμαυτοῦ* respondent illis ibi obviis *ἀφ' ἑαυτοῦ*, *proprio arbitrio*, immo omnia fere plane sunt eadem, licet aliis utatur verbis, *καθὼς ἀκούω, κρίνω καὶ ἡ κρίσις κ. τ. λ.* antea erat: *agit ea Filius, quae a Patre vidit peragenda et peracta.* Hoc autem loco inquit Servator; *illa, quae a Patre audio, peragenda sunt, et peracta equidem pronuncio, et quae a me pronunciantur, vera sunt.* Quando iudicium meum profero, non ago per me, sed per Patrem, in quantum iudico ita, uti ille vult ut iudicem. Hinc et videmus, quomodo accipiendum sit, quod Pater per eum creaverit mundum *Heb. I: 5.* et cur dicat Christus. *Matth. XI: 27. omnia sibi tradita esse a Patre:* quae quidem verba proprie ad eius doctrinam pertinent. Quod autem de doctrina valet, id etiam ad alia extendi debet.

Ἰστέον hic eandem habet significationem ac vs. 19. verbum *βλέπειν*, nempe *probe perspectum et conpertum sibi aliquid habere.* Tali sensu occurrit *Matth. V, 43. XI, 4. Ioh. III, 25. Iac. V, 11.* et praesertim *2 Cor. XII, 4.* ubi Paulus profitetur, *audivisse ἀπὸ τῶν ἀγγέλων ἐν τοῖς οὐρανοῖς* h. e. sibi in coelis compertas fuisse res, quae ore humano enunciari non possent. (100) Cum vero hoc verbum, uti *BOLTENIUS* observavit, etiam adhibeatur de interrogatione iudicis *2 Sam. XV, 5. PAULUS*, aequalis noster, qui de iudicio terrestri cogitat, verba

(99) Conf. Cl. MUNTINGH in lib. *de gest. der Menschh. n. d. B.-D.* IX. n. 59. „de Spreekwijze zegt met meer eigenlijke woorden, dat er tuschen de werkingen van den Vader en den Zoon zulke eene overeenkomst plaats had, dat de Zoon altijd deed wat de Vader deed, en niets deed dan overeenkomstig den wil des Vaders.“ (100) *SCHLEUSNERI lexicon in voce.*

ad vs. 22. explicat „*je nachdem ich höre, nach genauer Erklärung.*” Sed; ut FLATTUS h. l. monuit, obstant tali interpretationi verba, quae proxime praecesserunt, *ὁ δὲ δέχεται* — *οὐδὲν* et quae v. extr. leguntur. Neque omnino hic cogitandum est de iudicio C. terreno. Scilicet verbum *κρίναι* h. l. simpliciter significat, *de rebus probe cognitis iudicium proferre*, id quod verum et falsum est pronunciare, uti clare docuit SCHOTTUS in *disfert. de consilio* etc. p. 57. seqq. Tali sensu etiam hoc vocabulum occurrit *Luc. VII, 43.* ubi legimus I. Simoni dixisse: *ὁρθῶς κρίνας recte iudicium tuum hac de re protulisti*; itidem *1 Cor. IV, 5.* „*μὴ κρίνετε*” *nolite sententiam vestram dicere*; nec non *Ioh. VII, 24.* ubi verba: „*κρίνετε ἡμῖν δικάσαν κρίνον*” denotant *proferatis velim convenienter veritati iudicium*, re ab omni parte bene examinata, iudicate. (101)

Verum, quispiam forsitan dicat: si hic non cogitandum est de ultimo iudicio, tunc Servator paulo obscurius mentem suam expresit, quam ut a Iudaeis intelligi posset, et accuratior orationis cohaerentia exsistit, si verbum *κρίναι* eo sensu retinetur, quo I. hactenus illo usus erat, ut adeo et hic cogitandum sit de solenni futuro iudicio. Respondemus vero: id quidem primo adspectu videtur, verum, si paulo attentius rem introspeciamus, apparebit, Servatorem, quemadmodum monuimus, ab hoc vs. 30. omnia illa, quae antea de generis humani liberatore generatim dixerat, nunc sibi accommodare, ita ut aliis verbis repetat ea, quae vs. 19 et seqq. iam pronunciaverat, illaque sibi applicet. Iam com. 19. inquit: *Filius agit ea, quae a Patre videt peragenda et peracta*, nunc vero, haec sibi accommodans, pergit: *Ea quae a Patre audio peragenda esse et peracta, equidem pronuncio.* Atque sic nobis videtur e contrario ipse orationis nexus validum praebere argumentum, quo statuamus, hic non sermonem esse de iudicio supremo, sed de unoquoque iudicio, quod proferamus de rebus nobis cognitis. (102)

Καὶ ἡ κρίσις ἡ ἐμὴ δικάσα ἔστω. Quare iudicium meum verum erit. Καί, hic significat, *quare, ideo*, uti *Matth. XV, 23.* καὶ προσελθόντες ideo adibant eum discipuli. *Marc. III, 23.* (103) *Marc. IX, 8.* *Act. VII, 34.* *1 Cor. V, 13.*

(101) Vid. SCHLEUSNERI *lexicon* in V. (102) Ac sic *κρίνω* hic non positum est, uti ROSENMULL. putat, pro *Futuro*: talis enim temporum mutatio per hanc nostram interpretationem cadit.

(103) Conf. SCHLEUSNERI *lexicon* in V. nec non MALDONATUS et ERASMUS in *par.* et

etc. Ita et *Deut.* IV, 39. X, 19. *Ios.* I, 2. *Alex.* ἔν καὶ habent etiam οἱ ὁ pro ל-כן *propterea Ies.* V, 25. XLIV, 25.

Δικαίος hic significat *verum* non *iustum* (104) uti *Luc.* XII, 57. „τί δὲ καὶ „ἀφ' αὐτῶν οὐ κρίνετε τὸ δικαίον;” *cur vero non ipsi iudicatis quid sit verum Ies.* XLII, 5. תפארת ה' o vertunt: μετρία δικαίων. Ubi igitur Deus dicitur *testis* δικαίος h. e. uti e contextu patet, qui diversam utriusque partis causam diiudicat, convenienter veritati, *lib. Sapient.* II, 18. *Schol. Sophocl. ad Trachin.* vs. 412. τὰ δικάια per τὴ ἀληθίᾳ et δικαίος ὢν vs. 414. per ὁ ἀληθείᾳ, interpretatur; ac sic formula κρίνειν δικαίως nihil aliud significat quam, *de rebus probe cognitis et compertis sententiam suam seu testimonium pronunciare.* Verum et exstat alius locus, qui multum hic afferat lucis, scilicet *Ioh.* III, 15. ubi verba Servatoris haec sunt: *mihi credite, quae probe cognita nobis sunt pronunciamus, et quae nobis rite sunt comperta testamur, profitemur.* Iam eadem fere ratione hoc loco inquit, *non mea sed Patris auctoritate*, (ita videtur sensus) *ago omnia, quamvis operor, uti operatur Pater, non aliud tamen velle aut agere possum, quam quod velit aut agat Pater, uti res divinas probe cognitae mihi habeo ex arctissima quae mihi cum Patre intercedit coniunctione, ita et ex eius auctoritate ego pronuncio, quid verum sit falsumve, et omnis mea de rebus probe cognitae professio vera est.*

Ὅτι οὐ ζητῶ τὸ θέλημα τὸ ἐμὸν, *non enim meum sequor arbitratum, sed ea peragere volo, quae mihi tradita sunt a Patre qui me legavit*, hisce ultimis verbis Servator illustrat ea, quae dixerat, καθὼς ὁκνῶ κρίνω καὶ κρίσις δικαία. Denique observandum est, I. h. l. uti enunciandi modo, ei familiari, quo nempe, quod primum erat negatum, dein contrarii affirmatione explicatur οὐ ζητῶ τὸ θέλημα τὸ ἐμὸν, ἀλλὰ τὸ θέλημα τοῦ πέμψαντός με πατρός.

Πέμψαντός με excidit *Nonno*, ut et in superioribus *cod. G. Westen.* pro οὐδὲν habet οὐδέ in, quod vitium facile a calami errore originem suam ducere potuit propter scribendi modum, antiquissimo hoc tempore usitatum, uti omnibus notum est. Denique hoc versu a scribis atque interpretibus additum est vo-

GROTIUS ad h. l. coll. SCHROEDERO, *Syn. reg.* 109. (104) Vid. SCHLEUSNERI, *lexicon* in V.

cabulum παρρησίᾳ. (105) Deest namque in omnibus fere codicibus; uti in *Steph. β. γ. η. Alex. Cant. Cypr. Trit. Met. Barb. 1. colb. 8. Hunt. 2. Vel. Arm. Vulg. Copt. Syr. Arab. Pers. Aeth. Chrys.* probante *Bengelio, Griesbachio, Wetstenio* etc.

Vs. 31.

Quod de me ipse testimonium vobis exhibeam, pergit Servator, hoc apud vos testimonium erit, fide minus dignum. Verba haec per se considerata sunt evidētissima: verum quomodo cum proxime antecedentibus cohaereant, non adeo perspicuum est omnibus. Nobis autem videtur, praecūnte *KUINOELIO* aliisque, Servatori, quum se palam Mesiam declararet, in mentem venisse, quam suspectum Iudaeis videri et posset, et esset hoc de se testimonium, ideo, quod nemo in sua causa prodire possit testis. Ad hanc suspicionem amoven-
dam, nunc alienum de se profert testimonium, ac primum hoc versu locutio-
ne quadam utitur proverbiali: (106) *Si ipse solus*, inquit, *de me testimonium proferrem, non certae fidei testimonium meum esset.* (107)

Non dicit hic Servator, se de se ipsum testari *non posse*, ac testimonium, quod de se edat *in se verum non esse*, sed tale non haberi ab incredulis Iudaeis. Hoc enim ita esse liquet, ex illis apud eundem cap. VII, 14. *Si ego testor de me ipse, testimonium meum vanum est.* Igitur ut incredulos Iudaeos de divina sua missione et missionis fine convincat, provocat ad testimonium *ΙΟΗ.* ac Patri-
sui loquentis per prophetas, eaque de causa ablegat ipsos ad scripturam S. praesertim ad Moysi effata. (108)

Ἀληθής hic idem est ac βεβαίος, πίσος, *certus firmus Ioh. VIII, 15 et 17.* ἡ μαρτυρία ἀληθής est *testimonium fide dignum ac sufficiens*, contra, μαρτυ-

(105) Vid. *MILLII Proh. 375.* (106) Uti apparet ex cap. VIII. 13. (107) Sic *CICERO pro Roscio 36.* „Itaque more maiorum comparatum est, ut in minimis rebus homines amplissimi testi-
monium de sua re non dicerent.” Vid. etiam *ERASMI adagia* in v. *testis dom.* plura exempla ha-
bet *WETSTEN.* (108) Conf. *WOLFIUS in curis* ad h. l. et *HACKSPANIUS in not. p. 421.* qui
hunc cum *Ioh. VIII,* ex hebr. conciliat; observans *εἶναι* esse, idem hic significare, quod *haberi, censu-*
ri, ut *נִסְתָּר* i *Reg. I, 21.* εἶναι ἀληθές autem *ἵπνον* quod non solum *verum*, sed et *firmum* denotet.

πιστὶς ὅτι ἀληθὴς *testimonium est suspectum, parum certae fidei*, conf. Deut. XVII, 6. [כֹּהֵן] enim, quod Graeci saepe vertunt πιστός, non raro etiam significat ἀληθὴς et ἀληθινός. (*testis verus* i. e. *fide dignus*) dicitur μάρτυς ἀληθινός, in *Rhetoricis ad Alex.* c. XVI. Graecum est adagium, ἰσχυρὸν μάρτυς *testis domesticus*. Potest aliquid esse verum, quod solum per se tale non est, ut fidem impetret. *Potest quis de se vera dicere*, ut inquit Servator, cap. VIII, 14. *sed nisi alia accedant, non persuadet.* (109)

Ceterum nihil difficile hoc in v. occurrit, immo etiam codicum variantes nullam in sensu faciunt mutationem ac parvi sunt momenti. Observandum tantum est, ORIGENEM hic legisse καὶ ἰγὼ ἰπὶ ἑαυτοῦ. Ac, καὶ pro ἰαν etiam habet M. 2. Pro ἰαν porro addunt γάρ *Laud. 2. Eph. Seld. 1. Ueser. 1. Colb. 2.* quod certe interpolatum est a librario vel scriba linguae graecae imperito. Denique pro ἰγὼ habet γάρ, *cod. 40*, qui tamen codex, cum nullum habeat valorem ob negligentiam eius Scriptoris, profecto non est audiendus. (110)

Vs. 32 et 33.

Iam vero ut Servator Iudaeorum obiectioni occurrat, docet h. l. sibi non deesse testes alios, et documenta veritatis eorum, quae dixisset, luculentissima, ἄλλος ἰσὺς ἢ μάρτυρ-κ. τ. λ. *alius est qui de me testetur, cuius testimonium scio fide dignissimum esse. Iohannes nempe, ad quem vos misistis, vera testatus est.* Pergit hic Servator, alium testem in re sua in medium proferre, ita tamen, ut non statim declaret, quinam sit ille testis, concedens adversariis suis iratis, ut ipsi paululum meditando coniecturis indulgeant, atque ita fiant animo tranquilliores. Quae est scita observatio schottii in *disf. de consilio* etc. P. I. p. 59.

Disensus est inter Eruditos, quinam significetur per τὸν ἄλλον; utrum Deus Pater, an vero ἰοη. baptista. Sunt, qui putent, τὸν ἄλλον intelligendum esse Deum Patrem. „Ipse enim Christus,” dicunt, „profitetur, se neque „ullius hominis, neque Iohannis testimonio opus habere (vs. 34.) et testi illi,

(109) Vid. GROTIUS, ad h. l. et cl. MORUS, in *disf. de teste Dei Patris de Filio suo*, in *Disf. Theol. et Phil.* Tom. II. p. 266. (110) Conf. WETSTENII *prol.* p. 50.

„quem se habere ait, summam, omni humana maiorem, auctoritatem tribuit v. 56 ac diserte Deum Patrem commemorat v. 37.” Sic KUINOELIUS, ROSEN-MULLERUS aliique. Nos vero, orationis contextus ratione habita, potius cum CHRYSOSTOMO, THEOPHYLACTO, ERASMO, GROTIO, TITTMANNO multisque aliis putemus, Servatorem hic ob oculos habuisse Iohannis baptistae testimonium. Cohærentia enim verborum hæc est: quod de me ipse testimonium vobis exhibeam, hoc apud vos testimonium erit, non fide dignum sed suspectum; concedendum enim vobis est, neminem in sua causa testem esse posse idoneum: sed provocare mihi liceat ad alium, qui de me testimonium exhibuit, et quod de me ille testatus sit verum esse, equidem scio; non enim ex sese illud protulit testimonium, sed ex divina revelatione; audivistis vos testimonium, quod de me tulit IOHANNES baptista, cui tantum tribuistis auctoritatis, ut vos ipsi (111) ad illum viros graves miseritis, tanquam e fide dignissimo auctore cognituros, num ille ipse esset Messias cap. I. 19. Is sibi falsam laudem non vindicavit, eam quam illi tribuere vos voluistis laudem sibi nontribuendam esse ingenuè declaravit; veritatem professus est, palam testificans, me esse promissum a Deo Messiam.

Formula μαρτυρεῖν τῇ ἀληθείᾳ, significat *de vero testimonium perhibere, in honorem veri testari* i. e. ita, ut res se habeat, loqui, verum sine fuco aut fraude pronunciare. (112) Id enim est μαρτυρεῖν, iunctum Dat. rei, de qua testimonium editur, ut τῇ ἀγάπῃ τινος μαρτυρεῖν: *de alterius beneficentia testari*; τῇ ἀληθείᾳ τινος: *de alterius integritate ac probitate*: non ergo confundi debet μαρτυρεῖν τῇ ἀληθείᾳ et μαρτυρεῖν τῇ ἀληθείᾳ. Illud est: dicere rem ut habet, hoc significat, *veritatem docuit, veram tradidit religionem*. Similiter Act. XIV, 3. Dominus δὲ μαρτυροῦν τῷ λόγῳ τῆς χάριτος αὐτοῦ dicitur: item 3. Ioh. Ep. v. 3, 6. μαρτυρεῖν τῇ ἀληθείᾳ, τῇ ἀγάπῃ. Ac pari ratione in Xenoph. C. P. VIII, p. 674: εὐρήναι ἀντὶ μαρτυροῦντα τοῖς ἰμοῖς λόγους. (113)

Iam vero quid testatus, quid professus erat IOHANNES de I. C.? Scilicet eum esse τὸν ἐρχόμενον h. e. promissum a Deo, Messiam, (ita enim κατ' ἐξοχὴν ap-

(111) Recte observat KUINOELIUS, vel ex his verbis colligi posse, I. hanc orationem habuisse coram Synedrio. (112) Conf. MORUS. *in diss. laud.* p. 267. (113) Conf. cl. ARRESCHUS in *par. in ep. ad Heb.* p. 284.

pellari solebat Messias promissus, seu quod idem est *ὁ λόγος cap. I, 1.*) Praeter hunc non esse expectandum alium *Matth. XI, 3.* eum non procul abesse sed iam adflare inter Iudaeos, eum fuisse antequam ipse fuerit, atque talis dignitatis esse, cui se indignum existimet praestare servile ministerium. Denique eum esse agnum Dei, ferentem peccata mundi h. e. a Deo destinatum peccatorum expiatorem (*cap. I. 26, 27, 29.*) Quid igitur? nonne hoc testimonium coram legatis Synedrii vestri a IOHANNNE editum, fide vestra dignum sit credatis? Nonne igitur, ipsius de me professione eadem adiudicanda sit auctoritas? Atque sic valde perspicuum mihi videtur, haec omnia respectu IOHANNIS a Servatore fuisse dicta, nam quanquam *I. vs. 34.* profitetur, se neque IOHANNIS, neque ullius hominis testimonio indigere, necesse tamen duxit Servator, aliud quoddam in medium proferre documentum, et quidem Iohanneum, ut sic melius Iudaeis persuaderet de veritate eius divinae legationis, cum, ut hoc utar verbo, quasi surdi essent, testimoniis ei a Deo datis. (114)

Μαρτυρεῖν τῇ ἀληθείᾳ τινος significat hic, *testimonium edere, de alterius integritate ac probitate* *תבאנא Ies. X, 20. Ps. CXLV, 18. coll. 3. Ioh. 3, 6.* Similis verborum constructio reperitur *Luc. IV, 24. coll. Ioh. XXIX, 11.* sic in illo Christi responso, PILATO reddito, *τὸ ἵνα μαρτυρήσω τῇ ἀληθείᾳ*, nihil aliud denotat nisi: *ut vera dicam, ut verum perhibeam testimonium.*

Pergimus iam ad contemplandas codicum lectiones variantes. Primo pro *μαρτυρεῖν περὶ ἐμοῦ.* *Em.* habet *μαρτυρεῖν με*, qui tamen *cod.* magis nitide quam accurate exaratus plurimis in locis deficit. (115) Dein pro *οἶδα Cant. Lat. Arm.* habent *οἶδατε*, alii uti *Mont. et Lin. N. I. ὁρᾶμεν*; prior quidem lectio optime videtur convenire, sed *cod.* suspectus est: praeterea posterior nostro Euangelistae usitator est, conf. *com. 21 et 24.* (116) Porro in *colb. 8.* pro *ἀληθῆς* legimus *ἀληθινός* et in *cod. Steph. β. et Cant.* pro *μαρτυρία*, *μαρτυρία αὐτοῦ* (sed initio scriptum erat *μου*) item, *Syr. Copt. Pers. Arab. Aethiop. Chrysost.* ex emendatione uti putamus. „Non subiicias illud αὐτοῦ” inquit LUCAS

(114) Conf. STORR. *Ueber den Zweck* etc. S. 228, et VITRINGAE, *Obs. Sac.* Lib. III. C. 2. p. 7. seq. ubi ostendit haec testimonia I. ita comparata fuisse, ut Iudaei vi principiorum et rituum suorum illis omnino fidem habere potuissent. coll. WOLFIO in *curis*, ad h. l. (115) WETSTENII *prol.* p. 52. (116) Vid. CLERICI *observ.* in N. T. ad h. l.

παύει: et sane, quia vocabulum illud accesfit ex locis all. huius Euangelii. (117) Denique pro μαρτυρίαι habet μιμαρτέριαι cod. Leic. ex vs. 55. quae quidem lectio, hic, cum de Iohanne Baptista sermo fit, melius cum Grammatices regulis conveniret. Verum codex minutissimi est momenti, uti antea vidimus, et omnes ceteri in lectione recepta consentiunt. Tandem in vs. 53. ἡμῶς omittit 1. Bas. ob ὁμοῖοτελεντα. (118) Ceterum cod. 73. (Wake), valde difformatus addit ἐν, voci μιμαρτέριαι. (119)

Vs. 34.

Pergit Servator ἡγὼ δὲ οὐ παρὰ ἀνθρώπου κ. τ. λ. *ega quidem non capto testimonium hominis, sed huius mentionem feci, propterea ut vos lucrarer.*

Et si non rapere gestit I. C. laudati viri iudicium de sua dignitate, tamen illud non penitus repudiat, sed utitur eo ad lucrificandos Iudaeorum animos, sive ad eos abducendos, ab errore et praeiudicata opinione ad verum.

Ὁὐ μαρτυρίαν λαμβάνω παρὰ ἀνθρώπου non accipio commendationem humanam; (120) infra vs. 41. δόξαν παρὰ ἀνθρώπων οὐ λαμβάνω, quae formula recte comparari potest cum nostra; nam quod ibi δόξαν λαμβάνω, mox v. 44. commutatur cum ζητῶν δόξαν, ut adeo et illud sit *quaerere, appetere, captare honorem, vel laudem, non accipere, nedum, sibi sumere.* Pertinent autem haec omnia ad dicendi genus Hebraizans. Graecis *arrogare sibi aliquid, vel sumere, est προσποιῆσθαι*, de quo vid. Kuster. de V. Gr. med. Sect. I. 24. cum not. Wolfii p. m. 36. item. ἀρπάζειν, uti in Chryf. Hom. I. in priorem ad Cor. ep. τὸ κοινὸν ἀρπάζει καὶ ἰδιοποιῆται et Ach. Tat. lib. VIII. p. 469. τὴν θεοῦ τιμὴν ἐξήρπασας. Ostendit hic Servator iterum, cuiusnam esset naturae: homines enim et qui humanae naturae sunt locii, laudem semper quaerunt in aliorum testimoniis, immo illa eis perquam sunt necessaria; Generis humani vero liberator non opus habet hisce mortalium creaturarum testimoniis, aliis quippe utens documentis, quae documenta in ipsis eius operibus permagnis

(117) Coll. MILLII *prol.* 891 et WETSTENIUS ad h. l. (118) Conf. WETSTENII, *prol.* p. 44. (119) Ibidem p. 54. (120) *Testimonium non accipio, h. e. non accipere studio.* V. d. GLASSII, *Phil. Sacr.* Lib. III. Tract. 3. p. 367.

et praeclaris, et, in supremi Numinis effato, sunt conspicuae. Quanquam vero haec ita sint, accommodat tamen se Servator, ad hominum illius aetatis ingenii imbecillitatem, provocans ad testimonium IOHANNEM, ut parati redderentur ad dignitatem suam agnoscendam.

ἵνα σωθῆτε, vestra causa: etenim verbum σωζεν denotat (uti iam verbulo monuimus) *incommodo liberare et commodum praestare*; lucrari enim aliquem omnium linguarum consuetudine dicimus, cum ab alia parte ad aliam traducimus: atque sic, ut vos a vestra contumacia abducam ad me audiendum. (121) Idem hic denotat quod *μερδαίνειν*, 1 Tim. IV, 6. 1 Cor. VII, 16. ubi diferte Paulus dicit, fieri posse, ut coniux Christianus uxorem e gentibus σωζῇ, liberet a superstitione et Idololatria, et adducat ad Christianam religionem: quo eum loco conferri meretur dictum illud Petrinum in prima sua ep. III, 1. posse e contrario ab uxore Christiana *μερδαίνεσθαι*, allici abducique maritum paganum, ut proclinet ad Christianos sequendos; (122) conf. Act. II, 47. *τις σωζομένων adductos ad religionem Christianam* ibid. IV, 12. XI, 14. *ὅς λαλήσει ῥήματα: πρὸς σε, ἐν οἷς σωθήσῃ σύ καὶ πάντες ὁ οἶκος σε modum perveniendi ad religionem et felicitatem Christianam tibi et omnibus tuis tradet atque exponet.* Consilium igitur Servatoris erat, eos, qui ipsum tum audirent, σωζεν h. e. abducere ab animo alienato ad benevolum, ab ἀπίστῳ ad fidem; Imprimis eos volebat σωζεν, commemorando testimonio IOHANNIS, h. e. eos eo adducere, ut, cum concederent IOHANNEM fuisse virum eximium et fide dignum, concederent et hoc, tanti viri Iudicium de I. C. esse admittendum eumque agnoscendum Mesiam venturum, atque ita salutem consequerentur.

Una solummodo varians lectio hoc in vs. occurrit, *Codd. scilicet Cant. Paris.* 3. pro ἀνθρώπων habent ἀνθρώπων, quam lectionem putemus a scribis atque interpretibus ortam esse, ob similitudinem nostrae phraseos cum illa, quae vs. 41. occurrit: lectionem autem receptam veram esse patet, qua sic de IOHANNES, ac sic de uno homine sermo fit.

(121) Vid. SCHLEUSNERI *lexicon* in V. n. 3. (122) Coll. Cl. MORI *disf. laud.* p. 268. nec non eius *recit. in Euang. Ioh.* p. 94.

Vs. 55.

Ἐκτίς ὁ λόγος; pergit Servator respectu IOHANNIS, ὁ καίόμενος κ. τ. λ. *Erat ille lucerna ardens ac lucens, cuius tamen luce vos per breve tempus delectati estis.* Scilicet quanquam I. testimonium Iohannis non captaret, tamen neque illud neque ipsum hominem repudiat; immo vero eum insigni elogio h. v. ornat; idque quidem facit sub figura ardentis lucernae, quae quaque versum sua luce densissimas repellat tenebras, eiusque splendore hominum animos laetitia afficiat. Quam apte Servator hic lucis figura utatur, unicuique patet, modo consideret, IOHANNEM I. quasi praeluxisse, ac viam praeparasse, immo populo salutiferum fuisse: neque enim vocabulum λόγος metaphorice denotat doctorem generatim, sed talem hominem, qui sua doctrina, vitae exemplo atque aliis modis salutem praestat, animosque hominum veritatis luce collustrat ac sic auctor magnae felicitatis existit. (123) Vereor enim, ne nimia sit eorum interpretum, ut BENGELII in *Gnomon.* ad h. l. quem sequitur SEMLERUS, ut et KRAUSII *comment.* l. p. 127. *Patrumque nonnullorum* apud SUICERUM *Thesaur. Ecc.* vol. II. p. 1484. subtilitas, qui λόγον vocabulo tenuius quid atque inferius inesse arbitrentur. conf. etiam *Matth.* V. 14.

Iam vero Servator Iohannem appellat *lumen ardens*, propter fervorem ardentissimum, in munere obeundo demonstratum; *lucens* vero, quoniam per totum Palaestinam celeberrimus erat atque illustrissimus, Iudaeisque omnibus probatissimus. (124)

Frequens est in literis S. comparatio doctoris cum luce et lucerna: sic de Elia legimus, *Syr.* XLVIII, 1. *ἀνέβη Ἡλίας ὁ προφήτης ὡς πῦρ, καὶ ὁ λόγος αὐτοῦ ὡς λάμπαρ ἱκανέτω;* apparuit Elias propheta tanquam ignis et doctrina eius tanquam fax ardebat. unde etiam titulus Rabbiorum *בועינא דאורייתא*, *lucerna legis*, vel etiam *בועינא דנקורא* *lucerna lucis*. Eodem modo eodemque sensu ipse Servator appellatur ὁ λόγος *Apoc.* XXI, 23. et τὸ φῶς *Ioh.* I, 8. conf. *Rom.* II, 19. *Ioh.* VIII, 12. XII, 46. et haec vox φῶς, plane uti heb. אור, frequenter usurpatur de religione vera, de praeceptis regulisque divinis, qua-

(123) Conf. SCHLEUSNERI *lexicon* in V. N. 3. (124) Coll. TITTMANNI *comment.* l. ad h. l.

tenus hominum animos illustrent, ignorantiam depellant et felicitatem largiantur. (125)

Iam vero dissentiant inter se interpretes, quid significant verba: ὑμεῖς δὲ ἐθελήσατε ἀγαλλιασθῆναι πρὸς ὧσαν ἐν τῷ φωτὶ αὐτοῦ. Ita inter alios MICHAELIS in lib. *Introd. in N. T.* p. 269. hunc locum explicat ex loquendi genere apud Arabes usitato, apud quos talis phrasis saepe occurrit significatione *irrisionis* (Coran. 40, 85.) ita ut Servator hisce verbis nihil aliud indicasset, quam: *vos Iudaei per breve tempus eum, eiusque doctrinam irrisui habuistis.* شـىء: *Euangelium praedicare*, de omnibus omnino adhortationibus et praedicationibus usurpatur, eademque significatione occurrit lingua Graeca *Act. XIV, 15.* Hactenus MICHAELIS. HEUMANNUS contra putat, haec verba interrogative esse sumenda, idque ex hebraismo quodam explicat „Hebraei enim, „inquit, carent illa interpunctionis nota, quae interrogationem indicat, nec „semper praemisla ׀ indicium exhibent interrogationis, unde fieri solet, ut „nonnunquam locus aliquis videatur perobscurus, quem interrogationis a- „gnitio statim reddit quam facillimum ac planissimum.” Verum talis interpretatio minus nobis videtur rei esse congrua, aequae ac illa cl. MICHAELIS, quae historiae veritati contraria est, cum ex illa notum sit, Iohannem eiusque doctrinam, apud multos fuisse receptam: potius igitur assensum nostrum praebeamus interpretationi cl. Tittmanni, qui verba vertit; „*et vos luce eius, per aliquod tempus vehementer gavisi estis.*” Verbum enim θίλειν non tantum saepe redundat atque otiosum est, uti 2 *Tim. III, 12.* PHILO de *Arab.* p. 350. εἰ πολὺς πόνος τοῖς θελοῦσι κατὰ τὰς καίμηνους νόμους ζῆν, non opus est magno labore ad *exigendam vitam iuxta legum regulam*, et *Eurip. Orest. v. 92;* ‘Οργ’ εἰς ‘Ορέστην παῖδα τὸν Ἀγαμέμνονος Στεφανοῦν, ὃς ἠθέλησε τιμωρεῖν πατρί, *qui cepit Orestem filium Agamemnonis coronandum, quod ultus sit patrem:* (126) verum etiam saepe exprimit *cupiditatem, studium alicuius rei, et voluptatem*, per Synecdochen nimirum, conf. cap. VI: 21. VII, 17. VIII, 24. (127) Vehementer igitur gavisi sunt eius luce, sed πρὸς ὧσαν, ad breve tantum tem-

(125) Vid. *comm. Theol.* editae a VELTHUSANO, RUPERTO et KUINOELIO P. III. p. 176.

(126) Plura exempla habet KUINOEL ad h. l. (127) Conf. MARCLANDUS, *ad Lysam* p. 66. (Reiskii) et SCHLEUSNERI *lexicon* in v. n. 4.

pus, quia desiderium lætandi de Iohanne apud eos per breve tantum tempus durabat, inprimis cum inciperet pessimos eorum mores perstringere, ac prædicare poenitentiam, conf. e *Cor.* VII, 8. *Gal.* II, 5. 1 *Thesf.* II, 17. *Bereschit* R. LXX. ubi עֲלֵךְ et עָלֶיךָ opponuntur. „Eodem modo” inquit GROTIUS „ac pueri qui delectantur visu lucis, sed usum eius non habent.” Ita enim cl. OERTEL in *interp. Euang. Ioh.* ad h. l. „wie wohl es euch mit „ihm auch ging, wie den kleinen kindern, wenn ein brennendes licht in das zimmer kommt, ihr hattet eine gewaltige Freude über das Licht seiner aufklärung.” Ostendit hic Servator Iudæorum inconstantiam, qui Iohannem aspernari coeperunt, postquam de ipso I. testimonium perhibuisset.

Ceterum ἀγαλλιασθῆναι significat, *præ gaudio splendere, delectari aliqua re*, ab ἀγάλλειν, *ornare, nitidum splendidum reddere*. resp. Heb. גִּלְגַּל *Psf.* II, 11. et גִּלְגַּל *Psf.* LXVIII, 4. pp. *exultare*.

Pro ἀγαλλιασθῆναι πρὸς ἑαυτὸν *Cod. A. Edit. comp. Platin Vulg. Chryst.* probante Beng. per transpositionem legunt πρὸς ἑαυτὸν ἀγαλλιασθῆναι. *Cod. A. D. K.* 44, 83, 86, 97. *Euang.* 24. *Fragm. Ald. Ed. compl. Platin. et Beng.* pro ἀγαλλιασθῆναι, habent ἀγαλλιαθῆναι, quod certe calami est vitium, ob similitudinem figurae θ et εθ, uti omnibus notum est. Denique quomodo *Arab. Polygl.* legerit, male vertens καίμενος مَسْتَلِي impleta pro مَسْتَلِي ardens, videri potest in libro MICHAELIS, *Tract. crit. ad varias N. T. lectiones*.

Vs. 36.

Iam pergit Servator h. c. postquam professus erat omne de se testimonium humanum sibi minus acceptum esse: *ego vero graviora testimonia habeo, quam illa IOHANNIS, nam opera quae a me peragi vult Pater, quaeque ego ago, illa ipsa testantur me a Patre esse misum.*

Est igitur hoc argumentum *alterum*, quo confirmare voluit, se esse eum, quem paulo ante dixisset, sive se misum esse a Deo. Ante omnia inquirendum est, quatenam et qualia sint illa opera, ad quae I. in sua causa hic provocat. Disfentiunt hac de re inter se eruditi. Sunt nimirum qui putent, haec opera intelligenda esse *de universa C. agendi ratione*, nulla ratione habita miraculosae eiusdem factorum indolis. Alii illa explicant, *de munere doctri-*

nas tradendae, uti MORUS (128) aliique. Alii cogitant *de institutione et exemplo Christi*, docendi negotio, sapientia et obsequio erga Patrem, vitae sanctitate, uti NITZSCH (129) Alii *solum docendi provinciam C. demandatam* intelligunt, uti in Briefe über das Eu. Ioh. Eichhornii algem. bib. 6. VII. p. 982. seqq. Eckermannus Theol. Beiträge 6. V. St. II. p. 76. seqq. Verum enim vero, ipsa orationis series, loca parallela, atque huius vocabuli ἔργα notio, vix dubitationem relinquunt, quin ultima adhuc commemoranda sententia illorum interpretum vera sit, qui putent hic cogitandum esse de miraculis factisque praeclaris, a Servatore editis. (130) ἔργον scilicet vocabulum de I. usurpatum saepissime denotat *miraculum quoddam insigne*, ut Luca XXIV, 19. et respondet voc. heb. נִסִּים. P. CVII, 24. plurali autem numero τὰ ἔργα saepius significant miracula a C. patrata. Eadem significatione haec vox occurrit Ioh. VII, 21. coll. vs. 23. et cap. V, 8. ἔργα τοῦ Χριστοῦ Matth. XI, 21. certissime sunt miracula, quod apparet, si conf. cum I. in Eu. Luc. VII: 14—18. Imprimis notatu dignus est locus Ioh. IX, 5. ubi legimus: haec facta sunt, ἵνα φανερωθῇ τὰ ἔργα τοῦ Θεοῦ ἐν αὐτῷ. Miracula hic intelligenda esse luculenter constat ex praecedentibus. Nunc sequuntur verba. Ἐμὶ δὲ ἰργάζεσθαι τὰ ἔργα τοῦ πατρὸς μου, κ. τ. λ. h. e. *oportet me divina edere miracula, quae Pater mihi edenda iniunxit*. Ita etiam loco nostro τὰ ἔργα et quae seqq. hunc reddunt sensum. Miracula, quorum divinitus edendorum auctoritatem mihi dedit Pater, haec inquam miracula, quae a me edita vidistis, tes-

(128) *In disp. laud.* p. 269. seqq. „Si rei ipsius, inter alia inquit, his verbis expressae explicatio, in hoc eodem libro *Iohanneo* quaeratur, in promptu est, negotium docendi homines et mortem deinde pro iis appetendi intelligi,” et paulo post „efficitur, illa ἔργα, de quibus I. ut de documentis loquitur, non esse hoc loco miracula, certe non tantum miracula, non imprimis miracula.” Postea vero idem ille MORUS hanc suam mutavit sententiam, *in recte in Euang. Ioh.* p. 94. „Haec facta C. „ita ibi legimus” intelligenda erunt eius miracula, quae in omnium prophetarum „vita hanc habuere vim, ut comprobarent, hos esse legatos divinos etc.” (129) *In disp. quantum C. tribueret miraculis.* Vitemb. 1796. (130) Ita STORRIUS *in FLATTS Magazin St. 2.* p. 80. et eiusdem *Lehrbuch der christ. dogm. mit anmerk. von C. C. FLATT* p. 133. seqq. nec non A. W. P. MÖLLER *in disp. edit. a Societate Hagana* 1800. p. 120. ubi inter alia illud legitur „dat J. zich niet op de wonderwerken, maar alleen op het Godewaardige van zijne handelingen beroept, heeft men ook daaruit willen bewijzen, dat J. zijne werken *καλὰ ἔργα* Ioh. X, 32. noemt, en daaruit heeft men dit gevolg afgeleid: „Het is niet het *Θεῖον*, maar veel meer het *καλόν* van zijne handelingen, waar

tantur, me esse misum a Patre. Et sane tot ac tanta miracula, a Domino edita, non poterant non vim habere insignem ad eum audiendum et suscipiendum tanquam Mesiam; erant enim illa Dei testimonia et argumenta in facto posita, quibus declarabatur *partim* eum divinitus esse misum, *partim* consilium Divinum esse, promovendo eius auctoritatem celerius et evidentius; luculentissima erant documenta, eum esse a Deo misum hominum Servatorem: hanc ob causam Petrus Iesum appellat, per excellentiam *ἄνθρωπος ἀπὸ τοῦ Θεοῦ ἀποδεδειγμένος ἐκ ὑμῶν* *h. e. virum a Deo misum ac inter Iudasos probatum*, idque quidem nullo alio modo, quam *δυνάμει καὶ σημείοις οἷς ἔποιον δι' αὐτοῦ ὁ Θεός* *Act. II, 22. conf. cap. II, 25. et X, 25.* unde extra omne dubium fit, miracula C. fuisse argumenta legationis eius divinae longe evidentissima ac tanquam talia ab eo nostro loco esse commemorata.

Iam autem cum verum sit, Servatorem hic τὰ ἔργα intellexisse miracula ab eo patrata, superest tamen alia quaestio, utrum nempe Servator se misum a Patre dixerit tanquam doctorem solummodo, an simul etiam tanquam Mesiam. Verum dubii nihil superesse nobis videtur, quin et Servator se a Patre misum esse dixerit tanquam verum Mesiam: si enim simpliciter indicare voluisset se esse legatum Dei, tali sensu, quo et multi alii fuerunt, et dicuntur *legati esse* a Deo ad homines misi, nihilo praestantior fuisset, quam *IESAIAS, IEREMIAS* alique. Potius igitur significavit, se esse legatum illum excellentissimum, maioribus iam promissum, τὸν ἐρχόμενον ἐν ὀνόματι Κυρίου, *misum singulari consilio divino ad homines beandos*, uno verbo *Mesiam*. Iudaei namque a Messia venturo edenda expectabant miracula, quibus comprobanda esset regia eius dignitas ac summa auctoritas *Ioh. IV, 48. Matth. X, 6.* Praeterea,

„J. zich op beroept, en waarmede hij zich verdedigt; dit καλὸν is het, waarom hij zijne handelingen „*ἔργα τοῦ πατρὸς* noemt. vs. 37. Handelingen, waar door hij zich praktisch Gode gelijkvormig „toonde.” (*Neue Theol. Journal. S. 382.*) Doch, wat noodzaakt ons hier te scheiden, het gene „naauw saamverbonden is? JESUS beroept zich zeer dikwijls op zijne wonderen in 't gemeen, als „op bewijzen van zijne Godlijke zending, en zijne verbinding met God; zonder telkens uitdrukkelijk „te gewagen, dat zij *weldadige wonderen* waren, (*ἔργα καλὰ*). Waarlijk de wonderen van Jesus waren „ook weldadig, en het is zeer doelmatig, dat Jesus zich ook op deze weldadigheid tevens beroept, „dewijl de Jooden zich zoo *ondankbaar* jegens hem bewezen vs. 31, 32.; en hun ongelooft in woede „en vervolging liezen uitbreken. (vergel. *Ioh. IX. 28--34.*)

uti recte observavit KUINOELIUS, praecessit h. l. miraculum quoddam, scilicet *sanatio hominis aegroti*, vs. 1—16. quae huic orationi Servatoris occasionem dedit, et cuius respectu opera sua cum illis Patris conferat. Ex universo igitur sermonis contextu evidenter apparet, Servatorem se nullo alio consilio commendare voluisse Iudaeis, quam ut ipsum agnoscerent tanquam verum Mes-
siam I. C.: nempe miracula tanta erant et tam insignia, ut omne quaecunque, vel excellentissimi religionis doctoris testimonium exhibitum, superarent, ac luculentissime indicarent, illum esse per vates antiquos Messiam promissum, a Deo ad homines missum, ut eorum causam adjuvaret iisque salutem restitueret; unde ipse C. formulam ὅτι ὁ πατήρ με ἀπέστειλε nonnunquam commutavit cum illa, ὅτι ἐν ἐμοὶ ὁ πατήρ καὶ ἐν αὐτῷ, ac talem se vere esse intelligi voluit, immo evidenter intelligi posse docuit ex miraculosis suis operibus. (131) Ceterum omnino cum hoc nostro loco conferri meretur 1 *Ioh. ep.* V, 9, 10. Ubi hunc Servatoris sermonem respexisse Apostolum, vidit iam STORRIUS p. 228. eumque cum h. Ep. I. contulit GROTIUS, qui nec *cap.* X, 25. et XIV, 11. neglexit. Illud enim testimonium Iohanneum iis rebus cernitur, quibus Deus Servatorem, verum Messiam declaravit, quales sunt, miraculorum effectiones, etc. ad quas toties auctoritatis suae confirmandae causa ipse C. provocavit: in his itaque qui Dei filio credit, ἔχει τὴν μαρτυρίαν ἐν ἑαυτῷ, *fidem exhibuit divino testimonio* (conf. STORRIUS p. 229. in not.) at vero, qui Deo testanti fidem negat, ψεύσιν πιστεύουσιν αὐτόν, is Dei mendacium arguit, eo scili-

(131) Formulam ὅτι ὁ πατήρ με ἀπέστειλε IESU insigniter fuisse propriam, imprimis patet ex *Iohanne Evangelio*, deque ipso, fortassis etiam e consueta Iudaeorum tunc temporis appellatione, ut legato Dei κατ' ἐξουσίαν, h. e. Messia, crebro usurpatur. Modo mihi inspice *Ioh.* III, 34. V: 36, 38. VI: 29. nominatim C. X. 36. ubi quem sensum illa IESU, ὅν ὁ πατήρ ἠγάπα καὶ ἀπέστειλεν εἰς τὸν κόσμον, ὑμῖς λέγετε κ. τ. λ. paucis videamus: scilicet ita struenda haec, eque crebra vocularum αὐτός ε: ἐκός apud Graecos, maxime ante relativum ὅς, omissione supplenda censeam: ὑμῖς λέγετε ἐκός, ὅς, ὁ π. ἡ. κ. ὁ δ. τ. κόσμον ὅτι βλασφημῖς, caet. hanc quidem in sententiam: *vos illi, quem sibi delegit Pater constituitque suum in his terris legatum, dicitis: tu impie loqueris, quod me Dei filium esse dixerim?* igitur in ἠγάπα καὶ ἀπέστειλε, forma sine dubio hebraica, est *Hendiadys*, ut vocant, verbalis, pro quo Graeci dicerent ἠγαπάς ἀπέστειλε. conf. Cl. ABRESCHIIUS in *par. in ep. ad Heb.* p. 160.

cet, quod testimonium eius de filio suo, publice toties ac solemniter editum, non admittit. (132)

Τὰ γὰρ ἔργα et αὐτὰ τὰ ἔργα elegans in hisce verbis est ἀγαφῶα, qualis illa: *Pallas te hoc vulnere, Pallas immolat*: habet enim emphasin istud loquendi genus; sic et *Aelian.* V. H. VIII, 9. Ἀρχιλάων Κρατείας ἀπεικτενε τὸν ἱρακην, ὁ Κρατείας Ἀρχιλάων. IX, 4. X, 22. (135)

Δίδωμι h. l. significat *iniungo, mando; opera quae mihi perficienda iniunxit Pater.* conf. *cap.* VII, 22. XVII, 4. In *vers. Alex.* hebraico כִּנְיָ *Esrae* IX, 11. respondet conf. χενοφον *de Rep. Laced.* XV, 5, 5. (134)

Δὲ deest in *cod.* 63. qui *cod.* quanquam satis probus sit, tamen non tantam habet auctoritatem, ut, cum omnes ceteri in lectione recepta consentiant, illam tanquam veram recipere dubitemur. (135) Pro ἐγὼ, γὰρ habet *cod.* 56. in quo tamen *cod.* passim interspersa sunt vocabula miniata. (136) *Cod.* D. porro (*Wetst.*) pro μίζω habet μίζονα. *Eod.* autem hic, uti antea vidimus, nullam habet authenticam, pro μίζω legimus μίζων in *cod.* A. 10, 11, 13, 33. V. vero uti notum est pro arbitrio in antiquissimis *codd.* MSS. in fine voc. nunc omittitur nunc additur, γὰρ omisit *cod.* 46. (Boole.) per scribae incuriam. Pro ἰδουε, 25. *Euang.* 20. legit δίδουε ex ingenio uti mihi videtur scriptoris. Pro τελειώσω *cod.* 64, 74, 89 et 90. habent πληρώσω, quod ad sensum eodem redit: sed cum omnes ceteri *cod.* iique authenticissimi in lectione recepta consentiant, tali mutatione profecto non opus est, τελίσω habent *Mont.* N. 1. *Leis.* qui tamen, *cod.* omnes plane nullam habent auctoritatem et minus accurate descripti sunt. (137) & ἐγὼ ποῦ omisit *cod.* 38. et ex eo *cod.* *Latini*; verum, testante WETSTENIO, in hocce *cod.* frequentes sunt omissiones earumdem vocum. (138) Ceterae variantes nullius sunt momenti: sic ἐγὼ deest in A. et D. qui et *cod.* D. pro ἀπίσταλε legit ἀπίστα, uti et alii. Ceterum cl. BOWYER (139) et

(132) Conf. rev. C. W. STRONCK in *spec. herm. Theol.* I. p. 34. (133) Conf. GROTIUS ad h. l. et ex eo ROSENMULLERUS in *schol.* ad h. l. nec non WOLFIUS, in *curis* ad h. l. et HJOMBERGII *Parerga* f. p. 161. „hac figura utuntur” inquit „cum persona, vel res de qua loquuntur per interiectionem plurimum eorum remotior est, quo casu plerumque pronom. αὐτός adhibere solemus ad indicandam rem de qua loquimur.” (134) Vid. SCHLEUSNERI *lexicon* in v. n. 8. (135) Conf. MILLII *prol.* 1459. (136) Ibid. 1382. (137) Vid. WETSTENII *prol.* p. 51-53. (138) Ibid. p. 49. (139) In libro I. ad h. l.

OWEN putant hic pro *μείζω τοῦ Ἰωάννου* fortasse legendum esse, *μείζω τῆς τοῦ Ἰωάννου*.

Vs. 57 et 58.

Pergit iam Servator monere, Patrem de filio suo testimonium dedisse καὶ ὁ πέμψας με πατήρ κ. τ. λ.

Quaerunt hoc loco interpretes, ubinam Pater hoc de filio testimonium protulerit. Sunt inter antiquiores et recentiores haud pauci, qui putent, haecce verba referenda esse ad I. C. baptismum, uti WOLFIUS in *curis*, ΚΟΡΝΗΛΙUS in *analectis*, BOLTENIUS, PAULUS alique; verum uti iam recte observavit CALVINUS, nihil profecto in hoc versu occurrit, quod nos de illo baptismo cogitare iubeat: immo orationis series luculenter docet, esse hoc loco sermonem de prophetarum oraculis Mesiam spectantibus. Servator scilicet ostendit, se non posse non cognitum esse populo Iudaico, ob varias ac multiformiter editas a Patre de eo declarationes. Innuit nempe Servator libros Sacros V. T., qui continent haec Dei declarationes, de mittendo aliquo Servatore, atque ex quibus evidenter intelligere poterat Iudaeorum unusquisque, eum esse promissum Mesiam. Tale testimonium Pater dedit five ὁ λόγος αὐτοῦ, uti est in seq. versu. Hoc sibi voluit Servator, cum diceret ὁ πέμψας με πατήρ αὐτὸς μμαρτύρηκε περὶ ἐμοῦ. cap. VI, 27. (140) Atque sic adstipulari GROTIO haud possumus, particulam καὶ in initio huius vs. ad praecedentia referenti, ita ut significet: *itaque, ergo*, et μμαρτύρηκε vim *praef.* obtineat; hoc sensu *itaque Pater omnino de me testatur operibus illis*: sic enim cadat verus orationis nexus; cohaerentia namque verborum haec est: ipse Pater de me testatus est, hoc vero testimonium, hae declarationes ac promissiones satis clarae sunt, *quamquam vocem eius nunquam audivistis, neque figuram vidistis*, quamquam vobis non forma visibili apparuit, et vera voce hoc de me testimonium perhibuit. Eorum enim haec vis est, sane non ita, ut proprie in vita communi testem dicimus, aut testantes aliquid auribus audimus atque oculis videmus, ipsum De-

(140) Conf. cl. MORI *disf. de testimonio Patris, Filio dato*. p. 272.

um testatum esse, non adspectabili modo eum testem adstitisse verba facientem; sed doctrinam suam et declarationem et praedictionem exhibuisse, quae sit ipsius Dei λόγος, quo uno detegente talia praedici possunt. *At vos non tenetis eius declarationem*, hoc eo ipso declaratis, *quod ei quem ille misit fidem non habetis*. Spernebant scilicet Iudaei haec Dei testimonia, ne intelligebant quidem, immo perverse interpretabantur, et in persona Mesiae expectabant regem terrestrem, tanquam qui plane ignari essent consiliorum divinorum de mittendo humani generis liberatore, unde aliter fieri non posset, quam ut I. C. ne agnoscerent quidem tanquam Mesiam, multo minus fidem ei haberent, καὶ τὸν λόγον αὐτοῦ οὐκ ἔχετε μένοντα ἐν ὑμῖν.

Καὶ hic significat; *Verum tamen*, uti recte observavit cl. MORUS, ita ut sensus huc redeat, *at vero institutionem eius non admittitis in animum, eius declarationem non tenetis*, sive, *quam de me docuit doctrina excidit animis vestris*.

Formulae μένειν ἐν τίνι frequentioris prae ceteris usus, primum quidem omnium cuique, Euangelium et Epistolam ἰομ. legenti, sese offert; respondet formulae ἵνα ἐν τίνι; quibus voculis eandem fere rem indicari, GROTIUS iam visum est. „Atque huius quidem sententiae causa,” uti rev. STROUCKIUS inquit l. l. p. 176. „forfan existit viro illustri ac doctissimo frequens et multa illarum formularum, in quibus est verbum μένειν, cum iis permutatio, quae verbo ἵνα exprimantur: quae nimirum quanta sit, sentiet protinus ac confitebitur, quicumque ex multis loca tantum contulerit sequentia; scilicet quod ep. c. I, 10. dictum erat, ὁ λόγος τοῦ Θεοῦ ἔστιν ἐν ἡμῖν id. c. II, 14. effertur ὁ λόγος τοῦ Θεοῦ μένει ἐν. Eodem modo, postquam eiusdem cap. alterius vs. 5. extremo monuerat Apostolus, ἐν τούτῳ γινώσκωμεν ὅτι ἐν αὐτῷ ἔσμεν, versu statim sequenti; eandem quasi repetens pro more suo sententiam subiungit ὁ λόγος ἐν αὐτῷ μένει.” conf. etiam eiusdem cap. vs. 15. coll. cap. III, 17. atque sic hae formulae plane eandem habent significationem, hoc tantum cum discrimine, ut si vocabulo ἵνα exprimantur, solummodo significant, quid, et quale sit, si vero μένειν in iis sit usurpatum, notionem addat *perpetuitatis, constantiae, ac durationis*, ac sic indicetur, quid et quale maneat. Eadem iam significatione Servator hoc nostro loco dixit τὸν λόγον τοῦ Θεοῦ (οὐκ) ἔχετε μένοντα ἐν ὑμῖν, vel, quod eodem redit, (οὐ) μένετε ἐν τῷ λόγῳ μου Ιωῆ. VIII, 31. pro quo c. XV,

7. usus est formula, idem valente, τὰ ῥήματα μου ἐν ὑμῖν (οὐ) μένει, ac sic in multis aliis locis. (141)

Τούτῳ ὑμῖς οὐ πιστεύετε, *hunc non audistis cum adfensu*. Referenda nominatim huc sunt, eum non audire cum adfensu, ubi se describit, se esse illum legatum eximium, dicit (nam de hac re, de qua Iudaei dubitabant, praesertim hic sermo est) id quod exprimi uberius interpretando sic potest: *hunc non agnoscitis, non admittitis* (142).

Ὅτι quia hic positum est ἀποδείκναι (probativum), uti idem observat GROTIUS et ex eo ROSENMULLERUS. Apparet verum esse quod dico, nam ei, qui a Deo missus est, fidem habere pertinaciter recusatis, οὐ πιστεύετε, *eum non admittitis, non agnoscitis*. (143)

Hic iterum pro suo more *codex cant.* fecit mutationem, pro αὐτοῖς μαμαρτέρηκε, legens, ἐκείνους αὐτοῖς μαμαρτέρει, et omittit voculam πώποτε. Verum cum hic *codex* nullius sit valoris, certe hae lectiones reiiciendae sunt. Porro *cod. I.* pro αὐτοῖς habet ἐκείνους, et ex eo *codd. Latini*: qui tamen *cod. ad vers. Ital.* est interpolatus. (144) Ἐν ὑμῖν omittit *Aet.* per incuriam scribarum, et per calamitatis fortasse vitium pro ἀπέειπεν legimus ἀπέειπεν in *cant. Mon. Lin. N. 1. Bodl. 5.*

Vs. 59 et 40;

Ἐξυνᾶτε τὰς γραφάς (pergit Servator) ὅτι κ. τ. λ. *Sacrorum librorum scrutantorum estis quidem studiosi, quod putatis, per eos vobis viam monstrari ad felicitatem perennem consequendam etc.*

DisSENTIUNT interpretes, utrum illud τὸ ἐξυνᾶτε, *imperative* an vero *indicative*, sit intelligendum: multi, uti CLERICUS, KOECHENIUS, WETSTENIUS alique, quos laudavit WOLFIUS in *curis* ad h. l. (145), *imperative* hoc

(141) Conf. SCHLEUSNERI *lexicon* in V. (142) Vid. SCHOËTGENII *Horae heb.* P. I. p. 356. (143) Conf. BENGELII *gnomon N. T.* ad h. l. (144) Vid. MILLII *prol.* 1168 et WETSTENII *prol.* p. 41. (145) Ipse itidem WOLFIUS eorum sententiae adstipulari non dubitavit, et eius in commodum multa attulit licet minus valida argumenta, quae tamen omnia hic commemorare longius foret. Unum ut sit exemplum „omnes antiquissimi interpretes hoc vocabulum *imperative*

vocabulum sumserunt, atque in illo emphasin quandam positam esse multis probare conati sunt argumentis, ita, ut significet *aliquid* cum maxima ἀκριβείᾳ, animi attentione et magno animi conatu, quaerere, atque ut sensus totius phraseos sit: *ut vos omni animi contentione inquiratis in scripturas, etiam atque etiam suadeo*. Haec autem interpretatio minus vera nobis videtur: vox scilicet ἐρευνᾶν quancumque inquisitionem, seu remissiore, seu accuratiorem illam denotat. Sic est ap. ΙΟΣΕΦΗΝ, *Ant.* II, 6, 7. de scypho ΙΟΣΕΦΗ, in sarcinis fratrum quaerendo „ὡς δὲ τοῦ βενιαμίν φέρεται ἐρευνᾶντες, τὸν σκυφὸν λαμβάνουσι” ut vero *Beniamini sarcinam scrutantes, scyphum protulerunt*. Hic vero nullam ἀκριβείᾳ hac in voce inesse cuique facile patet. Itaque scriptores studium inquirendi paulo accuratius expresfuri, adiecta aliqua voce id indicant; sic ΦΗΛΟ, *de mundi opif.* p. 14. de naturae perscrutatoribus paulo diligentioribus; ὅταν φύσιν τῶν πραγμάτων ἀκριβέστερον ἐρευνᾶντες: *de conf ling.* p. 328. ἐρευνᾶν περὶ ἁγῶν, et paulo post, διερυνήσεσθαι ἀκριβῶς: quae loca satis luculenter indicant, voci ἐρευνᾶν per se non eam inesse vim, quam multi ei tribuendam esse contendunt. (146)

Illud igitur ἐρευνᾶν, uti iam Cyrillus vidit, *indicandi* modo accipiendum est: *vos inquiritis, scrutamini*. (147) Neque enim monere Servator voluit Iudaeos, ut libros sacros diligenter legerent; concedit potius et sumit, ab iis legi scripturas, eosque laudat, quod illas magni faciant, sibi que persuasum habent, iis contineri felicitatis aeternae disciplinam: docet quoque in iis reperti testimonia de se; sed obiurgat et dolet, frustra ab iis legi scripturas; nam lectionem scripturarum non habere apud eos usum et fructum, quem habere posset ac deberet, nempe ut eum agnoscant tanquam Servatorem promissum ac vere Mesiam et ita salutem consequantur. Talem enim interpretandi ratio-

„sumserunt.” Iam vero non opus est ut moneam, quales hi Patres *Eccl. Latini* fuerint interpretes; ignari erant interdum linguae Graecae et Latinae, praedudicatis opinionibus imbuti, immo a recepta in Ecclesia versione, ne latum quidem unguem recedere ausi sunt. (146) Conf. REESSIUS, *Observ. in N. T.* ad h. l. nec non DEYLINGIUS *obs. sac.* P. V. obs. 14. uti et E. LEIGH. *Crit. S.* p. 124. ac SCHLEUSNERI *lexicon* in v. n. i. conf. etiam SUICERUS *in Thes.* ad V. (147) Sic RAPHELIUS *in obs. Herod.* et LAMPE ad h. l. coll. LANGE l. l., nec non BENNELIUS *in gnom. N. T.* ex antiquis etiam *indic.* agnoscit, ATHANASIUS in illud, *profecti in pagum* T. I. p. 989. et NONNUS, quare BRENTIUS magni iudicii interpretes esse ait, qui *indic.* statuunt.

nem universa orationis series flagitat, cum vs. 40. sequatur καὶ οὐ θέλετε εἰσελθεῖν κα. τ. λ. cum infra v. 45. I. concedat Moſen ab iis magnifieri, ſed fruſtra legi; atque in praecedentibus etiam indicative legantur ἐπεὶ ὑμῖς δοκεῖτε κα. τ. λ. *quoniam putatis, in eas vobis viam monſtrari atque aperiri ad felicitatem perennem.*

Ἡ ζῶν αἰώνιος, viam ad aeternam felicitatem ſignificat, uti ſaepe; καὶ ἐκείναις usque ad περὶ ἐμοῦ, atqui illae me Meſſiam commendant, docent me eſſe eum, per quem felicitatem perennem conſequi poſſitis. Nempe in omnibus iis locis, in quibus de auctore novae religionis, de regno ſempiterno etc. ſermo eſt, καὶ eſt atqui. Senſus igitur huius loci eſt: *Vos Iudaei inquiritis in ſcripturas, ſtudioſi eſtis ſacrorum ſcriptorum legendorum: in iis namque verum ad ſalutem aeternam aditum vobis apertum ac monſtratum eſſe creditis; atqui haec ſcripta me teſtantur Meſſiam, καὶ οὐ θέλετε εἰσελθεῖν πρὸς με, ἵνα ζῶν ἐχῆτε, h. e. nihilo tamen minus me meamque doctrinam ac dignitatem agnoſcere recuſatis, ut ſalutem aeternam conſequamini.*

καὶ hoc verſu ſignificat *nihilo tamen minus*, qua notione quoque occurrit Cap. VI, 56. Matth. X, 30. Iac. III, 5. neque aliter, uti notavit ΚΑΒΕΒΙ-
US l. l. ad h. l. ap. IOSEPHUM Ant. II, 6, 11. legimus εἰ καὶ ἡ κακία σε παροξύνει οὖν ἡ ἡμέτερα, ΚΑΙ σὺ κατ' αὐτῆς δίκαιον χάριſαι τῷ πατρί, *tameſi tibi iram commo-
vet hoc ſcelus noſtrum, tamen vindictae gratiam facito patri.*

Ἐλθεῖν πρὸς με formula convenit cum illa cap. VI, 55. πικνεύειν εἰς ἐμὲ: conf. VII, 57. X, 41. XIV, 6. denotat I. *adire audiendi et diſcendi cauſa*, imprimis cum effectu quodam, ut quae audiveris et didiceris, vera habeas, praefertim ut eum tanquam Meſſiam promiſſum agnoſcas. (148) „In priori loco,” ut verbis utar TITTMANNI, „quemadmodum vs. 44. huius capitis huic formulae ſynonymum poſitum eſt, explicationis cauſa, verbum πικνεύειν, iam effectus τοῦ εἰσελθεῖν πρὸς Ἰηſοῦν, five, πικνεύειν, eſt hic: ἵνα ζῶν ἐχῆτε. Ceterum perquam notabile eſt et eſſe debet, noſtris imprimis temporibus, elogium inſigne, quod hoc loco tribuit Dominus ſcripturis S. V. T., in iis nempe tradi modum tenen-

(148) Conf. SCHLEUSNERI *lexicon* in voce π. e. ἔρχεſθαι πρὸς τινά notat: *adire aliquem, ex-
petendae alicuius rei cauſa* Matth. III, 14. porro: *alicuius doctrinam amplecti, ſe alicuius diſciplinæ
et inſtitutioni tradere.*

dae salutis, et contineri effata de Messia eaque perspicua et evidentia; ex quibus agnosci facile possit ab unoquoque."

Quod ad varias huius commatis codd. lectiones variantes attinet, hae parvi sunt momenti. Sic *cod. D.* (cant.) iterum suo more voces ἔχον ἐν ἑαυταῖς ζῶν αἰώνιον. Porro *cod. 64.* pro αὐταῖς habet ἑαυταῖς, ex emendatione scribae, uti videtur. Dein, quamquam *cod. 40, 63, 64, 71. Euang. 20. et cod. lat.* ommittant vocabulum αἰώνιον, tamen cum omnes alii iique authenticissimi codices in lectione recepta consentiant, certissime haecce varians lectio reiicienda est: sensus autem eodem redit. Denique in *vs. 40. pro ζῶν cant. Hunt. 2. L. Syr. Per. Ar. Chrysost.* legunt ζῶν αἰώνιον, quae lectio omnino falsa est, et ex praecedente commate deprompta videtur, uti recte adnotavit WETSTENIUS ad h. l.

Vs. 41 et 42.

Pergit iam Servator verbis δόξαν παρὰ ἀνθρώπων κ. τ. λ. exponere causam; quare non venirent ad ipsum, neque ei fidem haberent: scilicet destituti erant sincero amore erga Deum et integre fidei pietatisque studio, et contra dediti rerum terrenarum amori.

Verba per se considerata nihil habent obscuritatis, sed simpliciter continent amolitionem suspicionis, in quam *Iesu* adversarii pro eorum malignitate adduci facile poterant, putantes Servatorem aliquam hac in re gloriam captare, per illum Iudaeorum concursum quaesitam. Δόξα hic est *gloria, laus, celebratio* (149), ad imitationem heb. כְּבוֹד *Pf. c. V, 47. 1 Chron. XVI, 28 et 29. Luc. II, 14. δόξα ἐν ὑψίστοις θεῷ, laudandus et celebrandus in caelo Deus; ibid. XVII, 18. δοῦναι δόξαν θεῷ, laudare Deum 2 Cor. VI, 8. etc.* Pertinent autem haec omnia ad dicendi genus hebraifans, Graecis arrogare vel fumere sibi aliquid est προσποιεῖσθαι, de quo vid. KUSTERUS de verbis graecis mediis, Sect. I. n. 24. cum notis WOLLII P. M. 36. item ἀρπαῖς, uti in

(149) Conf. SCHLEUSNERI *lexicon* in v. n. 2. „pertinet huc,” inquit, „observatio grammaticorum vetter., a THOMA M. P. 247. allata, qui δόξα κ. κλέος ita differre iudicaverunt, ut illud εἶναι ἀπὸ τοῦ πολλῶν ἔκκειναι, hoc vero εἶναι ἀπὸ τοῦ ἀγαθῶν ἔκκειναι significet.”

Chryst. Hom. I. in 1 Cor. τὸ κοινὸν ἀρπάζειν καὶ ἰδιοποιῆσθαι Ceterum sententiam HOMBERGII (150), qua putat, δόξαν hic significationem habere ΤΕΣΤΙΜΟΝΙΙ, quia haec vox alibi *opinionem*, quam alii habent, *existimationemque* notet, (151) per se falsam esse, cuique facile patebit, si modo totum orationis nexum ac seriem inspiciat. Cl. KUINOELIUS putat, haec verba quasi in parenthesi esse posita, et vs. 42. cum vs. 40. sic cohaerere: sed probe vos novi: causa, cur ad me accedere atque felices fieri nollitis, haec est; vos de-
stituti estis amore Dei vero et casto, in ore tantum pietatem habetis. Verum non opus nobis videtur tali interpretatione, cum sensus sit perspicuus, et verba optime, uti antea vidimus, cum com. 40. cohaereant. Sensus nimirum huc redit: haec, quae in medium protuli testimonia, de mea auctoritate, haec, quae dixi, non dixi appetitu honoris a vobis adipiscendi, sed ideo, quia cognitum mihi est, vos ipsius Dei de me testimonium reicere, et probe scio, vos Deum toto animo omnibusque viribus non diligere; ipsos Dei legatos quidem veneramini, verum Numen illud supremum non diligitis: hinc omnis vestra oritur ἀπιστία.

Sunt quidem, ut hoc strictim moneam, interpretes qui putent, verba ἀλλ' ἡγωνα ὑμῶν vertenda esse iam saepius vobis pakim professus sum. Verum quam contorta fit talis interpretandi ratio, non est quod dicam; praeterquam quod ipse sensus adeo est perspicuus, ut vulgarem interpretationem non tantum admittat, verum et postulet, et verba haec, uti recte observat BENGEIUS Gnom. N. T. ad h. l., magna cum miseratione locutus est Servator, *non mea sed vestra causa* (inquit) *doleo*, ὅτι τὴν ἀγάπην τοῦ Θεοῦ οὐκ ἔχετε ἐν ἑαυτοῖς, *quod non sit in vobis charitas Dei*, quod ab honore eius, diligenter ab aliis augendo, sitis alienissimi. Nihil curatis meliorem Dei cognitionem acquirendam et inter homines disseminandam; unde sequitur, vos esse eos, qui a vero Dei amore, studioque eum recte colendi sint remotissimi.

Ἀγάπη hic significat generatim, *omnia officia alteri praestanda*: hinc ἀγάπη τοῦ Θεοῦ haud raro in universum *quaevis officia Deo ab hominibus praestanda*, *verum Dei cultum numinisque reverentiam*, complectitur; ita ut sensus huius loci sit: *vos non veros esse Dei cultores bene novi.* (152)

(150) In *Parergis* S. p. 162. (151) Conf. etiam WOLFIUS in *curis* ad h. l. (152) Vid.

Quod ad crisin huius loci attinet; pro *δέξαι παρὰ ἀνθρώπων* *Cod. Alex. et Ann.* habet *δέξαι παρὰ ἀνθρώπων*, putem cum Millio, (155) quia supra vs. 34. est in singulari *ἡ παρὰ ἀνθρώπου* κ. τ. λ., seu propter sequens *παρὰ ἀλλήλων*. (154) *Cod. D.* ἀλλὰ habet pro ἀλλ', per calami vitium, et vocabula *τὴν ἀγάπην τοῦ Θεοῦ ὅντι ἔχετε*, sequenti modo transposuit, *ὅντι ἔχετε τὴν ἀγάπην τοῦ Θεοῦ*, quod eodem redit. Denique *cod. 74.* addidit *ὅτι τὴν ἀληθειάν Θεοῦ*, quod ab interpretibus ac scribis interpositum videtur. (155)

Vs. 43, 44.

Pergit Servator eodem loquendi genere. *Ἐγὼ ἐλήλυθα ἐν τῷ ὀνόματι τοῦ πατρὸς μου*, κ. τ. λ. *ego veni ad vos, auctoritate patris mei*; h. e. divina potestate atque auctoritate munitus, veni ad vos tanquam legatus divinus ac Messias patribus promissus, nec tamen me admittitis, alium quemcunque, qui suo arbitratu veniret, egregie accepturi.

Servator igitur hisce verbis, *Ἐγὼ ἐλήλυθα ἐν τῷ ὀνόματι τοῦ πατρὸς*, disertè ad Patris insum auctoritatemque provocat, suamque commendat ac firmat auctoritatem ac provinciam; addit autem *καὶ οὐ λαμβάνετε με*, *me vero non admittitis, auctoritatem meam non agnoscitis*. Minus namque recte a SEMLERO, ROSENMULLERO, aliisque, verti *doctrinae meae locum non datis*, ut alii iam monuerunt, docet universa Servatoris Orationis ratio, quae unice in confirmanda auctoritate sua, munerisque sui a Deo accepti commendatione ac vindicatione versatur. „Quorsum enim” ut verbis utar *στρωνγκι* Cl. p. 147., „nisi huc spectat, amabo, Patris illud testimonium? quorsum, quae eodem hoc commate adiecit ipse *ἰησους*? Quorsum, quae de *μοσις* in concilianda ipsi auctoritate summa commemoravit opera? quorsum alia, quae taceo at quisque sponte observabit?” Respondet igitur vox *λαμβάνειν* voci *πιστεύειν*, antea a Servatore vs. 38. adhibitae, immo utrumque vocabulum promiscue a Servatore usurpatum esse patet ex iis, quae subiunxit Servator vs. 44. *Πῶς*

SCHLEUSNERI *lexicon* in v. n. c. nec non GROTIUS ad h. l. et ex eo ROSENMULLERUS in schol. ad h. l. (153) Conf. MILLII *prol.* 891. (154) Ibid 1500. (155) Vid WETSTENII N. T. ad h. l.

δύνασθε ὑμῖς πιστεῦσαι. coll. cap. I, 12., ubi Iohannes hac voce πιστεῖν explicat λαμβάνειν: addatur cap. XII, 48. coll. vs. 46.

Ὁ ἐρχόμενος ἐν τῷ ὀνόματι τῷ ἰδίῳ est, *qui sponte se ingerit, et falso se venditat legatum divinitus missum*. Hinc patet, quid sit ἐρχεσθαι aut ἐρχόμενος, ubi simpliciter de docente ponitur, et quae tum ellipsis agnosci debeat. Paulus, quamquam divinitus misus, in 2 Cor. XI, 4. scribit, si ὁ ἐρχόμενος aliam exponeret doctrinam, hunc faciles et promptos Corinthi nacturum auditores. Est ὁ ἐρχόμενος aliquis sponte se ingerens atque offerens, a nemine iussus, tamen suscipiens personam docentis. Eodem sensu legimus Ioh. X, 8. πάντες ὅσοι ἤλθον, quotquot sponte ausu suo se ingesserunt. Conf. etiam Ier. XXIII, 21. ubi רצ"י fine dubio intelliguntur οἱ ἐρχόμενοι. Ceterum ἐρχομαι hic eandem habet significationem ac אָמא (chald.) *venire* אָמא רב R. *venit* h. e. *docet*, ac sic רב פֿרוני אָמא כֶּשֶׁם רב פֿרוני; *nomine mei Patris venio*, nihil aliud significat quam, ad comprobendam doctrinam meam provoco ad Patris auctoritatem. (156)

Verbum ἀληθεῖς saepe usurpatur de Servatore: hinc et frequenter ὁ ἀληθέμενος Mesiae est denominatio Matth. III, 11. etc. (157)

Ὁνομα hic idem valet ac auctoritas, uti saepe Matth. XXI, 9. XXIII, 39. Marc. XI, 9, 10. XVI, 17. Act. III, 6. IV, 7, 10. XVI, 18. Eadem etiam significatione nonnunquam occurrit apud auctores profanos, Ioseph. Ant. I, IV, 1, 1. ἐπ' ὀνόματι τοῦ Θεοῦ καλῶμεν: *ibidem* VII, 1, 5. ἐκ τοῦ Δαβὶδ ὀνόματος, *iussu et auctoritate DAVIDIS* etc. Esther. VIII, 9. ubi vocem דָּבָר οἱ ε vertunt τοῦ βασιλεῦς ἐπιτάγῃς. (158) ἐκείνον λήψετε, *quia vitia vestra non detegget; vobis blandietur*. Ceterum illud ἐν τῷ ὀνόματι τῷ ἰδίῳ, ita videtur oppositum alteri ἐν τῷ ὀνόματι τοῦ πατρὸς, *Patris iussu et auctoritate*, ut sit, *sua auctoritate, Patre non iubente aut mandante*, licet divinam auctoritatem, divinumque iussum prae se sit laturus.

Errat hic sine dubio EVANSONUS, cum hocce Servatoris vaticinium veritati, cuius magistra sit historia, adversari existimat. (159) Scilicet eius sententia huc redit.

(156) Conf. LANGE, l. l. p. 180. (157) Vid. KUINOELIUS T. III. p. 103. (158) Conf. SCHLEUSNERI *lexicon* in v. et ROSENMULLERUS in scholiis ad h. l. (159) In libro; de *Srij-*

Hisce verbis Servator indicat, *primum* proditurum olim certum quendam impostorem, qui divinam suam auctoritatem nequaquam mentiens aut prae se ferens, Messiam, generisque humani vindicem tamen falso se profiteretur: nam mentiti sunt quidem legationem, quotquot post Iesum Messiae sibi dignitatem arrogarunt, sed nullus eorum tantae rei documenta dedit, solus Iesus et venerat, non ἐν τῷ ὀνόματι τῷ ἰδίῳ, sed ἐν τῷ ὀνόματι τοῦ πατρὸς αὐτοῦ, et se ita venisse demonstravit. Iam, aliud est revera ex Dei auctoritate ad homines loqui, aliud falsa se Dei legatum iactare: posterius qui facit, nonne is vere dici potest ἐρχεσθαι ἐν τῷ ὀνόματι τῷ ἰδίῳ? *deinde* vero certissima futurum, ut gens Iudaeorum Messiam eum habeat, ac veneretur. At neutrum, addit, unquam ita accidit, cum nemo eorum, qui Messiae personam unquam induerint, auctoritatem suam divinam pluribus argumentis defendere ac probare conatus non sit; nullusque ab universo populo Iudaico Messias fuerit salutatus. Verum enim vero quam contorta et minus exquisita haec omnia ab EVANSONO sint excogitata, nemo non videt. Nam quotus quisque tandem verba loquentis cum animi commotione paullum fortiori, eaque illustrandi causa solummodo pronunciata, stricto omnino sensu exponenda, utque vere, et absque ulla conditione, ita effata, et interpretanda censebit? censebit vero contra rei indolem, neque consentiente contextu. „Tu enim” ut verbis utar СТРОНЦКII in *disf.* l. p. 90. „ita si intellexeris, ut post Iudaeorum prae fractam duritatem et „negligentiam haud excusabilem a Servatore admodum perstrictam ac „condemnatam, ut et amoris in Deum defectum iis ab ipso exprobatum, ita „eum audias versu 43. disferentem: *Ego Patris mei iussu prodii; at vos ii „estis, eaque perversitate, ut me non admittatis, alium quemvis, Patre „meo non mandante, suaeque tantum auctoritate prodientem, facile admis- „suri:* ita, inquam, si intellexeris, locumque reddideris, statim disparitura, „opinor, senties, quae ex eo effecit EVANSONI ingenium.”

Ceterum hocce I. C. vaticinium eventu evidentissime est comprobatum, evolvamus modo IOSEPHI effata de *Theuda*, de *Aegyptio* quodam aliisque bene multis impostoribus. (160)

Πῶς δύνασθε ὑμῖς πεῖσθαι, pergīt Servator, δόξαν παρὰ ἀλλήλων λαμβάνοντες κ. τ. λ. *quonam autem modo vos me, meamque doctrinam admittere potestis, cum mutuas a vobis invicem laudes captetis, nec studio fitis eius honoris, qui a solo Deo impetratur.* Eodem redit, ac si Dominus dixisset: non miranda est vestra temeritas, cum hominibus potius quam Deo probari contendatis, ex hominum profecto favore pendeatis, immo in eo unice laboretis ut alter alterius sermone varios audiat honores. (161) Vanæ nempe gloriæ cupiditas eos impediēbat, quo minus, I. C. meliorem doctrinam admitterent. Phariseus a Phariseis volebat laudari, asessor Synedrii ab asessoribus eiusdem collegii etc. Hinc nemo audebat Servatoris castra sequi, nec Phariseus, ne a Phariseis condemnaretur, nec Synedrii asessor, ne ab iisdem stultus declararetur (162); parvi faciebant verum Dei honorem, quem illis Numen illud supremum decernere volebat, neque tantum Deo tribuebant, ut Servatorem verum esse Mesiam faterentur; hæc erant præcipuæ causæ eorum ἀπιστίας.

Observandum hic est, aliquam singularem in I. C. dicendi genere inesse suavitatem, qua soleat frequenter; cum rem aliquam apertius posset ac planius negare, eandem interrogando proponere, auditorum adeo iudicio submittere, item, si qua de re auditores essent reprehendendi, culpandi, aut admonendi: conf. etiam vs. 47. et ex IOHANNIS dictione iis simillima cap. III, 17. IV, 20. (163)

Δόξαν παρὰ ἀλλήλων, *gloriam a vobis invicem*, h. e., uti inquit Bengelius; l. l. ad h. l. *iustum se esse quisque vestrum censet*, pro eo atque vos de vobis mutuo existimatis, nec laboratis, ut soli Deo fitis probati. Conf. Rom. II, 29. (164)

Ὁς ζητᾷ pendet, uti quisque facile videt, ab articulo, qui inest in λαμβάνοντις h. e. οἱ λαμβάνοντες. Ceterum significat; *omni studio contendere ad aliquid faciendum*, conf. Matth. VI, 33. ζητᾷτε πρῶτον τὴν βασιλείαν τοῦ Θεοῦ. (165)

Pseudo prophetis conf. 1 Ioh. IV, 1. (161) Sic et Horat. Epist. II, 2. 87. (162) Conf. RESHMULLERI scholia ad h. l. (163) Conf. rev. STRONCKII dissertatio l. p. 231. (164) Vid. SCHLEUSNERI lexicon ad v δόξαν, qui locum reddidit, *quos scio humana auctoritate tantum regi, et humano testimonio plus tribuere quam divino*, coll. cap. XII, 43. Ibidem ap. Aelian. V. H. L. 23. IV, 20. (165) Ibid in v.

Occurrunt h. l. sequentes variantes. *Cod. A.* 1. 33. *coll.* a prima manu, *Cy- rillus* et *Chrysoſt.* πιστεύει habent pro πιστεύειν, quod tamen minus videtur cum sensu convenire, praeterquam quod omnes ceteri *codd.* in lectione recepta consentiant. Pro ἀλλήλων legimus ἀνθρώπων in *cod.* 5, 6, 35, 48, 49, 57: a prima manu 62. *Orig. de orat.* 14. *Euseb.* P. XIII, 6. *Ephraem.* I, 2: p. 92. quae lectio primo quidem adspectu magnam probabilitatis speciem praese fert, verum intentiori oculo considerata ex vs. 34 et 41. deprompta esse videtur. Ceterae variantes minoris sunt momenti, quam ut iis immoremur.

Vs. 45—47.

Pergit Servator in reprehensione sua sequenti modo μὴ δεκτικὸς, ὅτι ἐγὼ πατη- γοῦμαι ὑμῶν πρὸς τὸν πατέρα, κ. τ. λ. *nolite existimare, me vos apud Patrem esse accusaturum; est qui vos accuset Moses, quo confidere soletis; Mosi si fidem haberetis, quoque mihi non abnegaturi essetis, de quo ille scripsit; sed illius scriptis si fidem abnegatis, quomodo fidem habebitis sermonibus meis?* Sensus est: non eo consilio haec dico, quasi apud Patrem vos accusare velim, quasi iratus vobis sim; verum ipse Moses, in quo magnam spem collocare soletis, quasi in patrono vestro, iam ante me vos reprehendit: ex scriptis enim eius, quae a vobis leguntur, clarissime apparet; vos esse inexcusabiles. „Hisce verbis se excusare voluit Servator,” inquit TITTMANNUS ad h. l. „tanquam cuperet ulcisci contemptum sui, et vero etiam monere homines tot documentis commonefactos et tamen IESUM CHRISTUM admittere recusantes, ut culpam perniciiei tribuerent sibi et ipsis; nam formula, *accusare aliquem apud Deum*, habet vim hanc, optare et quod in nobis est tentare, ut Deus puniat aliquem, qui nos iniuria affecit.

Ἐλπίζει hic non simpliciter significat *sperare*, verum et *confidere*, *fidem aliqui habere*. Eodem sensu vox haec occurrit *Matth.* XII, 21. *Iudith.* IX, 7. ἠλπίσαν ἐν ἀσπίδι καὶ τόξῳ *sperarunt in clypeo et arcu*: atque hic perfectum vim praesentis obtinet, (1 *Tim.* IV, 10. V, 5. 1 *Cor.* XV, 19. etc.) uti iam LUTHERUS observavit.

Μωσὶς, *scripta, doctrina Moses* per Metonymiam (166); personam enim

ipsam Mosis, iam demortui et in coelo summa fruientis beatitate, quis intelligat, cum paulo post *Μωσῆ πισύων* profecto non ad eius personam sed doctrinam referatur, et Mosen, quatenus *ἔγραψε*, respiciat, et *ὁ πισύωντες Μωσῆ*, mox dicantur, *ὁ πισύωντες τοῖς ἰσίου γράμμασιν*.

Cl. PAULUS in comm. ad h. l. putat, respici hic Iudaeorum opinionem, Mosen Mesiae temporibus in vitam rediturum et Mesiae in regno instituendo opem esse latum: verum verba, quae com. 46. occurrunt, huic opinioni sunt contraria *ἡ γὰρ ἐπισύσις Μωσῆ* κ. τ. λ. et vs. 45. non tam de Mose, uti vidimus, quam potius de eius doctrina ac scriptis sermo est (167); *mihi*, inquit, fidem haberetis, me meamque doctrinam admitteretis, *nam de me scripsit*, scripta eius me commendant: revocate tantummodo in memoriam *Deut. XVIII, 15.* ubi non tantum definivit ac docuit, quibus notis legatus divinus a falsis dignosci posset prophetis, verum etiam de praestantioris religionis auctore, olim venturo, praemonuit. (168) Ceterum vocabulum *περὶ* hic, uti saepius, quando cum genitivo construitur, non solum denotat *de* sed *pro*, *in commodum et bonum alicuius*, atque sic IESUS docet, *MOSEN* summa cum laude de se scripsisse. Tali sensu illud vocabulum occurrit *Matth. XXVI, 18.* 2 *Thesf. I, 11.* *Heb. V, 3.* et *ei* ad *Ester. VII, 9.* Verba *אשר דבר מלך על מלך*, qui locutus fuerat bonum pro rege, vertunt *τὸ λαλῆσαι περὶ τοῦ βασιλέως*. (169)

Et *ὁ τοῖς ἰσίου* κ. τ. λ. *β. Mosis scriptis fidem denegatis*, cuius auctoritas apud vos summa est, cuius scripta magno in pretio habetis, si adeo inconsiderati in effatis illius exponendis estis, *profecto non est mirum, vos mihi fidem abnegare*, et me meamque doctrinam repudiare. *Γράμματα* et *ῥήματα* hic inter se opponuntur. Mosis praecepta literis consignata habetis, ut ea decies legatis et consideretis. Si Mosis, cuius fides historica apud vos iam a multis seculis summa fuit, non creditis, multo minus credetis doctori novo (170): non opus est, inquit, delatore et accusatore; vestra *ἀπιστία* adversus diserta

(167) Uti iam observavit RAMBACHIUS, *instit. herm.* p. I. p. 149. (168) *As mutat actum verbi in tempus fut.* et hic construitur cum *indic.* Vid. VIGERUS, *de Idiotismis gr.* p. 486. (*Hoggevenit.*) (169) Conf. KRUCHENII *annot. in Ioh.* ad h. l. (170) Vid. WETSTENIUS in N. T. ad h. l.

vaticinia scripturarum est vestrae perniciiei causa et argumentum evidens, vos vestro merito perire. Ceterum quod ad syl. I. C. suavitatem, hic idem valet, quod observavimus ad vs. 44. de Servatoris consuetudine, qua rem, quae planius posset negare, interrogando proponere solet.

Variantes, quae hisce in ultimis versiculis occurrunt, tam minutissimi sunt momenti, ut non opus ducamus eas in medium proferre; sic nonnulli pro *Mosē* legunt *Moseē*, quae lectio magnam probabilitatis speciem prae se fert, propterea quod et in antiquissimis versionibus Latinis semper legitur *Moyse*. De ceteris conferri possunt MILLII et WESTENII annotationes.

Pergamus iam ad tertiam et ultimam huius disquisitionis partem, quae absolvitur expositione sensus huius orationis pulcherrimi paraphrastice ratione proposita.

III.

SENSUS HUIUS ORATIONIS, PARAPHRASTICA RATIONE EXPOSITUS.

Sensus iam horum verborum, ipsam, optimi Servatoris nostri contra Iudaeorum procures, eum accusantes ac si Sabbathum profanasset, ac false Deo se aequasset, responsum in se continentium, huc redire videtur: respondet I. C. primo (vs. 17.) ad accusationem primam, nempe, cum Sabbati religionem solvisse, sequenti modo.

„Quomodo me, vos procures Iudaeorum,” (inquit Servator) „accusare possitis, ac si per rem sanctam ac piam hominique misero salubrem, die Sabbati, peractam, huius diei religionem solvissem? provoco ad exemplum Patris mei: quemadmodum ille non desinit, ob hancce Sabbati religionem hominibus, omnibusque suis creaturis benefacere; quemadmodum ei nulla est quies, nullum Sabbathum; quemadmodum denique semper de hominis salute sollicitus operatur: ita et ego, qui eius sum Filius, tanquam legatus divinus a Patre missus, ea operor, quae ad generis humani salutem faciant. Legimus quidem de Patre coelesti, eum, postquam orbem condiderat sex dierum spatio, septimo die ab hocce opificio requievisse: verum haec quies non ita est accipienda, ac si supremum illud Numen a rebus creatis curandis et beneficiis in mortales conferendis conquiescat; contrarium locum obtinere ipsa nos docet laeta experientia, nunquam cessat vis eius conservatrix ac gubernatrix, quae se extendit ad omnes omnino res creatas. Hoc Patris exemplum ego imitor: iam igitur, cum in Patre nihil reprehendendum esse existimetis, etiam quaeso, ut in me ipso Filio reprehendatis nihil: omnia enim, quae ego facio, iussu, non tantum et auctoritate Patris mei facio, verum et eadem amoris, benevolentiae atque omnipotentiae opera efficere possum, quae efficit Pater. Religio igitur Sabbati non impedit, quo minus perficiam, quae pertinent ad salutem aliorum: et cum vobis omnibus planum nunc sit ac perspicuum, Patrem meum, ad hunc usque diem operari, eodem modo vobis nunc annuncio, meum esse

„officium Patrem hac in re imitari et omnia illa efficere opera, quae efficit
„Pater.”

Hancce vero optimi Servatoris responſionem cum audiviſſent Iudaeorum proceres, tantum aberat, ut mitiores redditi eſſent, ut contra maiori indignationis et irae ſervore inflammarentur, eum occidendi captantes occaſionem, quoniam non ſolum (uti dicebant) Sabbathum profanaſſet, ſed etiam Deum dixiſſet Patrem ſuum, ſequē Deo aequalem feciſſet. Nihil enim aliud ex Servatoris ſermone colligebant, quam quod ſe totidem verbis declaraviſſet Meſſiam: nemo autem horum procerum illum vere eſſe Meſſiam ſibi fingere poterat; hunc enim hominem, hunc civem Nazarenum, vere eſſe Meſſiam, maioribus promiſſum, quis credere poſſet? nihil quippe regiae dignitatis, nihil honoris et ſplendoris magnifici in ipſo erat conſpicuum, nihil quod ipſum commendaret populo, principibus, nihil certe quod illorum animis ſpem iniiceret, fore ut per ipſum univerſi orbis Romani exiſterent aliquando victores: tam longe ab hac muneris Meſſiani amplitudine ex eorum opinione alienus erat Servator, ut contra hominem eſſe cenſerent moleſtum, plebeiſſimae ſuperſtitioni fovendae operam impendentem, ſtatus eccleſiaſtici ac politici maſtratu ſtruentem infidias: et talis homo vilis ſe dixerat Meſſiam, hoc blaſphemiae erat crimen, nullo unquam modo condonandum, immo perinde dignum eum cenſebant, qui morti traderetur.

Iam vero pergit Servator ad haſce Iudaeorum criminationes ita reſponderē, ut uberius et accuratius explanet, quae antea (vs. 17.) enunciaverat; et quidem ita, ut primo oſtendat, ſe non ſua, ſed Patris auctoritate prodiſſe, adeoque ſe nihil facere ſuo arbitratu, contra vero, ſe id omnia agere ſua benevolentia, voluntate ac potentia divina, quae proſecto eadem ſit ac Patris benevolentia, voluntas ac potentia (vs. 19—22.) adeoque ſe eſſe colendum pariter atque Patrem, (vs. 23.) Docuit inſuper Servator vim ſuam omnipotentem inſuſcitandis mortuorum corporibus, docuit ſibi a Patre mandatum eſſe negotium mortuos in vitam revocandi (vs. 24—26.) et ſolenne illud ac divinae maiestatis plenum iudicium inſtituendi, adeoque ſe eſſe illum ab univerſo prophetarum choro promiſſum Filium Dei ac Filium hominis, vere Meſſiam (vs. 27—30); hanc denique ſuam de ſe doctrinam egregie comprobant validiſſimis argumentis, quae nullo unquam modo refellere poſſet totum Iudaeorum procerum agmen, provocando nimirum ad teſtimonium IOHANNIS BAPTISTAE, ad

miracula ab eo patrata, et ad ipsius Dei documentum ex multis et prophetarum testimoniis depromptum, quae non nisi per virtutem divinam ac vim omnipotentem possent praestari (vs. 30—47).

„Mihi credite, procures Iudaeorum,” (haec erat Servatoris responsio ad blasphemiae criminationem Iudaeorum, vs. 19): „mihi credite, proceres Iudaeorum, non decere Filium, quicquam suo facere arbitratu, quod Patrem peragentem non viderit, utpote qui eum constituerit Messiam; quaecunque vero Pater agit, ea similiter Filius peragit: arctissimum scilicet voluntatis vinculum Patrem inter et Filium locum obtinet, unde aliter fieri non potest, quin opera eius cum voluntate Patris optime conveniant, eique sint consentanea, immo ad eius exemplum accommodata; quae ille facit, Filius non potest omittere, et quae ille omittit, Filius non potest facere; plane uti in communis vitae agendi ratione Filius bene moratus, qui Patrem probum agentem attente observat, nihil quicquam perficit, nisi quod Patris voluntati sit consentaneum, ita et ego meam agendi rationem compono ad voluntatem Patris mei. Si autem quaeratis, quam in re huius perfectae rerum divinarum cognitionis ac potentiae origo apud Filium sita sit, in prompta est responsio, (vs. 20): nulla alia scilicet in re quaerenda est haecce Filii cognitio ac potestas, quam in arctissimo charitatis vinculo, qua Pater complectitur Filium; tanta enim Patris in Filium est charitas, ut huic ille nihil quod agat, perspicendum neget, sed omne id quod agat ostendat et simul viam aperiat, idem id agendi; immo multo praestantiora facta Pater praestiturus est, neque haecce eius in me charitas eorumdem factorum edendorum rationem et cognoscendam et sequendam mihi abnegaturus erit, sed etiam hac in re viam mihi aperiet, ut eadem praestem facta longe excellentiora, quam quae a me praestita vidistis, tanta ac tam praeclara facta, quanta quidem nullo aevo sunt edita. Magna cum admiratione haec facta vos ipsi videbitis et in iis a me praestandis perfectissimum voluntatis et potentiae consensum cognoscetis inter meam et Patris agendi rationem. Quem ad modum enim Pater solo voluntatis suae iussu mortuos suscitavit et ad vitam revocat; ita pari modo Filius vivificat mortuos, quoscunque voluerit (vs. 21). Haec erunt opera illis longe maiora, ad Patris exemplum a Filio praestanda; longe namque maior est potentia, qua quis mortuos in vitam revocet, quam qua aegrotis restituat sanitatem, et tamen hanc etiam agendi auctoritatem Filio

„tradidit Pater: uti Pater, inquam, suscitatur mortuos et vivificat, sic et Filius
 „vitam restituit, quibus *velit*, quibus *velit* dico, nam Filius hac in re etiam
 „*sua* agit voluntate, quae aequae ac illa Patris, nullis circumscripta est limi-
 „tibus. Iam igitur, cum planum nunc sit ac perspicuum, a Patre omnem
 „Filio concessam esse ac traditam auctoritatem, mortuis vitam restituendi, mi-
 „rum vobis videri non potest, ei pro divina sua voluntate etiam ab illo tri-
 „butam esse hominum iudicandorum potestatem, (vs. 22). Omnis hac in
 „causa voluntas summe potens non amplius penes Patrem est, sed penes
 „Filius, cui hominum in vitam revocandorum et iudicandorum negotium
 „universum tradidit Pater. Filius pro voluntate sua mortuos in vitam revo-
 „cat, nam omnium hominum iudex est constitutus a Patre. Summa Patris
 „auctoritas est iudicare homines, rex enim est mundi et legislator et iudex
 „supremus; sed omnem auctoritatem hanc tradidit Filio; quemadmodum omnia
 „condidit per Filium Pater, ita et omnia regit per Filium, legis iussa iniungit
 „omnibus praestanda per Filium et neminem iudicat nisi per ipsum illum Fi-
 „lium, illudque muneris sui opus ultimo rerum consummatarum tempore
 „peragendum erit, quando nimirum mortuos e sepulcri tenebris in vitae lu-
 „cem revocaturus est, cuique sive praemia sive poenas pro factis anteactae
 „vitae retributurus. Innotescit igitur Filius hominibus per summam hanc
 „auctoritatem sibi a Patre concessam, Patris vero maiestatem vicissim decla-
 „rat Filius. Quod cum ita se habeat, profecto evenire aliter non potest;
 „quin omnes colant Filium, quemadmodum colunt Patrem (vs. 25). Quis
 „enim est, qui, ab antecaptis opinionibus immunis, illi, cui tanta ac tam prae-
 „clara concessa sit potestas atque auctoritas, cultum divinum abnegaturus sit?
 „Filio, tanquam Patris legato, idem praestandus est cultus, qui exhibetur Patri
 „leganti; quemadmodum Patrem laudant omnes omnino homines, tanquam su-
 „preum illud Numen, tanquam vere Deum, ita etiam Filium Patri parem,
 „atque omni ex parte aequalem agnoscere debent, tanquam vere Deum, nullis
 „non laudibus celebrandum; utrique enim quum sit voluntatis et potentiae
 „confortium, etiam honoris sit confortium utrique necesse est, immo tam ar-
 „tissima est haec necessitudo, quae intercedit inter cultum Patris et Filii, ut alter
 „sine altero esse non possit. Pater enim vult ut colatur Filius, immo hoc
 „non potest non velle, quia Filius est *id est*: qui Filium non colit, certe Pa-
 „trem non colit, eo quod non facit, quae Pater vult; tam arcte cohaeret

„hicce Patris ac Filii cultus, ut alter sine altero consistere non possit! Im-
 „mo cultus Patris ac Filii unus est idemque.

„Iam igitur, quandoquidem is, cui summa universitatis hominum indicandae
 „est potestas, non alius esse potest, nisi vere Deus, huic etiam tanquam vere
 „Deo aequae ac Patri, qui eum misit, fidem habeamus oportet, ac morem
 „geramus; eadem fides, quae Patri est habenda, etiam Filio est praestanda
 „(vs. 24). Credite mihi Senatores, quisquis audit meam doctrinam, ita ut
 „illi fidem habeat et convenienter illi instituat vitam, eademque ratione ei cre-
 „dit, qui misit me, vitam accepturus est aeternam ac felicissimam. Homini
 „enim audienti et credenti, quando omnium hominum iudex muneris mei par-
 „tes suscepturus sum, aliquando nulla erit metuenda mortis aeternae dam-
 „natio, quae certissime manet homines mihi fidem abnegantes. Cum igitur
 „rerum consummatarum tempore aliquando liberaturus sum a perniciem eos
 „omnes, qui et mihi et Patri fidem habuerint, certo certius habeatis ve-
 „lim, fore ut, qui sunt in sepulcris, ultimis illis diebus Messiae vocem audi-
 „ant, neque audiant tantum, sed per eius vim omnipotentem revocatos se-
 „sentiant in vitam (vs. 25). Est igitur liberator a perniciem, dum a morte li-
 „berat, auctor vero vitae, dum e morte revocat mortuos et per mortem ad vi-
 „tam ducit. Quinam autem sit ille Messias, qui ultimo hoc die mortuos redditus
 „rus sit vivos, per omnipotentiae suae vim, iam iam videbitis; adest iam
 „tempus, quo hic ipse summae virtutis suae in suscitandis mortuis exhibebit
 „specimina luculentissima. Quemadmodum enim Pater eos in vitam revocare
 „potest, ita et Filio suo auctoritatem dedit, illos in vitam revocandi per di-
 „vinam suam virtutem, quae ipsi pariter atque Patri propria est, (vs. 26).
 „Uti namque Pater hominibus mortuis restituendae vitae facultatem habet in
 „se, ita et Filio iniunxit ut eandem, quam in se habet, facultatem exercent:
 „immo placuit Deo O. M. totam summam bonorum, quibus demum homini-
 „bus omnibus opus est ad obtinendam vitam et felicitatem, in eo habitatum
 „collocare. Iam vero, quum Pater illi dederit auctoritatem mortuos in vitam re-
 „vocandi, simul vobis affirmo, illi ab eo traditam esse auctoritatem iudicii in
 „eosdem instituendi, eo quod homo est ille excellentissimus, per *Danielis* pro-
 „phetiae ministerium olim patribus promissus, (vs. 27.) promissus tanquam
 „vere Messias, aliquando humana specie in nubibus appariturus. Uti enim in
 „terris versatur Servator tanquam homo, immo in coelos abiturus est tanquam

„homo, sic eandem speciem prae se ferens demum e sede hac coelesti in terram
 „rediturus est, non alio consilio, quam ut iudicet homines, cum vivos, tum
 „mortuos, tunc temporis in vitam revocandos. Ut vero iudicium instituat ali-
 „quando Servator, divinam prae se ferat maiestatem necesse est; hac autem
 „maiestate ipse gaudet *Homo* pariter atque Deus, cui benedicat omnis homi-
 „num vere Christianorum chorus. Non est quod miremini, me dixisse, instare
 „tempus immo iam adesse, quo Filius Dei mortuos in vitam sit revocaturus
 „(vs. 28 et 29.); dicere possum mirabilia, venturum scilicet esse, quo omnes
 „qui mortui sunt ac humo conditi, prodituri sint e sepulcris, et nacturi probi-
 „tatis vel improbitatis diversa praemia; nam qui hic recte fecerunt, tum re-
 „viviscent ad vitae immortalis felicitatem, contra vero ad aeternae vitae in-
 „felicitatem omnes, qui male egerint. Haec omnia eventura sunt per vim
 „Filii Dei omnipotentem, in mortuis omnibus ad vitam revocandis efficacem.
 „Non solum pertinet hocce iudicium ad gentes exteras, verum etiam ad vos
 „Iudaeos, qui dementia ac superbia ducti putare soletis, vos solos filios Dei
 „esse dilectos, adeoque nulli condemnationi obnoxios, verum ab omni omnino
 „culpa immunes.

„Vera vobis declaro; non mea sed Patris voluntate (uti iam antea verbulo
 „monui) omnia ago, quamvis operor, uti operatur Pater, non aliud tamen
 „velle et agere possum, quam quod velit et agat Pater (vs. 30.). Quemadmo-
 „dum res divinas probe cognitae mihi habeo, ex artisfima, quae mihi cum Pa-
 „tre intercedit, coniunctione, ita ex Patris auctoritate ego pronuncio, quid ve-
 „rum sit falsumve, et omnis mea de rebus probe cognitae professio vera est:
 „non enim meum sequor arbitratum, sed ea peragere volo, quae mihi tradita
 „sunt a Patre, cuius legatus divinitus missus ego sum.

„Verum forsitan quis vestrum dicat, me ipsum in mea causa testimonium
 „vobis exhibere et talem testem non audiendum, neque fide dignum esse; pro-
 „fecto id vobis concedendum est, verum enim est proverbium hac de re tri-
 „tum: *neminem in sua causa testem esse posse idoneum, fide dignum ac*
 „*sufficientem* (vs. 31.). Verum provocare mihi liceat ad alium, qui de me tes-
 „timonium exhibuit, de quo vobis affirmo, verum illud fuisse, quod de me
 „testatus est, non enim ex suo ipse ingenio hoc protulit testimonium, sed di-
 „vina revelatione, et spiritu divino ductus, praeclarum hoc effatum de me
 „ore suo prodidit: et vos ipsi audivistis testimonium, quod de me tulit IOHAN-

„NIS BAPTISTA, cui tantum tribuistis auctoritatis, ut ad illum viros, mag-
„na eruditione claros, miseritis, tanquam e fidei dignissimo auctore cognitu-
„ros, num ille ipse esset Messias (vs. 52, 53). Iam, quaenam eius fuit
„responsio? Nonne candide declaravit veritatem, palam testificans, se non
„esse eum promissum Messiam; verum me digito monstrans, professus est,
„me esse agnum Dei mundi peccata ferentem, atque orbis terrarum con-
„servatorem. Quid igitur? Nonne hoc testimonium, coram legatis Synedrii
„vestri ab eo editum, fide vestra dignum esse existimetis? nonne illi credatis,
„cuius dictis ceteroquin tantum tribuistis momenti et ponderis? Verum quod
„ad me attinet, ne intelligatis velim me pretii tantum statuere in testimonio
„huius illiusve viri vel praestantissimi quidem: non tali testimonio mea eget
„dignitas ac summa maiestas; sed solummodo ad IOHANNIS testimonium pro-
„voco, ut vos, apud quos nulla non est eius auctoritas, admodum laudanda
„ac laudata, iam mihi demum credatis, quem ipse publice Messiam proclama-
„vit, (vs. 54.) et per hanc fidem vos salutis verae participes fiatis. Quan-
„quam enim IOHANNES non erat lux mundi promissa, quanquam ego non
„capto eius testimonium; ne tamen putetis velim, me illud repudiare: erat enim
„ipse ille homo lucens lucerna, de hac promissa mundi luce praemonens; vos au-
„tem, praeiudicatis opinionibus imbuti, maluistis ad breve tantum tempus eius lu-
„mine frui, quam ad veram huius mundi lucem, iam ortam ac lucentem, immo
„quaqua versum salutiferos suos radios spargentem, properare (vs. 35.). IO-
„HANNEM prophetam, tanquam excellentioris prophetae praenuncium, vene-
„rati estis, et hunc illum ab ipso praemonitum Prophetam excellentiorem fide
„vestra agnoscere recusatis. Quam parum igitur sibi constans et quam vaga
„fides vestra est! Hoc autem IOHANNIS testimonium, quamvis illud non repu-
„dio, quippe verissimum ac fide dignissimum, non tamen unicum est aut maxi-
„mum, quod habeo; mihi gravius est illo testimonium: provoco nempe ad
„opera divinitus a me peracta, quae totidem sunt argumenta, palam testantia,
„me esse vere a Patre misum; stupenda scilicet miracula, quae a me perpetra-
„ta vidistis, tanta et tam illustria huius rei sunt documenta, ut omne quaecun-
„que, quod exhibuerint, vel excellentissimi religionis doctores, testimonium
„superent (vs. 36.). In his enim miraculis ipse Deus, qui solus ea posset prae-
„stare, de Filio suo testabatur, illum declarans eum esse, quem promiserat per pro-

„phetas, Mesiam, a se ad homines nunc misum, ut eorum causam adiuveret, hancque
 „salutem restitueret; ad miracula autem divinitus edita Patris auctoritate pro-
 „vocantem me quum audiat, ad ipsius Patris testimonium provocare mihi liceat: is
 „enim est, qui bene multa de me testimonia exhibens (vs. 37 et 38.) ipse de
 „me testatus est saepius, non quidem ita, ut auribus humanis possit percipi,
 „neque specie quadam externa, quae oculis humanis lustrari posset, sed tes-
 „tatus est per prophetarum ministerium, quae monenda voluit de me, et lite-
 „ris haec mandari curavit; haec Dei Patris monita in S. L. accepistis, sed non
 „retinuistis; hi Libri Sacri continent declarationem Dei de mittendo aliquo
 „Servatore; in his Pater spem fecit, se misurum fore humanae felicitatis in-
 „stauratorem, Mesiam; haec monita tam praeclara sunt et luculentissima, ut
 „quisque vestrum inde facile intelligere possit, me esse promissum Mesiam;
 „verum quanquam ea accepistis et e codice S. meliora de Messia edocti estis,
 „tamen doctrina Dei non manet in vobis, exciderunt haec omnia animis vestris,
 „quod clarissime exinde patet, quia illi fidem abnegatis, quem Pater misit. Sa-
 „crorum librorum scrutandorum estis quidem studiosi, hos omnes a Deo pro-
 „fectos, ac divino iussu conscriptos esse creditis, omnem ex his concipiendam
 „esse vitae felicia et aeternae spem vos ipsi existimatis; bene agitis, laudan-
 „da sanequam haec vestra est diligentia: iam vero his iisdem literis sacris prae-
 „clara continentur de me testimonia (vs. 39. et 40.), et tamen me reiicitis,
 „ei, quem Pater iuxta sua promissa olim a prophetis antiquis edita nunc misit,
 „fidem abnegatis, ad me lucem mundi, vere Mesiam, testimoniis divinis com-
 „probatum, ut aeternam, quam omni opera quaeritis, felicitatem consequami-
 „ni, accedere recufatis; fidei ergo vestrae defectus non oritur ex inopia testi-
 „um, causa vero eius quaerenda est in eo, quod destituti estis sincero a-
 „more erga Deum et integro fidei pietatisque studio, e contrario dediti a-
 „mori rerum terrenarum (vs. 41, 42.): nam ne existimetis valim, me testi-
 „moniis IOHANNIS BAPTISTAE et prophetarum in medium proferendis
 „captare velle apud vos humanam gloriam, verum equidem doleo vehemen-
 „ter vestram inconsiderantiam, qua ipsius Dei de me testimonium in S. S.
 „obvium, reiicitis; sed non est quod mirer; probe enim scio, vos Deum
 „toto animo, omnibusque viribus non diligere. Prophetas quidem et lega-
 „tos Dei, per quos ille locutus est, veneramini, ipsum autem Deum amare

„non prosequimini, unde profecto apparet; vos esse eos, qui a vero Dei
„amore, studioque eum recte colendi, sint remotissimi; hinc omnis vestra in-
„credulitas ortum suum cepit.

„Cum haec igitur ita sint, ac Deum non diligatis, certe evenire aliter
„non potest, quin et odio habeatis eius Filium; ego saepe vobis palam profes-
„sus sum, me venisse tanquam Patris mei legatum, divina auctoritate ac po-
„tentia instructum, et tamen me, quamvis divinam meam legationem luculentis-
„simis atque evidentissimis comprobavi documentis, non recipitis, non agnoscis-
„tis: quam praepostera autem et perversa sit vestra agendi ratio, ostendet ali-
„quando eventus; quod si enim quis veniat, uti certe aliquando venturus est,
„(vs. 42, 43.) falsus doctor, non Patris sed suo nomine sibi Dei glo-
„riam arrogans, suam non Dei causam tuendam in se suscipiens, nulla
„exhibens documenta divinae legationis, falsum huiusmodi doctorem vos ad-
„misuri, huic fidem habituri estis, idque quidem nullam aliam ob causam,
„quam quia vitia vestra teget ac vobis blandietur. Neque profecto miran-
„da est haecce vestra temeritas; vanae enim gloriae cupiditas vos impedit,
„quominus meliorem meam doctrinam admittatis; gloriam desideratis a vobis-
„met invicem, Dei vero gloriam non desideratis; laudis humanae ambitio ma-
„ximopere vestris inest animis, Deo autem soli probari non curatis; parvi
„habetis coelestia, magni vero terrestria; Messiam quaeritis terrestrem, reg-
„num terrestre, felicitatem terrestrem; quo modo igitur me, regem non
„terrestrem sed coelestem, vere esse Messiam credere possitis? quomodo mihi
„fidem habere queatis, nihil aliud quaerenti quam gloriam divinam, omnem
„vero gloriam humanam postponenti?

„Quamquam igitur certo certius est (vs. 45.), tantam esse vestram *avaritiam*,
„ut ipsa vos divinis poenis reddat dignos, nolite tamen existimare, me vos
„accusaturum esse apud Patrem: nullo namque modo vestrae miseriae cu-
„pidus sum, neque profecto opto, ut propter hanc vestram *avaritiam* a vobis
„Pater poenam sumat. Verum alius est, qui vos accuset; Moses nempe ipse,
„in quo summam fidem cum spe laeta coniunctam *fide* collocatis, vos accu-
„sabit; *fide* inquam, idque quidem de industria dico; quod si enim *vere* fiduciam
„in Mose eiusque scriptis collocaretis, etiam mihi fidem haberetis, quem ille
„Dei nomine et iussu promittit, et cuius dictis credi iussit; quo maius est ves-

„tra fidei oraculis Mosis habendae species, eo levior vobis est ipsius auctori-
 „tas in eo, in quo potissimum valere debebat (vs. 47.); Mosis praecepta lite-
 „ris consignata habetis, ut ea sexcenties legatis et consideretis; si tamen in-
 „considerati estis in scripto expendendo, mirum non est, si verba mea aures
 „vestras praetervolant. Si Mosi, cuius auctoritas apud vos summa est, et cu-
 „ius fama tot retro seculis fuit, non creditis, multo minus fidem habebitis
 „novo doctori.”

Atque sic exposuimus sensum huius universae orationis, quam habuit Ser-
 vator coram Iudaeorum proceribus, sacerdotibus ac legis peritis, quorum ma-
 xima pars Phariseorum placitis erat addicta. Quemnam autem effectum haec-
 ce habuerit oratio in animos audientium; num mitigaverit vim Iudaeorum, an
 eo magis excitaverit, non refert Evangelista; rerum tamen tristis dicam? an
 laetus eventus docuit hos infensissimos Iudaeos, quos Servator omni tempore,
 omnique occasione sermonibus ac factis ad meliorem revocare voluit mentem,
 in antecaptis opinionibus suis atque incredulitate perstitisse, omnique odio et vi
 aeternae vitae beneficia offerentem, generis humani conservatorem, ad mor-
 tem usque violentissimam persecutos esse. Memoratu omnino digna est haec
 Servatoris optimi oratio, utpote qua, uti antea iam vidimus, multa eaque
 praestantia doctrinae Evangelicae capita continentur, quae in summam paucis
 relata haec sunt. Docuit Servator se non sua sed Patris auctoritate prodisse;
 vicissim se omnia agere sua benevolentia, voluntate et potentia divina, quae
 eadem sit ac Patris benevolentia, voluntas ac potentia, adeoque se esse colen-
 dum pariter atque Patrem, eodemque omnino modo. Insuper disertis docuit
 verbis noster Servator, sibi a Patre mandatum ac traditum esse totum illud
 negotium per vim suam efficacem et divinam mortuos in vitam revocandi, et
 iudicium extremum instituendi de vivis et mortuis, adeoque se esse maioribus
 promissum filium Dei et filium hominis, vere Mesiam; hanc denique suam doc-
 trinam egregie comprobavit evidentissimis documentis, quae refelli non poterant,
 provocando nimirum ad testimonium IOHANNIS BAPTISTAE, ad ipsius Dei
 testimonium ex Mosis et prophetarum vaticiniis depromptum ac miraculis
 comprobatum, quae non nisi per virtutem divinam posset praestari.

Ita iam pulcherrimam hancce Opt. Servatoris Orationem, quoad hoc a nobis fieri
 posset, explicuimus. Antequam autem nostrae commentationi finem imponamus,

Vos v. Cl. rogatos velimus, ut indulgenti animo praetermittatis, nobisque ignoscatis ea, quae in hacce quaestionis enucleatione, cui in elaborando magis magisque vires nostras experti sumus impares, minus concinna aut non suo loco explicata vel, inveniendi ingenio et doctrinae proprio errore, per se manifesta copiosissime tractata, difficiliora vero intacta videatis.

Symb, Ἡ ἐμὴ διδαχὴ οὐκ ἐστὶν ἐμὴ;

ἀλλὰ τοῦ πέμψαντός με,

IESUS CHRISTUS

(Ioh., VII, 16.)

H E N R I C I C O C K,

D A V E N T R I E N S I S,

I U R I S C A N D I D A T I,

C O M M E N T A T I O

D E

FINE POENIS PROPOSITO, CUM EX REI VERITATE;
TUM EX DOCTRINA IURECONSULTORUM
ROMANORUM:

EXHIBENS

*TENTAMINA QUÆDAM RESPONSIONIS AD
QUÆSTIONEM AB ORDINE IURECON-
SULTORUM PROPOSITAM.*

G R O N I N G A E

CICIDCCCXVIII.

Quidquid praeter spem eveniat, omne id deputabo esse in lucro.

Terent. PHORM.

DISPUTATIO

DE

FINE POENIS PROPOSITO.

P R A E F A T I O.

Quotiescunque mente et cogitatione repetimus, quas, summis ingeniis exquisitaque doctrina, philosophi, ultima hac aetate, de Iurisprudencia Criminali scripserunt; plurimum saneprehendimus, quod iis acceptum referamus; cum quod ad ipsius attinet disciplinae amplificationem, tum vero quod ad vindicatam naturae humanae dignitatem. Sive enim, ambiguae antea et fluctuantes, rerum notiones ab iis definitas, sive, minus explorate percepta et cognita, disciplinae principia clariori philosophiae luce ab iis illustrata cogites, sive praeas barbariei ac superstitionum vestigia, eorum ope sublata; respicias; continuo in oculos incurrunt egregia eorum de Iurisprudencia Criminali merita, ut adeo iure possit affirmari, hac demum aetate eam exstitisse Iurisprudenciam Criminalem, quae, certis nixa principiis, merito sibi deposcat iustae disciplinae nomen.

Verum, quod universe de omni scientia humana praedicare licet, nullam adhuc esse, aut unquam fore, perfectam et omnibus numeris absolutam;

idem et nostrae disciplinae est commune. Ut enim taceam; quae in singulis eius partibus occurrunt, falsae interpretationis, aut minus intellectae maleque applicatae philosophiae vestigia, in ipsis eius fundamentis multa nequaquam adhuc satis sunt explicata maximaque opinionum varietate ac disensione agitata. Ita v. c. de ipso poenarum fine, quo tanquam principio ac fundamento tota superstruitur Iuris Criminalis disciplina, quam varias sunt doctissimorum hominum quamque discrepantes sententiae! Hic v. c. poenarum civilium scopum in compensatione mali cum vitiositate ponit (1), civitatemque virtutis, non iustitiae, vindicem reddit. Ille vero in emendandis nocentium moribus. (2) Verum enim vero, quem meliorem reddere rectamque in viam reducere velis, eum carnifici necandum, aut certe cruciandum, tradere, mira sane est emendandi ratio.

Alius, in puniendis maleficis, hoc solum spectat, ut, incusso omnibus supplicii terrore, alii ad delinquendum fiant tardiores (3), nihilque tale in posterum admittant ipsi. Itane vero iustum dixeris mactare homines ob incertum eventum culpamque alienam, de qua nondum constat an reapse unquam sit exsistura? Alius itaque, quasi melius sapiat, poenis ideo tantum utendum censet, ne is, qui deliquit, tale quid posthac committat ipse (4): quasi vero non ita etiam ob incertum eventum mactentur homines. Sunt rursus alii quidam philosophi, et hi quidem magni atque nobiles, qui poenam sibi ipsi finem esse statuunt, solamque admittant talionem (5): quasi vero

(1) Hos Germani vocant *moralische Vergeltungs-theoristen*. (2) Haec doctrina Germanis dicitur *moralische Besserungs-theorie*. (3) *Unmittelbare Abschreckungs-theorie*. (4) *Präventions-theorie* aut *Sicherungs-theorie*. (5) *Theorie der juristischen Wiedervergeltung*. Hoc, uti pleraque alia systemata, a variis eius sectatoribus varia ratione inflexum fuit et modificatum, ut adeo a summo Kantio, huius doctrinae auctore, non parum discesferint eius discipuli, imprimis vero FICHTIUS, *Grundlage*

civitatis esset mala malis cumulare potius, quam in totum omnia, quantum fieri posset, avertere.

Denique vero alii, quorum quidem maxime verisimilis ac plerisque probata est opinio, poenas ideo constitui existimant, ut a delictis deterreantur omnes, infligi autem, ne non puniendo legis, poenam minantis, intereat auctoritas. (6)

Quae cum ita variis agitentur doctissimorum hominum ac discrepantibus sententiis, quicumque ad pleniorum aliquando adspiret huius scientiae cognitionem, operae sane praetium fecerit, si haec paullo accuratius investigaverit. Equidem hoc cum antea semper existimavi, tum vero maxime, postquam in hoc certamine litterario eam disceptandi materiam propositam esse cognovi. Huic itaque disquisitioni feriarum partem impendere, totumque argumentum diligentius explorare, ac, si quid assecutus mihi videretur, probabilius, illud in chartam conicere decrevi, non tam praemii allectus spe, quam quidem exiguum esse sentio, ubi tot egregios circumspicio commilitones, et rerum cognitione et scribendi facultate longe mihi superiores, quam illa ductus CICERONIS (7) sententia, omnes argumenti cuiusdam partes, atque omnia eius membra, tum facillime nosci, cum totae quaestiones scribendo explicantur. Ad scribendum autem accessi tenuitatis meae probe mihi conscius, atque ita paratus animo ut Terentianus iste Demipho, in talibus scilicet pessima quaevis esse expectanda, ac, si quid praeter spem eveniat, id omne in lucro deputandum esse ratus. (8) Verum ut or-

des Naturrechts II Th. Pag. 8-24. seqq. et WEISIUS Lehrbuch der Philosophie des Rechts § 154. seqq. (6) Huius opinionis, quae Germanice dicitur Theorie des psychologischen Zwanges, auctor est vir acutissimus FEUERBACHIIUS. (7) De Nat. Deor. I, 4. (8) Phorm. II, 1, 16.

dine et ratione procedat argumenti huiusce nostri disquisitio; eam secuturus sum viam, quam, et ipsa eius indoles, et Viri Clarissimi, qui publicae disceptationi hanc quaestionem proposuerunt, indicare videntur.

Primum scilicet breviter considerabimus poenae notionem, quantum ad propositum atque institutum nostrum hoc pertinere videbitur.

Deinde in finem, poenis constituendis propositum, inquiremus.

Porro videndum de fine poenarum exsequendarum.

Tum, ad alteram accedentes quaestionis partem, nonnulla disputabimus de antiquioribus Romanorum legibus poenalibus, deque philosophorum super poenis opinionibus.

Tandem hisce subiicietur expositio eorum, quae de poenis aestimasse videntur apud Romanos Iureconsulti.

C A P U T I.

DE NOTIONE POENAE.

Recta poenae civilis notio, uti universe in Iurisprudentiam criminalem maximam habet vim, ita imprimis valet ad investigandum finem poenis propositum. Nisi enim, quid sit poena, prius aperiatur, periculum est ne, in verbis non solum, sed et in rebus turbemus (1), falsisque principiis totam superstruamus de poenis doctrinam. Quaenam autem poenae civilis nomini subiecta notio sit, quaerentibus, prius investigandum videtur, quid poena, in genere sumpta, intelligatur (2): omni quippe speciei, praeter ea quae ipsi sunt propria, insunt etiam ea, quae toti generi sunt communia, ut adeo; nisi rite evoluta atque investigata generis significatione, definitio speciei intelligi declararique vix possit.

Verborum autem significatio duplici ratione solet definiri, aut prudentum interpretatione, quod fere evenire solet in terminis technicis, qui dicuntur, ubi verba, rebus, ad artem quandam aut disciplinam spectantibus, significandis, ab huius cultoribus ficta sunt vel inventa; aut communi loquentium usu, ubi rebus quibusvis, in vita obviis ipsaque arte aut disciplina antiquioribus, enuntiandis verba vulgari hominum sermone applicantur.

Iam vero diu fuisse poenas, antequam de illarum iure aut scopo mota esset quaestio, quis est qui dubitet. Merito itaque, et hac in quaestione, ducem sequimur sermonis usum, indeque petimus poenae significationem.

Neque enim illud agitur, ut cuiuscunque coactus iustitiam probemus, deque eius scopo disputemus, sed de poenis quaeritur earumque finis est investigandus.

(1) Cf. CIC. *de Fin.* II, 2 et 6. (2) Cf. FEUERBACH *Revision der Grundsätze und Grundbegriffe des positiven peinlichen Rechts*, Cap. I.

Quodsi iam hac ratione in veram vocis significationem inquirimus, apparet, poenam in genere notare malum, quod propter actiones (3) editas, legi contrarias, nec nisi propter eas, aliquis sustinet, five, ut ait GROTIUS (4), malum passionis, quod infligitur ob malum actionis. Id igitur, propter quod poena irrogatur, est actio commissa, proximumque poenae fundamentum est praeterita legis violatio. Nec adeo hocce vocabulo indicatur malum, quo quis ideo tantum subiicitur, ut vel ipse, vel alius, in posterum quid agat aut omit-
tat (5), sed eiusmodi malum passionis, quo quis afficitur, quia edidit actiones, causam huius mali sufficientem in se continentes.

Verum quo melius intelligatur, poenae vocabulum ad praeterita tantum referri, exemplis quibusdam haec illustremus. Ita v. c. saepe poenae memorantur naturales. Has vero quales intelligimus? Non enim quaerimus, an revera tales habeantur, quod quidem omnino esset negandum, sed quaenam cum hisce verbis coniungi soleat idea. Easne tanquam providas naturae cautiones consideramus, futura prospicientes? Quis quaeso tale quid animo sibi proposuerit, nec potius poenas naturales intellexerit dolores, quos offensa natura nobis rependit? Si quem v. c. videmus, voluptatibus et luxuria fractum ac debilitatum, ad omnes vitae iucunditates hebetem iam et obtusum, corpusque morbidum ac funeri simile trahentem, eum naturales libidinis poenas luere dicimus. Verum enim vero, eumne in futurum tantum a natura admoneri existimamus, ne quid intemperanter, ne quid libidinosè agat? Immo vero, iustam illum ac meritam libidinis mercedem accipere censemus, nec futurae, sed praeteritae, intemperantiae cogitamus incommoda. (6)

Eadem prorsus est ratio poenarum, quas in altera vita Deum exsecuturum esse credimus. Easne castigationis aut emendationis in futurum gratia infligi

(3) Actionis vocabulo omissionem etiam intelligimus. (4) *De I. B. et P.* II, XX, 1. (5) Cf. *Letzten Gründe von Recht, Staat und Strafe, philosophisch und, nach den Gesetzen der merkwürdigsten Völker, rechtshistorisch entwickelt*, von CARL THEODOR WELCKER (Gießen 1813) Cap. 3. initio et Cap. 7 initio, et GROLMAN *Ueber die Begründung des Strafrechts etc.* Cap. 3. pag. 39. sqq. et Cap. 4. p. 63. sqq. qui eatenus cum systemate FEUERBACHIANO, quod nos fere sequimur, consentit. (6) Cf. FEUERBACHI disputatio, cui titulus: *Ist Sicherung vor dem Verbrechen Zweck der Strafe?* (in GROLMANS *Bibliothek für die peinliche Rechtswissenschaft* Theil I. Stück II. N^o. 1.)

existimare possumus, nisi omnibus iis adversari velimus, quae cum hisce poenis plerumque coniungi solent notionibus? Utramque scilicet vitam ita vulgo separamus, ut quisque illic obtineat, quod hic mernerit, praemiisque aut poenis afficiatur, prouti hac in vita virtutem coluerit, aut vitiis sese commaculaverit: (7) ut adeo et ab hac poenarum specie omnis futurae utilitatis remota sit cogitatio.

Nec minus poenis civilibus idem illud tribuimus, modo nosmet ipsos aliosque sanis, non systematum nostrorum praestigiis artibusque praestructis, oculis intueamur. (8) Si quem v. c., actionem legibus civitatis sub poena vetitam, perfecte admisisse novimus, eum cur poena dignum esse dicimus? Utrum futuras hic legis violationes cogitamus, an potius ad praeteritam respicimus laesionem? Num, ut actionem eius poena persequendam esse pronuntiemus, prius inquirimus, fortene mores eius sint emendati, an revera novas civitati laesiones minitetur, numque necesse sit, ut ab eius aggressionibus nosmet tutos praestemus? Nequaquam profecto. Solam scilicet legem spectamus ab eo violatam, nec iudices reprehendimus ad supplicium mittentes eum, quem persuasissimum sit omnibus, aut plane iam esse emendatum, aut nunquam iri in melius mutatum; non magis quam si secundum leges puniant maleficum, quem

(7) Vid. FEUERBACH *Revis.* p. 7 et 8. (8) Sunt quippe multi, inter quos et illustra deprehenduntur hac in disciplina nomina, qui in eo situm esse existimant poenarum finem, ut, exemplo in facinorosos edito, caeteri a similibus ausis absterreantur. Haec est doctrina quae Germanis dicitur *die Abschreckungstheorie*. Eam tuentur FILANGIERIUS, *science de la Legislation* IV, 27, von Quistorp, *Grundsätze des Deutschen peinlichen Rechts* (herausgegeben von KLEIN 1809) § 71 et certa quadam ratione etiam BECCARIA, *des délits et des peines* Cap. 15. (editionis 1766) aliique multi.

Secundum hanc igitur doctrinam, poenae vis in aliorum animos, ut hi scilicet a delictis ea deterreantur, poenis tanquam finis erit proposita. Eius autem finis assequendi gratia, malefico tanquam re nostra utimur et abutimur, quod personae iuribus magnopere repugnat. Quo enim iure nostram securitatem ac Reipubl. tranquillitatem alienis redimemus cruciatibus? Quo iure alterius bona, corpus atque ipsam adeo vitam nostrae felicitati impendimus? Quo iure alterum cogemus, ut scelera, incerta adhuc et nunquam forte exstitura, sanguine suo luat? Canes quidem, apud Romanos olim, vivos arboribus affixos, supplicia annua pependisse novimus, idque haud alia de causa, quam quod alii canes, multo ante tempore, Capitolium negligentius custodiverant, idemque silentio, ni anser esset vociferatus, prodidissent. Leones in Africa cruci quondam affixos esse relatum legimus,

certo scimus nulla poena posse a delictis absterri, aut iam ita esse absterri-
tum, ut nihil unquam in leges rursus sit admisurus. Ac huius quidem mise-
ricordia forte movebimur, sed gratiam ei, non iustitiam, implorabimus.

Praeterea, ut hoc unum addam, praemia poenis, tanquam contraria, solent
opponi: utraque vero duobus tantum differunt, actionis scilicet qualitate, et
eius, quod agente pro ea rependitur. Praemia meritum, poenae culpam po-
nunt: hae ad dolorem valent, illa vero ad iucunditatem. In cacteris autem
omnibus inter se conveniunt.

Iam vero praemiorum quemnam consensum esse scopum? Quid? Athenien-
ses, ubi Miltiadi, fufis apud Marathona Persis, patriaque ab interitu libera-
ta, statum in templo Apollinis Delphici posuerunt; Quid? Romani, cum P.
Africano, duobus imperii terroribus, Carthagine ac Numantia, deletis, splen-
didissimum illum triumphum decreverunt, futurorum tantum rationem habuis-
se existimandi sunt, ut scilicet maximi illi imperatores in posterum ad prae-
clara quaevis incitarentur facinora? Ita vero non praemia haec fassent di-
cenda, sed incitamenta. Ancipitis nimirum et ambiguae virtutis homo incita-
ri, indubitatis vir meritis tantum praemie affici potest et remuneratione. (9)
Potest quidem aliorum, ad laudabilia quaevis, incitatio secundariam quasi con-

Meo ut caeteri metu poenae simili non absterrentur. Et facile huiusmodi exempla brutis edi in ani-
malibus patimur, sed hominum, profecto alia ratio est. Nae! solius exempli gratia fratres nostros ig-
ne cremare, aut rota contundere, piaculum ducimus. Cf. PÄTTMANNUS, in *Opusculis Iuris*
Crim. Proleg. IX. p. 258. Quod autem nonnulli, ut systema hocce saluum faciant, dicunt, hominem,
ubi voluptati iustitiam, sensibus legem postponit, brutis sese similem praebere, atque ita naturam homi-
nis exuere et iura, ut adeo illo, tanquam bruto animali, liceat uti, id sane vix meretur refutationem.
Verum, quamvis et illud verum esset, ac iusta dici posset exemplaris eiusmodi poena, inhumana ta-
men haec esset et barbara. Uti enim omnibus brutis, ita et humano illo animali humaniter uti docet
morum disciplina.

Systemati huic de poenis, exempli gratia insigendis, affinis quodammodo videtur illa KLEINII
opinio, (*die Kleinsche Genugthuungstheorie*) quam expositam vide in eius opere, qui inscribitur
Grundsätze des peinlichen Rechts § 9. sqq. Cf. eiusdem *Nachträge*, seu annotationes ad l. opus QUI-
TORPII p. 423. sqq. Eiusdem disputatio *über die Natur und den Zweck der Strafe* (Klein et Klein-
schrod's *Archiv des C. R.* Tom. II. Part. 1. No. 4.) KLEINIO fere assentitur L. C. G. SCHNEIDER,
Nach Einige Wörter über das Princip. des C. R. (Dresden et Leipzig 1806.) KLEINIUM refutat FEU-
ERBACH *Recht.* p. 93. sqq. (9) Cf. FEUERBACHII disputatio p. 13 et 14.

tinere praemiorum causam. Ita, quamvis Laedaemonii, posito inclyto illo ad Thermopylas monumento, illud etiam ob oculos habuerint, ut ad imitandam Leonidae ac trecentorum illorum virtutem incitarentur omnes, quamvis et sapienter praemia illud fiat assequuta, ut adeo Miltiadis illa tropaea, Themistoclem dormire vetantia, Graeciam iterum ab interitu servaverint; non tamen secundarius hic praemiorum scopus ipsam eorum naturam efficit ac veritatem, nec causam continet, quare bona eiusmodi praemia dicantur.

Iam, quod de praemiis licet affirmare, idem et de poenis valeat, illis quippe e regione oppositis. Quemadmodum igitur praemia versantur in tribuendis commodis, facto praeterito meritis, ita poenae iuxta praeterita culpa rependunt incommoda.

Haec igitur, quae singulis poenae speciebus inest, nota, ut ad praeterita referantur, satis videtur demonstrare, poenam, in genere sumptam, significari malum, quod propter actiones editas, nec nisi propter eas, aliquis sustinet. (10)

Primo itaque loco poena differt a castigatione (11), quae est incommodum, eo animo alicui illatum, ut non tantum a malis abstineat, sed et recta facere discat. Castigationem (12) praecedit quidem actio legi contraria, ea vero castigationi non fundamentum praebet, sed tantum occasionem ac fontem cognitionis, unde voluntatem legi contrariam, eique malis physiois obviam eundi necessitatem, cognoscimus. Ipsum autem eius fundamentum situm est in actionibus futuris legi consentaneis, (in emendatione) castigatione producendis. Eam igitur utilitatem ubi a castigatione expectare non possumus, haec lo-

(10) Eatenus igitur recte dicit auctor libelli, cui titulus: *Das petuliche Halsrecht der Tenerifaner* (Osnabrück 1798). p. 90. not. 1. „Wenn Gott, am jüngsten Gerichtstage, einen Menschen zur Hölle verdammt, so wäre das reine und unvermischte Strafe, weil 1) der Beleidigte dadurch nicht schädlich würde, 2) der Beleidiger dadurch weder selbst gebessert, noch jemandes Sicherheit geopfert würde, endlich 3) es keinem mehr zum Beispiel dienen könnte.“ (11) Haec, et quae sequentibus quibusdam paginis habentur, etsi ab hoc loco videri possint quodammodo aliena, ideo tamen addere lubuit, quod non tantum eorum, quae ipsi probaremus, explicationem, sed et aliarum opinionum refutationem quandam expectasse nobis visum sunt qui hanc quaestionem proposuere Vv. CII. Itaque disputationem hanc ita instituentem esse putavimus, ut in ea ponerentur principia, unde refutatio istiusmodi peti posset. Huic autem consilio hic nobis aptior videbatur locus. (12) De castigationis poenaeque differentia Vid. *FRUERBACHIIUM* Revis. p. 14. sqq.

cum habere nequit. Poenam vero ad praeterita tantum pertinere, quin, sine ulla etiam emendationis spe, iustam esse supra ostendimus.

Hinc apparet, quid existimandum sit de poena illa correctoria, quae dicitur, in emendationem scilicet nocentis infligenda, quam non modo veteres memorant (13), sed etiam recentiores, qui acutum in his rebus sese videre sibi persuadent.

Ipsi scilicet sibi obloquuntur ac res toto coelo diversas confundunt (14): quod enim poena est, id ipsum castigatio esse definit, et contra. Competit quidem civitati ius quoddam notationis, quod dicitur, (quod scilicet ad politiam (15) pertinet) ac potest eiusmodi notatio benigne cum poena coniungi, sed utriusque diversa manet notio, ac minime perturbanda.

Facile autem intelligitur unde ortus sit error eorum, qui utriusque vocabuli notionem permiscunt. Castigatione scilicet utimur in pueros, qui cum, ratione nondum satis confirmata, solis fere sensibus regantur, voluptatem appetunt eaque gaudent, ut summo bono, dolorem vero aspernantur, ut summum malum, et quantum possunt, a se repellunt. Ad haec quae fugiant, quaeque sequantur, referunt omnia. His, quamvis innocentes etiam, ad ea, quae mala sunt vel iniusta, aut appetenda, aut fugienda impelluntur, nec fere sunt, quibus iste animi impetus reprimatur, praeter dolorem ac voluptatem. Itaque animadversione in eos utimur et castigatione, iisque dolores admoveamus, quibus ad legitima quaevis in perpetuum perpetranda incitentur. Dolores

(13) Cf. PLATO in *Gorgia* p. 168 et 169 edition. Bipont. Vol. 4. et GELLII VI, 14 quae loca infra Cap. 4. afferemus. (14) Est scilicet doctrina quaedam (*die Theorie der moralischen Besserung*) eorum, qui putant poenarum finem ad solam pertinere morum emendationem. Eam qui sequuntur bene quidem humano generi cupiunt, sed parum in hisce sapiunt. Emendatio morum ponit boni moralis agnitionem eiusque continuam observantiam. Ut scilicet alicuius mores vere emendentur, requiritur, ut ei sit persuasum aliquid esse bonum morale, utque illud sequatur, ut adeo, non vi ac poenis effici, sed a sola libertate proficisci possit emendatio. Vi enim et meru coactus intelliget quidem homo, actiones suas ab aliis damnari ac malas haberi, poterit et ita de aliorum illorum perversitate ipsi fieri persuasum, verum ut bonum morale agnoscat, ut illud sequatur, verbo, ut emendetur, eo ne minimum quidem valet poena. Hoc iam vidit Thomaeus, de iure aggratiandi principis evangel. Cap. I. § 2. Cf. TITTMANN *Handbuch der Strafrechtswissenschaft* Tom. I. § 53. (15) Si venia verbo minus Latino, sed usitata.

autem illos iis proponimus tamquam iniusta eorum facta, ex naturae quadam necessitate, consecutos. Quodsi igitur nobis ipsis constare velimus, malas quasvis puerorum actiones castigatione infectabimur, quo tandem iis oriatur opinio, quasi ipsâ eiusmodi actione necessarium contineretur ac sufficiens molestiae illius fundamentum. Sic igitur, ex analogica utriusque rei ratione, castigatio quasi poenae speciem accepit.

Est etiam alia insuper, eaque longe gravior, huius analogiae ratio. In educandis nimirum pueris illud agimus, ut, non modo ad iustitiam externam, sed ad virtutem etiam eos informemus, idque etiam in castigandis iis sequimur, nec adeo ad solam respicimus actionum, in foro externo, iniustitiam, sed ad internam quoque consiliorum vitiositatem.

Cum autem, secundum ideam consensionis virtutem inter ac felicitatem stabilendam, cum vitiositate necessario malum quoddam cohaereat; castigationem etiam poenae vocabulo significamus, quatenus scilicet, secundum notiones morales, eam intuemur tanquam necessariam vitiositatis consequentiam.

Haec igitur in causa sunt, quare, in vita communi, utrumque saepius permutetur vocabulum. Ubi vero ad disciplinam nostram voces illae accommodantur, non, sine maximo eius damno, posunt confundi.

Secundo loco poena a defensione est diversa, quae posita est in circumscribenda alterius libertate, ut nostrae libertatis imminutionem propulsemus. Ea duplex dici potest, ut sit vel 1) *Defensio*, arctiori scilicet sensu accepta, qua alterum impedio quominus offensionem iam susceptam persequatur ac perficiat vel 2) *Praeventio* (16), qua efficitur ne futuram laesionem alter iste suscipiat.

Iam vero quis est, qui poenam esse dixerit, non defensionem, si quem, ad propulsandum eius impetum, malo quodam afficiam. Quodsi quis, occidendi causa, stricto gladio in me irruat, ipsumque, expediendae salutis gratia, interficiam, an poenam sumsisse, non vi vim illatam defendisse, videar (17)? Immo vero, nec ista poena erit dicenda, nec si quem, impetum in me paran-

(16) Praeventiois verbo, etsi minus Latino, uti nobis liceat, cum hac in re solenne illud sit et ritum. Malumus autem minus Latine, quam minus perspicue, loqui. (17) Cf. CICERO *pro Milone* Cap. 4 et 10.

tem, anteverto inque carcerem conicio, ut ab omni eius iniuria memet reddam securum. Nec magis poenam esse dicemus, ubi futurae iniuriae periculum praeterita, eaque iam ad exitum perducta, offensione probatur, eoque animo vis infertur, ut is, a quo nobis metumus, ab iniusto ille revocetur consilio.

Sunt autem multi, inter recentiores imprimis Ictos, qui in eiusmodi coactu poenae naturam collocent ac veritatem. (18) Verum, ut taceamus etiam hoc gratuite ab ipsis affirmari, nec cui, ut CICERO ait, concedi sine summo periculo posse, ut cum iure possit occidere, a quo metuasse se dicat, ne ipse potius occideretur" quis est qui non videat defensionem ita cum poena commutari? Poenae scilicet fundamentum situm est in actione praeterita, hic vero futurae actiones causam continent incommodi, quo alterum afficimus, praeteritae vero iniuriae ratio tantum ducitur, quatenus, uti et in castigatione, occasionem praebet ac fontem cognoscendi periculum futurae iniuriae malique, illius avertendae gratia, inferendi. Iam, etsi forte etiam concederemus,

(18) His annumeranda sunt nonnulla disciplinae nostrae lumina, V. C. WIELANDUS, KLEIN-SCHRODUS, GROLMANNUS, MOSERUS, ac, certa quadam ratione, KLEINIUS. Secundum hoc autem systema (*die Präventions-theorie*) causa poenae, maleficis indigendae, sita est in verisimilitudine futurae iniuriae, ab eo metuendae. Verum non ex sola praeterita iniuria eiusmodi oritur suspicio, eiusmodi futurae iniuriae verisimilitudo. Multa sine dubio alia sunt, quae parem ne dicam maiorem, pariunt suspensionem, atque ita, si probe sibi constare velint huius sententiae patroni, necesse est ut promiscuum civitati ius concedant suspecti cuiusvis verberandi, cruciandi, quin et occidendi, ne possit iniuriam inferre, quam civitas ab ipsa metuat.

Quin ex hac doctrina vanae omnes fiunt et irritae leges poenales. Ex imminentis scilicet periculi magnitudine definiri debet, cuiusmodi incommodum (poena) singulis in casibus requiratur, ad periculum illud averrendum. Quodsi iam eadem forte poena lege scripta sit, quam periculi magnitudo definit, casu illud evenisse dicendum est; uti enim Quintilianus, Declam 331, ait, „nulla tanta providentia potuit esse eorum, qui leges componebant, ut species criminum complecteremur" quin etsi nulla lex adfuisset, eadem poena fuisset irroganda, ut adeo non indigatur quia lege scripta est, sed quia principis defensionis convenit.

Quodsi poena lege scripta cum ea, quae futurae laesionis verisimilitudine definitur, non convenit, nihilominus posterior erit indigenda.

Iam vero quis erit legum usus, quae vis, si, non quod lege cautum est, id observatur, sed id, quod Philosophiae iuris Criminalis convenit. Sed dicat forte quispiam, eo tamen valet lex, ut iudicis arbitrio normam praebet, quam sequatur, exemplaue ei proponat poenae delicto accommodatae, ex defensionis principis, eruendae. Verum hoc ita demum fieri posset, si delicta, quibus esset poena lege

ex praeterita offensione eiusmodi nasci ius praeveniendi; minimè tamen inde sequeretur, illud esse ius puniendi, quod sibi sumere fere solent eius sententiae patroni, quasi nulla illud indigeat probatione.

Haec sunt, quibus a poena differat defensio. Aliud est quod huic intercedit cum castigatione discrimen. Defensio scilicet et praeventio tantum ad omissionem valent, castigatio et ad omissionem refertur et ad actionem. Illa scilicet hoc solum innuitur, ut ab iniuria quis sese abtineat, hac vero ut cum a pravis refrenetur, tum ad recta impellatur.

Haec sunt praecipua poenam inter et affines ei notiones discrimina. Reliqua, ubi poenae civilis vim explicabimus, aptius afferre poterimus. Hac igitur generis significatione utemur, in definiendo, quaenam res poenae civilis nomini subiiciatur.

Est igitur poena civilis malum, quod ob actiones admittas, legi contrarias, alicui a civitate infligitur. (19) Quo autem consilio, et quo iure, civitas poenas et constituat et exsequatur, infra pluribus exponetur: hoc loco dixisse sufficiat, poenam civilem infligi a civitate, adeoque a morali esse diversam. Poena scilicet moralis ea est, quam quis, secundum principia moralia, subit propter neglectam virtutis legem, eiusque fundamentum est officii violatio, repugnantia eius, qui punitur, cum praeceptis morum. Ideo scilicet poenam homo sentit, quia virtutis regulas, ipsi servandas, offendit, quia nec consilia

Scripta, non tantum ipsa simpliciter indicarentur, sed eorum causa, occasio, modus, tempus, reliqua, quae accessissent, omnia a civitate describerentur lege ac definirentur. Sic igitur normam aliquam iudices haberent, librum scilicet scholasticum, minime vero legum codicem, eumque non a legislatore profectum, sed a iudi magistro. Verum dixeris, si non iudici lex est utilis, valebit certe ad cives a delictis absterrendos. Valet sane aliquantum, sed parum idemque valeret delictorum catalogus, cui addita esset clausula, delicta eo comprehensa secundum philosophiae principia esse punienda. Qui plura velit, adeat FEUERBACHIIUM *Revis.* Cap. 2. et in d. *disert.* passim. (20) Hic equidem absolvi cenfeo poenae civilis definitionem, nec assentiri possumus FEUERBACHIO l. c. p. 23. eam imperfectam esse putanti. Est quippe regula Logices, ut non nisi genus proximum, quod dicitur, et differentia specifica, definitione contineantur. Genus autem verbis: *malum etc.* exprimitur, differentiaque specifica in eo sita est, quod a civitate infligitur. Ita sentit THIBAUT *Beiträge zur Kritik der Feuerbach'schen Theorie über die Grundbegriffe des peinlichen Rechts* p. 26. quae enim FEUERBACHIIUS l. c. p. 36. huic definitioni addenda existimat, non ad poenae definitionem, sed ad eius iustitiam finemque, pertinent, de quibus infra videbimus.

eius hisce regulis, nec actiones consiliis moralibus, sunt consentaneae. Principia, quae in ea servantur, sunt mere moralia, nec alia nisi idea, felicitatem inter ac felicitatis dignitatem (virtutem) consensionem stabiliendi. (20) In morali itaque rerum ordine, vitiositati incommoda, virtuti commoda debent esse accommodata, eique rerum ordini producendo inservit poena moralis. Summum vero iuris principium est, ut usus libertatis unius, cum aliorum omnium libertate, secundum regulam universalem, possit consistere, in eoque positus est ordo iuridicialis; ut vera hominum conditio necessariae huic libertatis legi non repugnet. (21)

In foro itaque externo, ubi omne iudicium ad solum hocce principium externum exigitur, omnia ad iurium conservationem referuntur. Reliqua extra eius ambitum posita sunt, nec quidquam ad ipsum attinet felicitatis cum virtute exaequatio.

Posito igitur de actione quadam iudicio, ad morum praecepta exacto, actio tanquam legum internarum offensio consideratur, non tanquam externarum iuris regularum violatio, nec ut iniusta, sed ut mala, plectitur. (22)

(20) Cf. KANT *Critik der practischen Vernunft* p. 65. et Consultisf. SYPKENS, in palmaria *disfert. Philosophico-Iurid. Inaug. de Primo Moralitatis principio* (Groning. 1801) p. 120 et 121.

(21) Cf. KANT *Metaphysische Anfangsgründe der Rechtslehre. Einleitung* § C. p. 33. Consultisf. SIBRANDUS GRATAMA in *Disf. Inaug. de Iure ac Iniuria* (Groning. 1808) pag. 27 et toto Cap. V.

CL. TH. VAN SWINDEREN, in *Disf. Inaug. de Legibus* (defensa Groningae 1806) p. 63. Idem quod KANTIUS, sensisse videtur sempiternum illud patriae nostrae decus HUGO GROTIUS; *I. B. et P. I.*, I § 12 et 3, I, II. § 1. N^o. 3, 5 et 6 et Proleg. § 6—8. (22) CL. TH. VAN SWINDEREN *l. c.* p. 56. sqq. Sunt nihilominus, qui omnem poenae finem in exaequatione mali cum vitiositate ponant (*die moralische Vergeltungs-theoristen*) quibus inter alios annumerandus est IACOB, in opere: *philosophische Rechtslehre oder Naturrecht* (Halle 1802) § 419. sqq. p. 205. sqq. Praeterea vero quod eiusmodi poena a civitatis instituto est aliena, ne adhiberi quidem ulla ratione potest. Nam primum, quo quaeso modo iudex ita in intimos penetrabit hominum animos, ita omnia agendi momenta, omnes causas, perspiciet, ut iusto pondere aestimare queat virtutem aut vitiositatem alterius, de qua ne alter quidem ipse iudicare potest? Quin, licet eam perfecte cognosceret, ubi mensuram reperiatur, qua felicitatis diminutionem, huic illive vitiositatis gradui prorsus adaequatam, reperiatur? Refutationem huius doctrinae vide apud FEUERBACH *Revis.* p. 30—35. et *Iurid. Archiv von Tübingen* Tom. V, Part. I. pag. 54.

Cf. etiam CL. I. M. KEMPER, *aanmerkingen op het Crim. Wetboek voor het Koninkrijk Holland* ad Caput IV. p. 59. sqq.

Iuris scilicet violatio unice ut talis consideratur, ubi solius actionis externae, eiusque pugnae cum iustitiae lege (externa), ratio habetur. Verum simul atque animi consilia, unde nascitur, respicimus, eorumque consiliorum cum interna virtutis lege repugnantiam; tanquam peccatum eam intuemur. Quotiescunque igitur, in diiudicanda actione poenaeque ei decernenda, ideam, de felicitate felicitatis dignitate metiendâ, respicimus, eam non velut iuris, sed velut disciplinae morum, materiam consideramus, nec iniuriis, sed peccatis, eam adnumeramus.

Hinc sponte fluit, non posse poenam civilem esse moralem, nec civitatem (nec adeo quemquam praeter Deum) peccata ideo tantum, quia praeceptis morum repugnant, poenis posse persequi, cum civitati hoc sit propositum, ut status efficiatur iuris tuti omnium et singulorum. (23)

Verum enim vero satis iam constare cum videatur, in futuris malefici iniuriis non esse positum poenae fundamentum, nec ea propter violatam officiorum legem possit infligi, aliud ne queat excogitari malum, quod alicui ob praeteritam laesionem inferatur, praeter solam ultionem, quae locum habet, ubi, sine ullo iusto fundamento, eum, a quo prius sum laesus, dolore afficio? (24)

(23) Consultisf. QUINTUS, in Disf. Iur. Inaug. *de Religione civitati necessaria* etc. (Gron. 1805: toto fere Cap. II. Cl. v. SWINDEREN l. c. p. 74. sqq. et Consultisf. H. VAN SONSBECK, in Disputat. praemio ornata 1816. Cap. I. (24) Ultionis species nobis esse videtur illa KANTII poena. KANTIUS scilicet, quique eum sequuntur (die iuridische Wiedervergeltungstheoristen) TIEFTRUNKIUS, BECKIUS, GÖNNERUS alique multi omne ius puniendi repetunt ex imperativo categorico (ut loquuntur), talionem exigente, ut adeo poenae qualitas et quantitas solo aequalitatis principio definiri queat. Cf. KANT *Metaph. d. Sitten*. p. 225. seqq. Tomi I. quo continentur *Metaph. Iur. Elementa*. Verum, primum quidem exiguum disciplinae utilitatem praestare videtur obscurus eiusmodi et inextricabilis imperativus categoricus, qui nulla ratione probari potest, ut ipse fatetur FICHTIUS, sed simpliciter pro vero est assumendus. Cf. TITTMANN *Handb.* l. c. Tom. I. § 53. p. 101. Deinde vero quanam hic norma, quanam delicti poenaeque mensura servabitur, quomodo adversus summum imperantem, quomodo adversus magnum coniunctorum delinquentium gregem talione utemur? Anne crude hic valebit illud: dens pro dente, oculus pro oculo. Hinc summa tertii innocentis oriretur iniuria. Itane igitur adulteri uxor vicissim adulterabitur? Anne furi publica auctoritate vicissim fiet furtum, ut, quemadmodum in arithmeticis quantitas positiva quae dicitur negativâ tollitur, (hac enim uti solent comparatione), ita et iniuria talione tollatur et eva-

Equidem ius quoddam cogendi haberi cenſeo, quod in iure deſenſionis fundamentum habeat, ac nihilominus a deſenſione ſit diverſum, ius inquam quo malum, ratione ipſius delinquentis, unico propter commiſſum crimen infligatur, a civitate, quo tamen cauſa, quare propter crimen malum eiſmodi infligatur, poſita ſit in iure deſenſionis. Eiſmodi autem malum poenam civilem, ac ius mali illius inferendi, ius puniendi eſſe exiſtimamus. Haec autem de poenae notione dicta ſufficiant: iam ad inquirendum poenae conſtituendae ſinem tranſeamus.

neſcat. Immo vero, ita mala malis, furtum furto, adulterium adulterio cumulat. Quid vero fiet, ſi quis plura amiſit homicidia, an ſaepe is poterit occidi? Ne autem haec nimis cruda eſſe dixeris, nam et ex amiſſo ſemel talionis principio ſponte fluunt, et diſertis KANTII verbis exprimuntur. Tale quid Civilem forte eiſque Batavos, aut rudes Arminii ſocios decebat, noſtrae autem aetati haec non ſunt conſentanea. De talionis principio cf. A. VON BOTHER, *Begriff der Strafe* Berlin. 1808. et L. N. BORST *Reinrechtliche Darſtellung des Strafrechts*, Nürnberg 1811, qui elegans omnino, eſt libellus.

C A P U T II.

DE FINE POENARUM CONSTITUENDARUM.

Quis verus sit poenarum finis, et quo tandem animo in facinorosos animadvertere debeamus, gravis est quaestio, eaque maximâ opinionum varietate ac disensione agitata. Id quidem inter omnes convenit, ultimum poenarum omnium finem, ad tuendam iurium securitatem (1) legumque civilium maiestatem pertinere. Proximi autem finis ratione maxima sententiarum intercedit discrepantia. Et si enim ultimum illum finem omnes agnoscant, de via, qua illum assequi licet, inter se disentiunt. Hisce e difficultatibus, qui recte sese velit expedire, ei duo imprimis videntur distinguenda, quae sua natura sunt diversa; licet artificiose connexa vinculo. (2) Poenarum scilicet constitutio ab earum executione probe videtur separanda. Poenarum constituendarum finem eo solum pertinere existimamus, ut, iniustis animi motibus poenarum comminatione, quasi mole quadam, oppositâ, a delictis avocentur omnes. Executionis vero eum esse finem censemus, ne non puniendo legis, poenam minantis, pereat auctoritas. His probe distinctis, rem planiorem fore confido. Verum, quo melius haec intelligantur, rem paullo altius repetamus, ac, hoc quidem loco, in poenarum constituendarum finem inquiramus.

Primarius itaque civitatis scopus in mutua omnium securitate est positus sive ut aliis verbis dicam, in ea conditione, qua et universi et singuli iuribus suis plene et quiete fruuntur, ab omni aliorum offensione servantur immunes. Omnis itaque iuris violatio naturae et fini societatis civilis adversatur, quae ut finem suum assequatur, necesse est ne qua in civitate fiat iniuria, totaque res

(1) Cf. KLEINSCHROD *Systematische Entwicklung der Grundbegriffe und Grundwahrheiten des peinlichen Rechts*, Tom. II. § 45. p. 115. sq. (edit. 1799) (2) Cf. Consultiss. S. P. VAN IDSINGA, in *Disf. Inaug. de Iure Praescriptionis in Causis Criminalibus* (Gron. 1808.) Sect. 3. § 5. pag. 106.

eo redit, ut iniuriae universe avertendae ratio excogitetur. In defensione aut praeventione iurium illud praesidium non est repositum. Etenim ea tantum ab unius cuiusdam aggressionis tuta praestatur civitas, idque solum efficitur, ut certus ac definitus maleficus, a quo novas metuimus iniurias, ab iis sese abtineat; at nulla moles obiicitur iniusto arbitrio reliquorum omnium, qui, etsi non sit verisimile eos unquam iniuriam esse illaturos, possent tamen forte iniuriam nobis inferre. Physica autem civium viribus impedimenta obiicere, atque ita eos ab iniuria abstinere, et iura civitatis excedit et vires; nec enim catenis alligare queat cives, ut eos reddat iustos. Itaque appetendi facultas est utendum, ut ad eum civitatis finem impellantur omnes, eaque adhibenda sunt iustitiae praesidia, quibus a iuris cuiusque violatione psychologica abstinantur omnes, quibus ita afficiantur animo, ut nec inferant iniuriam, nec eius inferendae consilium capiant. Causae autem iniuriarum videntur esse duae, ad quas singulae, quae obveniant, et possint et debeant referri (3), error scilicet *ingenii*, quo, quid iustum sit quid iniustum, non vident homines, et *motus affectuum*, prava iubentium, ignaviaque, quibus ad iniuriam impellimur, aut, pro iure tuendo sive nostro sive alieno, metu fere non id agimus quod decet. Uti autem medici, causam morbi inventa, curationem esse inventam putant, sic nos, causa iniuriae reperta, medendi facultatem invenimus. (4)

Primum itaque civitati id erit agendum, ne qua sint quibus ad iniuriam stimulentur cives. Duplici ergo causae duplex opponatur remedium, errori ingeniorum eruditio, quique huius partem efficit maximam, facilis populo redditus legum intellectus. (5) Posteriori causae opponatur, quae cum ingenii cultura maxime cohaeret, morum emendatio universe spectata, quam continetur etiam excitata iusti reverentia. His si adiunxeris et educationem vere civilem, religio-

(3) Haec fusius exposuit Consultus. GRATAMA in all. Diss. Cap. VII. p. 143--151. Cf. etiam, quem ille citat, VOLTAIRIUS *Mélanges* Tom. VII. p. 167.

Vid. SCHWAB *Ueber das unvermeidliche Unrecht* p. 42. (4) CIC. Tusc. Qq. III, 10. (5) BECCARIA *Traité des délits et des peines* (edit. q. prodit 1766. adiecto Philadelphiae nomine, tanquam loco ubi sit excusata) § 41. imprimis Cf. KLEINIUS in libello saepe cit. cui titulus *Archiv des C. R. von Klein und Kleinschrod*, Tom. II. Part. I. No. 1. ac C. A. TITTMANN *Ueber den Unterricht des Volks in den Strafgesetzen auf Schulen* Leipzig 1799.

nis cultum, vitaeque felicitis ac victus quaerendi copiam, haud contemnendum in iis repositum esse duxerim scopi civitatis assequendi praesidium.

Verum haec duo, quae naturalia quidem mali huiusce dici merentur remedia, quamvis maximâ, qua homini licet, prudentiâ adhibeantur, non tantum sunt valitura, ut mali causam penitus tollant. (6) Longum enim est rationibus persuadere, vehementerque impeditum, cum erudire ante hominem debeas, quantum sufficit ad argumentorum vim percipiendam. Consuetudinem, aut naturalem propensionem, rationibus vincere difficillimum est. Quae cum ne illi quidem semper corrigere possint, quibus cum singulis res est, quanto erunt curatu difficiliora, in toto populo. (7) Licet igitur omnia hunc in finem optime a civitate sint instituta, magna semper erit eorum multitudo, quorum animus ad omnem mitiorem impressionem manebit obduratus, ac publicae securitati quodammodo periculofus. Quod si omnia igitur hac ratione vellemus assequi, pro diversa singulorum indole, diversa etiam viâ foret utendum. Quomodo autem finita cognitione homines ex infinitis eiusdem huiusce finis assequendi rationibus, singulas eas possumus eligere, quae singulis animi humani variationibus sint accommodata.

Sit igitur hoc alterum, in quo civitas elaboret, ut, qui parum civilia (legibus contraria) animo volvat consilia, psychologice impediatur, quominus ad exitum ea perducatur. Impediendum est itaque, ne consilia in actum transeant, prohibendumque, ne, quae legibus adversantur, ea cives appetant, efficiendumque ut, nolentes licet et inviti, ad legitima quaevis appetenda adigantur. Id autem qua ratione fieri potest, quaeque sunt animi humani leges, quibus tale quid licet perficere?

Omnis scilicet causa eius, quod legibus adversatur, appetendi posita est cum in voluptate, inde percipienda, tum in taedio indigentiae (seu verae seu fictae) non expletae, quod talem voluptatis sectationem comitatur. Hoc nobis et arbitrii flectendi, et appetitionis *sensitivae* (8) principium est. (9) Demtis

(6) Cf. Conf. s. GRATAMA l. c. p. 151. (7) Vide Fragmentum orationis SEGNERI, quod adfert MICHAËLIS *Mosaïsch Regs*, in Praef. Tomi VI. (8) Sit venia verbo barbaro. (9) Cf. FEUERBACH *Revis.* p. 43. et T. SYPKENS l. c. pag. 115--120, et KANT *Metaphysische Anfangsgründe der Rechtslehre. Einleitung (in die Metaph. d. Sitten)* tota § 1.

vero et voluptatis studio et sectatione, nihil eorum, quae appetimus, effici posset, ac homo truncus esset et caudex, qui nec appeteret quidquam nec ageret, ubi illud deesset appetendi momentum. Hinc itaque nulla ratione fieri posse videretur, ut quis, contra appetitionem sensitivam, ad aliquid agendum permoveretur, nisi duo essent, quibus appetitio, etiam absque ullo momento a voluptatis aut taedii sensu profecto, perfici queat. Altera scilicet est libertas, sive absoluta hominis facultas sese, adversus omnes sensuum impulsus, propria vi ad officium servandum flectendi. (10) Hac vero facultate civitas uti nequit ad scopum suum attingendum. Ipsa enim libertatis notione illud continetur, ut extra omnem causarum naturalium potestatem, adeoque etiam extra coactum, sit posita. Nemo in alterius libertatem vim ullam exercere potest, eumve ut libertate utatur, cogere. Nemo, nisi per se ipsum, liber est, nec quisquam, nisi propria vi, potest libertate potiri. Nihil itaque civitati restat nisi ut altero utatur propensionis regendae adiumento; ut scilicet sensibus sensus compescat, propensiones contraria propensione, sensuumque momenta aliis sensuum momentis tollat. Hoc qua ratione fieri possit, facile intelligitur. Homo scilicet certam quandam ac definitam sequitur voluptatem, quia universe ipsi insitum est, ut voluptatem appetat eaque gaudeat, certum vero ac definitum dolorem ideo fugit, quia universe dolorem, tanquam naturae suae contrarium, et aspernari debet et, quantum possit, a se repellere. Itaque earum rerum hic tenetur ab homine delectus, ut saepius et voluptates repudiet et molestias non recuset, ut aut, reiiciendis voluptatibus, maiores alias consequatur, aut, perferendis doloribus, asperiores repellat. (11) Taedium itaque non expletae cuiusdam indigentiae, (quae appetendi facultatem ad eam impellit actionem, ex qua aut voluptas oritur aut indigentiae satisfit) hominem quidem incitat, ut molestiam illam depellat indigentiaeque succurrat, sed maior, cum actione coniunctus, dolor appetitionem in contrarium impellit efficitque, ut propensio maioris illius doloris fugiendi, et actionis quam comitatur omittendae, facile praeponderet. (12) Sic igitur

(10) Cf. KANT et FEUERBACH loco pag. praec. citato et IACOB *Phil. Rechtslehre* § 13 et 100. et CONF. SYPKENS l. c. p. 115-130. (11) CIC. *de Fin.* I, 10. (12) FEUERBACH l. c. p. 45. sqq.

depellentur iniuriae, ubi quisque certo novit, legis violationem secuturum esse incommodum, maius illo, quod ex non impleto, vetitae cuiusdam actionis edendae, desiderio nascitur. Haec enim persuasio illegitimae cuiusque appetitionis causae e regione est opposita, eamque tollit et evertit, atque ita efficit, ut legi contrarium momentum non possit hominem ad agendum permovere.

Ita sensus a sensibus quasi superantur, sibi que ipsis subiiciuntur, quaeque ad iniuriam inferendam homines causa movet, eadem firmissimum iis existit iustitiae praesidium.

Haec igitur cum sit certissima mutuae iurium securitatis, in qua positus est civitatis scopus, tuendae via; civitas cum quavis iniuria eiusmodi coniungit incommodum, quod voluptatem superet, quam ex violato alterius iure licet expectare.

Eiusmodi autem incommodum, a civitate, quippe cuius scopus in tuenda iurium securitate est positus, cum iniuria coniunctum, uti in superioribus ostendere conati sumus, poenam efficit civilem. (15) Poenarum autem effectus, totamque earum rationem, ita facillime intelligemus, si eas, oculis quasi subiectas, ponderi comparamus, alio cum pondere in libra appendendo. (14) Maleficus v. c., modo criminis exemplo, modo sperata eius utilitate, modo ira, vindictae studio, cupiditate, voluptate, molestia, aegritudine, aliisque animi perturbationibus ad delinquendum commovetur. Haec omnia pondus efficiunt unius lance, quam liceat hic malam appellare. His alia iam opponenda sunt pondera, ea quae continet lanx, bona nobis dicatur. Haec bona lanx raro apud quemquam omnino vacua est. In ea enim posita est misericordia, animi benignitas, generosa indoles, honoris sensus, bona educatio, naturalis aequitas, religio ac sana denique et prudens ratio, quae multis in criminibus ostendit, quantopere praesens utilitas in posterum damnosa queat existere. Verum apud plerosque ponderum illorum unum alterumve deest in bona lance, quodque adeo in ea superest utique est impar iis, quae in mala lance reperiuntur, cupiditatibus ac pravis animi libidinibus. Insuper autem ita natura comparati sumus homines, ut levissimae ad mala propensionis saepe multo-

(13) Cf. quae in fine Cap. I. diximus. (14) Hac comparatione rem illustrat MICHAËLIS Meisach Regt. in Praef. Tom. VI. p. 14. sqq.

plus tribuamus quam gravissimis sanae rationis ponderibus; ut adeo lanci (malae), per se iam paullo graviori, maiorem demus iugi partem, ac in ea iacens pondo, quin floccus interdum (ubi verbi causa vehementibus agitatur animi perturbationibus) longius ab axe remotus, praeponderet onus longe gravissimum.

Cum itaque lanx mala gravior plerumque fit quam bona, huic quod deest ponderis, poena erit compensandum. Quod si feceris, nihil amplius erit; quod ad delinquendum invitet homines. Nulla enim voluptate proposita, non magis ad delinquendum animus impellitur, quam libra, nullo pondere aut vi movente, in alteram inclinatur partem. Quodsi autem poenam paullo maiorem feceris voluptate, cum delicto coniuncta, eo minus erit metuendum, ne quis rem appetat, quae iam tota mala est, cum universum maleficii commodum poena iam compensetur quin superetur. (15)

Hinc igitur ultro iam intelligitur, poenarum finem universe in eo esse factum, ut a delictis omnes absterreantur, indita scilicet iis persuasionem, emolumentum, ex delicto natum, secuturam esse poenam, utilitatem eius superantem. Hoc autem qua ratione omnibus persuadetur? Illud quidem, quod primum est disquisitionis huiusce principium, nimirum non alium esse poenarum finem, quam ut passim a delictis omnes absterreantur, plerique agnoscunt Icti; inde vero hoc solum efficiunt, civitati in delinquentes poenis esse utendum, ut ne is, qui deliquit, tale quid posthac committat ipse, aut ut caeteri sint ad iniuriam tardiores.

Verum ex sola mali cuiusdam illatione, delictum secuta, nondum certa civibus nascitur convictio, idem incommodum alia quaevis eiusmodi facinora esse consecuturum, nec adeo illa dici potest delictorum, universe omnium praecavendorum, ratio. Experiuntur quidem cives delicta puniri, quin et saepius ac vulgo adeo puniri, non tamen ipsis persuasum fit de necessaria mali illius coniunctione cum delicto, neque cognoscunt, poenam esse delicti consequentiam, ex legis necessitate ita cum eo copulatam, ut hoc sine illa esse nequeat, nisi omnis perturbetur legitimus rerum ordo. Itaque nisi aliud quid accedat, certa illa desideratur persuasio, malique illius cogitatio non continet sufficien-

(15) Cf. ill. orationis fragmentum apud MICHAËLIS l. c.

tem criminis omittendi causam. Verum licet illud etiam demus, editaque f p-
pliciorum exempla momentum contineant psychologicum, quo alii a simili cul-
pa inhiuantur, ideone simul iusta ea esse dixeris? Quo quaeso iure in ho-
minem animadvertes, ut alii inde exemplum petant iustitiaeque viam haud de-
serant? Quo iure civium securitatem ac Reipublicae tranquillitatem hominis
vita aut cruciatibus redimes? (16) Ita hominem tanquam rem (17) uteris, ac si
quis delinquendo naturam humanam exueret.

Itaque si firmiter omnibus persuadere velis, poenam delictum esse secutu-
ram, ea utendum erit ratione, quae necessariam delictum inter et poenam
copulationem evidenter ostendat, et humanae naturae iuribus non adverfe-
tur. (18)

Hinc efficitur, poenae cum delicto coniunctionem lege esse minandam. Lex
scilicet est universalis ac necessaria, ad omnes loquitur, unicuique delictum
admittenti poenam minatur ac, quia lex est, poenam illam ut necessariam
proponit ac legitimam delicti consequentiam. Quicumque eam edit actionem,
poenam debet pati, neminique actionem illam danti poenam licet effugere.
Delictum et poena mutuo sibi tanquam conditiones insunt, quarum nemo
alteram sine altera velle potest. Nemo, poenae nisi sese subiciat, actionem
lege vetitam edere potest.

Hinc igitur apparet quidem poenae constituendae necessitas, verum num et
earum iustitia ita est probata? Credo equidem, poenarum enim minatione
nemini quid detrahitur, neminis aut libertas aut iura imminuuntur.

Ut igitur paucis orationem contrahamus, summa disceptationis nostrae
eo redit: Leges poenam minantes ideo sanciuntur, ut firmiter sibi persuasum
habeant omnes, maleficia excipi incommodis, commoda eorum superantibus,
atque ita criminum illecebris non capiantur, sed potius a delictis penitus se-
se abstineant, seu, quod eodem redit, finis poenarum constituendarum in eo
est positus, ut coactu psychologico omnes a delictis refrenentur.

Quatenus autem dici possit eum in emendando malefico, in eo anteverten-
do, aut in deterrendis omnibus esse positum, ex brevi eorum, quae disputa-

(16) PÜTTMANNUS in *Opusc. I. C. I. C.* p. 262. (17) Cf. KANTIVS *l. c.* p. 226. (18) Vid. FEUERBACHIVM *l. c.* p. 49.

vimus. consideratione ultro apparet. Emendationem (civilem seu iuridicalem) nimirum non executio poenae spectat, sed constitutio, quippe qua illud agitur, ut, qui delicta meditentur, illi ad meliorem frugem reducantur, et ad iustitiam colendam impellantur.

Ad terrorem deinde pertinet finis poenarum, quatenus lex, delicta prohibens, ab iis admittendis poenarum metu cives revocare studet.

Denique vero finis poenarum situs est in delictis praeveniendis, non executione, sed constitutione poenae, quatenus scilicet ea praevenit delicta et praecavet, iuriumque securitatem praebet, omnibus, a quibus aliquid metuendum sit, poenarum minis a consilio revocatis. Atque ita quidem ea, quam nos secuti sumus, opinio cum aliorum rationibus quodammodo convenit, eaque complectitur, quae vera in iis deprehenduntur. Illi scilicet omnes aut perperam, aut ex parte tantum, rem considerantes a recto tramite aberrant, atque in errores incidunt, dum poenae constitutionem cum eius executione confundunt, quodque de illa tantum valet, de hac perinde affirmare non dubitant.

Hinc etiam diiudicare licet, quantum auctoritatis tribuendum sit notissimo illi SENECAE (19) effato, ubi dicit: „Nemo prudens punit quia peccatum est, sed ne peccatur, revocari enim praeterita non possunt, futura prohibentur.” Haec sane verba, uti, certa quadam ratione sumpta, falsa sunt dicenda, ita alio sensu accepta, auream continent veritatem. Quippe si ad poenas constituendas referuntur, plenissimum merentur assensum. Neque enim ideo leges constituuntur criminales, ut praeterita vindicentur, quae revocari nequeunt, sed ut futura propulsentur maleficia, impiisque malorum conatibus, quasi mole obiecta, integra stent et intacta civium iura.

(19) *De Clementia* Cap. 16.

C A P U T I I I.

DE FINE POENARUM EXSEQUENDARUM.

Sic igitur leges ideo poenas sancire vidimus, ut qui sponte boni non sunt, quosque natura ipsa retinere in officio non potest, ii metu poenarum maleficiis summoveantur. Verum sola poenae comminatione non omne hoc absolvitur negotium, sed etiam, ubi committitur delictum, cui constituta est poena, haec erit exsequenda, alias enim legis poenam minantis omnis interibit auctoritas.

In ea autem tuenda positus est poenae exsequendae finis. Poenae scilicet comminatio nullam prorsus vim habebit, sibi que ipsi erit contraria, nisi poena, tanquam legitima ac necessaria velitis actionis consequentia, proponatur, nisi declaretur positam in lege conditionem, non posse existere, nisi poena sequatur. Ex poenae itaque comminatione legalis eius exsequendae necessitas oritur. Legalis autem necessitas ea est, quae definiat aliquid fieri oportere, quia contrarium legi repugnaret. Ita legalis adest *possibilitas* (ut hoc utar verbo), quatenus aliquid legi non repugnat, legalis necessitas, quatenus contrarium legi repugnat. Legis autem veneratio est absoluta, ita ut in neminis arbitrio sit positum, leges observare velit ac vereri, nec ne, ac simul norma, quae legalem exprimit necessitatem, per se valet, eius observantia non ab aliis pendet principiis, sed necessitatis suae causam in se ipsa continet. Ad eam applicandam non alia prius requirimus principia, id solum quaeritur, num conditio ea contenta adsit, ac tum illa est exsequenda. (1) Insuper autem ex ipsa legis notione poenae exsequendae necessitas intelligitur. Lex enim poenalis legis est species, ab aliis legum speciebus solo eius, quod iubet, discrimine separata, ut adeo ipsa legis notio in legibus etiam poenalibus reperiatur necesse sit, nisi forte solum iis legis nomen non rei verita-

(1) Cf. FEUERBACH *Revison* p. 143. sqq.

tem tribuendam dixeris, quod tamen vix cuiquam in mentem venerit. (2) Omnes autem Icti consilia, et ab arbitrio cuiusvis pendentes agendi normas, a legibus distinguunt, ac legis nomine absolutam obligationis causam subiiciunt, legemque normam dicunt, qua quis obligatur, quarumque et applicatio et necessitas in iis ipsis habeat fundamentum.

Legum is est character, ut absolute valeant in causis iis comprehensis, earumque consequentia sit absoluta obligatio eas applicandi ad causas iis contentas. Cum itaque et lex poenalis lex sit; ei in esse etiam debet haec legis nota.

Ex ipsa itaque legis poenalis notione sequitur, eam et ad magistratus referri, iisque perfectam imponere obligationem delictorum, secundum legem, puniendorum, ut nec poena sine crimine, nec crimen sine poena esse possit, et ad cives, (tanquam qui *possint* delinquere) quibus et legalem delictorum *impossibilitatem*, et legalem poenae necessitatem, declarat. (5) Praeterea vero, quod minime est omittendum, poenas leges fanciunt, quibus omnibus persuadeant, delicta maiorem secum ferre dolorem, quam voluptatem, eaque persuasione homines, quippe quibus natura insitum est, ut dolorem aspernentur, voluptatem vero sequantur, ad ea, quae legibus consentanea sunt, appetenda flectant.

Id autem qua ratione efficient, si poenas minentur, non re ipsa exsequendas, sed in solis legum verbis subsistentes? Ita profecto vanae omnes essent et irritae legum minae, quae nec metum cuiquam incuterent, nec appetendi agendique momentum existerent; ita lex nihil esset nisi anilis fabula, ac revera nulla lex adesset. Ut igitur legum comminatio vim accipiat, data, unde pendet, conditione, impleatur, poenaeque lege scripta infligatur, necesse est; ut adeo merito LEIBNITZIO (4) assentiamur, dicenti „ubi sapiens legislator poenam minatus est, ad constantiam eius pertinet actionem non relinquere impunitam, etiamsi poena nemini ultra corrigendo utilis foret — quamvis sapiens nihil, nisi quod convenit, promittat.”

Possit tamen quis forte dubitare, num et iustum adfit executionis fundamentum. Aliud enim est poenas minari, aliud, ubi minatus fueris, exsequi.

(2) FEUERBACH *l. c.* p. 144. (3) FEUERBACH *l. c.* p. 147. sqq. (4) *Theodicae* I. § 73.

Quae iusta est poenae comminandae causa non ideo statim exsequendae eius causa existit. Poenarum enim comminatione nemini quid aufertur, utique vero executione.

Quicumque ius habet exigendi, ut alter actionem quandam plane omittat, ei etiam competit ius actionem illam quibuslibet adstringendi conditionibus, id est certa quaedam definiendi, sine quibus actio illa edi nequeat. (5) Ita v. c. iure a quovis exigere possum, ne domum meam intret, adeoque et certas quasdam ponere conditiones, quibus nisi impletis id fieri nequeat.

Civitati igitur competit etiam ius actionibus legi contrariis certa quaedam incommoda, conditionum instar, adiiciendi, idque revera civitas facit, ubi delicta legum minis persequitur.

Scilicet incommodum aliquod cum actione quadam coniungit ita, ut in eodem modum illud et actio mutuo sibi insint tanquam conditiones, quarum una sine alterâ esse nequeat, ut nec poena sine delicto, nec delictum sine poena esse queat. Consensus in id, quod conditioni est adstrictum, complectitur etiam consensum in conditionem, alterum enim sine altero cogitari nequit. Si alteri actionis huic conditioni adstringendae ius competit, aut conditioni memet submittam, aut actionem omittam, necesse est. Si nihilominus actionem edo, alteri tribuo ius me tanquam conditioni adstrictum habendi.

His ad civitatem applicatis, maleficus, delictum perpetrans, civitati ius tribuit poenam, illi delicto constitutam, exsequendi. Itaque, ubi poena irrogatur, ipsum illud, quod commissum est, delictum continet iustum ac sufficiens poenae fundamentum. Irrogatur itaque poena ob solum delictum, delinquens scilicet legem violavit, legis autem violatio poenâ, tanquam conditione, adstricta, secundum iuris principia sufficientem praebet causam poena eum afficiendi. Uti enim, in morali rerum ordine, felicitatis deminutio cum vitiositate est coniuncta, ita in ordine iuridicali, facta eiusmodi legis comminatione, necesse est, ut delictum poena excipiat. Ut aliquem poena dignum pronuntiemus, sufficit legem ab eo esse laesam: utrum vero novas civitati minetur laesiones, nihil facit ad propositum. Lex absolute iubet cum delicto poenam esse coniungendam, adeoque haec absolute, et ex legis necessitate, cum

(5) FEUERBACH *l. c.* p. 53.

eo est copulata. Sic igitur non minus iusta erit quam necessaria poenae, lege scriptae, executio. Verum enim vero, quis quaeso iam verus est poenarum exsequendarum finis?

Hoc quamvis ex iis, quae huc usque disputavimus, iam satis eluceat, disertis tamen verbis dixisse liceat, in eo situm esse executionis finem, ut legi, poenam minanti, satisfiat, auctoritas ipsi addatur, ut lex sibi non obloquatur, sed iustitia locum habeat. (6) Sic igitur proximus executionis finis in tuenda legis, poenam minantis, auctoritate situs, a constitutionis fine erit diversus, remotus autem executionis finis idem erit qui constitutionis. Cum enim poenae executione illud agatur, ut constitutioni vis et auctoritas accedat, executio eundem ultimum finem respicit, quem constitutio, ut nempe a delictis omnes sese ablineant, mutuaeque iurium tutela valido muniatur praesidio.

Ubi autem executionem ad tuendam legis auctoritatem referendam esse dico, verum innuo poenarum exsequendarum finem, minime vero secundaria civitatis consilia, quae cum executione illa possunt coniungi. Licet civitati, quin et oportet eam, poenas ita exsequi, ut iis et aliorum animus commoveatur, et metus iis indatur diuturnior. (7) Adeoque ne clam, sed palam potius, poenas irrogandas iubeat civitas, omniaque removeat, quae efficaciam earum in animos civium aut minuere possint aut tollere.

Sic potest, quin et debet, quantum possit, poenam ita instituire, ut emendationi, si non morali, certe externae delinquentis inserviat. Ita ne ergastula sint scholae delictorum et officinae, quas quis forte intrat infelici eventu lapsus, vade vero exit robustus nebulo; quibus ita punitur delictum, ut sexcenta alia posterius punire debeas. Separandis, humaniter habendis, erudiendis, damnatis, ita suffocentur vitiorum semina, ut pro malefico, si non vir probus, at certe iustus societati reddatur civis. (8) Verum, quod probe tenendum est, haec non ad poenarum, sed ad politicae iura pertinent, nec poenarum finem spectant, sed alia eaque benigna civitatis consilia.

(6) Cf. d. FEUERBACHII disert. *Ist Sicherung Zweck der Strafe?* p. 18 in not. et Revision p. 57. (7) KLEINSCHROD *l. c.* Tom. II. § 30—32. editionis anni 1799.

Cf. c. G. GMELIN *Grundsätze der Gesetzgebung über Verbrechen und Strafe* (Tübingen 1785.) § 46. (8) FEUERBACH *l. c.* p. 62.

Ex iis igitur quæ de poenarum, cum constituendarum tum exsequendarum, sine disputavimus, hoc colligimus, nec solam esse poenae lege factam comminationem, nec mali, ob praeteritam legis violationem, re ipsa factam irrogationem, quæ ad superandas sufficiat delinquendi illecebras, utramque vero, eiusdem huiusce finis assequendi gratia, esse coniungendam. Poenae quippe necessitatem lex, veritatem legis observantia præbet.

Lex minationem continet, legis executio minationi pondus addit et auctoritatem. Illa delictum, ex legis necessitate, cum poena coniunctum esse declarat, hæc ostendit, necessitatem illam non hominum opinionibus et commentis consistere, sed rei veritate, nec irritas esse ac vanas legum minas, sed graves illas, sed serias, communique et summa omnium veneratione prosequendas.

C A P U T I V.

DE FINE POENIS PROPOSITO EX ANTIQUIORIBUS ROMANORUM
LEGIBUS PHILOSOPHORUMQUE OPINIONIBUS.

Ubi diversarum gentium leges et instituta paullo attentius consideramus, magis nam sane in iis deprehendimus varietatem, nec mirum, cum varia populorum indoles variaque conditio plurimum valeat ad producendam legum varietatem.

Verum, non modo distinctas inter gentes eiusmodi occurrunt *discrimina*, sed et, eodem in populo, alio tempore alius solet esse legum character, quippe qui arctissime coniunctus est cum populi cultura, religione, moribus, imperii forma, ac tota denique gentis conditione, quae quantum singula tempore mutantur, quotidiana docet experientia.

Hoc autem uti universe solet evenire, ita et poenalibus contigit Romanorum legibus, ut adeo non sit quod miremur, aliam earum fuisse rationem inter ipsa civitatis incunabula, aliam adulto, atque adeo iam *senescente*, Romanorum imperio. Cum autem praeterita futuris admodum sint implicita, eorumque semina quasi contineant et elementa; non potest quin diligens investigatio eorum, quae antiquiori aetate apud populum quendam sancita fuerint, multum recentioribus eius legibus affundat lucis.

Quae cum ita sint, non abs re fore existimo, si, Ictorum Romanorum de poenis doctrinam expositurus, rem paullo altius repetam, ac de antiquioribus Romanorum ea de re legibus pauca praemittam.

Antiquissimo itaque tempore, quantum memoria proditum est, omnis et iudicandi et puniendi potestas, sine ulla legum aut iudiciorum limitatione, regum arbitrio erat permisa, omnia eorum manu gubernabantur, quodque illi iudicassent, (1) legis habebat auctoritatem. Si quando autem reges iudicandi

(1) Uti disertis verbis refert DIONYSIUS *Halicarnassensis*, II, 14 et X, 1. et POMPONIUS in l. 2. § 1. ff. de O. I. et TACITUS *Ann.* III, 26.

potestatem aliis concessisse leguntur, id peculiari de causa factum fuisse credendum est. Ita, verbi causa, TULLUS HOSTILIUS fororicidae HORATIO duumviros creasse traditur, non quod regibus libera non esset puniendi facultas, verum, ut LIVIUS (2) ait: „ne ipse tristis ingratusque ad vulgus supplicii „auctor esset.” Id autem vel inde constat, quod ita ab ipso penderet tota sententia, ut ne innoxium quidem duumviri possent absolvere. Quae cum tanta esset regibus iudicandi potestas, quid mirum, si saepius eâ aetate *sceleratae* (3) eiusmodi memorantur *poenae*, qualis illa, quae fertur, Romuli (4) in fratrem poena, aut horrendum illud METII PUFFETII supplicium, quod, sine ulla iudicii forma, TULLUS HOSTILIUS exsequutus est, „supplicium,” ut ait LIVIUS, (5) „exempli parum memoris legum humanarum.”

Hinc etiam repetendum, quod de Tarquinio Superbo est traditum, eum scilicet, cum in caritate civium nihil spei reponeret, metuque regnum tutandum existimaret, eum ut pluribus incuteret, cognitiones rerum capitalium per se solum exercuisse, perque eam causam occidere, in exilium agere, bonis multare fuisse solitum, non suspectos modo aut invisos, sed unde nihil aliud quam praedam sperare posset. (6)

Uti autem mutata iuris ac civitatis ratio maxime cernitur in legibus poenalis, quippe quae prae caeteris vim habeant in ipsa horum principia, ita et forma Theocratica, a Numa imprimis inducta, effectum suo non mansit destituta. Hinc frequens mox occurrit mentio sacrificiorum, lustrationum, piaculorum, quibus delicta luantur, ut adeo iam illud HORATII facinus sacrificia exigeret ac caerimonias lustrales. (7)

Complures etiam, quae Numae tribuuntur, leges certa delictis, quibus expientur, sacrificia statuunt. Ita v. o. mulieri, intra annum luctus ad secundas nuptias convolanti, taurus erat immolandus. (8) Ita ex alia eius lege, item ad tuendam matrimonii sanctitatem spectante, si pellex aram Iunonis tetigisset, agnam Deae immolare tenebatur. (9) Saepius etiam maleficia caeso in

(2) LIVIUS I, 26. (3) Vld. VIRGILIUM AEn. II, 576. (4) LIVIUS I, 6. (5) *Ibid.* I, 28. (6) LIVIUS I, 49. (7) *Ibid.* I, 26. (8) Cf. WELCKERI *op. laud.* p. 537. (9) Cf. FESTUS in voce *pellices* et GELLIUS IV, 3. verba sunt: Pelex Aram Iunonis ne tagito. Si taget, Iunoni crinibus demissis arum feminam caidito.

Comitiis ariete expiabantur, ac quinto quoque anno, ubi census erat peractus, totus populus suovetaurilibus lustrabatur (10), ac seriori etiam aetate quaedam adversus religionem superfuisse videntur admisa, quae, praeter poenam communem, sacerdotali quadam poena plecterentur. (11) Pleraeque nimirum poenae notam quandam habebant religiosam, e Theocratica ratione petitam, ut adeo omnis poena capitalis sacrificium esset (12), quod et ipsum ostendit supplicii vocabulum, a supplicando ductum, quod humilem aliquam denotat precessionem, cum sacrificiis coniunctam, placandae Deorum irae inferviens. (13) Delinquens scilicet per formulam: *sacer esto* (14), laeso numini, tanquam victima piacularis, devovebatur, quam cuius fas esset immolare. (15) Magis iuridicalis poenarum indoles in XII Tabulis demum elucet. Primum scilicet puniendi principium hic vindicta privata (aut si mitius vis vocabulum, revera satisfactione privata) continetur, quod maxime in delictis privatis cernitur. Hinc fur, nisi forte, ubi per leges licebat, occisus esset, manifestus quidem in servitutem addicebatur illi, cui furtum esset factum, nec manifestus dupli damnabatur. (16) Maior autem illa in furem manifestum severitas inde fortasse non incommode potest repeti (17), quod magis iste laesum offendere crederetur, cum propter maiorem furis negligentiam in occultando furto, tam propter evulgatam in publicum offensionis notitiam.

Insuper autem, privatam imprimis vindictam spectari in XII T. T., apparet ex libera, quae partibus competit, de furto eiusque reparatione pacifcen-

(10) L I V I U S I, 44. D I O N. H A L I V, 26. (11) T A C I T U S *Ann.* XII, 8. ibique L I P S. (12) Cf. Consultusf. T O N C K E N S in Spec. Inaug. *de Poenis in Iure Rom.* (Gron. 1805.) p. 41. (13) Cum hisce opinionibus de placanda Deorum ira, immolato iis vel nocente ipso, vel alio quodam e civibus, cohaerere videtur illud Curtii facinus Declorumque devotio. (14) Ita in lege quadam, tempore regum condita, legitur: Sei puer parentem verberet, aut oile plorasit, puer Diveis parentum sacer estod. Et in alio Fragmento: Sei quis aliuta faxit, ipsos Iovei sacer estod. Cf. P. M A N U T I U S *de Legibus. Rom.* C. II. et F U L V I I U R S I N I Notae in Graevii Thes. Vol. II. p. 1348. et 1361. ac in nonnullis XII T. T. fragmentis occurrit: Sei clienti Patronos fraudem faxit, sacer estod. (15) D I O N. H A L. II, 10. L I V I U S III, 55. F E S T U S in voce *sacratas*. (16) Tab. II. (17) Haec est opinio W E L C K E R I l. c. p. 541. Alias opiniones vide apud C U I A C I U M *Obs.* XIX, 12. H E I N E C C I U M *Antiq. Rom. ad Infl.* IV, 1, 12. Cf. M O N T E S Q U I E U *de l'Esprit des Loix* XXIX, 13.

di facultatè, quae, XII T. T. inducta (18), diutius etiam in usu mansit. Eodem principio nitebantur notissima illa, quae de iniuriis cauta erant illis legibus. Iniuriae scilicet leviores XXV assibus (19) mulctabantur, donec multa illa, propter crescentem Romanorum opulentiam, remissa nimis, et ob id a ditioribus, praecipue a quodam L. Neracio, ludibrio habita, in defuetudinem abiit (20), atque in locum eius succesit ex Edicto Praetoris actio iniuriarum, in qua permisum erat iniuriam passis, iure iurando in litem eam aestimare. (21)

Ex eadem privata vindicta est repetendum, quod, qui libero homini dentem excussisset, trecentis assibus (22), qui os ipsi rupisset, talione admissam lucret, nisi forte pactione sublata (23) esset poena.

Eodem pertinet, quod statutum erat, ut, qui aedes, acervumque frumenti ad aedes positum, dolo incendisset, vivus combureretur (24), cum naturalis haberetur incendii vindicta, si, qui igne nocuisset, igne necaretur. (25)

Eadem prorsus ratio elucet in iis delictis, quae ad totius Reipublicae laesionem pertinerent, aut certe pertinere crederentur, nisi quod factam Reipublicae iniuriam olim, ante institutas quaestiones perpetuas, non privati, sed magistratus officii ratione vindicarent et persequerentur. Eorum autem gravior fere poena erat, cum gravius videretur in totam Rempublicam, quam in privatum aliquid admittere. Huc referendum, quod, qui coitiones in urbe excitassent, aut, qui civem hosti tradidissent, capite plecterentur. (26)

Hinc etiam ortum crediderim, quod iudex aut arbiter, qui corrumpi sese fivisset, capite puniretur. (27) Hinc etiam repetendum severissimum illud falsi testis supplicium, qui de saxo Tarpeio (28) erat deliciendus. Hinc denique culei poenam statuisse videntur adversus eum, qui patrem vel familiae principem occidisset. Cum enim patres familias domesticum quoddam tenerent imperium, qui eos occidisset, non tam in privatum quid admittere videbatur, quam in ipsam Rempublicam.

(18) Tab. II. (19) Tab. VII. (20) § 7. I. de Iniuriis GELLIIUS XX, I. FEST. V. talio. (21) l. 2. I. ff. cod. (22) Tab. VII. (23) Tab. VII et GELLIIUS l. c. (24) Tab. VII. (25) Cf. CONF. TONCKENS *disf. all.* p. 13. (26) Cf. BACHIIUS *Hist. Iur. L. I. C. 2.* ad Tab. IX. (27) Tab. IX. (28) Tab. VII. Conferantur omnino Cl. VAN ENSCHUT *Aanmerkingen op Iacobi's Apologie voor de Doodstraffen.*

Itaque in XII T. T. dominari videntur vindictae studia, eiusque principii multa in senioribus Ictorum scriptis deprehenduntur vestigia, plura vero deprehenderentur, nisi mutati Romanorum mores, inducta deinde philosophiae studia, ac denique in totum conversa Reipublicae ratio, ad pristina illa obliteranda, nova in eorum locum substituenda, valuisent plurimum.

Legem enim XII T. T. mox excepit aurea illa Reipubl. Romanae aetas, qua disciplinae severae vitaeque durae, sine luxu, sine deliciis, adstricti homines virtutem in omnibus, cum privatim tum publice, colebant, qua Curii, Cincinnati, Serrani abstinencia non hominum ista laus erat sed temporum (29), qua denique is erat omnium pudor, ut vinculum satis validum legis esset, ei nihil ultra adicere, quam, si quis adversus eam fecisset, improbe esse factum. (30) His itaque temporibus existit lex illa Porcia legesque Semproniae, per quas, ut CICERO ait (31) „facinus esset vincire civem Romanum, scelus verberare, prope parricidium necare;” ut sola vox illa: civis Romanus sum „ignoto etiam apud ignotos, apud barbaros, apud homines in extremis;” atque ultimis gentibus positos, adversus verbera et cruciatus esset praesidio (32);” ut adeo non immerito exclamet idem CICERO (33): „o nomen dulce, libertatis! o ius eximium nostrae civitatis! o lex Porcia legesque Semproniae!”

Insuper autem, quod multum imminuebat legum severitatem, in omni crimine receptum erat, ut poenam exilio voluntario evitare posset reus, exiliumque non tam poena esset, quam perfugium portusque supplicii (34); ut adeo de Romanis, ea quidem aetate, merito praedicare liceat, quod ait LIVIUS (35): „nulli genti mitiores placuisse poenas.” Sic igitur iustitiae magis et virtutis reverentia, quam poenarum metu, integra diu stetit legum auctoritas (36), quaeque olim durius aliquanto, pro temporum ratione, in XII T. T. erant scripta, ita multum sunt emollita.

Plurimum vero, ad immutandam poenarum rationem, valuerunt inducta philosophiae studia. Cum enim Romani, Italiam egressi, potentes opulentosque reges et populos debellassent, atque ipsam adeo Graeciam sibi subiecissent,

(29) CIC. Off. II, 22. III, 31. (30) LIVIUS X, 9. (31) VERR. V, 64 et 67. (32) CIC. *l. c.* Cf. *Act. Apostol.* XXII, 24. (33) CIC. *Verr.* V, 63. (34) CIC. *pro Caecina* 36. (35) I, 19. (36) WELCKER *l. c.* p. 546.

luxus quidem, avaritia, caeteraque inmigrarunt vitia, verum simul etiam invaluit Graecorum philosophia. Huic autem cum Icti prae caeteris operam darent, uti multa eius placita sensim sensimque in iurisprudentiam migrarunt, ita in eum, qui est de poenis locum, vim suam imprimis exseruerunt philosophorum, maxime Stoicorum, opiniones. Quid autem philosophi de poenis senserint, adscripto Gellii loco, mihi liceat ostendere. (37) „Puniendis, peccatis tres esse debere causas existimatum est. Una est, quae νοῦς, θεία, vel κόλασις, vel παραινέσις dicitur; quum poena adhibetur castigandi atque emendandi gratia, ut is, qui fortuito deliquit, attentior fiat correctiorque: altera est, quam ii, qui vocabula ista curiosius deviserunt, τιμωρίαν appellant. Ea causa animadvertendi est, cum dignitas auctoritasque eius, in quem est peccatum, tuenda est, ne praetermissa animadversio contemptum eius pariat et honorem levet: idcircoque id ei vocabulum a conservatione honoris factum putant. Tertia ratio vindicandi est, quae παράδειγμα a Graecis nominatur, quum punitio propter exemplum est necessaria, ut caeteri, similibus a peccatis, quae prohiberi publicitus interest, metu cognitae poenae deterreantur. Idcirco veteres quoque nostri exempla pro maximis gravissimisque poenis dicebant. — Has tres ulciscendi rationes et philosophi alii plurifariam, et noster TAVRUS in primo commentariorum, quos in GORGIAM PLATONIS composuit, scriptas reliquit.”

Harum autem trium causarum quasi gradus quosdam fecisse videntur philosophi, ac primum quidem eam, quae ad tuendam laesi dignitatem auctoritatemque refertur, reliquis quodammodo postposuisse. Sic v. gr. duas tantum causas, unam scilicet, quae ad exempli metum pertinet, alteram, quae ad emendationem, enumerat PLATO (38): tertiam vero illam, quae ad laesi re-

(37) L. VI. C. 14. (38) In *Gorgia* p. 168 et 169. Edit. Bipont. Vol. 4. προσήκει δὲ „inquit” παντὶ, τῷ ἐν τιμωρίᾳ ὄντι ὑπ’ ἄλλον ὀρθῶς τιμωρευμένῳ ἢ βελτίονι γίγνεσθαι, καὶ οὐκ ἔσθαι, ἢ παράδειγμά τι τοῖς ἄλλοις γίγνεσθαι, ἵνα ἄλλοι ὀρώντες πάσχοντα ὃ ἂν πάσχοι, φοβούμενοι βελτίους γίγνινται. et in *Protagora* sic loquitur. Οὐδεὶς γὰρ κολάζει τοὺς ἀδικούντας, πρὸς τοῦτο τὴν νοῦν ἔχων, καὶ τούτου ἕνεκα ὅτι ἐδίκησεν, ὅστις μὴ ὥσπερ θερίον ἀλογίστως τιμωρεῖται. ὁ δὲ μετὰ λόγου ἐπιχειρῶν κολάζειν, οὐ τοῦ παρελθυθότος ἕνεκα ἀδικήματος τιμωρεῖται, (οὐ γὰρ ἂν τίγε πραχθὲν ἀγένητον θείην) ἀλλὰ τοῦ μέλλον-

fertur utilitatem, omittit „seu quasi omnino parvam et contemptu dignam „praeterierit” ut Gellius ait, seu alia de causa.

Eadem ratione et illam silet, ac plerumque duas tantum memorat *SENECA* „in vindicandis scilicet alienis iniuriis, haec legem secutam esse dicens (59); „aut ut eum, quem punit, emendet, aut ut poena eius caeteros meliores „reddat.” (40)

Idem sensisse videtur *CICERO* (41) ubi dicit: „ideo esse poenis utendum, ut „et ipse (qui punitur) ne quid tale post hac committat et caeteri sint ad in- „iuriam tardiores.”

Quin inter ipsas haec duas puniendi causas, scilicet, ut vel emendetur maleficus, vel aliis exemplum edatur, meliori fere loco habuisse videntur posteriorem, quae scilicet eo spectat, ut unius poena caeteri deterreantur. Hanc enim idem *SENECA*, qui utramque vulgo memorat, aliis in locis solum saepe allegat. (42) Hanc unam quoque adfert Demosthenes (43), ubi poenas ideo infligi iubet, *ἵνα ἄλλοι πρὸνται πεινῶνται καὶ φοβῶνται*, ac *CICERO* (44) „utile esse „se dicens, unius improbi supplicio multorum improbitatem coerceri, quosque „ipsa natura retinere in officio non potest, eos magnitudine poenae a maleficiis „summove.” (45)

Quae omnia si collokerimus, philosophi, cum alii, tum vero *STOICI* (46) tres quidem poenis propositos esse fines videntur existimasse, eos autem ita loco ac dignitate inter se distinxisse, ut principem earum finem esse crederent, ut exemplum aliis praebeatur, quo a similibus ausis absterreantur (47),

τοὺς χάριν, ἵνα μὴ αὐτοὺς ἀδικίῃ μήτε αὐτοὺς εὖτος, μήτε ἄλλος, ὁ τοῦτον ἰδὼν κολασθῆναι. et de Legg. XI. Οὐχ ἵνα τοῦ κακουργῆσαι διδόντες τὴν δίκην. (ὅτι γὰρ τὸ γεγονός ἀγένητον ἔσται ποτὲ) τοῦ δὲ ἵνα τοὺς αὐτοὺς ἵνα χάριν ἢ τοπαράπαν μισῶσαι τὴν ἀδικίαν αὐτῶν καὶ τοὺς ἰδόντας αὐτὸν δισαύμενον, ἢ λωφῆσαι μίση πολλὰ τῆς τοιαύτης συμφορᾶς. (39) *De Clement.* I, 22. (40) Sic *de Ira* III, 19. „Quid tam inauditum quam nocturnum supplicium, cum latrocinia abscondi tenebris soleant: animadversiones, quo notiores sunt, plus ad exemplum emendationemque proficiunt. (41) *Off.* I, 11. (42) Sic *de Ira* I, 16. „Sapiens, quos volet nequitiae „male cedentis exempla fieri, palam occidet, non tam ut pereant ipsi, sed ut alios pereundo deterreant.” (43) Citatus a *GROTIO I. B. et P.* II, 20, 9. (44) *Verrina* V. (45) *Pro Roscio Amer.* (46) Quod imprimis confirmatur his, quae de poenis attulimus disputata a *SENECA*, magno quippe et gravi *STOICO*. (47) Exemplum in poenis primario loco fuisse habitum, praeter allata loca, docet

secundarios autem fines huic adiungerent, et delinquentis emendationem, et dignitatis eius, in quem peccatum est, tuitionem. (48)

His iam de antiquioribus Romanorum legibus, deque philosophorum super poenis opinionibus, quippe quae singulae in Ictorum doctrinam non exiguum habuisse videntur momentum, breviter ante disputatis, ad ipsius quaestionis explicationem accedamus. Eam autem, praemissa huius Capitis disputatione, multo planiorem breviorum fore confido.

Symmachus II, 33. ubi inquit: „unum est, quod mea petitio et caeterorum vota desiderant, ut, pro „iustitia tua, inultum esse non sinas, quod exemplo gravissimum erit, nisi ausus aliorum vehemens „poena compresferit.” Eam opinionem imprimis confirmant allegata Gellii verba, ubi ait: „veteres „exempla pro maximis gravissimisque poenis duxisse.” Idem et LIVIUS sensisse videtur L. I, 28, ubi TULLUM inducit, iam METIUM alloquentem: „At tu tuo supplicio doce humanum genus ea „sancta credere, quae a te violata sunt.” (48) Conf. F. CROPP, *Commentatio de Praeceptis Iuris Romani circa puniendum Conatum delinquendi* (in Certam. litter. Civium Acad. Ruperto-Carolinae praemio ornata 1812.) p. 29.

C A P U T I V.

DE FINE POENIS PROPOSITO EX DOCTRINA IURECONSULTORUM ROMANORUM.

Quemnam condendis exsequendisque legibus criminalibus finem propositum esse putaverint Icti Romani, multis interpretum sententiis vexata est quaestio. (1) Singuli fere, hanc materiam tractantes, novi quid reperisse sibi vili sunt; singuli suam, de poenarum fine, doctrinam Romanorum auctoritate firmari existimant, quam opinionum diversitatem Corporis Iuris mira confectio, singularem in modum, iuvat. Sunt etiam, qui certum finem non adesse existiment: eos autem a veritate longius aberrare, crediderim. Quomodo enim quaevis iidem illi Icti, qui in civilibus singularem adeo sibi compararunt laudem, eam prorsus neglexerint disciplinae suae partem, quae ad civitatis salutem, civiumque libertatem, valeat plurimum. (2) Quare hanc quidem opinionem inde derivandam existimem, quod diligentem in ipsos fontes inquisitionem neglexerunt, ipsisque tribuunt Ictis, quod ex male intellectis maleque interpretatis eorum scriptis descendit.

Omnibus autem accurate perspectis et exploratis, apparere videtur, Ictos univere cum philosophis consensisse, ac primario loco id sibi proposuisse, ut, edito in delinquentes exemplo, a delictis omnes absterreantur, atque ita maleficus, quos exemplo suo ad delinquendum invitarit, eos suo supplicio legibus rursus obedientes efficiat.

Illud fere principium generaliter Tryphoninus hisce verbis enuntiat: „male meritis, publice ut exemplo aliis ad deterrenda maleficia sit, etiam eges-

(1) Cf. WELCKER *op. cit.* p. 553. sqq. I. N. BORST in allegato Opusculo *Versuch einer neuen reinrechtlichen Darstellung des Strafrechts* p. 49. THIBAUT *Critik der Feuerbach'schen Theorie* et c. p. 68. sqq. CROPP *l. c.* p. 29. (2) De his Vid. WELCKER *l. c.* et Consultisf. S. ROSENDAEL in *Disf. Inaug. de Dolo in Delictis* (Leidae 1817.) p. 3.

„tate laborare debet.” (3) Nec minus aperte Callistratus (4), ubi dicit „ideo „famofos latrones furca figendos efle in locis, ubi grafati funt, ut confpectu „deterreantur alii ab iisdem facinoribus.” Idem inde apparet, quod, multis in locis, id fundamentum efle poenae dicant Icti, „quod res mali est exempli.” (5) Nec minus aperte id declarant Imperatores (6), ubi puniendum cenfent „ut unius poena metus poffit efle multorum.”

Confpicitur illud infuper ex verbis Diocletiani et Maximiani, cum aiunt, „non remitti poenam facile publice interefle, ne ad maleficia temere quis- „quam profiliat.” (7) Idem illud affirmat Iuftinianus, poenis utendum efle dicens (8) „ne ex huiusmodi impunitate tale facinus a quibusdam perpetre- „tur” vel „ne fine vindicta talis crefcat infania.” (9) Eadem prorfus eft eius ratiocinatio (10), iubentis, Praefidem fraudulenter provinciam adminiftrantem „ubi iniuftitiam fecerit, illic quoque poenas fubire delictorum, ut „neque alter quifpiam tale aliquid agere praefumat, ad exemplum refpiciens.”

Haec igitur diferta funt Ictorum testimonia, quibus probatur, hoc imprimis fpectafle eos, ut, iniecto poenarum metu, a maleficiis multitudinem refrenarent. Verum, praeterquam quod exprefle illud traditum fuit, multa in legibus Romanis occurrunt, e quibus idem illud iure conficitur. (11)

Sic primum frequentiores occurrunt poenae capitales, eaeque interdum crudelifsimae (12), quales funt v. c. vivicomburium, crux, defoffio, damnatio ad bestias (13), ad gladium (14), praecipitatio, aliae; cuiusmodi poenae principio, quod fpectafle nobis videntur Icti Romani, imprimis funt confentaneae. (15)

(3) l. 31. ff. *de pofiti*. (4) l. 28. § pen. ff. *de poenis*. (5) l. 2. et all. § 15. ff. *de poen.* l. 7. § 4. et 5. et l. 22 ff. *de accufatione* et *infcript.* l. 7. et l. 11. § 1. *de custod. et exhib. reor.* (6) l. 1. Cod. ad l. *Iul. repetund.* (7) l. 14. Cod. *de Poen.* (8) § 8. l. *de Obl. q. ex Delict.* (9) l. 1. C. *de Rapt. Virg.* (10) Nov. 8. c. 8. fin. (11) Cf. KLEINSCHROD l. c. Tom. II. § 51. (12) De poenis Romanorum capitalibus legitur Cl. VAN ENSCHUT l. c. p. 29. fqq. Cf. etiam Nobiliff. LEWE in cit. Specimine *de Ingeniofa hominum in poenis crudelitate* § 10 et 16. (13) Haec duplex erat, ut docet cit. TONCKENS p. 36. (14) Cf. Cl. GRATAMA *de feva nec multum prov. cta Quiritium Humanitate* etc. p. 57. (15) Uti docet anonymus, *Versuch einer neuen Begründung des Strafrechts, aus dem Organismus des Universums, durch den Staat* (Jurid. Archiv von Tübingen V, 1. 2. § 7 et 8 et FEUERB. l. c. p. 103.

Deinde etiam conatus delinquendi saepe eadem poena plectitur, qua perfectum et consummatum maleficium (16), quod et omnino posito illi principio est congruum, et ex eo fluxisse videtur.

Tum etiam inde evenit, ut nonnullorum criminum poenae exacerbentur; quoties nimirum multis, ad id genus delictorum propensis, exemplo opus est, quamvis caeteroquin ipsa maleficii natura tantam non requirat severitatem. (17) Denique vero idem illud principium elucet, ubi alieni delicti socios, etsi post consummatum demum crimen accesserint, eadem poena afficiendos statuunt, acsi crimen ipsi perpetrassent. (18) Verum enim vero, hocce principium, ut scilicet suppliciorum exemplo caeteri ad iniuriam redantur tardiores, quo reliquis omnino praevaleret, cum effecisse videntur philosophorum opiniones, qui primas ei partes tribuerent, tum vero mutata imprimis Reipublicae ratio. Cum enim haec unius iam teneretur imperio, omniaque ad cupiditates unius dominationemque coepissent referri, primum quidem illud agi coepit, ut metus iniiceretur iis, qui contra sacrosanctam principis maiestatem aliquid moliri auderent. Hinc autem latius illud in dies productum, et ad plures causas extensum fuit (19), quae ad Principem, Rempublicam, eiusve administratores quodammodo viderentur pertinere. Ita tandem factum videtur, ut exempli terror, tanquam praecipuus poenarum finis, in prima quasi scena collocaretur, reliqui vero fines, velut secundarii, huic postponerentur. (20)

Bene autem illud nobis contigit, quod magis in Reipubl. administratione, quam in legum monumentis, eluceat foeda plerorumque Imperatorum tyrannia, cum, re ipsa quae perpetrare non dubitarent, posteritati tamen mandare vererentur. (21) Licet igitur, in poenis infligendis, primo loco haberent exempli, in maleficos editi, efficaciam, fieri tamen vix potuit, ut certo huic fini ita adhaerint Icti, ut nunquam alium quendam, quasi secundarium, enuntiarent.

(16) Cf. KLEINSCHROD *op. cit.* Tom. I. § 39 et 40. et Tom. II. § 51 et CROPP. passim in *op. laud.* (17) l. 38. § 5 ff. *de poen.* l. 16. § 10. ff. *cod.* l. 3. § 2. ff. *ad l. Com. de Sicar.* l. 2. c. ff. *de term. mot.* (18) l. 9. § 1. ff. *ad l. Com. de fals.* l. 29. ff. *ad l. Iul. adult.* l. 6. *ad l. Pomp. de par. ric.* quasque plures adfert KLEINSCHRODUS. (19) Cf. tituli ff. et C. *ad l. Iul. maiest.* et CROPP. l. c. p. 32. (20) Vid. WELCKER *op. l.* p. 551 et CROPP. l. c. (21) WELCKER l. c. p. 32.

Id enim, eum ex supra dictis, tum ex diversis sectis, et philosophicis et iudicialibus, quibus addicti erant Icti Romani, ac, pro quarum diversitate, in diversas abibant sententias, patet, ut adeo in Pandectis, quippe quae ex variorum Ictorum fragmentis sunt congestae, necessario fere nobis occurrere debeant vestigia aliorum quorundam finium secundariorum (22): constet modo, eos non esse contrarios primario fini, supra exposito.

Atque ita quidem primo, tanquam finis secundarius, occurrit, quod in quibusdam delinquentibus puniendis illud etiam egisse videntur, ut eos corrigerent et *emendarent*. (23)

Hoc autem primum ex multis legum Romanarum locis per coniecturam effici potest. Cum enim, qui iteravit delictum, severius puniatur (24) quam qui prima vice deliquit, emendationis gratia in primum delictum videtur esse animadversum.

Deinde et usu loquendi quodammodo hoc confirmatur, cum leviores poenae dicantur infligi, *castigationis vel emendationis* gratia. Sic V. C. ULPIANUS inquit. „Proconsuli liberum esse, libertum, patrono non obsequentem, de „plano emendare, aut verbis, aut fustium castigatione.” (25) Tandem vero apertis verbis poenae irrogari dicuntur „ut (maleficus) discat caste vivere” (26) vel „ne quid et aliud postea tale facere molliatur” (27) Dilucide id declarat PAULLUS (28), ubi dicit „si poena alicui irrogatur, receptum est commentitio „iure, ne ad heredes transeat, cuius rei illa ratio videtur, quod poena con- „stituitur in emendationem hominum, quae, mortuo eo, in quem constitui „videtur, definit.” Quae PAULLI verba eo quidam extendi voluerunt, ut finis (emendatio scilicet) in ea lege propositus, generale contineret Romanorum, in legibus Criminalibus, consilium. Verum ex iis, quae in superioribus ea de re disputavimus, satis videtur intelligi, eam opinionem parum idoneo niti fundamento. Praeterea, in laudato PAULLI fragmento, de poenis pecuniariis ac civilibus sermo est, quod, ope inscriptionis, conficitur ex collata lege 49. ff.

(22) Vid. Conf. ROOSENDAEL *l. c.* p. 7. (23) KLEINSCHROD *op. laud.* Tom. II. § 51. (24) l. 10. § 1. ff. *de poenis* l. 3. § 9. ff. *de re milit.* l. 4. C. *de Serv. fugito.* (25) l. 9. § 4. ff. *de Off. Procons.* (26) Nov. 12. Cap. 1. (27) l. 6. § 1. ff. *de custod. et exhib. reor.* (28) l. 20. ff. *de poen.*

de Oblig. et Act. (29) Hinc iam satis nobis videtur constare, *emendationem* malefici, secundarii finis instar, respexisse Romanorum Iureconsultos.

II. Tanquam finem poenae secundarium Icti considerasse videntur laesi *satisfactionem*. Videntur scilicet Icti credidisse, poenam ea etiam de causa a maleficiis esse exigendam, ut eius, in quem esset peccatum, dignitas restitueretur et auctoritas, quippe quae maleficio laesa quodammodo haberetur et imminuta. (30)

Quae autem huc pertinentia in ff. occurrunt, partim quidem ex philosophorum placitis, de quibus praecedente Capite breviter exposuimus, in Ictorum doctrinam videntur migrasse, partim etiam ex XII T. T., aliisque antiquioribus, repetendae sunt Romanorum legibus, quippe quae totae fere ad vindictam privatam erant compositae. (31) Quidquid sit; satisfactio privata, tanquam finis poenarum considerata, Ictorum scriptis continetur, explicatur et ad eorum doctrinam, pertinet.

Hinc igitur factum est, ut quaedam delicta, non publicè, sed privatim vindicarentur, quasi non tam ad Reipublicae laesionem spectantia, quam ad iniuriam eorum, quibus delicto esset nocitum. Hinc et ei, in quem delictum privatum esset admissum, de eo licebat transigere (32), et, consentiente eo, in quem perpetratum esset, omnino cessare dicebatur (33); quod fieri non potuisset; nisi eam delicti poenam et constituisset et exsequuti essent, ut laeso satis fieret.

Verum, ne in iis quidem delictis, quae publice coercenda esse existimabant, iniuriam laeso factam neglexerunt, ita ut vel propinquis eius, in solatium delicti, accusationem concederent, cæteroquin iis non competentem (34), vel poenam singulari modo instituendam iuberent. (35)


Hoc denique et inde apparet, quod quaedam facta, quamvis per se licita, si contra certas personas admittuntur, in delictorum numero habentur, et ut talia puniuntur, quippe quibus laesa pietas habetur et verecundia, eiusmodi personis debita.

Ita quamvis universè civem quemcunque in Ius vocare liceat, Praetor tamen edi-

(29) Cf. Conf. ROOSENDAL p. 7. quosque ibi citat. (30) CROPP. *l. c.* p. 31. (31) Cf. quae Cap. praeced. ea de re diximus. (32) l. 46. § 5 l. 54. § f. ff. *de furtis*. (33) l. 48. § 2. l. 56. § 4. l. 13. Cod. *ead.* (34) l. 2. ff. *de accus. et inscript.* (35) d. l. 28. § 15. ff. *de poen.*

xit, ne cui parentes aut patronos, eorumve liberos, in Ius vocare liceat, nisi venia prius impetrata. (36) Ubi cum in eum, qui contra fecerit, poena statuatur, quid eâ aliud agi potest, nisi ut patri patronove de laesione satisfiat?

Concludamus igitur, Ictos Romanos in poenis cum constituendis tum exsequendis, illud sibi proposuisse, ut, edito in maleficos exemplo, omnes omnino poenarum metu maleficiis summoverentur, huic autem principi ac primario poenarum consilio, velut fines secundarios, et nocentis emendationem adiunxisse et laesi satisfactionem.



Abfolvi sic; quam susceperam; huius quaestionis explicationem. Longior aliquando fui, quam et ipse voluerim, et huiusmodi forte dissertationis proposito conveniat. Tanta enim hic mihi occurrebat opinionum diversitas, tanta dissenso, ut longior paullo esse cogerer, si ea ponere vellem fundamenta, unde omnes posset diiudicari. Quod tamen cum tentaverim, accuratior rerum consideratio, et perspicuitatis cura nonnumquam me brevem esse non fierunt.

Quod autem solum sperare licebat, fore scilicet, ut, his diligenter exploratis, principiorum, quibus nititur Iurisprudentia Criminalis, paullo plenior intelligentiâ mihi compararem, id assecutus sum. Si quid, praeter spem, eveniat, omne id deputabo esse in lucro. Quatenus enim propositae quaestioni satis fecerim, iudicium eorum V. V. Cll. declarabit, qui hoc argumentum ad publicam studioforum disceptationem proposuerunt.

(36) l. 4. § 1. ff. de in ius vocando.

G A B I N I D E W A L,
A N T E C E S S O R I S F R A N E Q U E R A N I
O R A T I O

D E

C L A R I S F R I S I A E I U R E C O N S U L T I S

H A B I T A

D. VII Octobris, Anni MDCCCXVIII.

CUM RECTORIS MUNERE ABIRET.

M O N I T U M.

Hæc Oratio typis exprimitur, uti scripta fuit ab auctore, non vero uti publice recitata. Etenim ut tempori parceretur, multa a dicente omisa fuere.

ILLUSTRISSE GUBERNATORI

GRAVISSIMI CURATORES!

PROFESSORES CLARISSIMI, COLLEGAE CONIUNCTISSIMI!

OMNIS ORDINIS ET LOCI AUDITORES EXOPTATISSIMI!

ATHENAEI FRISIACI ALUMNI, IUVENES PRAESTANTISSIMI!




Uti singuli homines e corporis habitu, ex oris lineamentis, et sono gressuque noscuntur; uti alium ab alio fecernit natura dissimilis, ingenium solers aut retutum, animusque laboris avidus vel impatiens, ita universae quoque gentes suam prae se ferunt indolem quasi nativam, ad certas virtutes ac certa vitia magis quam ad alia proclivem, quodam artium et disciplinarum genere prae caeteris delectatam et a dispari aliarum gentium indole quam maxime deflectentem. Quibusdam enim populis mollis inest et enervata natura; fortis et invicta in aliis. Agunt nonnulli cum dignitate morumque gravitate continua; alii fere semper vultu sunt hilari atque oculis iocum, imo lasciviam significant. In aliis astutia eminet et calliditas; animi candor in aliis. Nonnullorum superbia nos offendit; placet aliorum obvia comitas. Sunt quos nil adeo iuvat; quam paterna rura tuto coluisse; sunt quibus magis arrideat quaestus e mercatura factus et navigandi periculis. Sunt qui caeteris praestent copia facultateque dicendi; sunt quibus maior est ingenii vis ac iudicandi subtilitas. Sunt qui cogitatione per omnia philosophorum dumeta libenter exspatiantur; sunt quibus ad mathematicas doctrinas paratius ingenium. Sunt alii contra qui propter leviorum artium delicias et oblectamenta severiorem disciplinarum cultum fastidiant.

Indoles illa nativa in Frisiaca quoque gente, ab aliarum gentium, Belgicarum etiam, indole diversa conspicitur. Animus non est in illam inquirere differentiam, nec de praestantia in certamen nunc venire. Sufficiat in memoriam revocasse peritos rerum humanarum investigatores, ab antiquis inde temporibus, Frisios agnovisse nullo labore fatigatos, nulli segnitiae deditos, ingenii et mentis levitatem fugientes; a turpi adulationis studio prorsus alienos; superbiam male sumtam cum voluptate retundentes; pactis promissisque firmissime stantes; proposito ita inhaerentes, ut Frisiorum pertinacia quasi in proverbium venerit; fervidum denique libertatis ardorem in pectore foventes et gloriae popularis ambitione flagrant.

Uti nec caeterae gentes, ita nec nostra, in omnem doctrinarum genus eadem diligentia incubuit. Quamcumque vero artem, quamcumque disciplinam summo amore prosequuta fuerit, hoc negari nequit, ipsi iurisprudentiam in deliciis fuisse. Si quis forte dubitationem afferat, testes adfunt duumviri clarissimi, ULRICUS HUBERUS et IOANNES VALCKENAEIUS, qui ambo, ex hoc ipso loco, Frisiorum ingenia celebrarunt iurisprudentiae studio praecipue delectata. Testes adfunt Academiae quam plurimae, tam patria, quam exterae, quae Frisiorum Iureconsultorum excellentiae, partem gloriae suae debuere. Testes adfunt e quadraginta antecessoribus, qui academiam Franekeranam ornarunt, septemdecim illi, qui Frisiaco solo nati fuere. Testes adfunt academiae, non tantum Leidensis, Traiectina, Groningana, verum etiam aliae ab oris nostris remotiores. Frisios enim iura docentes audire, praeter academias Belgicas, Lovaniensem et Duacenam, scholae, quae Biturigibus, Dolae, Pictavii et Rupellis in Gallia florere. Frisium iura docentem stupentes audire Patavini. Germanorum academiae quam plurimae a nostratibus illustratae fuere. Testantur illud iurisprudentiae officinae Ingolstadii, Moguntiae, Vitembergae, Ienae, Marburgi exstructae; testatur, praeter alios, Colonienfis academia, in quam tres e nostris Iureconsultis evocati fuere. At quid testes moramur, cum de Frisiorum ad iurisprudentiam proclivitate omnibus constare possit, si iureconsultorum nostrorum nomina simul et merita recenscantur, cum tam ipsorum quam patriae gloriae consulturi simus, strictim describendo, quid ipsis iustitia ac iurisprudentia debeat!

Haec ubi mente agitabam, A. A. non ab huiusce diei solennibus, non a loco, e quo mihi verba facienda sunt, non ab hac celeberrima concione, non a

mea provincia ac persona alienum fore existimavi, nunc huius operis periculum facere, dicendo *de claris Frisiae Iureconsultis*. — Gratum profecto Frisio homini orationis argumentum, gratum et mihi, qui me gloriae popularis ambitione, sive vitio sit habenda, sive virtuti, cum plerisque gentis meae commotum profiteor! — Gratum argumentum, at perquam difficile! Difficultatis ratio non in eo sita est, quod aliquando in hoc ipso suggestu iureconsultorum nostrorum praeconia iam fecerit **ULRICUS HUBERUS**, cuius summi viri oratione causam non plene dictam me existimare forte quis coniiceret. Minime vero. Centum enim et quinquaginta anni iam elapsi sunt, ab eo tempore, quo dixit **HUBERUS**, nec per illos ab excolenda iurisprudentia Frisii cessare, adeo ut plures accesserint, qui laudari mereantur. — Gravior est difficultas in magno clarorum virorum numero et horae brevitate, cui ita subveniendum est, ut agatur tantum de iis, quos Frisia nascentes vidit, missis illis, qui fortunarum sedem eo transtulere, utque summa duntaxat rerum capita tangantur, dummodo non abeat oratio in nominum seriem aridam et exsanguem. Gravior etiam affertur difficultas ab orationis partitione. Memorandi enim homines aetatis et loci admodum diversi; memorandi tam qui causis oratis ac iudicatis ad ingenii nomen pervenere, quam qui discipulorum frequentia librisque erudite conscriptis laudem adepti. Temporis progressum sequar et de cuiusque saeculi iureconsultis ordine dicam cuique maxime conveniente. Si tamen ne ita quidem partiendi spinas recte evitaverim, vestra, A. A. indulgentia dicentem comitetur et orationis vitia tegat argumenti dignitas.



Fabulosam antiquitatem non moramur, nec illa, quae tradidit de **FRISONIS** filiis, librorum scilicet auctoribus, de iure, iudiciis et civitatis ordinatione praecepta continentium. Mittimus **POPPONEM HARDMANNUM**, qui fertur de iure publico diservisse et **NANNONEM STAVRIENSEM**, multa eruditione insignem et *philosophi* cognomine honoratum, qui, saeculo nono ad finem vergente, **PLATONIS** libros *de Legibus* et *Repubblica* placclaris commentariis illustravisse dicitur. Mittimus **SAXMUNDUM** et **ULMARUM**, *sapientes* appellatos in inscriptionibus appendicum, quas antiquis Frisonum legibus adiungere. Mittimus **PIBONEM SIBRANDA**, saeculo decimotertio abbatem **Lidlu-**

mensum, primum Frisicarum legum, quae dispersae iacebant; colligendarum auctorem, qui, sua aetate, saepius de rebus gravissimis ad rempublicam faciendis et de legibus condendis in consilium fuit vocatus. Mittimus etiam **PETRUM AB AUCKAMA**, civitatis Leovardienfis magistratum, pacis amantem, at bellorum civilium tempore a Sciringiis trucidatum, quem iuris peritia aequalarum ac virtute fuisse **EMMIUS** asseruit. Mittimus denique **VICENTINUM FRISIUM** ab **ALCIATO** frequenter laudatum, et **HARINGUM SIFRIDI SYNAMA**, Haganum, qui saeculo decimo quinto ad finem inclinante, iurisprudentiam Coloniae praeclare docuit et *expositiones utriusque iuris* atque alia conscripsit, multis recentioribus in suos usus adhibita. Hosce omnes silentio praetereo et ducam initium a Iureconsultis, qui saeculo decimosexto vivere.



Si qua aetas, A. A.; egregiis Iureconsultis feracissima; illa certe fuit, ad quam nunc advertimus. In Italia, Gallia, Germania ac Belgio ingens fuit illorum numerus, qui tunc temporis operam iurisprudentiae navaverint. Nec mirum profecto! Etenim inde ab **ANDREA ALCIATO**, primo inter purioris iurisprudentiae instauratores, nova quasi lux iuris studio affulserat. A foribus, quibus glosatores ius Romanum inquinaverant, plures eluebantur; fugabantur tenebrae, quas iniecerant et multa illorum commenta, multae ineptiae, ab iis explodebantur, qui meliora didicerant, elegantiorum literarum deliciis imbuti. Iam ab antiquitate lumen accendebatur ad iurisprudentiam illustrandam et in explicandis legibus Romanis Historiam, antea neglectam, ducem fidelissimam sequebantur interpretes. Laetior illa rerum facies, quae iurisprudentiae accesserat, quin plures ad illam colendam allexerit, non est, quod dubitemus; praecipue postquam **IACOBUS CUIACIUS**, unus omnium Romani iuris interpretum princeps, viam ab **ALCIATO** aliisque apertam, suo labore et industria ita straverat, ut nemo in illa sine iucunditate progressus fuerit. Per illam igitur incessere etiam e nostratibus quam plurimi, tam qui ante **CUIACIUM** florere, quam aequales ipsius et discipuli. Incessere per illam, qui gestis in republica muneribus conspicui fuere, qui senatoriam locum occuparunt, qui ad honorificam docendi provinciam vocati, qui

ve scriptis editisque libris ingenii vim et eruditionis copiam patefecere, de quibus singulatim videamus.

Ab ordine senatorio commode fiet initium, quem in Frisia nobilissimum semper fuisse et doctorum virorum copia illustrissimum, vel e summa gloria, qua curia Frisiae excelluit, suspicari licet. Nec fallitur expectatio, si clara nomina quam plurima audiantur, e serie senatorum descripta. Iam illo tempore, quo *Iureconfulti* titulus, in longinquis academiis petendus, rarius in nostris regionibus audiebatur, iam tunc plures e nostratibus, amplissimo senatui adscriptis, eo honorati fuere. Eminent inter illos HAYO HERMANNUS, Leovardienfis, iurisprudentiae et literarum aequè peritus, quem, factum ad omne studii genus, laudavit tersissimus ille, Latinorum poëtarum in Belgio princeps, IOANNES SECUNDUS. ERASMI etiam Roterodamenfis elogio fuit nobilitatus, qui literis eius nil purius, sanius aut suavius novit, et ipsum, licet aetate admodum iuvenili extinctum, non minorem gloriam, quam RODOLPHUM AGRICOLAM, sustinuisse affirmavit. — Proximum ab hoc locum occupet SIXTUS à DEKAMA, inter primores iureconsultos numerandus, eruditione et civili prudentia clarus, qui, propter merita in rempublicam, non tantum a CAROLO QUINTO, Imperatore, in equestrem aurei velleris ordinem adsumtus est, sed praeterea ab aevi sui scriptoribus quam plurimis summo praeconio est elatus. — Famam certe non minorem consecutum est nobile par fratrum, TIALLINGIUS et FRANCISCUS AB EYSINGA. His enim communis erat eximia iuris peritia, qua senatui laudi fuere, et in Hispanicam dominationem odii magnitudo, tanta quidem, ut utrumque fuga sibi consulere prudentia suaserit. In exilium eiecti, non destitit uterque patriae et religionis libertatem fortiter defendere, adeo ut, non uno nomine, Frisiae gloriam auxerint et tam ob animum invictum, quam ob praeclaram eruditionem, posteritatis memoria nunquam dilabi meruerint. — Hisce comites iungantur GISBERTUS AB ARNSMA, curiae per multos annos columen primarium, et HESSELUS AB AYSMA, primus, post eiectos peregrinos, senatui praeses, magni nominis Iureconsultus et eloquentiae fama celebratus, qui virum se praestitit alacris animi, magna quaevis audentem et ausa peragentem. — Nec patriae caritate, nec legum scientia, minor illo fuit FRECO RHALA, quem, dum adhuc causarum patronum agebat, una cum collega suo, GEORGIO CODEFRIDO, nobiles Frisii, foederis adversus Hispaniae regem compositi auctores, ad Alba-

ni ducis tribunal evocati, Antverpiam misere, ut ipsorum nomine responderet, quique postea senator factus est. — Hunc sequatur WILCO AB HOLLINGA, patre BOETIO, viro literatissimo, natus, qui laudatur, tanquam generis, senatus ac patriae decus, cuique non tantum operae forensis intermissione historiae naturalis dedit investigatio, sed et honorem, quod inter primos huius disciplinae scriptores in Belgio numeretur. Claudat agmen amplissimum BARTIUS AB ISAERDA, inter primos Belgicae libertatis in Frisia fundatores merito referendus, qui variis muneribus insignis, ut foederi Traiectino Frisiorum nomine subscriberet, delegatus est. Qualem ille se iureconsultum in senatu praefuisset vel ex eo colligere licet, quod una cum GELLIO HILLAMA, muneris socio, designatus fuerit, ut, cum aliis iureconsultis, leges et statuta Frisiae recenserent et ordine disponerent.

Non vero curia Frisiaca sola fuit, quam nostrorum iureconsultorum labores illustraverint, sed in aliarum etiam regionum tribunalia nostrates adscenderunt. Mitto hic IOANNEM GERBRANDA et FREDERICUM BOYEMERUM, quorum alter in Transilvania, alter in Gelria praefidis honore functus est quorumque dudum oblitterata memoria. — Maiorem sui famam reliquit BERNARDUS BUCHO AB AYTTA, curiae Hollandicae decus, omnium Frisiorum sua aetate doctissimus. Maiorem reliquere et illi e popularibus nostris, qui Spirensi concilio adscripti fuere, AGGEUS ALBADA eiusque in munere successor, IOANNES ROORDA. Utrumque familiarum et eruditionis laude praecipuum merito dixit HUBERUS. Erat enim in ALBADA non tantum eximia mentis sagacitas et accurata iuris scientia, quam respondendo pariter et iudicando patefecit, sed mira etiam dicendi facundia, qua, legatus ad conventum Coloniensem missus, ubi de pace pangenda frustra fuit actum, inter dignitatis socios plurimum valuit. Erant praeterea in illo egregiae eruditionis et ingenii dotes, quibus debuit, ut a Daniae rege et pluribus Germaniae principibus expetitus fuerit, postquam, facto à fide Catholica divortio, muneri senatorio invitatus renuntiaverat. ROORDAM quod attinet, hic iuris etiam peritia excelluit et publicis negotiis gerendis fuit adhibitus, Hispanorum tamen, non Belgarum, partibus addictus. — Quantacunque vero laus hisce iureconsultis danda sit, non tamen duumviris illis egregiis, Curiae Traiectinae praefidibus, palmam praeripuisse dicendi, HECTORI scilicet HOXVIRIO, Mantgumano, et GEORGIO RATALLERO, Leovardenfi. Etenim qualis quantusque fuerit

HOXVIRIUS, splendidissimis eruditorum virorum praeconiis confirmare liceret. Unum e pluribus **EMMIUM** afferam, qui, ut arguat, inter Frisios fuisse, qui ad summam eruditionem pervenerint et in suo doctrinae genere excelluerint, **HOXVIRII** nomen, inter alia septem aequae illustria, memoravit. Imo tantae ingenii et eruditionis dotes in eo conspicuae fuere, ut nemini secundus fuerit, siue gratam eloquentiam spectemus, siue ingenii subtilitatem causis difficilioribus iudicandis aptissimam, siue singularem iuris et prudentiae civilis peritiam. Pandectarum lector fuit ita diligens, ut illas nunquam de manu deposuisse dicatur. Agnovit **HOXVIRII** praestantiam **CAROLUS QUINTUS**, Imperator, qui multas ac arduas legationes ipsi mandavit et in probatae fidei et diligentiae testimonium equitis aurati honore donavit. Quamquam autem clarum adeo fuerit inter aequales **HOXVIRII** nomen, posteritatis tamen oblivione obscuratum paene fuit, quia nulla ingenii sui monumenta literis expressa reliquit. — Hinc maior **RATALLERI** fama, quem non tantum aevo suo nobilitavit egregia legum scientia, non summa integritatis gloria, causis prudenter iudicatis quaesita, nec assiduus literarum cultus, sed quem praeterea nobis adhuc commendat iuncta cum Musis Latinis consuetudo, quemque carmina, hilarioris ingenii fetus, remotissimae etiam posteritati commendabunt. Plures enim **SOPHOCLES** et **EURIPIDES** tragoedias latinis versibus ita feliciter expressit, ut adversus obtrectatores iniquos defensorem eundemque meritum suorum praeconem nactus sit summum **VALCKENAERIUM**. Est profecto miratu dignum, **A. A.** hominem, iuris studio et forensibus negotiis occupatum, adeo multum in literis valuisse, quibus se non totum tradebat, sed animum tantum reficiebat studiis severioribus lassatum. Talem virum, si quem alium, oportuit in ipso Themidos sacrario et veluti in sinu collegarum, quorum agmen ducebat, mortem occumbere!

Ex illis, qui extra ordinem senatorium muneribus in Republica conspicui simulque iuris scientia insignes fuere, memorasse sufficiat **REGNERUM BOGERMANNUM**, Doccumanum, praeclarum iureconsultum, patrii etiam sermonis patriaeque historiae amantissimum, qui a **CAROLO QUINTO** saepius in consilium vocatus est et plurimas legationes obivit. — Huic iungendus est **ECOYBRANDI**, Ielsumensis, indefessus Belgicae Libertatis patronus, qui turbatae Reipublicae tempore magna auctoritate valuit. Hispanis eorumque partibus addictis fuit in odio, at in amore suis et **GUILIELMO PRIMO**, eruditio-

nem eius et industriam magni aestimantibus. — Non etiam omittendus **AUGUSTINUS ORDSMA**, praetor Dantumianus, insigni doctrinarum amore, et iuris scientia imbutus, qui, licet munere metus, patriae tamen causam, cui se totum addixerat, fortiter defendere non dubitavit.

Clara protuli clarorum virorum exempla, qui, ad magistratum honores proveci, Frisiae nostrae gloriam insigniter auxere. Iam vero in illos inquirendum, quibus iurisprudentiae docendae mandata provincia, an his etiam grati animi recordationem patria debeat. Expectatione non destituemur! **A. A.** Plures enim e nostratibus fuere, quorum eruditio multas diversis in locis scholas illustravit. Hic in memoriam revocetis **IOANNEM DOCCUMENSEM**, per plures annos, academiae, quae *Colonias* fuit, ornamentum insigne, virum in literis et iurisprudentia doctrinae et auctoritatis eximiae, ob nominis claritatem et eruditionis laudem ad Spirense tribunal evocatum, in arduis patriae negotiis saepissime consultum. — Revocetis in memoriam **CYPRIANUM à STAPPERT**, plerisque a pago natali **VOMELIUM** appellatum, qui in academia *Moguntina* per annos quindecim iuris doctrinam exposuit, omnibus laudatus propter variam eruditionem, omnibus acceptus propter morum comitatem. Hic autem, dum munere istoungebatur, simul Spirenfi iudicio fuit adscriptus et utriusque officii sollicitudines *Camoenarum* cultu levavit. *Virum de literis ac iustitia bene meritum* **CAROLUS** Imperator nobilitatis insignibus auxit, mortuique grata memoria apud posteros exstitit. — Non etiam vos fugiet **ROBERTUS EPO**, *Roordahufanus*, eruditionis copia ditissimus. Graecae enim Latinaeque linguae tanta fuit peritia, ut, vix ad annum aetatis vicesimum provecus, **HOMERUM** publice exposuerit. In Philosophia summos honores adeptus est. Antiquitatem, praesertim ecclesiasticam et academicam, egregie perlustravit. In Theologia studium impendit non mediocre. Iurisprudentiam vero praecae-teris disciplinis eiusmodi industria excoluit, ut non tantum docti et diligentis interpretis laudem meruerit, sed ad raram utriusque iuris, et pontificii et civilis, notitiam pervenerit. Doctrinarum commodis egregie certe consulere ex honoratioribus illi, quibus Academiae *Duacensis* constituendae mandata provincia, quod tanti nominis virum elegerint, qui, togatae militiae antesignanus, in castris recenter positus, ad indefessa certamina iuvenum animos acriter impelleret. Nec in loco suo segniter egit, sed ducem se praestitit tam fortis animi, quam prudentis consilii. Postquam per annos triginta septem stre-

nue militaverat; caput laureis ornatus et comitis palatini honoribus auctus, de vitae tandem statione decessit, nomine immortalis relicto. Virtutem illius, quasi tropaea, testantur scripta, quibus historiam, antiquitatem, iurisprudentiam illustravit, recentioribus etiam iureconsultis in honore habita. — Non etiam tacendum hic erit admodum laudabile nomen **REGNERI SIXTINI**, Leovardensis, qui in scholis **CUIACII**, **DONELLI**, aliorumque e praestantissimis Galliae iureconsultis nutritus, se totum ad illorum exemplum effingere studuit, eo quidem successu, ut apud Marpurgenses in Professorum ordinem evectus, non tantum plures in annos, singulari industria et eleganti doctrina, iurisprudentiam tradiderit et scriptis ornaverit, verum etiam Hasiae principi et supremae illius regionis curiae consiliis suis egregiis affuerit. — Nec silentio praetereundus **VIBRANDUS AB AYTTA**, alacri ingenio et doctrina non mediocri praeditus, qui inter ordinarios iuris professores in academia **Doleusi** summum locum obtinuit paremque vix habuit, qui postea senatui, tam Burgundico, quam Frisico, fuit adscriptus. — Non uno quoque nomine laudari meretur **SUFFRIDUS PETRI**, Leovardensis, qui assidua opera et eruditione multiplici, de literis, de iurisprudentia deque suis popularibus bene meruit. Bene meruit de literis, cum, Graecae latinaeque linguae peritissimus, in urbe natali scholam aperuerit, qua iuventus elegantioris doctrinae praeceptis imbueretur; cum eiusdem doctrinae studium, in academia **Erphordana** indigne habitum, caput laetum extollere iusserit; cum denique variis libris antiquarum literarum scientiam egregie exposuerit. Bene meruit de iurisprudentia, licet serius exulta, quam per annos viginti, summa cum laude, *Colonias* docuit. Bene denique de popularibus suis meruit, quorum historiam tenaci labore investigavit et insigni diligentia conscripsit. Non equidem ignoro illum ab **EMMIO** aliisque culpatum fuisse, quod fabularum credulus fuerit earumque plures, iudicio non admodum subtili, historiae intruserit. Esto, A. A. Annuamus **EMMIO** caeterisque **PETRI** reprehensoribus! An ideo omnem ipsi laudem denegabimus, quod luxurianti ingenio nimis interdum indulserit? An omnia, quae narravit, ab homine scilicet mendaci profecta, ineptiarum instar reiiciemus? An Ordines Frisiae risu sunt excipiendi, quod ipsum, licet peregre degentem, primum nostrae regionis historiarum scriptorem nominaverint? Minime vero! Plura enim, praesertim a prisca antiquitate remotiora, tradidit fide dignissima; plura, praesertim quae ad literarum historiam faciunt, scriptis consignavit,

quae sine ipsius industria, prorsus ignoraremus; plurium denique doctorum virorum nomina pluriumque fata ab oblivione immerita labore suo vindicavit!

Videtis A. A. quantopere amplificandae legum scientiae Frisii homines profuerint! At doletis fortasse ipsam Frisiam, tot clarissimorum iureconsultorum matrem, neminem e liberis, ad exteros migrantibus, iura docentem audivisse? Laetis igitur plaufibus excipiendus HENRICUS SCHOTANUS, qui e Belgicis et Gallicis academiis redux, hortantibus procerum nonnullis, primus omnium, in urbe Leovardia, valvis apertis et affluente insigni auditorum numero, Institutiones Iustinianicas exposuit. Hoc uno nomine iam meruerat, ut dignus omnino videretur, cui, in ipsis Academiae Frisiacae primordiis, antecessoris munus offerretur. Nec deerant alia momenta, quae ad eligendum SCHOTANUM impellerent. Erat enim vir probitatis et humanitatis eximiae, indefessum laboris, felicitis ingenii et eruditionis minime vulgaris. Quantus in iurisprudentia fuerit, vel ex eo patuit, quod summus CUIACIUS ipsum iam antea ad Burdigalensem academiam, cum spe liberalioris stipendii, invitaverit. Sed an testibus egemus, nos, qui novimus, SCHOTANUM iuris docendi provinciam, per undecim annos, solum sustinuisse, cum maximo iuventutis emolumento; nos, qui novimus, illum discipulorum desideriis se totum sacravisse, nil otium, nil commoda sua curantem; nos, qui novimus, illum a collegis postea ipsi adiunctis, et a clarissimis quibuscunque iureconsultis, summa semper laude exceptum fuisse?

Inter collegas illos, qui tempore primus, IULIUS À VRYMA, Docomiensis, uti laboris, ita laudis, SCHOTANO fuit particeps. Postquam enim, in academiis Vitebergensi et Leidensi, suis de iure praelectionibus iam inclaruerat, SCHOTANO collega fuit additus et una cum ipso iuventutem erudit ac disputationes iuris publicavit, non magis in communis doctrinae, quam mutuae concordiae testimonium. Scilicet non commilitonibus tantum, quibus dux erat fidelissimus, accuratam eruditionem et summam probavit diligentiam, sed illam libris quoque de gravissimis iuris quaestionibus, docte conscriptis, omnibus patefecit.

Non autem soli iuris professores fuere, qui libris, verae doctrinae monumentis, suam iuris peritiam aequalibus et posteris significaverint. Etenim inter causarum patronos, inter privatos etiam iureconsultos nulla dignitate conspicuos, pariter ac inter civitatis proceres fuere, qui nomina reliquerint li-

brorum titulis inscripta, nunquam interitura. Vellem haec omnia referre, nisi labentis horae brevitās obstaret. Itaque taceo IOANNEM BASIUM, Leovardiensem, de cuius *paradoxis disputationibus iuris civilis* non unum est eruditorum iudicium. Taceo POMPONIUM ELLAMA, virum omnium virtutum et literarum genere ornatum, qui ANDREAE ALCIATI et FELINI SANDAEI opera collegit et edidit. Taceo IOHANNEM FUNGERUM, Leovardiensem, virum omni doctrina instructissimum, et iuris et medecinae doctorem, linguarum praeterea et antiquitatis peritissimum, qui tamen scriptis suis literas magis et historiam illustravit, quam iurisprudentiam, diligenter licet excultam. Taceo FRIDERICUM AB INTHIEMA, Coudumensem, praestantissimi ingenii magnique nominis causarum patronum, qui LUMEI comitis, saevitiae rei, defensor exstitit, quique, immani forte PHILIPPI imperio incitatus, *de malorum regum gubernatione* disseruit et *iuris consilia* a se elaborata prelo destinavit. Taceo denique TIALLINGIUM AB EYSINGA, TIALLINGI filium, praetorem Menaldumanum, paternae laudis aemulum, qui famam sibi comparavit editis *Institutionum commentariis*, erudita antiquitatis scientia refertis. — Non tamen silentio praetereundi quatuor illi fratres germani, qui, Musis debito honore non fraudatis, Themidem, quasi larem domusque custodem, coluere, quique, nescio an singulari apud quascunque gentes exemplo, omnes iureconsulti, omnes bonarum literarum studiosi, omnes a rerum forensium strepitu remoti, in secesu et tranquillitate vitam agentes, nomen suum aeternitati consecrarunt. Viguere scilicet in civitate Elostana, urbe ignobili, nobilissimi fratres, SIXTUS, TITUS, CYPRIANUS et AUSONIUS, e gente POPNANA prognati, propter ingenia, elegantiori eruditione conformata, ab ULRICO HUBERO aliisque summae auctoritatis viris, splendido laudis praeconio honorati. Non vero nimia et intemperata haec elogia credatis, A. A. nec uni tantum fratrum, non omnibus, tribuenda. SIXTUS enim antiqui rhetoris *de arte dicendi* librum e tenebris eruendo notisque illustrando, diligentiae suae et eruditionis specimen dedit non contemnendum, et de iurisprudentia bene apud omnes meruisset, si *Institutionum Commentarios* a se conscriptos in publicum emittere non detrectasset. Magis igitur TITO nostra disciplina debuit, cuius elegans libellus *de operis fervorum* manum redolet in volvendis iureconsultorum libris maxime versatam, et exemplo suo confirmat, quam laetum sit literarum et iurisprudentiae connubium. Caetera illius scripta prae-

termitto, non vero *tabulas in sphaeram et prima astronomiae elementa*, ut vobis appareat, virum, iuris, literarum et antiquitatis, peritissimum, in mathematicis etiam doctrinis hospitem non fuisse. CYPRIANUM, qui SALLUSTIUM e legibus ritibusque Romanis erudite illustravit, quae minus ad idem, quo fratres, gloriae fastigium adscenderet, mors repentina prohibuit. AUSONIUS denique, licet natu minimus, minor fratribus, nec ingenio, nec industria fuit. Ne VARRONEM caeterosque veteres scriptores memorem, quibus temporis iniuria mutilatis, quantum potuit, integritatem restituit; ne memorem *Historicorum fragmenta*, diligenter collecta et prudenter emendata; ne memorem libros *de differentiis verborum et usu antiquae lectionis*, tam literarum, quam iurisprudentiae cultoribus utilissimos; ne haec omnia memorem, quibus *eruditae nobilitatis ornamentum* vocari meruit, opus duntaxat laudabo *de ordine et usu iudiciorum*, quo non tantum usum forensem suo tempore observatum accurate enarravit, sed etiam plura, quae pertinent ad rem iudiciariam Romanorum, difficillimam illam et ambiguum, docte exposuit. Tantae praeclantiae virum, stupendum eruditionis prodigium, quod vicinior orbis nobis invidit, in patria delituisse, maioribus consiliis non adhibitum, nec vocatum ad academiae suggestus, a literarum professoribus, sui ordinis transfugis, temere occupatos, vehementer doluit et indignabundus questus est PIERIUS WINSEMIUS, nostri AUSONII laudator.

Iam celebrem iureconsultorum Frisiorum catervam, saeculi decimifexti ornamentum, vestris oculis propositum videtis, Auditores! Iudices, magistratus, antecessores ac librorum de iure scriptores, quosque suo loco conspicuos, patriae gloriam tuentes, adspicitis. Festinandum igitur esset ad aevum huic vicinius, nisi superessent adhuc duo principes iureconsulti, splendida patriae lumina, nondum a nobis laudata, cum ad nullum ordinem referri potuerint; qui simul ad omnes referendi fuissent, nomen pariter adepti a libris, verae doctrinae monumentis, a frequenti discipulorum corona, a causis prudenter iudicatis et a summis muneribus in civitate dignissime gestis. — Cui vestrum hic in memoriam non recurrunt, illustria nomina, VIGLIUS EUICHEMUS ABAYTTA et IOACHIMUS HOPPERUS! — Sentio quam sit difficile, pauca de tantis viris dicere, quorum elogio exprimendo vix integra oratio sufficeret! Ignoscatis igitur dicenti, A. A. cuius commemoratio tantorum virorum merita nequit adaequare!

Sufficeret fortè honores enumeravisse, quibus admotus fuit HOPPERUS, ut quisque vel magnifice de eo sentiret, nec illum mediocris ingenii hominem fuisse existimaret, qui munera adeo diversa digne sustinuerit! At ita vobis non constaret, quam egregie HOPPERUS omnium illorum munerum officio satisfecerit. Parum enim est monuisse, eum, exposita Lovanii iurisprudentia, clarum nomen esse consecutum, sed maius est novisse, hoc munere ita functum esse, ut non tantum exquisitissimae doctrinae et acerrimi iudicii iureconsultum se praestiterit, sed et caeteros antecesores fama superaverit. Praeter literas enim politiores, in quibus ita excelluit, ut PLATONEM Graecum enarraverit; philosophiam etiam, qua totus erat imbutus, in iurisprudentiam intulit. Scilicet plerique huius temporis homines philosophiam inter et iurisprudentiam nullum vinculum intercedere sibi persuadebant, imo iuris civilis positiones doctrinasque artis formam, quae dicebatur, respuere opinabantur. HOPPERUS vero quantum emolumenti a philosophia iurisprudentiae accedat, suo exemplo suisque libris comprobavit et primus omnium aggressus est ius civile ordine disciplinae tractare. Perspicax illius ingenium probe etiam vidit, quam utile esset ac necessarium, „ut, priusquam quis ad ius civile veniret, „universam illam iurisprudentiam, quae in animis nostris collocata perque „omnes respublicas aequaliter distributa est, cognitam haberet, ac postea de „mum se converteret ad ius civile Romanorum, quod ex illa universa iuris „prudentia decerptum, in augustum angulum naturae conclusum est.” Hac, quam demonstraverat, via ipse ingressus, pariter in lectionibus suis ac libris, generalia de iure legibusque praecepta iustique et iniusti principia, uti et iuris interpretandi regulas tradidit, iisque subiunxit, non tantum privati iuris Iustiniani doctrinam ad naturalia praecepta examinatam, sed et publici iuris Romani, a plerisque neglecti, succinctam expositionem. Nec argumenti duntaxat utilitate et novo lucidoque rerum tractandarum ordine lectiones et scripta HOPPERI sese commendarunt, sed qui illum dicentem audire, insuper mirati sunt dulcis eloquii suavitatem et orationis lenocinium; qui libros illius legere sententiarum gravitatem, sermonis elegantiam et eximiam colloquii facilitatem summis laudibus excepere, adeo ut, post ipsum TULLIUM, neminem ad ritus moremque scholae Platonicae propius accessisse CONRINGIUS existimaverit. Tot vero licet fuerint HOPPERI iurisprudentiam nova ratione illustrantis virtutes, ab obrectatorum tamen opprobriis non fuit immunis. Il-

la repetere nil attinet, cum pleraque e philosophiae contemptu originem duxerint. Illi vero, quibus doctrina iuris civilis in HOPPERI scriptis non satis copiose enarrata forte videatur, illi, inquam existiment libros *de arte iuris et de vera iurisprudentia* tantum elementorum loco fuisse, quae in opere maiori vel revera fufius exposuit HOPPERUS, vel saltem exponere meditatus est. Quidquid vero in HOPPERI contemptum protulerint obscurioris ingenii homines, nihil illud ipsi nocuit, imo brevissimo admodum tempore, ita crevit illius fama, ut ad supremum senatum Mechliniensem vocatus fuerit, et stadium academicum, multorum, praecipue studiosorum, ingratis deferuerit, vix annum in illo versatus. Senatorio illo munere summa cum gravitate ac munificentia functus est, ac postea, secreto Regis Hispaniae concilio adscriptus, in singulos dies nova dedit et dexteritatis et diligentiae specimina, cum non tantum suos labores fortiter exantlaverit, sed aliorum etiam humeris suis imponi passus sit. Tandem ad rerum Belgicarum in Hispania curam accessit, ibique in tantam venit prudentiae opinionem, ut ab ipsis Hispanis, sua tantum mirari solitis, *Sapientiae* nomine honoratus fuerit. — Ita publicis negotiis occupatus literarum tamen nec commoda, nec studia, neglexit. Testatur illud academia Duacena, cuius instituendae auctor praecipuus existit; testantur illud libri; quos de iure et aevi sui historia conscripsit, numero plures. Tanta igitur cum fuerit HOPPERI industria, tanta eruditio ac tam habile ad res diversissimas ingenium, illum non immerito dixit RUMIUS iureconsultum vix ulli suo saeculo secundum et in clarorum virorum ordine, ceu hesperum inter reliquos coeli ignes, micantem atque excellentem. Nec ipse Rex, quem sibi prudentia, sinceritate et consilii libertate devinxerat, novis illum honoribus ac titulis augere unquam cessavit, quos inter infimum locum non obtinent equestris ordinis insignia, uno eodemque die IOANNI AUSTRIACO, Regis fratri ac HOPPERO, nil tale expectanti vel ambienti, solenniter delata. Sed crescentem fortunam cura quoque secuta est! Patria enim, cui salutem afferre frustra tentaverat, ducis scilicet Albani severitate et vehementia impeditus, patria illa, inquam, discordiis agitata, calamitatibus oppressa, igne ferroque devastata, animum moerore afflixit et labefacti corporis vires infregit, ut brevi tempore, tabida febre extenuatus, vitam deferuerit, triste prudentiae suae desiderium relinquens.

Uti generis splendorem et natale solum, ita dignitatum abundantiam et eru-

ditionis laudem cum HOPPERO communia habuit VIGLIUS AB AYTTA, Fri-
siae nostrae lumen clarissimum et decus aeternum. Hic a patre NÜCH-
NE, iam tenera aetate, ad severiora studia conformatus, pluribus dein acade-
miis perlustratis, ab ipso ALCIATO didicit, politiorum literarum disciplinam
iurisprudentiae coniungere, laetis adeo successibus, ut ipse, vix id ordinem iu-
reconsultorum receptus, tanti praeceptoris, in Italiam abeuntis, partes per
biennium sustinuerit. Dein *Patavii* Institutiones exposuit, Italis mirantibus.
Mox cum Gallia, tum Germania ipsum, ab Italia reducem, ad suas academias
allicere frustra tentavit, donec tandem multis praemiis sollicitatus, relicto
Spirensi iudicio, cui egregium erat ornamentum, Ingolstadiensium votis satis-
fecit. Tunc undique e Germania, viri fama excitati, ad apertam a VIGLIO
scholam confluxere, pluresque auditores habuit, quam quisquam e collegis;
excellentissimis licet iureconsultis, ex Italia, omnis, illo tempore, elegantioris
doctrinae matre, vocatis. Amplissimae dignitates et splendidissima cuiuscun-
que generis munera ipsi, iam variis honoribus aucto, oblata fuere, quibus diu
reluctatus est. Imperator tamen CAROLUS QUINTUS, impatiens tantas in-
genii et eruditionis dotes peregrinorum commodis inservire, iussit, ut conditi-
ones VIGLIO ferrentur, velletne in secretum Belgii consilium aut in curiam
quamcunque recipi, dummodo in patriam reverteretur. E muneribus igitur,
quae plerique omnibus artibus studiose ambiunt, electis, Imperatoris nomine,
VIGLIO concessa, non sine metu repulsae. Vicit tandem patriae desiderium
et in secreti Consilii senatum venit, cui postea praefes factus est dignissimus.
Taedio foret, omnes legationes enumerare, quas fausto successu VIGLIG
obivit et omnes honores, qui dignae remunerationi fuere. Tacendum igitur de
curia Mechliniensi, quam eruditione sua illustravit, tacendum de comitis pa-
latini, de equitis aurati cancellariiue honoribus multisque aliis. — Praestat
paucis exponere, qualem VIGLIUS sese gesserit iuris interpretem, iudicem,
magistratum. At sentio A. A. quam vere professus sit EMMIUS, difficilli-
mum esse VIGLII gloriae paria dicere. Et profecto, si animadvertimus,
quantum ipsi debuerit eruditorum respublica, nonne illum omni laude maio-
rem dicemus? Ingenium, diversarum linguarum et historiae cognitione locu-
pletatum, ornatumque sedula veterum lectione, in iurisprudentiam intulit,
quam sibi assidua diligentia familiarissimam reddidit. Huic eruditionis copiae
accedebat sermonis elegantia, iudicii acumen, et oris facundia, flagrantem

quemdam ipsius audiendi appetitum excitans. Hinc effici poterit, quid, nullo labore fatigatus, docendo valuerit, quid scribendo renascenti tunc iurisprudentiae prodesse potuerit. Et profuit omnino non una ratione. Ne memorem; quod libros quosdam Basilicorum indicaverit nemini adhuc inspectos, primus fuit, qui Graecam Institutionum expositionem a THEOPHILO profectam, in obscuro abditoque latentem, in lucem protraxerit et publici iuris fecerit, quique partem aliquam, temporis iniuria deperditam, e sua eruditionis penu, Graeco sermone expressam adiecerit. Hac vero opera quantum emolumenti iuris studio accesserit, cum omnibus peritis notum sit, enarrare nil attinet. Iuris etiam doctrinam *de testamentis* eleganti et erudito commentario illustravit, per totam Europam celebri. Hoc autem se praestitit et egregium iuris interpretem, (quod luculenter probarem, si per tempus liceret), et miro iudicii acumine in restituendis locis depravatis instructum, tanto quidem, ut emendationes ab ipso factae, postea e codicum vetustorum auctoritate confirmationem acceperint. Si quis tamen de VIGLII praestantia mihi, laudatorem agenti, forte fidem non habeat, is credat summo CUIACIO, qui VIGLIUM doctissimum et prudentissimum iureconsultum existimavit, eiusque singulos versus singula testimonia dixit. — A iudiciis etiam officio sine gloria non decessit, a modestia, labore et eruditione repetita. Nec ubi Spirenfi iudicio affuit, vitam otio transegit. Rerum enim iudicatarum et actorum antiquorum codices diligentissime perlegit, eoque paucis annis illud effecit, ut vix alius esset, qui res iudicii ita accurate teneret. — In summis magistratibus gerendis nomen a dexteritate, sagacitate, prudentia, probitate animique moderatione assecutus est. Tristem patriae fortem certe praevertisset, si praeverti potuisset. Licet Regis partes nunquam deseruerit et Belgicae libertatis vindicibus resistere, sua tamen laude non est fraudandus et patris patriae nomen, ipsi, consensente per Frisiam senatu, decretum publicisque monumentis affixum, grata posteritatis recordatione aeternum servetur!



Sed, quae ruit, hora orationi modum ponere iubet et, quae de saeculi decimiseptimi iureconsultis dicenda sunt, ad modulum breviorum dirigere. Licet illa aetate non creverit eorum numerus, qui iurisprudentiam coluerint, clara

tamen iureconsultorum nomina quam plurima leguntur. — In iure civili explicando ab ALCIATI, CUIACII, et VIGLII vestigiis non est recessum, sed novis identidem luminibus Romanorum leges illustravit literarum, antiquitatis et historiae studium. Ad alias etiam iurisprudentiae partes iam paratior fuit aditus, postquam HUGO GROTIUS, unus omnium eruditorum in Belgio excellentissimus, iuri naturali, antea cum aliis disciplinis confuso conturbatoque, suum in disciplinarum ordine locum vindicavit, et deinceps iuris etiam publici doctrina suis fundamentis inaedificari coepta est, novum iureconsultis laborum incitamentum. Nostrates etiam hac tempestate ignaviae non accusandi, sed in universa iurisprudentia excelluisse dicendi sunt, licet ad iuris Romani studium procliviores fuerint et in enarranda patriae historia operam singularem posuerint.

Ad singulos huius aevi iureconsultos si animadvertamus, primi omnium se nobis offerunt illi, qui ad curiam Frisiacam vocati fuere, quos inter multi, non uno tamen nomine, laudari merentur. Etenim propter eruditionis praestantiam in censum veniunt SUFFRIDUS HANIA et PETRUS ARUNIA, inter primos SCHOTANI discipulos primas tenentes. Veniunt IOANNES & GLINSTRÆ editis *selectarum quaestionum* libris praecipue memorabilis, et IOANNES RHALA, vivam egregii parentis imaginem referens. A sapienti doctrina et inexhausta diligentia IOHANNES SARKMA et GAIUS NAUTA, optimi Themidos antistites, prae caeteris memorabiles, quorum uterque *Statuta Frisiae* notis illustrare aggressus est, tam ex assidua lectione repetitis, quam e causis in curia frequenter disceptatis, quorum vero neuter opus ita ad umbilicum perduxit, ut in publicum emitti potuerit. A legationum in utilitatem patriae susceptarum splendore, praeter alios, memorandi duo praefides amplissimi, alter MATTHAEUS A VIERSEN, summam ab eruditione laudem assecutus, et civitatis nomine, pacis restituendae causa, in Daniam missus; alter ALLARDUS PETRUS A IONGESTAL, academiae curator et equestri ordinis dignitate spectabilis; optime de iustitia, literis ac republica meritus, qui legationis, ad pacem cum Anglis pangendam, bis fuit particeps.

Inter illos, qui fisco procuratores fuere, plures etiam occurrunt, quorum nondum extincta memoria. Cuinam iureconsultorum incognitus THOMAS HERBAIUS, a pago huic urbi vicino nomen adeptus, vir omni literarum ac disciplinarum genere nutritus, iuris vero peritia excellens, cui felix affuit inge-

nium, et causis agendis et libris conscribendis aequaliter aptum? Quantum is humaniori eruditione valuerit, quantumque valuisset, modo non ante diem abreptus fuisset, vel ex eleganti *rerum quotidianarum* libello, post mortem edito, luculenter apparet. Non etiam ignobile nomen reliquit ANTONIUS KANNIUS, admodum diligens in iis colligendis, quae memoratu digna in curia iudicabantur, qui, uti muneris, ita industriae successorem habuit IOHANNEM BEUCKERUM, seniore, virum accurata iuris cognitione instructum, e cuius gente praestantissimi iureconsulti quam plurimi prodire, magna literis et patriae praesidia.

Nec inter illos e nostratibus, qui alio magistratus aut publici muneris genere ornati hac aetate florere, aliqua fuit sapientium iureconsultorum penuria. Omnes memorare necessaria vetat orationis angustia. Non tamen omittendus POPPIUS AB AITZEMA, diversis legionibus honoratus et diversa aequalium expertus iudicia. HOOFTIO tamen, historiarum scriptori, propter eruditionem magni habitus, GROTIUS et CORNELIUS NYLIO acceptissimus. Vitae admodum sollicitae iucunda duxit obliviam, lectis iureconsultorum libris et effuso subinde e vena benigna carmine latino. Quas edidit, *iuris disquisitiones*, in itinere aulaeque strepitu maximam partem concinnatae, auctorem sapiunt doctum, acutum, diligentem et politiorum literarum amantem, corrigendis interpretum erroribus aptissimum, optimis etiam libris scribendis idoneum, si in otio et tranquillitate degere concessum fuisset et operam in libros impendere. — Non etiam omittere licet ex eadem gente prognatum BERNARDUM AB AITZEMA, POPPII fratrem, qui Rupellae in Gallia iura docuit, donec ad honorificum munus obeundum in patriam vocabatur; nec huius etiam filium LEONEM, qui iam tenera aetate Musarum consuetudine usus est et ad magnam nominis famam pervenit. Vir enim exstitit impiger et indefessus, cui in promptu erat diversarum gentium sermo et varia doctrinarum copia. Negotiorum publicorum peritia maxime excelluit, atque otio, quod suppetebat, Hagae Comitum degenti ad curanda fociarum Hanstae civitatum commoda, toto usus est, ad res enarrandas pacis bellicae tempore in patria gestas. Hoc autem opere egregie de historia meruit. Nam non tantum omnia accurate tractavit, sed praeter caeteris scriptoribus eo potissimum laudandus est, quod summa diligentia ex actis publicis plura conquiverit, quodque ipsa foedera, legatorum mandata et relationes, imperantium literas et responsa, aliaque si-

milia, sua quaeque lingua, qua scripta fuere, mirabili industria adiecerit, adeo ut de fide illorum, quae narravit, nulla prorsus dubitatio posset afferri. — Sunt et alii inter honoratiores in Frisia homines, iuris scientia praeclari, a quorum laudibus, aegre tamen, abstineo. Invito igitur tacendus est CAROLUS à ROORDA, summis in republica dignitatibus functus, quem HUBERUS patriae nostrae decus appellavit. Invito tacendus est GULIELMUS AB HAREN, qui diverso eruditionis genere, diversis legationibus in utilitatem patriae felicissime gestis, pactis pacis foederibus quam plurimis, famam consecutus est nunquam interituram. Tacendi sunt alii, quorum gloriam perennem annales Frisici testantur, tacendi sunt, ne suo etiam honore fraudentur, qui fortuna tenuiore contenti, procul a rerum strepitu, lares placide coluerint, quique vel causarum patrocinia honeste egerint, vel scriptis libris iurisprudentiam illustraverint.

Ex hoc iureconsultorum ordine, praeter HERONEM AB INTHIEMA, strenuum causis gravissimis defensorem, scriptis etiam libris oppido clarum, unus prae omnibus nostra praeconia meretur SIBRANDUS SICCAMA, Bolsverdanus, vir Musis amicissimus, politiorum literarum ornatu, recondita antiquitatis doctrina et legum peritia prorsus excellens, qui difficillimum *de iudiciis centumviralibus* locum omnium optime explanavit, nec recentioribus antiquitatis investigatoribus nisi spicilegium reliquit. Hoc autem eruditionis genus ipsi cum aliis multis fuit commune, at operam praeterea navavit doctrinae, tunc temporis plerisque neglectae, imo ab illis, qui elegantiorum Romanorum sapientiam sectabantur, adunco naso suspensae, patriae scilicet antiquitati et priscis patriae legibus. Hasce leges a CAROLO MAGNO originem repetentes, et illas serioris aevi, quae a loco ubi latae fuere, *Opstalbomicae* dicantur, primus edidit et in notis adiectis mores ritusque Frisiorum, uti antea fuere, mirifico eruditionis apparatu exposuit.

Licet vero patriam antiquitatem indagare pauci tantum conati fuerint iureconsulti, res in patria gestas memoriae mandare eo plures aggressi sunt. Una Leovardia, doctorum virorum feracissima, multos tulit iureconsultos historiarum scriptores et inter illos, quorum memoria nunquam delebitur. Etenim ne memorem BERNARDUM GERBRANDUM FURMERIUM, in SUFFRIDI PETRI demortui locum ad conscribendam patriae historiam publica auctoritate vocatum, plurium librorum auctorem; ne memorem IOANNEM DE VENO,

magistratum Leovardienfem, qui ſenex admodum *meditationes historicas* conſcripſit; hic natus eſt PIERIUS ille WINSEMIUS, qui una cum iuriſprudentia medecinam excoluit, qui mentem ſtudiis philoſophicis fatigatam citharae pulſu refecit, dulces muſae latinae modos edoctus, qui in historia ſcribenda ſimplex fuit, elegans et perſpicuus, magni THVANI aemulus, in docenda vero modestus, prudens, ſagax, ſacundus. Hic etiam in lucem editus SIMON AB-BES GABBERMA, iuriſprudentiae et literarum cultor non contemnendus, hitoriarum etiam ſcriptor maxime laudabilis, quem tamen fama longe maior ſequeretur, dummodo non premeret magni WINSEMI vicinia. Hic denique vita contigit TOBIAE GUTHBERLETHO, in literis maxime verſato, qui non quidem ipſe hitoriarum fuit ſcriptor, ſed qui urbis ſuae natalis fata, a GABBERMA conſcripta, typis exprimi curavit. Variis etiam ornamentis, e iuriſprudentia, historia, et antiquitate arceſſitis, doctrinam inſtruxit, et maioribus inſtruxiſſet, niſi in ipſo aetatis vigore morte praecipiti abreptus fuiſſet.

Iam illi prodeant in ſcenam clariffimi iureconſulti, qui hoc tempore, docendi provinciam ſplendide ſuſtinuere. Qui ex his ad exteras diſciplinarum palaeftras evocati fuere, numero ſunt pauciſſimi. Etenim praeter FRANCISCUM MEINARDUM, anteceſſorem Pictavienſem, praeter CYPRIANUM REGNERUM AB OOSTERGA, anteceſſorem Traiectinum, unus eſt hic a nobis laudandus DOMINICUS ARUMAEUS, iureconſultus acerrimi ingenii, oratione facillima, memoria tenaciſſima, et plurimarum linguarum facultate praeditus, qui non e praelectionibus de iure civili, feudali et publico, in academia Le-nenſi, omnium plaufu exceptis; non e cauſarum frequentia, quibus iudicandis publica auctoritate interfuit, praecipuum laudis argumentum repetit, ſed inde praefertim, quod primus omnium iuris publici Germanici diſciplinam inſtituerit, docuerit, et libris quam plurimis ornaverit, quodque ex illius ſchola proſecti ſint praefantiſſimi quique Germanorum de imperii iure ſcriptores. Ad academiam Friſiacam vocatus ARUMAEUS rediditum in patriam abnuit. Quod vero illa repulſa noſtris quam minimum nocuerit, illorum virorum meritis et diligentiae debemus, qui tunc docendi munere inter populares functi ſunt, quorumque ſat multos memorari oportet.

Eorum laudibus ſuperſedeo, qui licet iureconſulti fuerint, non tamen iura, ſed literas vel philoſophiam docuere. Nil igitur de THEODORO LEONTIO dicere fert animus, nil de PETRO MOLLO, nil de HENRICO DE VE-

no, qui iuris, medecinae et philosophiae laurea ornatus, unam theologicam non ambivit. — E iuris profesforibus primus nobis occurrit MARCUS LYCLAMMA à NYEHOLT, dignus academiae Franequeranae alumnus, cui, quam acceperat, doctrinae copiam, cumulatione mensura postea rettulit, forte tamen nimium e praestantia spiritum sumens. Nam abundantis ut erat ingenii et exquisitae doctrinae, pudendum aversabatur saeculi sui morem alienas describendi proque suis audacter vendendi cogitationes. Hinc saepius gloriabatur, se fulgorem allaturum, ubi alii nil nisi fumum fecerant. Licet haec iactantia non quidem inanis fuerit, sed factis promissionem saepius impleverit, eo tamen maior illius praestantia fuisset, quo minor superbia. Insignem iuris peritiam literarum elegantia decoratam redolent, quos edidit, *Membrarum ac Benedictorum* libri, nil vulgare continentes. Splendidissimum illud academiae decus, post paucos annos, respublica sibi vindicavit, et praetoris honoribus ornatum ad supremum Belgii confesum delegari voluit. Non tamen literas tueri defuit LYCLAMMA in altiora loca provectus, equitis etiam sancti Marci insignibus a Veneta republica auctus, sed academiae, quam antea diligentia sua ornaverant, dignus curator praefuit. — Dum antecessoris munere fungebatur, affuit illi collega, laboris et gloriae socius, TIMAEUS FABER, Leovardienfis, dotibus, quae hominem quaeque iureconsultum exornant, omnibus instructus. Iam illo tempore, quo se in academiam patriam contulerat, praeclara quaevis de ipso ominati sunt omnes. Erat enim in illo summa praeceptorum suorum observantia, summa erga aequales modestia, summa denique et incredibilis discendi cupiditas. Nec, quae iuvenem commendabant, in viro desideratae virtutes. Nam si quid laudis redundat a probitate sincera, si quid a comitate morum, si quid ab infracta diligentia, illud omne FABRO tribuendum. Ingenio praeterea felici ac doctrinae singulari, docendo scribendoque manifestatae, singularem iungebat modestiam, tantam quidem, ut sui effigiem pingi noluerit, ne forte vanitatis aut superbiae argueretur. At gloria, quam fugiebat, iam viventem assecuta est, nec mortuum deseruit, clarumque nomen ad posteros transmissit. — Quam difficile fuerit damnum reparare, per tanti viri obitum academiae illatam, vix est quod memorem. Felix igitur dicenda fuit, quae BERNARDUS SCHOTANUM, dignum HENRICO patre filium, FABRO successorem naeta sit; felicior tamen praedicanda, si non illum brevi post ad Traiectinos et deinde ad Leidenfes migrantem amisisset! Egregia enim praelucebat

in eo iuris peritia, literis ornata; praeclucebat iudicium studiis mathematicis exacutum, quam disciplinam tam firmiter tenebat, ut illam una cum iurisprudentia Traiecti publice docuerit. Hisce dotibus accedebat docendi simplicitas, inutilem ostentationem fugiens, quam etiamnum in scriptis eius miramur, et summa aequitatis observantia, adeo ut illum, quantum legum scientia, tantum etiam agendi secundum leges dexteritate praeditum, HUBERUS laudaverit. → Qui SCHOTANO collega fuit MARTINUS WYBINGA, Harlinganus, famam tenuiorem reliquit, longe superatus ab HENRICO IOANNE RHALA, Leovardienſi, viro in philosophia, literis et iure versatissimo, qui scholas suas, historiarum et eloquentiae studiosis per annos duodeviginti frequentatas, tandem iurisprudentiae studiosis aperuit. Non denique omittendus TACO GLINSIUS, antiqua stirpe prognatus, qui per sex annos academiam decoravit, uti iuris civilis, ita praesertim illius, quod ad mercaturam remque nauticam pertinet, maxime gnarus.

Aut ego fallor, A. A., aut haec sufficerent ad suam gloriam saeculo etiam decimoseptimo vindicandam. Ulterius tamen progrediendum non est, nisi duabus splendidissimis iureconsultorum familiis, et fori et curiae ornamentis, digna laude ante celebratis, quarum altera a IACOBO BOURICIO, altera ab ULRICO HUBERO originem ducit.

Quemnam vero, ex illustri BOURICIORUM prosapia maiori praeconio excipiam, an IACOBUM, gentis auctorem, an GISBERTUM, an IOANNEM, an utrumque HECTOREM, omnes IACOBI vel filios vel nepotes? Pietas primum parenti locum assignat, expertissimo causarum patrono, qui, licet pro-
vecta demum aetate animum ad scribendum appulerit, libros tamen egregios edidit, praesertim de muneris sui dignitate et officiis, non tantum in Frisia, verum etiam in reliquis Belgii partibus, imo in Germania, frequentissime lectis. Non tamen diutina rerum forensium tractatio mentem a iuris philosophia alienavit. Etenim annis iam gravis, e veterum iureconsultorum, praecipue ULPIANI, fragmentis, in opere Digestorum servatis, sapientiae civilis praecepta collegit. — Qui paterni muneris erat confors GISBERTUS, iureconsultum se praestitit patre dignissimum, sed ante diem decesit, uxori, liberis, cognatis et patriae tristi desiderio relicto. — Longius protracta est fratris eius, HECTORIS, vita, adeo ut plura etiam in patriae utilitatem conferre potuerit et revera contulerit. Academiae enim Frisiacae amoenissimo ingenio et hilari

eruditione plurimum profuit; in curia diligentissimus senator exstitit; operam denique suam petenti Reipublicae non denegavit, in negotiis etiam molestis ac difficilibus. E tot tantisque occupationibus, quae **HECTORIS** huius vitam implicabant, vir tamen operosus tempus eripuit, quod in literarum poneret et iurisprudentiae studio Musarumque cultu. Otii sui fructus paucos, sed suaves et odoratos reliquit, orationes scilicet, disputationes et carmina nonnulla, comto floridoque stylo conscripta. Idem qui in **HECTORE** fuerat Musarum et Themidos amor, iure quasi haereditario, venit ad filium, **IOANNEM**, curiae Frisiae senatorem, qui, praeter alia, *de iudicis officio* utilissimam disputationem conscripsit, cuique e filio **IACOBO** iureconsulto, duo nepotes fuere, **IACOBUS** et **HECTOR**, alter praetoris, alter senatoris, dignitate conspicuus.

Tandem ad **HUBEROS**, clara inter eruditos nomina, pervenit oratio. Primum inter illos locum occupat **ULRICUS**, Docomienfis, iureconsultus omnes alios suae aetatis longe exsuperans. Nec illud fato aut fortunae, sed suae diligentiae studiisque prudenter institutis debuit. In prima enim iuventute tardioris erat ingenii, postea tamen ad laborem et industriam fortiter erecti. Semel vero gustatis literarum deliciis, tanto illorum amore incensus fuit, ut decimum sextum agens aetatis annum, linguam Graecam et Latinam calluerit, et, nomine academiae nondum dato, omnes cantus Davidicos carmine latino singulosque diverso metri genere expresserit. Neque mox linguarum studia plurimorum exemplo deseruit, aut historiam ac philosophiam leviter attigit, sed omne illud doctrinarum genus familiarissimum sibi reddidit. Tanta penu instructus ad iurisprudentiam accessit, in qua praestantissimos quosque antecessores, Franequeranos et Traiectinos, praeceptores habuit. Vix autem annum a vicesimo alterum impleverat, cum ipsum in Germania degentem evocarunt Frisiae procures, ut eloquentiam et historias in patria profiteretur. Mandatam sibi provinciam, diffusa tantum eruditione rite tuendam, aegre suscepit, viribus diffidens; susceptam autem splendide administravit. Nam, siue numerum auditorum spectemus ad scholas eius quotidie affluentem, siue gratam orationem et vim dicendi singularem siue docendi facilitatem, ab omni eruditionis ostentatione alienam, siue admirabilem laboris pertinaciam, nil est, quod non laudemus. Fallor equidem, A. A. et falluntur alii, aut edidit **HUBERUS** stupendae diligentiae exemplum unicum et prorsus inauditum, qui iuris etiam do-

cendi facultate donatus, omnes diei horas, a sexta matutina ad vespertinam octavam, una tantum prandii excepta, publicis privatisque exercitiis totas impenderit! Fractam certe corporis valetudinem doluisset, nisi brevi post, relicto literarum studio, in sola iurisprudencia operam collocasset. Tunc vero crescere in dies illius fama, adeo ut ipsum Leida plus semel voluerit. Nec miretur quis repetitos illos Leidenſium conatus! HUBERUS enim non tantum egregius erat iuris civilis interpres, qui legum doctrinam ex ipsis fontibus, ex historia et antiquitate docte illustraret, et in usum etiam forensem adhiberet, nulli sui temporis secundus; sed praeterea, quod nemo ante eum erat aggressus, *ius publicum universale*, a constituto iure separatum et ab arte politica distinctum, primus omnium in scholis tractavit, viam secutus, quam digito quasi monstraverat summus GROTIUS. — Cum ita Academiae, per annos vigintiduo, praeclare consuluerat HUBERUS, in curiam Frisiaeam senator lectus est, at, exacto triennio, hoc munere sponte se abdicavit et ad academiam, quam sibi adeo devinctam habebat, reversus est, idque conditionibus admodum honorificis, quales nec antea, nec post, cuiquam professorum oblatae fuere, ne scilicet ad Leidenſes, duplici repulsa non deterritos, tertium vocatus magno Frisiae detrimento abiret. Per omne reliquum vitae tempus, bono publico, uti solebat, inservivit, tam institutionibus domesticis ac disputationibus, quam scriptis editisque libris. Mortuus non omnis interiit, sed gloriam superstitem habuit, merito celebratus a morum gravitate, ab infatigata industria, ab ingenii alacritate, ab animi capacitate, a tenaci memoria, a subtili ingenio, a dicendi facultate, a perspicuitate docendi, a familiari denique consuetudine, socraticis sermonibus madente. Scripta HUBERTI omnia spirant ditissimam iuris sapientiam et accuratam literarum cognitionem. In longum traheretur oratio, si vel praecipua enumerarem, misis etiam illis, quibus lites iusto animosius agitatae fuere. Sufficiat igitur hic vobis paucaduntaxat in memoriam reduxisse, et principi quidem loco libros de *iure civitatis*, quibus disciplina, recenter ab ipso instituta, deinceps etiam ab aliis elaborata, continetur. Hisce subiungo *praelectiones iuris civilis*, nulli commentariorum inferiores, quae, vivente adhuc HUBERO, in foris Belgicis et Germanicis, maxima auctoritate habitae. Non quidem defuere, qui hoc opus Huberianum tironibus literarum cognitione non penitus imbutis, eruditum nimis et obscurum existimaverint. Hoc vero iudicium tantum ab iis proficisci

potuit, qui inculta imperitaque mente ad iurisprudentiam venire turpe non existimaverint. Illi enim, qui antiquitatis et historiae non prorsus imperiti, uberrimum fructum percipient ex HUBERI libris, docte simul et perspicue conscriptis. Disquisitiones enim altioris indaginis, quae literarii potissimum argumenti, in *digressionum* libros retulit, omnibus iuris cultoribus suspiciendos. — Nullo vero opere de popularibus adeo meruit, nec famam suam ad nostra usque tempora gloriosius protraxit, quam elaboratissimo illo, quod de *iurisprudentia hodierna*, in Frisiorum utilitatem, Belgica lingua, composuit, observationum et vigiliarum per triennium fructum mirabilem. Ex opere illo docti pariter et indocti sapere. Plura enim illud exposita continebat, quae caeteroquin illos laterent, quibus latini sermonis ignorantia aditum praecludebat ad ipsum legum sacrarium; plura etiam, quibus eruditi, propter lucidum rerum ordinem et exempla ab usu forensi deprompta, delectabantur. — Dolendum certe est, A. A. tantum iuris sacerdotem, iam ante sexagesimum aetatis annum fate cessisse. Sed suo magis, quam civium suorum, tempore extinctus est, nomine immortalis gavissus, et relictis inter liberos filiis duobus, HERMANNO et ZACHARIA, altero prudentiae paternae, altero eruditionis haerede. — HERMANNUS patris institutione cultuque instructus, nondum emenso studiorum itinere, iam publico senatus academici consulto laudatus est, tanquam literarum ornamentis insignem parentis imaginem referens; dein vero muneribus auctus egregias ingenii dotes in patriae commodum salutariter adhibuit, bonis omnibus magni aestimatus. — ZACHARIAS, patris vestigiis ingressus, primum academiae, dein vero curiae decus exstitit et utramque spartam egregie ornavit. Nec profecto ab ea, qua fuit, antiquitatum et politioris iurisprudentiae peritia, eloquii facilitate, perspicuitate docendi promptaque in respondendo consilii copia, vulgare quidquam sperabatur. Spes etiam ad irritum non cessit. Arguit illud auditorum numerus in celebri illius schola ad bonum publicum formatus. Arguunt praeterea *disertationes iuridicae et philologicae*, aliaque scripta, quibus plura iuris publici privatiue capita e fontibus explicantur, sparsis ubique amoeniorum literarum floribus. Arguunt denique multa illa, quibus iurisprudentiam hodiernam a patre compositam ex eruditionis ubertate locupletavit in magnam civium suorum utilitatem.

En igitur A. A. adumbratam gloriam et HUBERIS et HUBERIS, splendidissimis utrisque iureconsultorum familiis, ab exculpto legum studio quaesi-

tam. En adumbratam caeterorum etiam iureconsultorum praestantiam, quibus Frisia nostra, saeculo decimosextimo, merito superbiebat. Restat adhuc, ut etiam ad illos animum advertamus, qui nostrae aetati viciniore fuerunt.



Si attendamus ad ea, quae, dum professoris munere fungebatur, publice questus est **ULRICUS HUBERUS**, tantam aevi suo in Frisia fuisse doctorum iureconsultorum penuriam, ut antecessores ad academiam patriam e terris longinquis, Gelria, Germania ac Suedia conquirendi et evocandi fuerint; si, inquam, ad illa attendamus, non est profecto, quod Themidi Frisiacae laetam cultorum frequentiam sequenti aetate augurari nobis liceat, et metus nos invadat necesse est, ne ab avito Frisiorum in iurisprudentiam studio turpiter recesserint posterius degeneres. At egregie sefellit augurium A. A.! Forte ad animos iuvenum acrius impellendos, de languenti in Frisiis iurisprudentiae ardore questus est **HUBERUS**, cum tamen ipse suo exemplo suam querimoniam mitigaverit, a filiis prorsus sublatam. Non quidem numerus iureconsultorum, qui saeculo proxime elapso inclaruere, cum illo comparandus est, qui saeculis prioribus floruit. At non inde quis efficiat, in deterius esse mutata Frisiorum ingenia. Etenim quo magis exulta fuit iurisprudentia et ab optimis interpretibus expolita, eo difficiliore certe labore iureconsultis recentioribus ad nominis famam fuit enitendum. Praeterea non defuere tunc temporis inter Frisios iureconsulti, cum optimis quibuscunque vetustioris aevi comparandi, sed non omnes animus est enumerare. Videntes enim taceo, ne laudibus meis ipsorum verecundiae offendatur, nec forte dicentem gratus abripiat animus in illos iureconsultorum nostrorum, quos praeceptores audire mihi contigit, sive populorum fata et Romanam antiquitatem, sive iuris philosophiam explicantes. De solis igitur mortuis dicam, non quidem numero multis, sed auctoritate gravissimis et nominis fama clarissimis.

Initio huius saeculi iurisprudentiae facies, ab ea, quae ante fuerat, diversa non conspicitur. Romanorum leges summis in deliciis habebantur et illarum interpretationem e literis et historia repetebant optimi iuris cultores. Elapsa iam maxima saeculi parte, ius, quod antiquitus in patria viguerat, una cum imperio moribusque veterum Frisiorum investigare viris eruditissimis maxime pla-

euit. Ubi tempus illud ad finem vergebat, ubi civiles discordiae Rempubli-
cam agitabant, ubi de naturali ac publico iure, cum in summis civitatum con-
cesibus, tum in comitiis minoribus, disputabatur, ubi de legibus innovandis
et corrigendis undique fuit conclamatum, ad illa omnia mentem etiam appule-
re, qui caeteris praestabant, iureconfulti, ut iudicium ipsis in promptu esset,
quid patriae civiumque commodis conveniret, quidve repugnaret. — Age
A. A. ad singulos, qui illo saeculo florere, iureconsultos, animum adver-
tamus!

Quam et antea quasi dignissimum eruditionis et iustitiae templum oculis pri-
mum lustravimus, curiam Frisiacam, denuo nobis apertam ingrediamur. Hic
se nobis offert laudatissimus HUBERI aemulus, DOMINICUS HAMERSTER,
Leovardienfis, per annos quadraginta et octo, quod paucis contigit, ordinis
senatorii decus. Hic non tantum consilio, prudentia et eruditione inter mune-
ris socios plurimum valuit multumque iustitiae profuit, sed omnes iurispru-
dentiae cultores opere gratisimo donavit, ad illustranda Frisiae statuta prae-
clare conscripto, unde nova lux foro Frisiaco affulfit. — Huius egregii iu-
reconfulti exemplum postea secutus est SIMON BINKES, Stavriensis, vir in-
defessi laboris et solertis ingenii, qui eadem statuta commentariis ornavit, il-
lud praesertim agens, ut e comparato antiquorum ac recentiorum constitutio-
num argumento in mutatam legislatoris voluntatem inquireret. Nec medio
tempore in ordine amplissimo defuere, quorum nomina prae caeteris memo-
randa sunt. Licet enim per biennium tantum curiam ornaverit, ad alia dein-
de munera vocatus, hic tamen loci non est praetereundus IOANNES VEGI-
LIN à CLAERBERGEN, vir, uti in aliis doctrinis, ita in politioribus literis,
gracis praesertim, maxime versatus, quique in rebus ad aerarium pertinen-
tibus patriae commodis fidelissime prospexit. — Ab ubertate doctrinae ac sub-
tili ingenio nomen adeptus est IANUS DE KEMPENAER, diligens etiam re-
rum Friscarum investigator. — Sui quoque desiderium collegis non leve reli-
quit QUIRINUS BLAVIUS, peritissimus iureconsultus, ne alios excitem, quo-
rum recentior est memoria.

Ad senatoriam quoque dignitatem non quidem in Frisia, at in vicina regio-
ne Groningana evectus fuit iureconsultus excellentissimus, SACO HERMANNUS
AB IDSINGA, Harlinganus. Hic, si quis alius, eleganti doctrina imbutus ad
iurisprudentiam venit, cuius cultor exstitit egregius. Iuvenili adhuc aetate le-

ges Quiritium antiquissimas, regias praesertim et decemvirales, e penu literaria illustrando, ad optimos iuris interpretes referri meruit, et vehementer dolendum est, integrum ad tabulas duodecim commentarium, quem scribere meditabatur, absolutum non fuisse. Postea enim Romani iuris studio nocuisse videntur curae, quas in patrias leges contulit. Etenim in *iure publico foederati Belgii* enarrando operam posuit longam et eruditam, illa tamen non utiliore, quam in iure Romano collocaverat.

Inter illos e iureconsultis, qui tunc temporis honoribus in Republica fulsere, duos tantum memorabo caeteris palmam praeripientes. Alter est ADRIANUS BERGMA, Documanus, amplissimi БУНКЕРШОЕКII gener, qui primum causarum patrocinio feliciter gesto nomen adeptus est ac deinde ad summos dignitatis gradus adscendit. Alter vero GEORGIUS FREDERICUS SCHWARTZENBERGIUS, praetor Menaldumanus et academiae curator, praestantioris doctrinae copiis nutritus, patriae praesertim antiquitatis et patriarum legum diligens fuit et eruditus investigator, uti vel unum testatur, quod molitus est, opus vastissimum, decreta et edicta Frisiae, pretiosissima veteris aevi monumenta, continens. Inceptum tamen laborem ipsi non licuit absolvere, immatura morte praecepto, in magnum patriae, literarum et academiae detrimentum, quibus decus et praesidium fuerat.

Ad illos iam properandum, qui in clarissimo profesorum ordine doctrinarum commodis egregie prospexere. — Qui primo loco nobis occurrunt duumviri, satis admodum diversis usi sunt. Alter enim DOMINICUS BALCKIUS, Leovardiensis, multa florens auditorum corona, a docendi ratione plana et facili laudem assecutus, academiae Frisiacae ultra annos quadraginta profuit et aetate proVectiori vitam deferuit. Alter vero GEORGIUS ARNALDUS, Franekeranus, vix ordini profesorum adscriptus, morte tristissima extinctus est. Iactura ex illo decesu literarum et iurisprudentiae studio allata, nullam accipit aestimationem. Iam aetate tenerrima pueri diligentia abundantem aliquando eruditionis segetem promittebat. Nondum enim annos duodecim natus, HOMERUM et VIRGILIUM, SALLUSTIUM ac THUCYDIDEM, PINDARUM et HORATIUM tenellis manibus versabat et carmina condebat, latina non tantum, sed et graeca, erudita simul et numerosa. Iuvenis literas et historiam felicissimo ingenio et assidua meditatione prosequutus est. Veterum libris acre iudicium adhibuit, ut bona secerneret depravatisque priscum nitorem redona-

ret. Magnifico prorsus apparatu instructus ad iurisprudentiam accesfit, quam brevi temporis spatio sui fecit dominii. Virilem prae se ferunt doctrinam a iuvene conscriptae ac defensae, *de iure fervorum* disputationes, et quidem tantam, ut *lectoris in iure* titulum auctori attulerint. Hoc dum munere splendide fungebatur, *coniecturarum* libros eleganter elaboratos in lucem emisit, quos summo BYNKERSHOEKIO probatos fuisse, praeconii sit loco. Cunctorum votis ARNALDUM ad altiore dignitatem evehi poscentibus mox procerum favor respondit; iam ad ordinem clarissimum vocatus est; iam laeta tenuit omnes expectatio de fructibus aetate virili provocandis ab eo, qui iuvenis maturos obtulerat! At lussit omnes saeva Libitina! Tumulo condita et spes praeceptorum et iuvenum desideria; quique optaverant ARNALDUM audire novum munus feliciter auspicantem, celebratis exsequiis, funebrem defuncti laudationem, a TIBERIO HAMSTERHUSIO, lacrimis admixtis, recitatam, auribus acceperet!

Post ARNALDI aetatem aliquot annis iurisprudentiam in Frisiorum academia docuit ELIAS WIGERI, Wolveganus, vir iuris peritissimus et discipulorum ingenia ad iurisprudentiam usumque forensem conformare aptissimus, qui postquam sat longum tempus erudiendae iuventuti impenderat, fisci procurator factus est eamque dignitatem strenue gessit.

Hisce profesforibus, quibus academia Frisiorum merito gloriata est, duo iungantur alii, licet aetate dispares, quorum alter Leidae iurisprudentiam summa cum laude docuit, alter antiquae literaturae scientia apud Groninganos inclaruit, ambo Leovardienfes, ambo scholae Franequeranae alumni. Primus illorum GERLACUS SCHELTINGA, unus e praestantissimis sui temporis iureconsultis, iam aetate iuvenili docte *de emancipationibus* disseruit, ut omnes, qui illud argumentum tractavere, longo intervallo reliquerit. Variis dein elegantioris argumenti orationibus optimum se praestitit iuris antistitem et loco suo dignissimum. Discipulorum et numero et excellentia floruit, quorum inter primos nuncupandi DIONYSIUS GODEFRIDUS VAN DER KERSSSEL et HERMANNUS CANNEGIETERUS. — Alter, qui aevo seriori floruit, IOANNES RUARDIUS, ab insigni doctrina et ab accurata in erudiendis iuvenum ingeniis arte laudem adeptus, licet in iurisprudentia non mediocriter versatus fuerit et utilem in illam collocaverit operam, publicis etiam lectionibus manifestatam, maiori tamen industria literas antiquas prosequutus est, quarum

venustatem plene perspexit, et maiori ardore Musas coluit, a quibus suavem latini carminis sacundiam acceperat. Gratum mihi foret in dilectissimi praeceptoris memoriam excurrere! Sed iam ad finem perducenda oratio.

Uti aetas superior totas quasi iureconsultorum familias tulit, ita et sacculum illud, in quo nunc moramur, merito sese extollit patre filiisque duobus, qui, nescio an non unico exemplo, omnes, praeter alias, Frisiacam etiam academiam ornare. — Quem vicina Harlinga nascentem vidit, IACOBUS VOORDA, an una cum filiis, BAVIO, Franequerano, et IOANNE HENRICO, Traiectino, praestantissimis iureconsultis sit annumerandus, nulla est inter eruditos controversia. IACOBUM quod attinet, huius praestantia rara certe ac singularis dicenda est, quippe cuius scripta ita sunt comparata, ut, si indocta grex rabularum excipiat, omnes iuris Romani cultores eosque diversissimos alliciant. Sunt enim inter illos, quibus ante omnia cordi est, ex ipsis iuris fontibus pura semper et limpida haurire, nullo squalore turbida. Hisce quam maxime placeant necesse est, *interpretationes et emendationes* a IACOBO VOORDA, summo ingenio et eleganti eruditione propositae, quibus multa iuris loca a vitiis purgantur. Alii de verbis legum minus solliciti, eo potius iuvantur, quod illarum argumentum ordine idoneo proponatur, quodque iuris doctrina ab iniectis dubitationibus vindicetur. *Hi quemnam iuris interpretem nostro potiore inventuri sint, prorsus nescio, cuius commentario ad legem Falcidiam*, pulcherrimo historicae interpretationis exemplo, novas illustrandi iudicandique vias aperiente, nil potest haberi doctius et evidentius; in cuius *electis* difficiliora quaedam explanantur praetorum edicta plurimaeque enodantur iuris quaestionis summa intelligentis iudicii subtilitate. Alii denique neo iuris fontes curant, nec legum interpretationem, nisi ad usum adhibeantur et illos iuris doctores caeteris praestare existimant, qui doctrinam adhibeant ad negotia in foro gerenda. His etiam noster abunde satisfacit, uti arguunt *differentiae iuris Romani et Belgici*, quibus scriptis et praelectionibus frequenter illustratis maxime inclaruit. — E tanto iureconsulto, sagaci, erudito, longi stupendique laboris nunquam pertaeso, qui geniti sunt filii, laetissimam paternae sapientiae haereditatem novis semper opibus auxere. — IOANNEM HENRICUM, dignum Romani iuris antistitem et Belgici iuris peritiam patre non minorem, utpote Traiecti, non autem in Frisia natum, ex instituti mei ratione, silentio praeterire me oporteret. Non vero praetereo, cum ipse

parentibus Frisiis sit editus, academiam etiam Frisiacam suo eruditionis lumine illustraverit et e supellectile sua literaria, quae pretiosissima putabat, supremo iudicium in Frisia collegio, moriens reliquerit. — BAVIUS denique, patris etiam disciplina formatus, a primis annis elegantiorum literarum dulcedine captus est et germano Latinae poeseos sensu imbutus. Nec ipse aetate iuvenili fundendi carminis ardorem cohibuit, sed mentem studiis severioribus lassatam eo refecit. Licet postea lyra obmutuerit, per omnem tamen vitam non defuit Musis simul et Themidi litare. Imo aetate iam provectori, diem non facile abire patiebatur, cuius non quantulamcunque partem VIRGILIO, HORATIO aliive poetae praestantiori dicaret. In Themidos autem cultu sacerdos existit cum paucis comparandus, in omni parte humanitatis perfectissimus. Quae fuerit eruditionis amplitudo, quae dicendi perspicuitas et elegantia testantur orationes, quibus honores vel adiit vel iisdem sese abdicavit, argumentorum gravitate commendabiles; testantur libri, quibus ius Romanum et patrium ornavit, cumulatae eruditionis divitiis referti. An disputationem *de vadimonio* memorem aetati iuvenili conscriptam, doctam simul et modestam, an vero notas paucas quidem at bonae frugis plenissimas, IANI à COSTAE *praelectionibus* adiectas? An laudabo *theses controversas*, quibus se iureconsultum probavit magni SCHULTINGII aemulum? An denique PHILIPPI Regis placita de publica criminum vindicta, quae edidit, ad examen vocavit et notis illustravit omnibus utilissimis, quibus antea in Hollandia mandatum erat in delictorum auctores animadvertere. Omnia illa scripta consummatissimum iureconsultum arguunt, ad illustrandam legum doctrinam formatum, pariterque ad usum forensem, abdita etiam disciplinae suae loca egregie perscrutatum, dignum non tantum, qui vivus a IOANNE LUZACIO, summo viro, laudaretur, sed cuius mortui memoria a claro iuris antistite celebraretur. — Haec omnia si consideremus, A. A. si praeterea discipulorum, quibus singuli hi e gente Voordana triumviri gloriati fuere, et numerum spectemus et praestantiam, nonne dandus est ipsis inter patrios iureconsultos excelsus illustrisque locus?

Qui ultimo loco e Frisiis iureconsultis mea praeconia meretur, licet nullam academiam frequentaverit, nec laurea, doctarum frontium praemio, ornatus inceserit, ultimus tamen non est habendus, nec doctrina, nec ingenio. Plerisque vestrum cognitus fuit iureconsultus ille plane singularis, honorificum

a sapientia cognomen assecutus, PETRUS WIERDSMA, Leovardienfis, et certe vobis omnibus dignus habetur, qui celebri doctorum virorum agmini adiungatur. Puerili aetate in publicis urbis natalis scholis literas latinas didicit et a GEORGIO HIDDEMA, magni nominis causarum patrono, prima iurisprudentiae elementa accepit, ut aliquando causas apud iudices urbanos ageret et tabellionis officio fungeretur. Quisque fictus de luto vulgari, non aliis auxiliis adiutus, nec alio eruditionis genere instructus, consenuisset in obscuro et mortui fama, una cum corpore exanimi, sepulcro condita posteros latuisset. Non ita noster, qui fervidum et insatiabilem doctrinarum ardorem pectore fovit, quique lumen menti non aliunde allatum, ad suum ipsius ingenium accendit. Ad veram et accuratam iuris scientiam adspiravit, utque eo perveniret, ante omnia ad linguae latinae peritiam enifus est, quae aditum ad ipsos iuris fontes et optimorum interpretum libros patefaceret. Nec inutilem operam navavit, sed tanta literarum illarum cognitione comparata, ut TERENTIUM ac CICERONEM cum voluptate legeret, ad iuris studium se totum accinxit; et iuncta acri iudicio ac memoriae fallere nesciae indefessa diligentia, tantum in iurisprudencia profecit, ut in quibuscunque causis prompto ac parato respondendi consilio uteretur. Imo tantam nominis famam consecutus est, ut, si inter nostrates de causa difficiliore dubitatio esset exorta, non omnem iste curam adhibuisse videretur, cui non compertum esset, quid noster ille de ea sentiret. At iuris doctrina ita plene perspecta, industriae suae terminum non posuit. Iuris enim, quod cognitum habebat, fundamentum et originem investigare voluit e philosophia et historia repetendam. Ut vero hac parte recte saperet, nec libros linguis recentioribus, Gallica, Anglica et Germanica, scriptos igneraret, hisce omnibus operam dare non detrectavit, nec in antiquorum Frisionum, Saxonum, aliarumve gentium septentrionalium sermonem inquirere poenituit. Ingenio ita literarum divitiis locupletato, antiquitatem perlustravit rerumque gestarum memoriam et praeterea philosophorum de iure et legibus cogitata, plerisque tunc temporis iureconsultis neglecta, animo prudenter infixit. Uberrimos autem utilitatis fructus ex utroque studio, cum historico, tum philosophico percepit, uti testantur et libri, quos edidit, et labores, quos in privatorum et patriae commodum sustinuit. — Misum facio libellum *de iure suffragii in Frisia* scriptum, licet is summam in auctore peritiam probet, et hic tantum laudabo antiquas Frisio-

nam leges, quas, sociato labore cum PETRO BRANDSMA, curiae Frisiacae senatore doctissimo, accuratius, quam antea factum, in publicum emisit et notis illustravit aequalem in auctoribus et mentis sagacitatem et antiquitatis peritiam arguentibus. — E libris philosophorum assidue lectis et mente volutis, factum est, ut in iure publico plurimum valuerit et, procellarum civilium tempore, saepius de gravissimis iuris illius quaestionibus felicissimo successu responderit. — Ex utroque et historiae et philosophiae studio legum ferendarum scientiam acquisivit omnino suspiciendam. Ex Anglis BLACKSTONIUM et HARRISIUM, e Gallis MONTESQUIEVIUM et DAGESSAVIUM, ex Italis FILANGIERIUM, familiares habebat et ab his aliisque didicerat, quibus legibus peregrinae gentes regerentur, quarum constitutiones cum patriis comparabat. — Ubi mutata fuit in fine saeculi proxime elapsi Reipublicae facies, de legibus cogitatum est iisdem universae civitati scribendis. Poenas etiam militibus propter delicta infligendas in codicem referri placuit et ad nostrum WIERDSMA, utpote et legum et rei militaris peritissimum, ventum est, ut laboris illius perficiendi auctor fieret. Hic, licet illorum partibus non faveret, quorum manu tunc temporis Respublica gubernabatur, ideo tamen, quia praesens civitatis status ipsi displicebat, operam in patriae utilitatem impendere non denegavit, sed provinciam sibi delatam lubens suscepit, susceptam autem, novistis A. A. carceri mancipatus consummavit. Imo, (aegre posterius fidem adiungent), tanta fuit illorum temporum infelicitas, ut vir nullius criminis sibi conscius, nulla culpa pallescens, in carcerem fuerit coniectus; nisi pro culpa et crimine sit habenda ingenii et eruditionis excellentia! Legum vero codice, ita in carcere absoluto, postea in supremis Reipublicae comitiis sancito, sapientissimis quibusque probato, per decennium usi sunt nostrates, donec una cum aliis Belgarum legibus, ab advenis peregrinis reiectus est. — Non vero hoc uno labore noster WIERDSMA patriam sibi devinxit, sed ubi legum civilium codicem in Batavorum usum conscribere publici fuit consilii, rogatus est noster, ut in laboris difficillimi societatem veniret. Venit autem et diligentia pariter ac sagacitate egregiam collegarum laudem meruit. Quae ad ius haereditarium pertinent, quae ad nuptiarum ritus, ipse sollicitè pertractavit et in ordinem redegit. Ad alia gravissima iuris capita, tutelas scilicet et obligationes, assecurationes etiam et ius cambiale, quod vocatur, a muneris sociis elaborata, suas observationes in medium pro-

tulit; ingenio suo certe non indignas. Licet quidem successibus caruerit labor a viris doctissimis impensus et postea legum codex latus sit magis ad Gallici codicis modum conformatus, debita tamen laude non destituantur nobilissimi illi iureconsulti, qui bene de patria merendi studium rebus ipsis et factis probaverunt. — Post tot operas publicae utilitati dicatas, ad summos in civitate honores summo iure noster adscendit, donec annis saturatus, dignitatibus auctus et bonis omnibus magni aestimatus, e vita decessit. Suo autem exemplo, si quis alius, confirmavit, quid valeat labor indefessus, suoque exemplo viam monstravit, qua immortalem nominis famam mortalis consequatur.

Ecce, Populares, quae de nostris iureconsultis dicenda habui, felix omnino praedicandus, si mea oratio viventes ad laudis aemulationem impulerit et ferventem patriae amorem in pectore excitaverit! TULLII verbis, leviter inflexis, iam finem orationi impono: „Si nos, id quod maxime debet, nostra „patria delectat, cuius rei tanta est vis ac tanta natura, ut *Ithacam illam*, „in asperissimis saxulis, tanquam nidulum, affixam, sapientissimus vir immortalitati anteponeret: quo tandem amore inflammati esse debemus in eiusmodi „patriam, quae domus est virtutis, iustitiae, dignitatis!”



Transeo iam ad illa, quae restant, muneris officia et breviter dicam, quid nostro Athenaeo, me rectore, contigerit faustum vel adversum. — Neminem e curatoribus, e professoribus neminem fatis functum lugemus. Locum tamen in utroque ordine, solenni hocce die, vacuum adspicimus, alterum **CORADIO** occupandum, **ALLARDIO** alterum, si omnia e nostris votis cessassent! — At licet neminem e nostris morte sublatum deploremus, uni tamen e collegiis alio migranti tristes valediximus. **HENGELIO**, scilicet Amstelædamum profecto, imminuta fuit nostri collegii dignitas. Varia enim et eleganti eruditione florebat; lectionibus theologicis et philosophicis de iuventute doctrinarum studiose praeclare meruerat; sacris orationibus recitatis, omnes, quotquot religionem amabant, sibi maxime devinxerat; collegis denique suis perquam erat gratus propter animi candorem et mentis benevolentiam, semper eandem. — Quo vero minus nostrum **HENGELIUM** desideremus fecit Clarissimi **AMERS-BOORDTII** adventus, cui de munere modo feliciter auspicato ex animo gratulor.

Quod iuvenes attinet, Athenaei alumnos, numerum illorum auctum fuisse laetamur, ut iam ultra triginta excurrat. Plerique illorum se morum honestate et urbanitate commendant. Diligentiam adhibuere multum laudabilem, imo nonnulli praeclaram, aliis omnibus imitandam.

Grata fuit Athenaeo, grata praeceptoribus reportata a duobus e nostris in publico certamine victoria. — Alter illorum FRANCISCUS BINKES, iam antea praemium literarium apud Groninganos consecutus, nunc a Leidenfi iureconsultorum ordine victor denuo declaratus est, exposita doctrina, quae in CICERONIS libris *de officiis* continetur. Sit ipsi novus ille honor incitamenti loco, ne de via decedat, quam hactenus ivit, ad veram et accuratam eruditionem ducente. — Alter vero PETRUS CAMPERUS praemium literarium in eodem apud Leidenses certamine meruit, disputatione conscripta *de IUSTI VONDELII, poetae tragici, virtutibus*. Ipsi iam Traiectam profecto de honore coram gratulari nequeo; gratulor igitur patri, de filii successu iuste laetato.

Haec de fatis Athenaei sufficerent, nisi iter a Rege Augustissimo in Frisiam factum commemorandum superesfet. Etenim ubi de adventu Regis in urbem Leovardiam constitit, statim salutatum ivimus, illustrem et eximium artium ac disciplinarum fautorem patronumque. Postridie Rex Franequeram venit, in magnam civium laetitiam. Hic, comitante filio, Belgii principe serenissimo, comitante illustrissimo Frisiae gubernatore, comitantibus aliis viris dignitate et munerum splendore conspicuis, comitantibus gravissimis curatoribus et magistratibus urbanis, nostrum Athenaeum invisit. Profesores ipsum denuo salutantes humanissime excepit, uti et delegatos ex Athenaei alumnis, omnium nomine gratulantes. Plura deinde, quae ad Athenaeum pertinent, Bibliothecam, locum disciplinae physicae instruendae recenter accommodatum, hortum aliaque Rex perlustravit, mox alio profectus. Regis comitatem omnes laudavimus omnesque speramus, fore ut ex honorifica illius praesentia nova felicitatis incrementa Athenaeo accedant!



Id unum nunc superest, ut te, clarissime collega, sicco ens, Medicinae

doctor et profesor, in annum sequentem rectorem designatum, publice renuntiem; te igitur rogo, ut huc iam accedas.

Salve, rector magnifice! Trado tibi, antea mihi tradita, prisca rectoris insignia. Trado tibi album Athenaei, cara praeceptoribus iuvenum nomina complexum. Annus sit tibi faustus ac felix. Tuos nostrosque conatus publico bono esse iubeat Deus Optimus Maximus!

IACOBI AMERSFOORDT
O R A T I O

DE

RELIGIONIS CHRISTIANAE
POPULARITATE,

PUBLICE HABITA

IN ATHENAEO FRISIACO.

Die VII Octobris, A. MDCCCXVIII.

QUUM THEOLOGIAE PROFESSIONEM
SOLENNITER AUSPICARETUR.

GENEROSISSIME ET AMPLISSIME FRISIAE GUBERNATOR.

ATHENAEI FRISIACI CURATORES, VIRI PERILLUSTRES AC NOBILISSIMI.

ATHENAEI MAGNIFICE RECTOR.

PROFESSOR HONORARIE, ET CETERI QUARUMVIS DISCIPLINARUM PROFESSORES, VIRI CELEBERIMI.

DIVERSORUM CHRISTIANAE ECCLESIAE COETUUM SACERDOTES ADMODUM REVERENDI.

ARTIUM LITERARUMQUE DOCTORES CONSULTISSIMI.

QUICUNQUE PRAETEREA SIVE MUNERUM DIGNITATE, SIVE AMORE DOCTRINAE, INSIGNES, AD HAEC SOLENNIA CELEBRANDA CONVENISTIS, OMNIUM ORDINUM AUDITORES HUMANISSIMI. VOS DENIQUE PRAESTANTISSIMI IUVENES, HUIUS ATHENAEI ALUMNI EXOPTATISSIMI.

Quum nuper, in Harderovicenâ Orientalium Literarum Professione auspiciandâ (1), his praecipue reliquam aetatem consecrarem, non putavi fore ut,

(1) *Oratione de Studio Literarum Arabicarum, variis post renascentiam in Europa doctrinam aetatibus, identidem variato, habitâ et editâ Harderovici Ao. 1816.*

nondum exacto triennio, primarii studii mei ab illâ disciplinâ ad alteram convertendi necessitas incideret. Neque adeo illud, quod in accipiendâ huius novi muneris conditione significavi, hic repetere alienum est, maluisse me, quibus literis tunc me vovi, iisdem porro potiore operam navare. Quod non ita dico, quasi in Theologiae disciplinâ minus aut gravitatis aut iucunditatis, quam in alâ quâlibet, inesse existimem; aut quasi eius me poeniteat pigrae studii, quodcumque vel antea in sanctissimâ disciplinâ posuerim, vel iam porro ponendum muneri ex Optimi Regis decreto mandati rationes iubeant. Verum pauciores in hoc Belgio cultores flagitare suos videntur Musae Orientales, ipsarum cultum ne deferamus, aut leviter obeamus. Cui licet, a meâ tenuitate accedere dignitatis parum posse, equidem confitear, suis tamen frustrari se vel paucioribus in hoc Belgio templis et aris, aegre ferunt Orientales Musae. Quae nisi antea in his quoque minoribus sacrariis fidos sacerdotes tutari potuissent; profecto neque antiquiorum temporum fama Frisios Gelrosque nobilitasset, neque medio superiori seculo, cum suae ipse industriae laudibus, tum laeto discipulorum proventu, inclaruisset vir harum literarum quam vehementi amore flagrans, tam singulari peritiâ excellens, **EV. SCHEIDIVS** apud Harderovicenos: et vero hoc in Frisiaco sacrario eâdem aetate **MANGERUS** et **VERSCHUIRIVS**, denique **GRÆVEUS**, antiquae Batavorum (2) in Orientalibus literis gloriae apud cives et externos conferendae opportunitate caruissent. Atque etiam illud repeto, meam doctrinae inopiam cum talium decussum praestantiâ comparari plane non posse; tamen inter nostrates nec defunt hodieque, et optamus ut porro supersint, alii certe florentes aetate, qui tantae laudis Batavis perpetuandae nisi opportunitate, certe facultate et voluntate, gaudeant. Imo ne in longiorem de peculiari, quod **OO. Musae** apud nostrates hac aetate imprimis desiderant, patrocinio sermonem delabar, age potius, ne quid, vel uno nomine, paternae avitaeque honestissimarum artium famae detrimenti accedat, ab Optimi

(2) De quâ nostratibus, literarum et studiosis adolescentibus, et fautoribus viris, legendae omnino commendari debent Orationes binae; altera *de Studio Belgarum in literis Arabicis excukendis*, Leidae Ao. 1779. ab **HENR. ALB. SCHULTENSIO** habita; altera a **IO. WILLMETO** Amstelodami A. 1804. *de retinendâ antiquâ Batavorum in literis Orient. gloria*.

Regis, et Maecenatium, munificentia et in patriam ac literas amore, ut pro-
videant, expectemus: me pergere iam oportet ad novam Professionem in Fra-
nequerano Athenaco rite adeundam.

Sed haec ipsa Musarum sedes, in qua doctor ego iam prodeo, cum ma-
xime memoriam luctumque mihi renovat dilectissimi, qui in eadem nuper dis-
cipulus fuit, Fratris mei. Etenim ad hanc urbem dum accedo, dum hanc et
literarum studio et flore aetatis ornatissimam adolescentium coronam adspicio,
quomodo non continuo suaviter meminerim Guilielmi Cornelii fratris, simili et
literarum amore ardentis, et sanitatis robore vigentis, quum ante aliquot an-
nos Franequeram accederet, atque haud levi Graecarum aliarumque politio-
rum literarum cognitione tincti, quum hinc Leidam discederet; et vero ad
luctum quomodo non continuo revocer eiusdem, ob felicitis ingenii et candidi
pectoris notam non paucis cari, studiorum curriculo iam rite defuncti, ac
Medicam artem vixdum exercentis, quum superiori anno fatalis morbi vehe-
mentissimus impetus intra paucos dies iuvenem exstingueret, et acerbo carissi-
mi capitis desiderio me affligeret. Cuiusmodi luctus mentionem, quamquam,
AA., ab hoc laeto et solenni die abhorreere, fateor; tamen huc ego iam ac-
cedens, nisi debitam Fraternalis Manibus memoriam sacrarem, sane frater ius-
tissimam erga tam amabilem fratrem pietate carerem.

Et vero coelestis illa disciplina, cuius tradendae munus hic iam aditurus
sum, talem luctum prorsus mente comprimere a nobis minime postulat, sed il-
lud multo magis admonet, ut, dolori parumper indulgentes, simul ab ipsis
praeceptis efficacissima doloris remedia et studio diligenti repetamus, et grato
animo accipiamus. Est haec vera huius disciplinae laus, quod humani, dum-
modo honesti, nihil alienum a se putare hominibus concedit. Quam sane in-
signem religionis Christianae ad moderandum dolorem efficaciam, atque omni-
no eiusdem ad varios et vitae casus, et hominum ordines, praeclare accom-
modatam indolem quum reputarem, magis etiam, AA., me quidem allexit,
nec vobis, spero, displicebit, argumentum, quod olim rudi penicillo adum-
bratum si iam paulo diligentius elaborarem, huic publico sermoni haud ineptum
fore putavi. Quippe dicere constitui *de Religionis Christianae Popu-
laritate*. Quod argumentum quum nec a novo munere alienum, nec animis
vestris ingratum esse possit, ut auditionem sibi conciliare videatur; vestram,

HH. AA. expetere liceat indulgentiam, si orationis meae tenuitatem longe infra argumenti dignitatem subfidere consueritis.

Ordiamur ab eo, ut quid sit religio declaremus, quid sit in eâ popolare (5). Ac religionem quidem nos iam univérse vocamus notitiam studiumque rerum divinarum officiorumque consequentium, cum sensu efficacitatis, quae sit in utrisque, ad summi boni adeptionem: sive aliis verbis, religionis nomine volumus illud, quo continetur, quidquid ad bene beateque vivendi artem homini intelligendum, agendum, expectandum est. Huius quum inter alias gentes alia sit forma, nunc loquimur de illâ, quam *ixsus* eiusque Apostoli olim tradiderunt, horumque scriptis consignatam posteritati reliquerunt, nondum ullo exornatam Theologiae artificio, cuius quidem abstrusioris studii et commentationis vim, et momentum, ad eruditionis copiam et subtilitatem quamvis magnum esse statuamus, interiori tamen rationem atque amplitudinem a religionis popularis naturâ nos nunc seiungere oportet. Populus nec solâ rudi et profanâ plebe continetur, nec tantummodo excellentibus sive animi integritate, sive ingenio atque eruditione hominibus, munerumve splendore aut opum affluentia fortunatis viris: verum praecipuam partem habet homines mediocri fortunâ; ingenio nec hebetes nec acerrimos; liberalis institutionis auxilio nec omni adeo destitutos, quin aliquid etiam supra vulgus sapere atque efficere possint, nec tanto adiutos, quin multarum rerum sciendarum gerendarumve facultatem aliis relinquere debeant; virtutis ac religionis nec perfectos cultores, nec impios contemtores. — *Popularis* igitur *religio* nobis est ea, quae ad huius, qualem descripsimus, populi rationes sit accommodata. Quare hoc nomen illa religio maxime tuebitur, quâ omnis rerum ad

(3) *Popularitatis* nomen Romani saepe deteriori quodam sensu, subinde tamen meliori usurparunt, veluti CICERO se „consulem veritate, non ostentatione, popularem” vocavit, in Orat. I. de lege Agrar. Cap. 7, et in Or. II, 3 et 4. Cf. item Offic. II. 10. ubi „Popularibus, inquit, verbis est „agendum, et usitatis, cum loquimur de opinione populari.”

pietatis cultum fructumque *intelligendarum, agendarum, expectandarum*; ratio aptissime contineatur, et *hominibus, quales plerique sunt*, certissime persuadeatur; siue quae maxime sit opportuna ingeniis ad intelligendi facilitatem, grata animis ad tolerantiam opinionum et actionum in vitâ multarum, denique fructuosa cultoribus ad perpetuitatem et perfectionem virtutis et felicitatis. Neque enim populo accommodata religio dici meretur, quae tantum in contemplando versatur, aut summi boni obtinendi inanem modo vel incertam spem facit, ad ipsum fontem vitae beatae non perducit. Quas dotes religio optima ita coniungat, ut neque displiceat cultissimis arte vel ingenio hominibus aut aetatibus, neque supra rudiorum ac tenuiorum captum sensumque se nimis extollat. Hanc laudem popularitatis religioni Christianae tribuimus absolutam: non, quin huius laudis pars aliqua communicari possit cum aliis item cultûs divini formis; verum quum ex ceteris sit alia aliâ magis vel simplex, vel grata, vel salutaris, hoc potissimum contendo, in religione Christianâ has dotes et coniunctim exstare, et perfectas atque absolutas. Quod si igitur *IESUS* et Apostolos disciplinâ suâ illud et egisse, et perfecisse, probavero, ut religionem populo traderent doctrinae argumento *simplicem ac perspicuam*, praeceptorum observantiâ *gratam*, effectibus *salutarem*; ex hac sermonis distributione facilis, opinor, efficietur conclusio, summam esse hoc triplici nomine religionis Christianae popularitatem.

Ac primo quidem quod ad simplicitatem doctrinae attinet, numquid magis *perspicuum* hoc in genere reperiri potest, quam illae de Dei hominumque naturâ notiones universales, quas *IESUS* et Apostoli partim secuti sunt antiquas, partim ipsi tradiderunt adhuc ignotas, utrasque in luce collocarunt suâ auctoritate confirmatas? Notiones, inquam, universales, quâtenus illi praecipuis rerum ipsarum momentis se continebant, nec ad interiorum modi, quo singula fiant, declarandi subtilitatem contendebant. Nempe Deum esse tradiderunt invisibilem, universae rerum naturae creatorem, eiusdemque gubernatorem potentissimum, sapientissimum, iustissimum, benivolentissimum: inprimis quoque hanc Providentiam illius perpetuo vigere in regendo momento rerum humanarum; quarum hic futurus sit exitus, ut, quidquid in hoc orbe terra-

rum eveniat, tandem aliquando bonis bene, malis male sit. Neque enim huius vitae finibus naturam humanam coerceri, sed mortem corporis esse quasi transitum ad alteram vitam, quin ad ipsam immortalitatem. Ut porro dicamus de studio virtutis, quam disciplinae partem omnium maxime urgebant primi illi Christianae religionis magistri, profecto nihil magis omnium intelligentiae apertum est, quam id quod huius religionis auctores crebro docuerunt, animi integritatem morumque sanctitatem, cuius fons sit amor erga Deum et homines, unice ac perpetuo in omni vitâ sectandam esse: quidquid enim commodi externarumve rerum ab honestatis amore avocet, illud prae veri rectique studio omitti ac sperni oportere. Vehementer ab hoc studio dudum descivisse, eoque cum maxime revocandos esse, homines et singulos et universos: Quippe hanc unam viam patere ad favorem Dei obtinendum. Huius autem unius usu sensuque favoris summum bonum absolvi nobis et cumulari. — Rerum sublimium, esto Auditores! illae sunt notiones. Videantur fortasse, imo si ad interioris scientiae rationem enucleate pertractentur, ac disserendi acumine a cupidis dubitatorum reprehensionibus vindicentur, sint earum nonnullae, populi captu maiores: verum non sunt, modo nude, nec nisi ad fidem habendam, propositae, argumentisque invictis comprobatae a doctore divino. Nam sicut hac ipsâ, quâ nihil clarius est, meridianâ luce secure ac modice fruendo intenditur oculorum usus; contra, acrius vel inclinantem solem intuendo hebescent oculi; ita vel simplicissimas notiones, quis ignorat, subinde involutas deprehendi, si quis forte, ad ingenii ostentationem, abstrusissima quaeque earum principia et fundamenta explorare se posse profitetur? Nec tamen huius causae, quâ cum luxuriantibus ingeniis, prorsus distinctilis est altera, quâ cum ipsis res agitur religionis adversariis; unde ad revincendam opinionum fallaciam, ac disceptandi argutias retundendas, aliquando necessitas incidit, illa prima notionum earum flamina subtilius detexendi: quo tamen sit, ut sensim aliquid evanescat ex earum nativâ illâ, vel luce atque evidentia, vel probabilitate ac pulchritudine, quâ candidis, atque unius veri rectique appetentibus, animis sponte sese approbent. Enimvero integros ab illo nimio abditas principiorum sedes, quae penitus a nobis introspici nolunt, pervestigandi studio animos, integra ipsa coelestis doctrina alliciet mitiori luce suâ, atque in amore sui detinebit. Eodemque nomine haud minorem in eâdem sublimitate simplicitatem tribuimus reliquis ipsius religionis Christianae doc-

trinis. — Quamvis enim abdita sit ipsorum confiliorum operumque divinatorum intelligentia, arduaue rerum futurarum indagatio, haec tamen IESU et Apostolis adeo non obfuit, ut, modo nil requiras ultra horum perspicuam de rebus gravissimis admonitionem, modo reputes, non de inveniendis quibusdam iudicandisve humano ingenio opinionibus, sed hic unice agi de accipiendis a Deo oraculis, iam nihil simplicius intellectuque facilius reperiatur eo, quod hi docuerunt; Deum, Patris instar clementissimi, hominibus, etiam vitiosisfimis, modo IESU Filio suo fidem habentibus, summum favorem impertiri, veniamque gratiose concedere peccatorum, quin iis ad animi emendationem sui ipsum Spiritûs auxilio adesse; preces integro pectore fufas placide exaudire; sapienter omnibus, quae cuique maxime profint, dispensare; cultoribus sui amantibus omnia in melius convertere: haec tanta bona deberi IESU CHRISTO, Dei Filio dilectissimo: quem unicae erga Patrem obedientiae, unici erga homines beneficii, quasi praemium accepisse Dominium Ecclesiae: eiusdem in vitam reditu certum nobis quasi pignus datum esse alterius vitae, quam piis sui cultoribus Deus reservat, immortalem illam ac beatam, quamque illis in hunc orbem redux aliquando adsignabit ipse Ecclesiae Dominus, idemque Iudex gloriosus. — Atque hae fere sunt religionis doctrinae, quas IESUS et Apostoli tradiderunt. At quis unquam religionis doctor tantarum rerum tam certam facilemque notitiam praebeuit? Notiones illarum, si modo ex ipsis Auctoribus cognoscantur, quamvis universales, tamen tam clarae sunt, tantâque commendantur evidentiâ, ut facillime se in mentem memoriamque insinuent; nec ulla cuiuslibet doctrinae praecepta maiorem, a perspicuitate atque insitâ quâdam verisimilitudinis notâ, popularitatem attulerint rebus multo gravissimis.

Quodsi attendimus ad instituendi genus viamque docendi, quam IESUS et Apostoli secuti sunt, omnino magis popularem religionis disciplinam nulla aetas habuit. Neque enim aut, tamquam sacerdotes, sectatores paucos initiabant, reliquos rituum tantummodo et cerimoniarum speciosâ pompâ fascinant; aut, tamquam philosophi, decreta sua in scholis tantum enunciabant, eademque longâ demum subtilium argumentationum serie demonstrabant: verum et publice hominibus, etiam maxime rudibus et profanis, genere sermonis valde perspicuo, religionis naturam explicabant; et privatim in domos intrabant; ad captum quorumlibet se accommodabant; a veteribus receptisque sententiis

ſenſim ad novas et gravioreſ pergebant; modo e ſenſûs communis et quotidianae vitae notionibus, modo ex veteri cuiusque religione, comparationes ad illuſtrandum, argumenta ad probandum, petebant; omnino planâ et facili viâ diſcipulos ad cognoscendam religionem quaſi manu ducebant. Quaecumque Apoſtoli ſcripto conſignabant, non compositis ex arte diſputationibus vel declamationibus, ſed pleraque ſere continebantur ſtill rudioris narrationibus, vel epiſtolis. Et vero in ſacro horum librorum volumine fideliter cuſtodita omnibus illa religio penitus cognoscenda patet, unde in toto Chriſtiano terrarum orbe inſignis illa opportunitas hodieque manet, et per omne aevum manebit, ut quivis unus etiam de populo ex facili promptâque illius voluminis lectione idoneam religionis notitiam percipere poſſit, non ut eam moleſtis ac longinquis demum itineribus ſibi comparare, aut ex arcanâ quâdam ſacerdotum inſtitutione elicere debeat. Ipſi IESUS et Apoſtoli tantum abeſt, ut ad exter-
narum rerum ſplendorem, vel eruditionis apparatus, inſtituti eſſent, ut multo magis, quamquam non e ſervili conditione prodeuntes, tamen in medio, in inferiori quodam, civium ordine nati, unam ſimpliciore naturam, patriorumque ſacrorum conſuetudinem ſequi didiciſſent. Unus poſtea PAULUS doctior fuit, quum ad Apoſtolorum numerum accederet. — Praeterea ad comprobandas doctrinae partes eas, quarum fundamenta in interiori rerum divinarum ſcientiâ latent, artiſcioſâ illâ demonſtrandi palaeſtrâ hiſ doctoribus non opus erat, ſiquidem ad fidem habendam auditores facile acquieſcebant in doctorum auctoritate divi-
nâ: cuius non illi quidem vindicias repetebant a verifiſimilitudine ratiocinando partâ, ſed firmiſſimam perſuaſionem animis inſillabant evidentisſimorum copiâ miraculorum.

Huius igitur doctrinae, ſive ipſum argumentum ſpectes, ſive eiſdem viam tradendae, ſive modum comprobandae, nullam prorſus a diſcipulis magiſtri requirebant interiorem rerum corporearum vel intelligibilium ſcientiam; contra ad docendum facile acquieſcebant in ſenſu auditorum cuiusque communi, ad perſuadendum unum poſtulabant animum veri ſtudioſum. Itaque hominibus nimiâ praeiudicatarum opinionum vi liberis, virtutiſque amantibus, facile cauſam probabant, eoſque religionis ſuae cum intelligentiâ, tum amore imbuebant. Et dubitabimus adhuc huius religionis praedicare popularitatem? Etenim ratione habitâ ſive argumenti, ſive inſtitutionis, ſive demonſtrationis,

maxima ubique apparet doctrinae perspicuitas, atque intelligentiae facilitas: Iure igitur religionis Christianae cum veneramur maiestatem, tum admiramur simplicitatem.

Pergimus ad alterum huius causae momentum. Nempe *grata* popularis religio animis sit necesse est, facilitate observandorum eius praeceptorum, quae valeat ad tolerantiam rerum in vitâ multarum. Harum autem est genus fere duplex, quarum alterum continetur opinionibus, alterum actionibus. In utroque religio Christiana, si veram eius indolem perspexeris, facilem se praebet. Quod tamen non ita se habet, ac si moribus vel erroribus vere noxiis faveat eius lenitas. Imo valeant religiones religionumque doctores, quorum per turpem ac temerariam indulgentiam ipsius cultûs divini perit indoles, cultoresque aberrant a proposito fine summi boni. Contra IESUS et Apostoli, ut erant unius veri amantes, moribusque ac vitâ sanctissimi, unice studuerunt reprimendis erroribus vitiisque castigandis. At vero iidem mitissimo fuerunt et ingenio ad ferendam opinionum disensionem, et animo ad tolerandam morum atque institutorum diversitatem. — Cuius rei iam illud continuo documentum habemus, quod, salvo tamen ubique veri et honesti studio, frequenter in disciplinâ ac vitâ se accommodabant ad communem cogitandi, vivendique rationem civium suorum, et sublimiorum rerum notiones, priusquam aperte proferrent ac declararent, popularibus coloribus vestiebant, ac velut in transitu ostendebant, quo minus illae continuo insuetos offenderent, leniusque sese in animos insinuarent. Exempla si requiris, cogita, quomodo de futuris piorum praemiis locuti sint. Veluti in ipso sermonis montani exordio (4) ipsae virtutes, quod caput novae religionis erat, diserte commendabantur illae, quae vitiis et erroribus illâ aetate inter Iudaeos vigentibus plane repugnabant, ita ut, quoad virtutis indolem, porro nullum errori latibulum pateret: praemiorum vero, quae virtutem consequerentur, notitia nondum adeo absoluta requirebatur, quin de horum singulis generibus aliquid dubitationis adhuc qui-

(4) Matth. V. Luc VI.

dem relinqui posset. Unde prudenter atque indulgenter in illo sermonis exordio Servator hanc remunerationem iis notionibus proponere satis habuit, quae Iudaeis familiares essent; quibusque si forte recens auditis populus aliquem sensum tacito adiungeret eiusmodi, qui postea corrigi deberet, nunc certe istas opiniones coelestis doctor impugnare subito cunctas noluit; notionibus, inquam, terrae hereditario iure possidendae, egenorum saturandorum, Deum vivendi, filiorum Dei dignitatis, coelestis imperii et mercedis; quas ab occupatâ Palaestinâ, a festis et sacrificialibus epulis, augustâ ac visibili quâdam Numinis in adyto ac templo praesentiâ, Iudaeorum prae ceteris gentibus peculiari cum Deo commercio, splendidis et vatum ore cantatis imperii Messiani honoribus et gaudiis, omnino ab antiquâ Hebraeorum re publicâ et sacrâ repetitas imagines, auditorum non pauci, vulgari quodam sensu tum semper, etiam hoc loco, accipi debere, tum vel maxime ad futuram pietatis gloriam pertinere, putaverint. Quod igitur multi aderant, qui puriorum ac coelestium rerum, quas inprimis ostendere volebat, notionibus alienas quasdam et corporeas imagines cupidius admiscere consuevisent; Servator illud hic minime egit, ut leviores ex hoc genere singulos errores continuo exagitaret, sed potius ut populares dictiones hasce adhiberet; quae cum in hoc dicendi principio maxime gratæ populo acciderent, tum postea, si rectius intelligerentur, nequaquam inanes aut noxiae forent. Poterat sane Servator illam felicitatem aliis, quam Iudaicis, notionibus declarare: Iudaicas tamen et hic et alibi praeoptavit, praesertim quod auditorum quicumque primum eas adhuc nimium consueto more acciperent, ubi postea sensim meliora edocerentur, iidem abunde intellecturi essent, ex nativâ ac propriâ harum dictionum gratiâ, vi, amplitudine, nil quidquam remissum iri: neque resum leves coniecturas fecisse, aut vulgari more aliquid promississe, imaginumve copiâ et granditate tenuitatem rerum auxisse, sed verissima oracula edidisse. Neque enim hoc oraculo Servator alia, vel plura, promittit, quam postea praestitit, vel etiam nunc praestabit, terrestria ac coelestia cuiuscumque generis bona et gaudia; sed partim alia, quam ex Iudaeis multi sibi fingebant, partim seriori demum seculorum ordine plenissime exhibenda et cumulanda. Eodem pertinet, quamquam a pluribus exemplis, ne audientiâ vestrâ abutar, AA. HH., abstinere, sed eodem pertinet, quod alibi Servator eandem sententiam, dum aliae sane multae, quibus eam exponeret, dictiones suppetebant, non falsâ quidem illâ, sed lu-

daicâ tamen, epularum cum Patriarchis celebrandarum imagine commendavit. Similiter principem immortalitatis sedem Apostolus descripsit novam urbem Hierosolymarum. Et quod in loco de praemiis poenisque, idem in aliis *IESU* Apostolorumque doctrinae locis obtinet, doctores illi non ut opiniones populares continuo singulas acerbè infectarentur, sed multo magis quodcunque probabile inesset, ex iis elicerent, et quod in iis verum rectumque, illud diligenter commendarent, atque inculcarent, ubicunque honeste fieri posset civium opinionibus gratificantes. — Neque tamen iidem doctores, et ipsi Iudaei, et tantâ erga Iudaeos indulgentiâ utentes, aut alieno fuerunt ab exteris animo, aut horum opiniones continuo omnes moresque avitos contumeliose riserunt, Cuiusmodi tolerantiam cum verae religionis studio prudenter coniunctam *IESUS* erga Samaritanos (5) non semel ostendit, *PAULUS* diserte professus est et commendavit (6). Eundemque animi habitum tantis laudibus extulerunt, ut aliis, etiam in ipso religionis negotio dissentientibus, a germanis *IESU CHRISTI* alumnis nil quidquam huius rei causâ timendum sit vel invidiae vel asperitatis.

Porro nulli aetati, conditioni, regioni, imperio, molestam accidere religionem suam voluerunt. Quare sic minime existimandum est, *IESUM* iis, quae de rebus vitae quotidianae praeceperit, veluti de iureiurando et divortio, vel quidquam impedimenti legibus civilibus ferendis obicere voluisse; quum hoc tantummodo egerit, ut caveret, ne harum legum prudentiâ sui cultores temere abuterentur. Et quum ab omni aevo nulla fere existerit cultûs divini forma, quin per eam homines obstringerentur necessitate multarum initiationum, precationum, votorum, ieiuniorum, sacrificiorum, lustrationum, peregrinationum, et quae sunt id genus alia; *IESUS* et Apostoli totam hanc molestiarum catervam a religione suâ procul arcuerunt; ut nihil cuiquam obeset, quominus omnibus muneris sui partibus strenue ac perpetuo fungeretur. Contra, unum tantummodo *IESUS* diserto mandato instituit par cerimoniarum, quarum exsequendarum tanta est simplicitas, ut, licet vera ratio utriusque postea multis impedita sit hominum commentis, ex illâ tamen, quam in sacris

(5) Luc. IX. 55. X. 33. Io. IV. (6) Rom. I. 14. 1 Cor. VII. 12, 13, 18, 19. VIII. 8. IX. 21, 22. X. 27, 32 33. Gal. II. 14. 1 Tim. III. 7. Tit. III. 2.

libris videmus, earum institutione hanc dotem vel maxime elucere, nemo unus diffiteatur. Aliarum cultûs externi partium numerum et modum nec ipse definivit, et, pro cuiusque ratione aetatis ac loci, posteris definiendum Apostoli humanissime reliquerunt. Denique in totâ vitâ vel publicâ vel privatâ nullum est vel humanitatis officium, vel urbanitatis, cuius observatione, modo ne veri et honesti regula pervertatur, suos cultores abstinere iubeat religio Christiana. Ipse *ixtus* minime probabat austerum vitae genus hominum, quales omni aevo fuerunt, neque tunc inter Iudaeos deerant, qui, spreto commercio et convictu aliorum, unam omnium sanctissimam opinantur esse vitam solitariam. Quemadmodum vero ipse normam decori constanter servabat, tanti magistri exemplum sequi discipulos oportet. Ne hoc quidem vetamur, omnibus vitae socialis commodis ac deliciis perfrui, aut ingenuâ uti corporis animique recreatione. Quare quod olim fuerunt, neque nunc prorsus defecerunt, qui toto vivendi genere, saepe etiam ipso vultu et habitu externo ad figorem et severitatem contracto, nescio quid casti et sancti simulantes, communia hominum bene natorum aspernentur et fastidiant oblectamenta; tantum abest, ut innocuae voluptates religionis Christianae impediuntur praeceptis, ut haec sui cultores potius unâ candidi pectoris notâ dignosci postulet, nullâ pietatis specie affectatâ in publicum velit prodire, multo minus haec abuti ad plebis gratiam captandam: a quâ quidem vulgaris gloriolae vanitate vel maxime alienum esse oportet prudentem atque ingenuum quemque religionis et cultorem et doctorem. Ut verbo dicam, quemadmodum hac religione totius generis humani commodis consultum iri voluerunt eiusdem Auctores, ita hac tolerantia opinionum actionumque in vitâ multarum, observantiam praeceptorum suorum effecit longe gratissimam.

Nonnulla dicenda restant de praecipuâ vi momentorum ad usum perpetuum summi boni, id est virtutis et felicitatis, efficacium: quam item in religione partem esse dixi popularitatis. Etenim, Auditores, cum hic ipse finis est proprius religionis, tum populus neque tali rerum externarum conditione gaudet, ut ab eo postulare omnino liceat curam praecipuam rei parum fructuosae, neque is tantam veri contemplandi habet aut cupiditatem, aut facultatem

tem, ut ad unum scientiae bonum convertere illum expediat; nec vero populi ea mens est, ut sibi consilium certo gravique eventu destitutum facile probari patiatur. Itaque in populari religione illam effectuum *salubritatem* iure postulamus. Hic vero, Audd., CHRISTI religio quantum nobis aperit dicendi campum! quam largam illa praebet amplissimae laudis materiam! Testor ipsam praeclaram eius indolem, testor illam omnis aevi experientiam. Nam cum virtutem et felicitatem arctissimo copulat vinculo, tum utriusque notionem habet eam, quâ purior ampliorve informari nulla potest. Siquidem religio Christiana virtutem patere iubet per omne vitae munus, summam et constantem a cunctis in eâ colendâ diligentiam postulans; cogitatis etiam actionibusque ab hominum conspectu remotis eandem regulam praescribit, semper et ubique severum iudicium exercens; in intimos penetrat animorum recessus, ipsam voluntatis propensionem affectuumque moderationem ad sanctitatis normam exigens. Porro veram virtutem e purissimo quasi fonte derivat, veneratione Dei, et caritate hominum; eamque egregie alit excitando sensu grati erga Deum, benevoli non tantum erga cives, sed fraterni adeo omnes erga homines, animi, quibus quamvis saepe multumque peccantibus tamen per IESUM CHRISTUM, eundem et unicum Dei Filium, et nostrae naturae socium, unus idemque favor ac venia contingat a communi omnium Patre coelesti. Itaque CHRISTI religio perfectae proponit imaginem virtutis; cuius qui similitudinem vitâ suâ vel aliquam expresferit, nae ille iam ipsâ huius boni tam beatus est conscientiâ, ut parum desideret ad animi tranquillitatem perennem. Nec vero illa supra hominum plerorumque, quidni dicam omnium? captum ita se extollit, ut gratam praemiorum spem, iustamve sollicitudinem metumque poenarum contemnat, imo hoc agit ut passim utramque prudenter adhibeat. Estque virtutis haec via nec illa mortalibus nimis ardua, quâ summum bonum se assecuturos desperent; nec vero tam plana, ut assecuti illud, verendum sit, ne ipsi virium suarum divinam aliquam stolide iacent aut praestantiam aut constantiam. A verâ autem religionis suae professione, teste ipso IESU, abesse nequeunt talis studia perpetua sanctitatis. Ut nemo unquam, quamvis maximâ rerum divinarum intelligentiâ praeditus, illâ neglectâ, Dei favore fruatur.

Videtis, Audd., eximiam esse huius virtutis indolem. Fatentur omnes, sponte ex illâ nasci cum internam eamque purissimam animi voluptatem, tum,

fi a cunctis colatur, rerum quoque externarum laetissimum florem, totiusque adeo civitatis prosperitatem. Verum supersunt alia in religione *I E S U*, eaque haud leviora, momenta felicitatis. Nam quamvis uberem illa fontem aperiat salutis cum publicae, tum privatae, et praesentis, et futurae; minime tamen defecit illa seges malorum, quibus demum adhibito remedio ac solatio suum religio munus implevisse videatur. Quis enim ignorat illas in genere humano difficultates, damna, iniurias, pericula, quin graviorum etiam pondus miserationum, quo improbi ipsam paene virtutem obruunt. Quam frequentes incidunt corporis morbi, et cruciatûs, desideria mortesque hominum carissimorum: ne quid dicam de tot aliis rebus externis, non tam ab aliquâ hominum culpâ, quam ab ipsâ rerum naturâ repetendis. His igitur malis *CHRISTI* religio minime solam opponit virtutis conscientiam, quâ sapiens omnem prae fracto neget vim rerum externarum, sed alia adiungit doloris remedia, cum saluber- rima, tum ad populi sensum et facultatem egregie aocommodata. *Quum enim* animus noster sit fragili et sensili corpori obnoxius, quis tandem adversam fortunam non sentiat esse malum? Et subinde in optimis adeo hominibus illa religionis negligentia inest, cuius ex conscientia postea acerrimum suscipiant animi dolorem. Itaque religio Christiana quamvis et ipsa virtutis ad beate vi- vendum praecipuam vim saepe extollat magnificentius, hanc magis tamen etiam corroborat sensu ac persuasione providentiae et clementiae divinae. Deum igitur continuis precibus adeundum iubet, quibus ipsis integre pieque fufis maxima conciliatur turbatae menti tranquillitas: siquidem in rebus asperis ad sedandos et pacandos animi tumultûs nil magis prodest, quam certa persuasio de summâ potentiâ, bonitate, ac sapientiâ divini Numinis, cuius providentia res omnes perpetuo moderetur ad gloriosum sibi, et optabilem faustumque probis viris exitum. Quam iuvat in crebris illis hominum dilectissimorum fu- neribus, et omnino rerum humanarum vicissitudinibus, illa auctore *I E S U* fir- missima spes vitae beatae atque immortalis, quâ quidem religio Christiana ae- gris mortalibus uberrimus optimi fons existit solatii! Porro in animis, sce- lerum conscientia et angore correptis, Dei, tamquam laesi, et irati, metus inesse solet, ut illum fugiant, quippe sui vindicem nullo fere piaculo placan- dum. At *CHRISTI* religione id consecuti sunt, ut Deo, dummodo mentem su- am declaranti fidem habere, et sanctitatem iubenti obedire porro studeant, secure sese tanquam Patri committant benignissimo, a quo per *I E S U M*

CHRISTUM quorumcunque veniam peccatorum; et optima quaeque beneficia confidenter expectent.

Ecquid igitur hominibus vere Christianis deest momenti sive ad virtutem; sive ad felicitatem? Profecto vitiis non assidue et lubenter indulgebunt illi, qui, cognita divina misericordia, **CHRISTI** doctrinam pie atque integre profitentur, et mutuo erga Deum et **IESUM** amore ad huius iussa animum vitamque componere student. Non vitam degent aerumnosam, qui servatis **CHRISTI** praeceptis, caeterum Deo se committunt, huiusque Providentiam venerantur boni malique aequissimam dispensatricem. Non mortem denique reformidabunt, quicumque Dei illam per **CHRISTUM** illustratam misericordiam freti futuram prospectant immortalitatem. Haec sunt illa momenta, quae omni aeo omnis ordinis hominibus fidem fecerunt, **CHRISTI** religionem ad veram pertinere virtutem et felicitatem. Quam fide confirmati plurimi semper existerunt, qui et viverent sanctissime, et mala tolerarent fortissime, et mortem obirent placidissime.

Ex ipsa igitur huius religionis indole, atque experientiae testimonio constat, illam esse et doctrinae argumento simplicem, et praeceptorum observantiam gratam, et effectibus salutarem: ut iure concludere videamur summam esse ipsius religionis Christianae popularitatem. Tam praeclaram vero indolem, ac salutares effectus, ita maxime semper et ipsa habuit ac patefecit, et populus agnovit, prouti maxime sinceram illam, et subtilitatibus vacuam populo proposuerunt doctores, populusque maxime illam sacro volumine consignatam **IESU** et Apostolorum institutionem ipse assiduam lectione cognoscere studuit. Sit philosophorum vel aulicorum quorundam, vel aliorum suae seu perspicientiae, seu potentiae atque opulentiae opinione inflatorum, iste tumor et inscientia, ut nihil appetant, nisi subtile, inane, ab honestate alienum, veri commodi expers, fastuosum; sit abiectae et infimae plebis ista barbaries, ut nil supra bruta animalia aut cupiat aut capiat; non populi tam caeca mens est; quin religionem ab honestate et salubritate commendatam, quoad eius in hac naturae humanae imbecillitate fieri potest, et suscipere velit, et servare studeat. Verum, quod diximus, recta ac simplex eius notitia cum populo com-

municanda est: quemadmodum ipse *IESUS* illam religionis suae divinitatem ad populi sensum accommodavit suavisimo quasi temperamento humanitatis. Igitur nunc quoque a doctoribus, quamvis ad scholae legem eruditus, tamen in instituendo populo eadem servanda est universalium notionum perspicuitas ac simplicitas. Quidquid est subtilioris scientiae, interiorisve doctrinae, quidquid dubitationem habet in definiendo modo rerum divinarum, quidquid in fidei summâ declarandâ ultra procedit, quam ab ipso *IESU* et Apostolis constitutum est, illud omne profecto scholae et Theologiae relinquendum, arcendum a populo, huic certe non promiscue ostentandum, aut temere obtrudendum est. Iudaicae dictiones et imagines, quae in Christianam disciplinam transierunt, saepius modo in alias nobis usitatiores convertendae, modo discrete exponendae sunt: et, quoniam perpetuae orationis tenor, tali conversione vel expositione, ubique interrumpi nequit, Ecclesiae cives a neglectu sunt avocandi eiusmodi popularium librorum, in quibus vera ratio illarum imaginum apte declaratur; ne forte ipsius Sacri Codicis lectio, vel Oratorum Sacrorum, qui dictionem suam subinde ipsis Auctorum Divinorum verbis aut sententiis decenter graviterque ornant, et corroborant, conciones illorum auribus prorsus infusetae accidant. Porro mores Christianae religionis doctorem item ad Divini Magistri exemplum praecipere oportet, sanctos quidem illos ac severos, neque tamen desertae atque austerae vitae proprios, sed sociali et humanae communes. Denique semper et ubique popularis institutio referri debet ad augendam virtutem et felicitatem. Quod maxime fiet frequenter collaudandis illis primariis doctrinae partibus de sanctitate vitae, providentiâ, immortalitate, summâ Dei per *CHRISTUM* benignitate: ut appareat unicuique, quanta sit huius religionis vis et efficacia in cohortandis improbis consolandisque afflictis. Quâ quidem viâ si in posterum quoque a religionis Christianae doctoribus incedatur, ipsiusque sacri Codicis seria lectio a populo frequentetur, sperandum est fore, ut per illam religionem salus cum publica tum privata et praesens et futura magis magisque deinceps promoveatur.

Quod si hanc causam vobis, Human. Audd., haud prorsus improbabiler egisse visus ero, multum sane animus mihi confirmabitur ad novum munus por-


ro alacriter gerendam. Sentio enim, quam grave argumento rerum, quam copiâ earum et varietate sit amplum, disciplinae recens mandatae munus. Sentio, arduum eo magis esse negotium Franequeranam tueri Theologiae Cathedralis, quod dudum celeberrimi toto erudito orbe viri eam vel maxime ornarunt: quorum in hanc Academiam olim et Ecclesiam magna merita attendentem metus me tenet, ne quidvis aliud suscipere potius, quam a talibus tantisque viris celebratam cathedram ego conscendere debuisssem. In illorum numero etiam ille carissimus meus Praeceptor IO. VOONSTIUS hic illam scholae suae celebritatem fundavit, quae deesse non potuit Doctori nullas non amplissimae disciplinae Theologicae partes, et singulas et universas, diligenti et accuratâ plurimorum discipulorum institutione complexo; ex quâ viri celeberrimi institutione ad hanc ipsam cathedram quoque pervenerunt illius succesores, et REGENBOGIUS et HENGELIUS. Tantos igitur decesores quod ego succesor iam excipio, animum sane desponderem, nisi idem ille Praeceptor, ut demandatam alacriter susciperem hanc provinciam, amicis me monitis confirmasset, ac nisi vestrâ in benivolentiâ, Auditores, praesidium quoddam mihi paratum esse sperarem.

In Vestrâ praesertim id mihi paratum esse velim, Perillustres Maecenates! in Tuâ, Generosissime Frisiae Gubernator, qui eximiâ favoris testificatione hoc Athenaeum prosequi soles, pariter atque in Vestrâ Viri Nobilissimi, Frisii Athenaei Curatores. Quodsi Regium de Artium Literarumque Disciplinâ Publicâ Decretum eius curam mandari iubet doctrinae studio et patrocinio non minus quam natalium excellentiâ illustribus Viris, non poterat melius Decretum illud in hoc Athenaeo servari, quam eius curâ Vobis mandandâ, quorum doctrinae et peritiam et amorem dubito utrum magis praedicare debeam, an celebritatem nominum suspiciam generisque splendorem. Vobis igitur, Viri Amplissimi, qui tam eximias et naturae et fortunae dotes unice in huius Athenaei commodum et incrementum convertitis, ut tam praeclari consilii rationes semper ex voto cedant, cupio et opto, itidemque, ut me meamque disciplinam favore Vestro prosequamini, memet etiam atque etiam commendo.

Quarumvis disciplinarum Profesores, Viri Clarissimi. In Vestrum Collegium adscito credite nihil mihi gratius fore, quam si mihi familiaritate et amicitia quoque Vestrâ uti liceat. Ad commune honestissimarum artium studium arctius etiam inter nos accedit vinculum earum disciplinae in eâdem Scholâ

coniunctam tuendae. In amicissimorum, quibus valedicere debui, Collegarum consortio haud exiguum vitae suavitatem percepi, ad rerum utilissimarum scientiam per eos profeci, eximia benivolentiae documenta ab iis accepi. Hic quoque ut novi Collegae amicis me monitis instruant, perquam opto et rogo. Et Tuam, tum ingenii studiique vigore, tum institutionis assiduitate, senex iuventutem referens WASSENBERGHI, et vero Vestram omnium, Viri Clarissimi, me par est et invat expetere consilii prudentiam ac benivolentiam; quo magis cum publice huic Athenaeo rite inserviamus, tum privatim, literarum studio et sapientiae usu coniunctam vitam placide et amice degamus.

Vos denique compello, Praestantissimi Iuvenes, huius Athenaei Alumni, a quorum in literis industriâ et progressibus eo plura exspectare licet, quod in recentibus literatorum iuvenum nostratium certaminibus publicis saepius palma victores iam decoravit iuvenes Franequeranos. Vestram omnium magni faciam, vestram peto erga me benivolentiam: nemini vestrum, si prodesse docendo monendoque potero, operam petenti denegabo. Vobis autem inprimis, qui, ingeniis optimarum artium studio bene praeparatis, ad sanctissima Ecclesiae munera deinceps adspirabitis, huiusque propositi exsequendi fundamenta in hoc Athenaeo iam ponitis, monitorem ac ducem viae me offero. Quod si tanta censeretur religionis Christianae, quantam vidimus, praestantia, digna profecto est, cui omnem vitam consecretis. Licet autem universum eius argumentum, prouti dixi, facilem habeat et populo accommodatam cognitionem, sunt tamen in eius interiori ratione percipiendâ, reprehensionibusque aestimandis, atque ubi opus est refellendis, multi loci intelligentiae minus expeditae, neque tamen non magni cum ad liberalem doctrinam et eruditionem, tum ad universae religionis fidem et vindicias, momenti. Vobis igitur quia tamquam religionis doctoribus cura mandabitur eius tuendae ac vindicandae, absit, ut viribus parcatis, quominus Theologiae quoque hoc nomine dignae vos debitam operam navetis. Duplici eius tractandae instrumento utendum erit, Philosophiâ et Philologiâ. Utriusque acquirendi opportunitatem hoc Athenaeum Frisiacae inventuti praebet. Moneamne vero, ut tali acuendi ornandique ingenii opportunitate, hac literarum humaniorum graviorumque disciplinarum institutione, strenue utamini? Imo monere nil attinet, qui sponte velitis. Ergo nunc nil superest, quam ut Vobis tam cupidum discendi animum gratuler, meoque sermoni finem imponam.



3 2044 081 578 643